


~~XXII. B. 14.~~

~~VI. B. 8~~

~~IV. B. 39~~

G. c. 107





HIERONYMI FRACASTORII
VERONENSIS.

DE SYMPATHIA ET ANTIPATHIA RERVM

LIBER VNVS

DE CONTAGIONE ET CONTAGIOSIS

MORBIS ET CVRATIONE

LIBRI III



VENETIIS. M D XLV I.

DE SYMPATHIA ET ANTIPATHIA RERVM.

- D**E sympathia et antipathia mul-
torum. Cap. 1. car. 1.
De primo rerum omnium consen-
su. Cap. 2. c. 1.
De sympathijs elementorum ad lo-
ca propria. Cap. 3. c. 2.
De consensu partium in suo toto.
Cap. 4. car. 3.
De attractione similium. Ca. 5. c. 3.
De consensu & dissensu elemētorū
circa qualitates contrarias. C. 6. c. 6.
De sympathijs et antipathijs mistorū
& attractione similium. C. 7. c. 7.
De æcheneide quo modo firmare
nauigiū possit. Cap. 8. car. 8.
De antipathia contrariorū & quo-
modo se mutuo pellant. Cap. 9. c. 9.
Cur & calx & pannus et alia sic
ea aquam promptissime admittant.
Cap. 10. c. 9.
De analogia rerum in agendo. Ca.
11. c. 11.
De animæ sympathijs et antipathijs
Cap. 12. car. 13.
De sympathijs anime cognitricis.
Cap. 13. car. 14.
De sensuum sympathia & antipa-
thia. Cap. 14. car. 15.
De primis effectibus, qui fiunt ex
consensu et dissensu sensuum. Ca.
15. c. 17.
De consensibus & dissensibus phan-
tasticis. Cap. 16. c. 19.
De gaudio et appetitu. C. 17. c. 20.
De tristitia & odio. Cap. 18. c. 21.
De timore. Cap. 19. car. 22.
De admiratione & ecstasi et risu.
Cap. 20. car. 23.
De ira. Cap. 21. c. 24.
De uerecundia. Cap. 22. c. 24.
De alijs quibusdā consensibus phan-
tasticis. Cap. 23. c. 26.
De quibusdā dubijs a Rhamnu-
sio scriptis. Cap. ultimū. car. 26.
De contagione Liber. 1.
Quid sit contagio. Cap. 1. car. 28.
De cōtagionū differētia. C. 2. c. 29.
De contagione quæ solo contactu
afficit. Cap. 3. c. 29.
De contagione quæ sumite afficit.
Cap. 4. c. 30.
De cōtag. q̄ ad distās fit. C. 5. c. 30.
Quod causa contagionis quæ ad di-
stans fit, non sit reducenda ad oc-
cultas proprietates. Cap. 6. c. 31.
Quomodo seminaria cōtagionis ad
distās ferantur et ī orbē. C. 7. c. 32.
De analogia cōtagionū. C. 8. c. 34.
Vtrum cūctis contagio putrefactio
quædam sit. Cap. 9. c. 34.
Cur morborum alij contagiosi sint,
alij non, et cur contagiosi lenes.
Cap. 10. c. 35.
In quo contagio conueniat cū uene-
nis et ī quo differat. Ca. 11. c. 35.
De alijs quibusdā differentijs con-
tagionum. Cap. 12. car. 36.
De singulis cōtagionū. Ca. 13. c. 37.
Liber Secundus.
De febribus contagiosis. C. 1. c. 39.

TABVLA

De febribus quæ uariolæ & morbilli dicuntur. Cap. 2. car. 39	morbis contagiosis. Cap. 1. c. 57
De febribus pestilentibus. Cap. 3. car. 40.	De intentione quæ habetur ad principia contagionis. Cap. 2. c. 58
De differentiis pestilentum febrium, & causis. Cap. 4. c. 42	De intentione quæ habetur ad materiam quæ iam infici cœpit, et ad eam quæ iam corrupta est. Cap. 3. car. 59.
De febre pestilenti in Britannia. Cap. 5. car. 43.	De curatione febrium uariolarum. Cap. 4. car. 60.
De febre quam lenticulas uel puncticulas uocant. Cap. 6. c. 43	De curatione febrium pestilentum communi. Cap. 5. car. 61
De causis. Cap. 7. car. 44	De curatione febrium quæ lenticulæ seu puncticula dicuntur. Cap. 6. car. 63.
De uere pestiferis febribus. Cap. 8. car. 45.	De curatione uere pestilentum febrium. Cap. 7. car. 66
De phthisi contagiosa. Cap. 9. c. 46	De curatione phthisis quatenus contagiosa est. Cap. 8. c. 68
De rabie. Cap. 10. car. 47	De curatione rabidorum. Cap. 9. car. 69.
De syphilide seu Gallico morbo. Cap. 11. c. 49.	De curatione syphilidis seu Gallici morbi. Cap. 10. car. 70
De causis. Cap. 12. c. 50	De curatione Elephantie. Cap. 11. car. 76.
De Elephantia. Cap. 13. car. 52	
De lepra proprie dicta. Cap. 14. car. 54	
De distinctione infectionum cutanearum. Cap. 15. c. 55	
Liber. III. de curatione.	
Quod peculiaris curatio debeatur	Finis.

ALEXANDRO FARNESIO
CARDINALI AMPLISSIMO

HIERONYMVS FRACASTORIVS
VERONENSIS S.



O M O hominī natus quum sit facerrime Prin-
ceps, illud saepe dubitatum fuisse uideo, utro be-
neficio prodesse magis queamus, eo ne quod per
otium comparatur contemplando & scribendo,
an eo quod per negotia agendo, atque egregia multa nauan-
do. nam plurimi quidem non solum propinquis & amicis,
sed etiam Rebus pub. & multis saepe nationibus magnope-
re agendo profuere, plurimi uero scribendo. Inter quos il-
lud interesse uidetur mihi, quod qui per negotia profunt, pre-
sentem magis, & magis perspicuam utilitatē praestant opes
patrocinia, honores, libertates, et alia eius generis multa. qui
uero per otium, si non adeo praesentem utilitatem at cer-
te communem magis, & magis perpetuam ac iniurias tem-
poris et fortunae superaturam afferūt. quo pacto disciplinae,
leges, historiae, artes inuenta, auctae, ac per manus traditae in
aetates omnes, in nationes omnes peruenire potuere. utroque
autem modo prodesse posse, paucissimis quidē, quos Deus
praecipue amauit, semper concessum fuit. quod otium & ne-
gotia inter se non parum aduersari solent. qua de causa Re-
ges et Principes uiri, quod actionibus detenti, distractique mi-
nus otio inseruire possunt, per alterum magis (hoc est per
actiones prodesse ipsi quidem consueuere) per alterum au-
tē minus, hoc est per ea, quae ab otio proficiuntur beneficia:
uerum enim uero quicumque uere Reges & Principes sunt, cu-
rant profecto & prouident, ut quod ipsi per se non possunt,
per alios nihilominus praestent, ne quum altero in genere
eccellant, in altero humano generi deesse uideantur, cuius
beneficio nati, constituti que a Deo sunt. qua in re non minus
laudandi

laudandi commendandiq; sunt quàm in eo, quod perse ipsi
possunt & conferunt. & si enim magna est ea uirtus, quæ per
se facit, non minor tamen & illa est, quæ alium mouet, & per
ipsum usui est. quando neq; Deus optimus atq; omnipotens
perse semper & statim prodesse uult, sed aliorum opera &
ministerio ad eam rem uti consueuerit. ex quo quidem fit ut
Reges non paruam ingeniorum rationem et curâ habeant,
ea alant, & foueant, & quodammodo ut pariant, causæ sint.
quare & illud recte homines instituisse uidentur mihi, ut
quemadmodum, qui naturæ sunt partus Dijs optimis con-
secrantur, ita ij, qui sunt ingenij, Regibus & Principibus ui-
ris dedicarentur. flores quippe & fructus, & primitias fru-
gum atq; animalium templis & aris offerri uidemus. poema-
ta uero historias, & reliqua disciplinarum inuenta, ijs qui po-
testatibus præstant. quin ipsos quoq; ut pote modis omni-
bus de humano genere benemeritos, & Dijs optimis bene-
factoribus similes dicere solemus, & Deorum nomine salu-
tare, & in Deorum cætum et numerum uita functos referre.
uerum qui tales spectentur, paucissimi quidem omnibus se-
culis semper fuere. quando multos ipsa illa potestas, qua in-
signes sunt, non in aliena commoda, sed in propria trahere
consueuit. quapropter & maior est eorum paucorum glo-
ria, quos uera uirtus eo efferre potuit, ut Deos optimos imi-
tarentur. quos inter (ut ad te ueniam præstantissime iuue-
nis) tu quidem raro, nescio quo uirtutum igne splendere, atq;
ea præcipue teneri pietate uideris, quæ & per sese, & per alios
prodesse studet, et uult. nam ut priuata taceâ beneficia, quæ
innumera in dies confers, tot quidem publica ac tanta obis
non pro patria solum Roma, non pro Italia solum, sed pro
tota Europa, pro uniuerso Christiano nomine, ut non solū
te admiremur omnes, ac suspiciamus, sed in tanto christia-
narum rerum discrimine a Deo maximo electum existime-
mus. cū quo sanctissimus Auus tuus Paulus. iij. Pont. Max.
curas omnes, actionesq; partiretur, iam tum te ab adolescen-
tia eum auspicatus futurum, in quo onus tādē recumberet

tantæ molis. qua in re & illud quoq; magnopere admiran-
dum est, quod moles ea quum tam grauis, tam uaria sit, tu
tamen litterarum haud immemor non minori cura atque
opera studes, ut & hac quoque in parte nec tibi, nec alijs de-
sis. nam quum magna quadam atq; excellenti natura æque
& ad actiones, & ad studia litterarum sis natus, facis profe-
cto, ut & de te multa aliquando speranda sint, & ut interea
quod tuper ætatem ac maxima necessariaq; negotia præ-
stare non potes, alij certe præstent, quos tu ita beneuolentia,
ita omni studio amplexaris, ita liberalitate patrocinio ac fa-
uore omni foues, atq; excitas, ut non minus tibi debeant lit-
terarum studia, q̃ christiana libertas. Cui quidem rei & ipse
testimonio esse possum, quem tu quū nec unquam uidisses,
nihil a te poscentem beneficijs tamen non paucis ea una de
causa sis persecutus, ac persequaris in dies, cui ego beneficen-
tiæ & uirtuti ita me addictum, ita deuinctū sensi, ut iam diu
nihil animo æque fixum habuerim, quàm tibi tuæq; isti, qua
teneris pietati, aliquid parerem, quod tuum tuiq; causa conse-
ctum dici posset, hoc, n. unum dabatur mihi, quo quàm gra-
tus esset animus erga te meus, possem ostendere. quam rem
tamen si serius q̃ uoluisssem negotijs uarijs impeditus, nunc
demum tamen confeci. non quidem ea in re quam magis de-
siderassem, quāq; existimasssem tibi gratiorem futuram, sed
ea tamē quam, quòd utilitatem non parua(m ut spero) alla-
tura sit, haud ingratam tibi futuram existimē. Igitur (quod
tuum dicas) pro eo ocio quod mihi concessum fuit, de conta-
gione & contagiosis morbis omnibus, & eorū curatione scri-
bere mihi uisum est. magna quidē materia & admirationis
non paruæ plena, cui & comentarium adieci non minus (ut
arbitror) desideratū de consensu & dissensu rerum, quā sym-
pathiam & antipathiam uocant. sine quo natura contagio-
num plane perquiri & monstrari posse, nō uidebat. utrunq;
autē negotium mihi eo libentius suscipiendum duxi, q̃ quum
hoc quidē scitu dignum sit, illud ad salutē mortalium non
parum conducere uideat, tum de utroq; q̃ paucissima quidē

a maioribus nostris, quæ extant, quæq; uiderimus nos, litteris mandata sunt. de sympathia quidem et antipathia rerum Galenus iam sese nonnulla scripsisse refert, uerum ea scripta aut interiere, aut etate nostra, quod nos sciamus, adhuc in lucem non peruenire. de contagione uero Hippocrates quidem circa populariter uagantes morbos nonnulla tetigisse uidetur. sed tamen qui obseruaret magis, quam naturas eorum traderet. Galenus uero post ipsum plura quidem monstrauit, sed & ipse etiam & sectator illius Paulus ægineta, & Aetius Amidenus, & alij ueteres non pauca, ut mihi uidetur, reliquere, quæ possent magnopere desiderari. Recentiores autem nihilo plus de contagione uidentur dixisse, quam quod ab occulta quadam proprietate proueniat. quæ autem in uniuersum natura contagionum sit, & quo principio afficiant, & quo pacto gignantur, et cur alia fomitem relinquant, alia ad distans sese etiam propagent, & morborum cur alij contagiosi sint, leniores, mitioresque existentes, alij minime contagiosi acerbiores, ardentioresque multo quum sint, et quo a uenenis contagio differat, et eiusmodi alia multa nulli dicere tentauere, satis quidem fecisse rati si horum omnium causas in occultas illas (ita ipsi uocant) proprietates reduxissent, quibus acquiescendum non modo sibi sunt arbitrati, sed & alijs præcepere. atque his contenti in quam plurimis philosophati sunt, quod certe philosopho hominem semper indignum existimaui. causarum. n. quum quædam uniuersalissimæ sint & remotissimæ a rebus, quædam uero propinquiores & particulares magis, a demum quædam propinquissimæ et propriæ, proprias quidem et, propinquissimas in reconditis et difficilibus attigisse, aut Dei certe est, aut diuini. uniuersalissimis uero stare, ignaui & rustici ingenij est, medias uero inquirere, & ad proprias niti (quantum homini datur) philosophi certe est. Admiraberis autem fortasse duas me hæc materias sumpsisse scribendas, quarum alteram maiores nostri penè intactam reliquerunt, alteram omnes fateantur ab homine sciri non posse. Verum enim uero, quod tum sympathiarum rerum, tum & natura

contagionum in difficili atq; arduo positæ sint, et nos quidem concedimus. quin & ineptum quoque aut arrogantem magis cum fore dicimus, qui propinquissimas & proprias earum causas præsumat inquirere. uerum tamen idem ille si medias peruestiget, multa illum inuenturum non diffido, quæ tum delectare, tum & magnopere prodesse possint. quod institutum & mihi ipse in hac nostra peruestigatione proposui. præteritam uero fuisse a maioribus nostris contagionum materiam, neminem mirari uelim, quando id accidat disciplinæ omnibus, ut nō omnia ab ijs qui eas condunt, absolui possint. quoniam uniuersalia magis & rerum principia prosequantur. ita in ea quæ de natura est philosophia innumera quidem partim intacta, partim nō plane discussa relicta sunt. nam neq; quomodo intellectio in nobis fiat hæc tenus traditum fuisse uideo, neq; earum qualitatum quas spirituales uocant, naturam satis demonstratam, & alia multa. quod et in re medica consimiliter quoq; contingit. in qua plurima adhuc super sunt, quæ posteris & nepotibus inquirenda patres nostri reliquerint, nos porro nepotibus nostris relinquemus. multa præterea intereunt eorum, quæ scripta iam fuere, multa uiuunt quidem, sed non apud omnes, ita se habet mortalium rerum condicio & uicissitudo. Necessaria autem nec ne sit contagionum inquisitio, quam nos in præsentia aggredimur, si Dijs annuerint, unusquisq; uidere poterit, qui ea legerit, quæ scribemus. Tu uero qualiacumq; hæc fuerint, quæ pro uetere instituto sacramus principi uiro, tibi autem quod tua iam sint, & tui gratia enata, libenti animo accipies, tum & autoritate, quæ tibi est tanta, proteges, ut nemo calumnijs insectari audeat, quæ tibi accepta fuerint et sub tuo auspicio emissæ.

HIERONYMI FRACASTORII VERONENSIS

DE SYMPATHIA ET ANTIPATHIA

LIBER I.

CAPVT PRIMVM.



PRIMVM autem de latenti rerum consensu & dissensu, quam Sympathiam & Antipathiam dicunt, agamus, quo nihil admirabilius est in tota natura, nihil scitu desideratum magis. Gallinaceus pullus uix natus equum Elephantemq; nihil reformidat, Miluum uel longe conspectum adeo expauescit, ut ad matrem statim confugiat. eadem agno & lupo et alijs multis inimicicia est. Marſi & Psilli serpentes illeſi tractant. Teſſalos & quasdam familias in Creta legimus laudando afficere fascino consueuisse, intiendo uero Infantes in tabem uertere. Fulmen aurum colliquat intacto loculo, tum uina absument uase nec quicq; leſo. Adamantem ferunt solo Hircino sanguine mollescere. mala medica inſperſo in eorū cumulum pane ſacceſcere. unisono in cythara tacto moueri & aliud unisonum uidemus, quod ne prope etiam ſit. concuſſo uero tympano e corio lupi conſecto, dicuntur ea diſſolui tympana, quæ ex agnino corio ſint conſtata. Hercules lapis ferrum ad ſeſe trahit, Adamas & Electrum pilos et ſurculos. quid uero æque mirandum eſt quàm ignotum illud antiquis miraculum nauigatorie pyxidis, cuius extremum perpendicularum temperati magnete ferri, in incredibili diſtancia ad eas ſemper partes ſeſe conuertat, quæ ad Polos ſpectant? quid q. Leo animalium omnium terror gallinaceo tamen gallo terretur præſertim cantum emittente? Taurum affirmant quamuis furentem alligatum ſicu ſtatim manſueſcere. Braſſica et ruta tanta inimicicia eſt ut iuxta ſeri non ſint. Cucumis autem ſuppoſito oleo recuruari uidetur. Aurum neq; oleum, neq; aquam imbibit, argentum uiuum ſtatim ac raptim quodammodo ebit. Oleum aquæ non admisceſtur, quam nec Adiantum admittit, q̄q; riuos & fontes amet. Calx uero & ſpongia et id genus, liquida omnia ita abſorbent, ut mirari liceat quā alioqui inter ipſa contrarietas non parua ſit.

Fracaſt. A

et illud quoque mirandum est, quod oscitante alio & nos pariter, nisi aduerterimus, oscitamus. et alio edente acerba quædam, salua alteri in os profilit. Catablepha animal hominem ad mille passus cōspectum interficit. in fetus signa quædam eorum transire uidetur, quæ matres auidissime appetiunt. Octimestris partus non uiuit, quum tamen septimestris uiuere conspiciatur. Porro supra omnem credulitatem uidetur esse Ecbeneis paruus pisciculus, Femoram appellamus, qui medio in mari nauem ui atque impetu uentorum actam sistat, ut alij ferunt, aut saltem, ut alij, tardet. et infinita alia id genus, quæ incredibills admirationis sunt plena. inter quæ & contagionum natura est.

De primo consensu rerum omnium.

Cap. 1.

Primus autem, communis rebus omnibus, et admirandus est ipsius uniuersi consensus. in quo quæ sunt corpora, ita omnia inuicem connexa ita hærentia esse uolunt, ut nulla potentia sit, quæ eorum extrema, quibus sese mutuo tangunt, seiungere prorsus possit, atque ita separare ut uacuum locus intercidat. Mira profecto res est, hac de causa grauius sursum trahi, leuius deorsum, contraria quæ sese pellere, atque etiam interimere soleant, nolle tamen seiungi, tantus est consensus ille rerum omnium in uniuerso. Cuius rei si quis forte finem requiratur, et cuius gratia fiat, non difficile certe erit assignare rationem, quam & omnes assignant, ne detur uacuum. quippe uacuum in natura esse non potest, quoniā nihil natura sustinet, nihil admittit quod frustra sit, quodque uniuersi ordinem & leges impediat: quæ quidem contingant, si uacuum sit ullus locus, in eo enim, nec quicquam fieri poterit, nec quicquam recipi. At uero si quis non solo fine contentus sit, sed & agens quoque requiratur, et quid nam illud sit, quod diuelli resistat, & quomodo, non erit fortasse ita promptum reddere rationem tanti nexus. quando uniuersi partes neque eum finem agnoscunt, neque per naturam appetere possunt, aut contrarijs iungi si contraria sint, aut sursum duci si grauius, aut deorsum si leuius. neque enim dicendum (ut quidam aiunt) uniuersi partes, tanetsi non eum cognoscunt finem, dirigi tamen a cognoscente. quando hic non uniuersalem & primam causam querimus, sed particularem & propriam: quale esse non potest eorum ullum, quæ immaterialia sunt. Sic enim periisset natura. neque rursus dicendum, ut alij, qui materiam in causa ponunt, quæ per se semper continua sit, sine forma autem omnino esse non possit, una

de accidat uniuersum semper esse continuum & plenum. materię enim neque actionem, neque resistantiam ullam iure possumus attribuerē. Rectius igitur fortasse illud dicetur, primum finem quem omnia per naturam habent, esse ut sint, ac conseruentur: conseruantur autem substantię & corpora principaliter ac maxime per mutuum uexum & contactum extremorum, sic enim euitant uacuum, quo nihil esse potest inimicum magis omni naturę. atq; hoc est quod alij locari dicunt, locus enim fit unum corpus alteri, unde & recte aiunt locum esse locati conseruatium: quod profecto maxime fit, quum a uacuo praeseruet. Non cognoscunt igitur eum finem substantię et corpora quę in uniuerso sunt, per naturam tamen reficiunt ne separentur omnino. Non enim necesse est, quę gratia alicuius agunt, finem etiam cognoscere: sed alia cognoscunt quidem, alia per naturam agunt. In hoc autem simplici corporum nexu & loco, nihil alteri contrarium est, nulla uersatur inclinatio sursum aut deorsum. q. si contraria sunt aliqua inter se corpora, si certam habent inclinationem, habent quidem non quatenus simpliciter corpora sunt, sed quatenus talia puta calida et frigida grauija & leuia, quare & quatenus talia uim aliquam pati possunt, simpliciter autem non quacumq; igitur intercidere uacuum posset, nexus & locus est necessarius substantijs omnibus: propter quod & omnia quę intra primum corpus sunt, locum habent secundū extrema omnia, quoniam secundū omnia extrema uacuum intercidere posset. Primum autem corpus, qm̄ p̄ supremam et extremā superficiem, uacuo nō est obnoxium, nec alterius conseruatione indiget, p̄ internam solum superficiem locatur.

De Sympathijs Elementorum ad loca propria. Cap. 3.

Igitur quum omnia corpora finem eum habeant ut conseruentur, prima quidem rerum omnium conseruatio est, simplex illa locatio & nexus, quo praeseruantur a uacuo ut dictum est. secunda autem quę priorem hanc praesupponit, est certa & determinata locatio & nexus, quem consensum habent in primis elementa cum locis proprijs: neq; enim quatenus talia sunt calida frigida grauija & leuia, ubiq; conuenientem locum habent, sed certas sedes exposcunt & certos quorundam corporum nexus. atq; igni quidem qui pro natura debetur locus, est totum illud quod interiacet inter cōcauum orbis luna, & connexam aeris superficiem, ubi conuenientissime collocatur, quoniam cum altero extremo illi orbi iungitur, a quo quā optime per lumen conseruatur, cum altero uero

LIBER

Aeri, cui per caliditatem respondet, respondere autem per utranq; qualitatem non datur, quoniam sic ignis iam Aer esset, quare per alteram se respondeat, sicut naturę datum est. Aeris uero situs inter ignem & aquam aptissimus est. Cum hac enim humiditate cum illo caliditate concordat, porro aquę sedes inter aerem & terram est, cum altero enim humiditate, cum altero frigiditate consentit. Terra uero circa centrum in aqua concavo locum habet, cui frigiditate respondet. In his igitur locis omnem habent elementa conseruationem, quam habere natura possint. nam & simplicem illum nexum & locum habent, quo pręseruantur a uacuo, tum uero & proprium, ubi propria eorum natura maxime bene habet. in reliquis autem locis priorem quidem & communem nacta sunt conseruationem, propriam autem non, propter quod prouidit natura illis, ut per media contraria uiam sibi aperiant ad propria loca. Habet autem dubitationem quandam, quod diximus loca propria elementorū esse nexum certorum corporum, quibus consentiant qualitatibus, quoniam quęrentibus elementis loca sua, indiuisibile quiddam uidetur esse, quod uocāt ubi, ad quod per se feruntur tum tota ipsa, tum eorum partes, ac centrū sui faciunt. cuius si gnū illud est, q; si loco aquę poneretur aer, terra nihilominus ad centrum ferretur, et si loco aeris poneretur aqua, ignis quidem moueretur ad locum, quo & nunc mouetur, quare accidere quodammodo Elementis uidetur moueri ad superficies aliorum. Dicendum duas elementa habere rationes, alteram quatenus una quędam natura est unumquodq; illorum, alteram quatenus partes sunt uniuersi & naturę totius, ac certe quatenus una quędam natura sunt, sic profecto certum ubi, certumq; locum habent unumquodq; illorum, ad quod per se feruntur. ac ignis quidem locus est linea media inter concauum orbis lunę & conuexam aeris superficiem, ad quam & ignis totus & pars eius quęlibet per se mouetur, & centrum faciunt. Aeris uero locus est linea media inter ignem & aquam. Aquę uero locus linea media inter aerem & terram, porro terrę locus est centrum. at quatenus partes totius naturę sunt elementa, & ueluti membra uniuersi, loca quidem eorum sunt ea quę dicta sunt: sicut enim in animalis partes inter se consensum & relationem non paruam habent, et in eo certos exposcunt situs, ita & in uniuerso quod perinde ac animal quoddam est, partes eius situs inuicem consentientes exposculant, alioquin uniuersum ipsum debite constitutum non erit. Non accidunt autem loca hæc elementorū ut partes sunt totius naturę, lineis illis medijs ad quas mouentur, ut naturę quędam per se, immo causę & fines illarū sunt. si enim quærat

querat quis, cur ignis ad lineam inter lunam et aerem mediam moueatur, respondere licet iccirco esse q. eo pacto recte collocantur elementa in uniuerso, & natura tota suos consensus habet, nec ignis ipse bene haberet nisi in ea linea factio totius centro, hinc quidem lunæ concavum, inde aeris conuexum tangeret. atq; itidem de alijs quoq; dicatur, neque alia quidem est in locis elementorū uis cōseruatrix, ut multi putāt, q̄ hec quē dicta est.

De consensu partium in toto. Cap. 4.

Est autem & alius in elementis consensus partium quatenus in toto sunt: Constat enim si ui rarefactæ illæ sint sese condensare, si condensatæ rarefacere: quousq; ueniant ad eum situm qui toti pro natura debetur. qui quidem consensus non minus prædictis est admirandus, tum q. mirum est, partiū alias descendere in eo toto, alias ascendere, alias in latus ferri, tum q. ex causa hac maximi quidem & plurimum admirandi effectus proueniunt. nam et soni primum per hunc modum audiuntur, tum & primæ animalium motiones contingunt, & proiecta in aere continuū motum habent, & quo nihil admirabilius uidit tempestas nostra, Tormenta quoq; illa, per quæ mœnia & urbes tanto impetu demolimur, per hoc principium dant eam stragem. soni quidem nisi addensetur aer, non sentiuntur. quoniam qualitates quæ sensus mouent, omnes quidem subiectum in quo per se sunt, densum amant, medium uero per quod feruntur earum species, non omnes densum uolunt, sed quædam rarum exposcunt, quædam densius. Lux igitur in subiecto raro non uidetur, in densiori uidetur, medium uero per quod species illius transit, rarum esse oportet. quædam uero tam subiectum in quo sunt, q̄ medium per quod deferuntur species densius poscunt, ut sonus. qui si aut subiectum aut medium rariius habeat, sensum non mouet. qualitas ergo illa quæ sonus dicitur, in materia densa per se est, ut in ligno & alijs, sicuti & lux, & odor & sapor, at species eius si mouere sensum debet, medium poscit continenter densum. dico autem densum nō per admistionem terræ, sed ui addensatum, quod in Aere accidit factio ista. Inde enim facta prius distractione et rarefactione tum subita fit addensatio partis post partem, more undarum, unde circulationes constantur. quod non aliud est q̄ successiua quædam aeris addensatio in orbem facta, per quam delata species a primo projecto sensum dimouere potest. Fit autem successiua illa addensatio in aere prioribus quidem partibus subito ac ui densatis, subito etiam sese rarefacientibus ac

alias successiue densantibus. qui motus est partium in toto per consensum factus. Proiecta quoque per eandem rarefactionem & condensationem portantur per aerem, partibus quidem, quæ ante sunt, uiam quodammodo apertis & propellentibus undationem, ijs uero, quæ circa et a tergo, successiue addensatis & rarefactis una post aliam, & proiectum uehementibus non aliter ac per undam, celeriter autem & impetu multo. quoniam nihil celerius est rarefactione, quæ partium in toto fit. a principio autem segnior est motus propter resistentiam totius aeris nondum positi in motu, mox factis circulationibus multis, & potente iam aere sese expandere, uelocitas longe maior augetur, donec summa fiat. ad quam quum peruentum est, lenitescit sensim deinde motus, aere qui ante est plurimum rarefacto, ac iam condensatione continenter magis & magis desinente, minorata obstentia. atque hoc pacto tandem laxatio & solutio circulationum fit: unde & uectiodemum cessat. In bellicis autem tormentis tantus impetus accidit igne multo repente genito e femite, qui ui conclusus rarefactionem sibi propriam querit. si igitur obsistens potentius ipsum sit, quam ignis, extinguere ignem accidit, aut etiam generari non posse. sin contra ignis post luctum multum potentior ipse sit, tum subita atque ea quidem ingenti rarefactione facta, aut uas rumpit, aut obiectam pilam impetu magno extrudit. quæ mox per aerem eodem modo portatur quo & sagittæ, & proiecta reliquæ: quæ omnia per consensum partium in toto fiunt. nihil autem contra naturam patiuntur partes, quum sese aut condensant, aut rarefaciunt, quamquam aliæ ascendant aliæ descendant. quoniam sursum aut deorsum inclinare non inest partibus, quatenus in toto sunt, aut mouentur, sed illi solum quod totius rationem habet, et perse est, atque extra moueri uult: sic enim aut sursum inclinat aut deorsum. De motione autem animalium quomodo & ipsa per hoc priuicipium fiat paulo post inquiremus.

De attractione & motu similium ad similia.

Cap. 5.

Videtur autem & alia quædam plurimum admiranda, quæ inter affinia & similia uersatur, sympathia. Constat enim unum ad aliud moueri, donec & in unum coeant, quod & in elementis & alijs manifestum est, in aerem quidem inter bullas illas quæ in aqua fiunt. Videmus enim unam ad aliam appellere, & eo uelocius, quo proximiores fiunt. Similiter autem & in igne sæpius est uidere partem flammam a maiori uelocissime trahi, in aqua autem & terra non

ita promptum est, propter eorum corporum incommoditatē. In mistis uero multis manifestissime cernitur ut Magnete Electro Adamante et alijs pluribus, præcipue autem in animalibus & plantis. De quibus omnibus nunc in uniuersum queremus, quomodo is motus fiat, mox de mistis nonnulla seorsum dicemus. Sunt ergo qui putent simile moueri ad simile propter ipsam similitudinem, quæ sese mutuo conseruant. nam quæ causa elementa mouentur ad loca propria, eadem & separata pars ad suam consimilem mouere uidetur. mouentur autem Elementa ad loca propria, ut locentur illie, unianturq; simili, a quo conseruantur, cur ergo & pars ad partem non moueatur ut illi uniatur ac conseruetur? quum maior multo & intrinseca magis sit earum similitudo, quàm elementi ad locum proprium. Sed certe hoc tametsi apparentiam quandam habeat, non tamen (ut arbitror) recte dicitur. pars enim separata, neque per cognitionem neque per naturam moueri ad consimilem potest, ac non cognoscere quidem manifestum est, per naturam autem non moueri. & signa sunt, & cause ac ratio quæ conuincant. Primum enim uidemus similia hæc moueri non in omni distantia posita, sed certam requirere, atque eam quidem ualde paruum in multis. oporteret autem in omni distantia moueri, si per naturam, & similitudinem agerentur: similia enim ubiq; similia sunt, & eandem naturam habent. quemadmodum Elementa ad sua se loca ferunt, ubicunq; posita sint. præterea & quanto maior est moles eius similis quod ad aliud mouetur, tanto difficilior duci constat, ac ne posse etiam moueri, si maior accreuerit quantitas, quod contra fieri accideret si per naturam sese ipsa mouerent. quanto enim maior est in ijs quantitas, tanto facilius fit motus, quod plus adsit eius nature & uirtutis quæ mouet. Indicant hæc non per naturam applicationem similiarum fieri: sed interciderere uim. quod & ratio quoq; commostrar. querimus. n. nunquid per præsentiam unius similis ut Magnetis, natura & forma alterius, ut ferri, mutetur ab eo quod perse est, an non. ac mutari quidem nō uidetur, nisi corrumpatur, non corrumpitur autem. si ergo eadem remanet, quæ prius non præsentem magnete, idem profecto faciet quod prius, & eandem inclinationem habebit, at prius inclinabat deorsum, ergo & nunc quoq; ad idē inclinabit. quare si sursum ducatur, contra ferri naturam fiet, & uimpatietur. quæ de causa non recte dicunt similia per naturam ad similia moueri. nec par est si elementa per naturam feruntur ad propria loca, ut & separata pars ad consimilem perse moueri debeat. quoniam separata pars iam facta est totum quoddam, quod perse propriam naturam habet sursum uel deorsum incli-

nantem, quæ donec manet semper illuc inclinatur. Alij dicunt alterari ferrum a magnetis specie, & ita alteratum per se moueri ad ipsam. Sed certe & hoc nihil est, & eadem quæstio redit. nam per speciem illam magnetis uel corrumpitur forma & natura ferri, uel remanet, si remanet & eadem est, cur non eandem habeat inclinationem?

Quid igitur defecit ne natura in hoc, ut si similia mutuo conseruantur, modum non dederit quo unum ad aliud moueri possit. Non defecit quidem natura, ac modum dedit quo simul coniungi possent. uerum non eum quo elementa mouentur ad loca propria, sed alium: qui quodammodo naturalis est, quodammodo uolentus, de quo iam sequitur ut dicamus. Quoniam igitur nulla actio fieri potest nisi per contactum (ut in naturalibus demonstratur) similia autem hæc non sese tangunt, nec per naturam mouentur unum ad aliud, necesse est si applicari inuicem debent, demitti aliquid ab uno ad aliud, quod proxime tangat, & eius applicationis principium sit. hoc autem aut corpus erit, aut forma aliqua simplex materialis uel spiritualis. Antiqui quidem ut Empedocles et Epicurus, quos et non Aristis Lucretius secutus est, efluxiones corporum, quas Athomos appellabant, principium eius attractionis ponebant. quæ quidem efluxiones ne negandæ quidem sunt (ut mox ostendemus) modus autem quem ipsi tradebant, sat rudis & ineptus erat. quem quoniam tum Alexander Aphrodisiastum & Galenus satis aperte reprobant, a nobis prætermittetur. Verumtamen receptis Athomorum efluxionibus nos modum alium tradere posse uidemur, quo attractio similium fiat. meminisse autem oportet eorum, quæ supra dicta sunt de consensu & motu partium in toto. supposito igitur, q. a rebus effluant insensibilia corpora, dicimus ab uno ad aliud similium reciproce transmitti ea corpuscula, e quibus totum quoddam sit atque unum, uerum difforme in partibus, neque enim quæ iuxta. a. sunt & iuxta. b. eam habent rationem situs & raritatis ac densitatis, quam habent quæ in medio sunt. quæ de causa partes in toto illo non debite se habent. Sicut igitur supra diximus in Elementis partes consensum habere maximum, & in toto moueri, quum debitum non habent situm & modo constringi modo laxari, ita & hic in ea athomorum nube se habere dicimus, ut partes in eo toto nunquam debite collocentur, & pro natura consistant, donec in unum non coeant: motis ergo particulis illis & subiecta simul in quibus sunt, moueri accedit, et simul coire. atq; hoc quidem modo si quis dixerit attractionem similium fieri, nullum (ut arbitror) astruet inconueniens, causam referens ad motum partium in toto. Cuius rei &
illud

illud esse signum potest, q. conficata quedam ut Succinum, & Adamas fortius surculos trahunt. q. si causa hæc in omnibus assignari in uniuersum posset, non alia profecto querenda a nobis (ut mihi uidetur) foret. Sed certe causa hæc non omnibus esse communis potest (ut mox dicemus). quæ propter aliud fortasse principium inquirendum uidetur q. athomoru, quod commune omnibus esse queat. atq. hoc quidem si non est corpus, quod ab uno ad aliud transmittatur, necessario erit forma simplex, et aut qualitas aut substantia. at certe qualitas nulla earum esse potest, quæ materiales uocantur, non caliditas non frigiditas, non alia (ut manifestum est). quare si qualitas ulla est, erit utiq. earum aliqua quæ spirituales uocantur. quod et multi existimant. Sed habet dubitatione non paruam, quo modo spirituale illud esse principium possit illius motus, nam q. ipsum alter et simile ut ferrum, quod alteratum sese mox moueat ad magnetem, supra satis improbatum fuit. q. uero spirituale ipsum sit illud quod perse mouet, non satis rationabile uidetur. quoniam nihil perse moueri potest quod non sit aut corpus, aut saltem natura & substantia in corpore. porro nec uidetur quomodo spirituales hæc mouere possint, præsertim trahere, quoniam productio eorum non cum motu locali fit, sed per quandam magis generationem partis post partem momento factam. Si igitur spirituales uocata species omnes qualitates quedam sunt, dicere fortasse nullo pacto possumus per ipsas eiusmodi attractiones fieri. Si uero aliquæ illarum substantiæ sint, nihil (ut opinor) prohibet ad eas rationem omnem tam miri effectus referri, qui inquiratur a nobis. Recipiendum autem est (ut multis placet) spirituales species eiusdem rationis esse cum formis illis, quarum sunt species, nec differre ab ijs nisi modo subsistendi. eatenus. u. materiales sunt, et dicuntur, quatenus crassa quadam existentia in materia sunt, & certos terminos poscunt. ingenitum autem est formis omnibus sese (quo magis posunt) propagare. quod quidem faciunt crassæ illæ formæ, quæ materiales uocantur, uerum propagare sese per eum modum, & existentiam quæ ipsæ sunt, non utiq. possunt. sed tenuem & superficiale sui uel partem uel gradum producunt, quem Epipolim uocant. qui ob tenuitatem sui, & contrarium non habet, & momento gignitur ac propagatur, ceu soboles quedam. hæc igitur tenues & superficiales formæ aptæ imprimis sunt id quod sunt representare, usq. ad crassas illas a quibus productæ sunt. propter quod simulacra earum & species sunt appellatæ. propter tenuitatem autem, & quod in momento gignuntur, spirituales dici consuevere: eiusdem tamen rationis cum ijs, quæ & crassæ & materiales dicuntur.

Fracast. B

Si igitur qualitates primæ, substantiæ sunt elementorum ut multi Aristoteli attribuunt, aut etiam si substantiæ non sint, sed tamen quantum de ijs inducitur, tantumlem & de substantia subgeneratur, ut Auerrois Placet, aut uniuersaliter si substantiæ species spirituales habent, & ipsæ: niam fortasse habere possumus ad ostendendum, quo pacto similitum contrahio & unio a substantia fiat per spirituales speciem. Quippe de lato spirituali ab. a. ad. b. & reciproce. a. b. ad. a. quod eiusdem rationis sit cum. a. &. b. & substantia, quemadmodum ipsa, totum quoddam sit ex. a. &. b. & spirituali illo, in quo toto partes non plane debitum esse, & situm habent, nisi inuicem ita astringantur ut simul & a. &. b. coeant. sic enim totum illud bene habet, & secundum naturam coexistit: non secus ac si aer aliquis ualde distractus ad sese redeat, & partes quæ longius abe-rant in unum cogat et uniat. qui motus tandem est partium in toto sese ad suum situm mouentium a forma factus, quæ natura et substantia est. est ergo partim quidem naturalis (quoniam motus omnis partium in toto a natura fit) & a forma illa quæ in eo toto natura est, partim uero & uiolentus est, si ferro comparetur & extremis ipsis, quæ per se & ut grauius inclinacionem deorsum habent, quod & aeri etiam rarefacto et distracto accidit, altero extremo quod sursum est descendente per motum partium in toto. quod non inconuenit parti, dum pars est, ut in toto certo modo moueatur, quo non moueretur si per se esset & ut totum. quæ de causa partim uiolentus est motus ille extremis partibus, quoniam naturam propriam seruant quæ uel graues uel lenes sunt, partim autem est naturalis, quoniam in toto mouentur & non per se. ad quæ si quis respiciat non alienum fortasse & ueluti paradoxum quoddam existimabit, quod Alexander dixit attractio-nem omnem a calore esse. si enim qualitates primæ, substantiæ sint elemen-torum, producant autem species spirituales eiusdem rationis, quæ longe productæ ad sua similia per dictum modum possunt applicationem eorum facere. calori quidem maxime & præcipue debetur ea facultas. Latet autem nos caliditas illa, quoniam spirituales species sensibilem actionem non habent in alterando, quamquam in mouendo uim non exiguam prodant. atque hæc quidem sunt quæ probabiliter de tanto problemate uobis dicen-da uisa sunt, ad quæ credenda & ea nos induxerunt, quæ Galenus & alij dicunt, quum eiusmodi effectus a tota interdum rerum substantia fieri di-cunt, interdum a similitudine. quæ apud me non aliter intelligi posse uiden-tur, nisi per dictum modum. per similitudinem enim a Galeno intelligi sim-plicem relationem, aut relationis fundamentum, ego nunquam existimare

potui, quum hæc perse principium motus illius esse non possint, neque enim relatio, neque fundamentum non tangens mouere ualent. sed per similitudinem ego arbitror speciem spiritusalem accipiendam esse, quæ tangit, per totam autem naturam audienda est forma, quæ sui speciem propagans, & ad consimile copulans mouere possit. utrum autem mouere per dictummodum, qui sit motus partium in toto Galenus existimauerit an per alium, incertum est mihi. Sicut autem inter similia mutua uersatur attractio, ita & inter dissimilia, & contrarias uersari propulsationem quandam mutuam consentaneum est credere, quod quoniam in mixtis manifestum est magis, infra certius ostendetur, nunc ad reliquos elementorum consensus & dissensus pertranseamus.

De consensu & dissensu elementorum circa qualitates contrarias. Cap. 6.

Est autem & alia magnopere admiranda elementorum Sympathia & Antipathia circa eas qualitates, quæ contrariæ inter se sunt, ut caliditas frigiditas, humiditas, et siccitas, nam has quidem contrarias esse, & sese mutuo destruere atque interimere manifestum est. at uero quis non miretur, quum nihilominus uideamus certos unius contrarij gradus stare, ac quodammodo congaudere cum certis alterius. quosdam uero cum quibusdam non posse consistere. quasi caliditas specie tota & natura contraria non sit frigiditati, sed certis gradibus solum, quod quomodo se habeat, inquirendum. Quoniam igitur gradus certos & quandam intensionem habent hæc qualitates quos gradus philosophi usque ad octo per quandam estimationem producunt doctrinæ gratia, manifestum quod summus ille gradus, qui ut octo dicitur, cum nullo gradu sui contrarij stare & conuenire potest, sed omnibus aduersatur. at uero ille qui, ut septem est, eam non habet contrarietatem, ut omnibus aduersetur, sed ijs solum repugnat, qui supra unum sunt, cum uno autem et stat et concordat. qui uero ut sex dicitur cum duobus consentit, reliquis contrariatur, qui supra duos sunt, quinque uero cum tribus cõcordat, ijs dissentit qui supra sunt, quattuor porro cum quattuor conuenit, reliquos qui supra sunt non adimittit. quare contrariæ quidem sunt qualitates, sed non ita ut quilibet gradus cuilibet aduersetur sed certi certis tantummodo. quod natura quidem ita constituit ut mixta fieri & constari possent, Fortasse autem nec fieri potest, ut gradu uno aut

Fract.

B ij

pluribus unius contrarij inductis in alio, tolli amplius ab eodem & destrui
 possint, ut si. a. calidum in. b. frigidum gradum unum caliditatis induxit,
 fieri non potest ut. b. gradum illum rursus destruat, & a se repellat, ne
 cum septem super frigiditatis consistat, quoniam nihil in se ipsum agit, nec
 simpliciter, neque quatenus frigidum, in se quatenus calidum per unum gra-
 dum. Si enim ageret, ageret quidem inducendo frigiditatem aliquam. aut
 ergo inducet quam habet iam, aut quam non habet, at ea quam habet, pro-
 duci quidem non potest, ut pote quae iam habetur, minus uero ea quam non
 habet, & iam amisit, quoniam per illam actu non est, nec est a quo fiat. re-
 linquitur igitur ut gradus ille unus caliditatis in. b. cum septem frigidita-
 tis stet & conueniat, similiter & de alijs dicatur. Sed habet difficulta-
 tem quomodo primus ille gradus ab. a. producat in. b. & post ipsum alij,
 & quomodo cum actione simul & reactio fieri possit. tangentibus enim se
 se. a. & b. Si quidem potentius est. a. quomodo patitur? si uero impoten-
 tius quomodo agit? si eque potens quomodo aut actio aut passio fit? quid igi-
 tur quisque hac in re dicat, nostrum institutum non est nunc recensere, quid
 autem rationabiliter existimemus nos, in mediam breui afferremus, quae-
 dam declarationis gratia praemittentes. Primum quidem quod in actione
 contrariorum consideranda est potentia, per quam fit actio, qualis sit &
 quanta, deinde illud quod inducitur, ac demum in quod proprie agunt. ac
 potentia quidem semper mensuratur per gradus illos secundum quos est
 contrarietas. quoniam enim graduum quidam quibusdam contrarij sunt,
 quibusdam non, uniuersaliter nulla actio fit inter eos qui contrarij non
 sunt, nec ab ijs potentia resultat, sed ab ijs solum qui contrarij inter se sunt.
 Illud uero quod inducitur semper est remississimus gradus incipiendo ab uno
 uel forte a medio aut minori, ascendendo uersus summum. Contra uero il-
 lud in quod fit actio, semper est intensior gradus, descendendo a summo ad
 minimum. Ex his fit, ut tangentibus se. a. & b. siue equalia sint, siue al-
 terum potentius, semper alterum in alterum reciproce necessario agant.
 & si enim. b. simpliciter impotentius sit, frige faciet tamen. a. & necessa-
 rio gradum unum primo inducet, mox & duos & ita alios consequenter.
 quoniam id in quod proprie agit, est gradus summus, ut octo ipsius. a. cali-
 di, ad quem. b. contrarietatem habet per omnes sui gradus. agit igitur per
 potentiam resultantem ex omnibus gradibus, quod autem inducit est gra-
 dus ut unum frigiditatis, ad quem. a. contrarietatem non habet, nisi per gra-
 dum unum qui est ut octo. per septem. n. non contrariatur. Siquidem unus
 frigiditatis gradus cum septem caliditatis stat, & contrarietatem non ha-
 bet.

bet. potentia igitur per quam. a. agere potest in gradum illum ut unum frigiditatis qui inducitur, non resultat ex omnibus, sed ex uno solum, quare resistat. a. per solum gradum unum. quum ergo. b. per omnes suos gradus agat. a. autem per unum tantum resistat gradui uni qui inducitur, fiet qui dem ut necessario primus ille gradus inducatur, nec obstat pars non passa, quoniam & ipsa per gradum unum solum aget, per septem enim non contrariatur. at uero & secundus pariter inducetur eadem ratione, q. b. aget in gradum ut septem ipsius. a. cui per septem sui gradus contrariatur, a. autem in gradum ut duo qui. a. b. inducitur, non aget nisi per unum gradum, hoc est per illum qui est ut septem, quoniam duo frigiditatis gradus cum sex caliditatis stant, & cum ijs contrarietatem non habent. resistet igitur. a. per unum solum gradum. b. autem per septem aget, quare necessario & secundum producet gradum, & consimiliter tertium, & ita deinceps, quoniam semper maior est potentia per quam agit, quam ea per quam resistitur gradibus, qui introducuntur, quare semper non nisi per unum est aut forte per minus & minus in infinitum, Idem dicatur & de. a. respectu. b. nam quum. a. agat primo in gradum summum. b. cui contrariatur per omnes suos gradus, inducatq; gradum unum caliditatis, cui. b. non resistit nisi per gradum unum qui est ut octo, per septem enim non contrariatur, necessario quidem fit ut. a. primum caliditatis gradum introducat in. b. mox & secundum & alios eadem ratione, quo pacto tandem fit, ut & actio fiat & reactio inter contraria, quod non sine fine quodam magno a natura institutum est, quo mista conflare possint, alia quidem inanimata terra metal la lapides & id genus, alia animata plantae & animalia, & ipse denum homo, de quorum mistorum Sympathijs superest iam ut dicamus.

De Sympathijs & Antipathijs mistorum, et attractione
similium. Cap. 7.

HAbent ergo & mista ipsa Sympathias suas, & antipathias & quidem admirandas. atque in primis eas habent, quas habere Elementa dictum est, imo insignius propter densitatem materiae. Sicut enim ignis & aer elementa non lucent, non sonant, nec calefaciunt, nec odorem aut saporem edunt, nisi addensentur, ita nec alias uirtutes ita exquisitae ostendunt, uti quum per mixturem sunt cōden sata. Igitur & communem uniuersis consensum loci & nexus in primis habent mista, tum uero & eum qui est partium in toto. Constat enim si ui

fuerint addensata sese rarefacere, si rare facta densare, at uero & ad loca
 elementorum in ijs predominantium moueantur, ac postremo similia quoq;
 & affinia ad sese trahunt, quod in quibusdam admirationem non paruam
 præbet, ut in magnete electo adamante & plantis, & animalibus. quan-
 tū particulares quasdam dubitationes habeant consensus isti. nam si per si-
 militudinem (ut supra diximus) sit hæc attractio, cur magnes non potius
 magnetem trahit quàm ferrum, & ferrum cur non potius ad ferrum mo-
 uetur quàm ad magnetem. quæ nam affinitas est pilorum, & surculorum
 cum Electo et Adamante? præsertim q, si cum Electo affines sunt, quo-
 modo & cum Adamante affinitatem habebunt, qui dissimilis electo est.
 at uero & illud dubium est, utrum omnia sua similia trahant, ut lapis lapi-
 dem & caro carnem & reliqua, de quibus nihil constat, deinde & quæ
 non sit illa similitudo, utrum spetie an genere, an in accidente aliquo sit.
 sunt qui dicant similia esse oportere, sed non eadem, propinqua autem. ac
 propterea simile moueri ad aliud, a quo perficitur magis, quod supra sa-
 tis est improbatum. Si enim natura graue est, donec natura illa remanet,
 semper deorsum inclinabit. uidetur igitur mihi similia esse oportere, &
 eadem spetie, quæ sese mutuo trahunt. dico autem eadem spetie, aut actu
 aut proprio subiecto. uoco proprium subiectum id a quo emittitur spiri-
 tuale illud quod trahit. quod sæpe in mixtis latet propter mixtionis dis-
 formitatem: per quam sæpe aliud actu sunt, aliud potentia. pili igitur
 & surculi ad Electrum fortasse, & ad Adamantem trahuntur, non qua
 pili sunt, sed qua aut aer in ipsis inclusus est, aut principium aliud,
 quod primo trahitur, & rationem analogiamq; habet cum eo quod perse
 trahit, in quo & Adamas, & Electrum conueiunt per principium utri-
 que commune. quapropter & Magnes, & alia multa non trahunt for-
 tasse, per id quod actu sunt, sed per latens aliud in ipsis principium, quod
 simile ferro est aut ipsi, aut principio in eo. Simile autem omne trahere
 suum simile si analogum sit, & potentiam habeat, consentaneum est
 credere: quoniam ita in elementis apparet, & eadem est omnium ratio et
 finis. Interdum autem spirituale illud, quod trahendi principium est, ual-
 lidissimum est, interdum debile, sicuti & principium & forma a qua de-
 mittitur, propter quod alia similia ualenter sese inuicem applicant, alia
 segniter & impotenter, perse autem, debere se omnia ita habere, non so-
 lum ratio est, quæ omnibus est communis, sed & experientia apparet.
 Nos enim præsentibus multis e nostris medicis experientiam multo-
 rum fecimus, perpendiculo bene & concinne aptato, quale est in nauis

gatoria pyxide. ac manifeste uidimus, magnetem trahere magnetem, ferrum ferrum, tum magnetem trahere ferrum, ferrum magnetem. porro electrum parua electri frustula rapere, argentum attrahere argentum, & quod ualde mirati fuimus magnetem uidimus argentum trahere, item Electrum non solum furculos & paleas mœuere ad se, sed & argentum. uidimus quoque idem frustum magnetis per unam faciem magnetem trahere non ferrum, per aliam ferrum non magnetem, per aliam utrunque. quod indicium est in una parte plus esse magnetis, in alia plus ferri, in alia utrunque æqualiter: unde fiat diuersitas illa tractionis, quare nemini dubium esse debet, similia omnia per se, se inuicem trahere, nisi per accidens, impediatur.

Nunc & de motu illo queramus quo perpendicularum illud temperati magnetis ferri ad eas partes conuertitur, quæ ad polos spectant. qui ad similitudinem quoque attractionem reducendus uidetur. quamq̃ sunt qui non trahi ullo modo perpendicularum illud putent, sed cœli uertigine omnia perturbante, sese ita constituere, ut quiescat magis quo potest. talis autem est linea quæ ad polos spectat. alij existimant ferrum illud sese ad eas stellas conuertere, quæ in polis sunt, non aliter quàm herba quæ tam ad solem ut heliotropion Tragopogum, & Ornithogalum, quorum neutrum rationabiliter dicitur. perturbari enim a cœli uertigine omnia, falsum est, quando illa buc non pertingit, & multa quiescere hic uidentur. quòd si causa illa ad perpendicularum faceret, utique & sine temperamento magnetis ad eum situm sese conuerteret. a stellis autem nulla attractio fieri potest, nisi quæ a calore per accidens fit, calefactis quibusdam, quæ mox per naturam sursum tolluntur, aut forte circumaguntur cum sole, uaporibus qui in una parte facti sunt, & successiue de una in aliam fiunt, recipientibus impetum successiuum, & in orbem, sicuti principium a quo generantur in orbem fertur. unde accidit quosdam teneros flores & folia propter humiditatem circūuerti cum sole, hæc autem ad perpendicularum in nauigatoria pyxide nullam habent attinentiam. Constat præterea perpendicularum illud declinare a linea, quæ ad polos spectat, in nostro quidem hemispherio, quod est a fortunatis insulis ad Catygara, declinare dextrorsum per gradum circiter nouem, in alio autem hemispherio, ultra insulas fortunatas, declinare sinistrorsum, et modo plus, modo minus. obseruāt. n. qui ad nouū orbē nauigāt, quum puentume sit ad meridianū quod per Astores uocatas insulas trāsīt, mutari perpendicularum: et quum in nostro mari dextrorsum flectat a polo, illic sinistrorsum uerti. ut si polus arcticus sit. b. perpendicularum in nostro mari

ubi. c. in alio autē mari ubi. d. declinabit quidem in nostro mari. a. b. polo per lineam. c. g. in alio polo lineam. d. e. Nos igitur diligentius rem considerantes dicimus causam, quod perpendicularum illud ad polum uertatur, esse montes ferri et magnetis qui sub polo sunt, ut negotiatores affirmant, quorum species per incredibilem distantiam usque ad maria nostra propagata ad perpendicularum usque, ubi est magnes, consuetam attractionem facit, propter distantiam autem quum debilis sit, non moueret quidem magnetem, nisi esset in perpendicularo, quare et si non trahit usque ad principium unde efluxit, at mouet tamen, et propinquiorum rem facit quo potest, quod si naues forte ullae propinquiores sint illis montibus, ferrum omne earum euellit, propter quod nauigijs incolae utuntur clauis ligneis astrictis. propter situm igitur eorum montium declinat perpendicularum in nostro mari dextrorsum, in alio sinistrorsum a polo. Polus. b. montes magnetis ubi e, b perpendicularum in nostro mari, ubi. c. in alio ubi g. in nostro igitur mari declinabit a polo per lineam. c. h. in alio per lineam. g. e. Attractio autem haec ad Athos et corpuscula reduci posse non uidetur, quoniam corpus nullum in tanta distantia demitti potest, quod unum continuum facere possit ab ijs montibus usque ad nostra maria, speciem autem spirituale nihil demitti prohibet, quod et in lumine manifestum est, cuius speciem a supremo orbe et stellis huc usque demitti constat. qua de causa attractiones similium ad corpora uniuersaliter reduci posse supra non arbitrati sumus.



De Echeneide quomodo firmare nauigia possit. Cap. 8.

Maius miraculum praebeat Echeneis piscis, si modo uerum est, quod fertur, aut firmare nauigia, aut tardare. Causa si qua est, non alia certe esse potest, quam partim attractio per species praedictas facta, partim uacuum. modus autē est duplex, unus, ut piscis ille non causa sit eius retentionis, sed signum alterius quod retinet, alius, ut etiam causa sit. primum igitur nihil prohibet saxa et scopulos ubi Echeneides degunt cōsimilem speciem usque ad nauigia mittere, qualem et montes magnetis ad ferrum in nauigijs fixum, sicut igitur si ferrum fortiter et tenacissime nauigio infixum esset, ita ut nec extrahi posset, non attraheretur quidem nauigium ad montes illos, sed firmaretur, tamen.

tamen, ita & circa scopulos Echeneidum accidit transmissa ad naues spectie, quæ uel ad clauos earum uel ad aliud analoga sit, retineri ipsas. quare inuentus illic pisciculus ille, signū dat subesse scopulos eos, qui firmare nauigium possint. Si uero non signum est Echeneis, sed causa eius detentionis, oportet existimare ipsam primo artissime affigi nauigio, ut euelli non inde possit, nisi ui multa, ab ipsa uero ad certos scopulos & ab ijs ad ipsam mutuo demitti uel speciem uel etiam corpuscula more torpedinis, quæ consuetam tentent attractionem similium, nec ipsa igitur nauis attrahi in fundum potest propter resistentiam sui, nec ab ipsa auelli Echeneis propter fortem affixionem ob uacuum, unde fit ut firmetur tantum nauis, aut tardetur saltem. quo pacto fieri posset ut ferri frustum in aere pendere quidē sed nec sursum nec deorsum moueri posset, quod quidem contingeret si desuper magnes poneretur, qui tantum trahere sursum ferrum, quantum ipsum deorsum inclinat, equali potentia posset: sic enim in aere firmaretur ferrum. quum enim potentia quæ deorsum mouet, certa sit, certa item quæ sursum trahit, fieri potest ut modo altera potentior sit, modo utraque æqualis. æquales igitur si sint, pendere in aere ferrum necesse est, nihil ergo prohibet & nauigium tantum resistere ne deorsum trahatur, quantum species ipsa in contrarium trahere nititur, quare firmari uecesse est, nec plura quidem dici aut inquiri debent de tam abditare.

De Antipathia contrariorum & quomodo se mutuopellant.

Cap. 9.

Sicut autem sese similia trahunt propter conseruationem, imo dissimilia & contraria propter eundem finem sese mutuo pellunt, & fugant, quod in antiparistasi multorum patet, in plantis autem & animalibus manifestissimum est. quæ uti affinia et familiaria attrahunt, ita extranea & incommoda a se abdicant. ob quam causam & candellæ flamma iuxta posito aliquo ualde frigido, ut ferro & similibus, in latus abscedit. est & magnetis genus quod ferrum abigit, ex quo cultelli ita præparari solent, ut alter ferrum ad sese trahat, alter pellat. quamquam nos quum hoc experimētum in medium olim inductum esset, monstrauimus non id accidere, qd ferrum abigeretur, quāuis perpendiculum in latere ubi erat magnes, pelli uideretur, causam autē esse, qd magnes ille eorum esset qui magis ferrum quā magnetem trahit, applicitus ergo perpendiculo traherebat latus in quo magnes non erat commissus, ex quo fiebat ut latus ab-

Fracast, C

terum magnete temperatū necessario abscederet, propter quod uidebatur pelli ab applicito magnete. Verum nihil prohibet etiam talem inueniri magnetem, qui ferrum pellat propter latens in eo principium, quod ferro contrarium sit. Eadem de causa et cucumis recuruatur supposito oleo, quoniā aque multum continet, præsertim dum in incremento est, aque aut et oleo non parua discordia est, et naturæ contrariæ. quum igitur p contrarias species alterū ab altero abscedat, clementum cucumeris in latus fit, unde recuruari uidetur. Adianton porrò nō madescit, neq; aquā admittit pp siccitatem superficie, quæ aque cōtraria est, et eam solet repellere, quæadmodū in puluere & pennis & alijs siccis contingit: in quibus nō consistit aqua, sed aut elabitur, aut in guttulas rotundatur. rotundatur aut quoniam duobus modis aqua sitū naturalē exquirat. uno modo motu elementi descendendo ad locum proprium quā potest. potest autem quum sup aliquo plano statuitur, quod contrarium non sit, et descensum eius non impediat, ut ferrum & lapides & id genus, super quibus coextenditur, et descendit aque quantum potest. alius modus est, quū non totū extra mouetur, sed partes à toto, quæ rentes cōuenientissimum situm. quod tum fit, quum incidit in subiectum, quod propellit undiq; partes. quod faciunt multa siccorum p contrariam speciem. propter quod non motus elementi fit ad locum suum, sed partium in toto sese apte locantium, quantum expedit et bene est, talis autem situs est, quū partes contrarium tangunt secundum minimum quo possint, et quo magis unitæ sunt & propiusque inuicem. quæ omnia maxime præstat orbicularis figura, quæ & in puncto tangit & breuissimas habet ad centrum lineas. pp quod aqua in sicca incidens rotundatur. Signum aut q; in Adianto non consistit aqua propter siccitatem, id est q; duabus existentibus Adianti speciebus albo et nigro, nigrum quidem madescit, q; humidioris superficie sit, album autem non, q; siccioris. ad has causas & letalis Cathablephæ affectus est reducendus, quippe spiritalis species quæ ab ipsa ad distantiam multam protenditur ob contrarietatem & antipathiam quam cum spiritibus hominis habet, eos diuoluit ac fugat unde & homo perit.

Cur calx & pannus & alia multa sicca existentia aquam promptissime admittant. Cap. 10.

Sed qui fit, ut si quæ sicca sunt, repellant ob siccitatem aquam, Calx tamen & pannus & linea & farina & spongiæ & ossa & terrarum genera, ut sphragis, & bolus armenus & eiusmodi sicca exi-

rentia omnia, aquam & liquidum omne promptissime admittant. quin imo quod unum est, uidemus in spongijs & liueis aquam quasi trahatur, sursum etiam ascendere, in calcem uero adeo intime ingredi & penetrare, ut eam dissoluat. An sicca straminulenta, & (ut dicunt) porosa sunt omnia: sed alia poros habent tenues & angustos, alia habent laxos magis & beue coniunctos. quæ igitur angustos habent sicca existentia aquam non admittunt. nam neque quatenus porosa sunt, neque quatenus sicca recipiunt. quæ uero laxiores habent poros, quamquam ob siccitatem quodammodo obsistant aquæ, quatenus tamen porosa admittunt. in ijs enim tangente aqua abscedit e foramiuibus aer, qui in ijs clauditur, cuius loco succedit propter uacuum aqua, propter quod & ascendit etiam. quod si bene coniuncti sint pori, penitissime penetrat aqua & ad particulas omnes quantum minimas. quapropter, quod calx & dissoluitur, & iucalescit. dissoluitur quidem, quoniam penetrante aqua ad partes omnes remollefcit earum nexus, propter humiditatem unde & separari accedit. incalescit uero facta separatione, igneis particulis quæ prius disperse & diuise fuerant & quodammodo in potentia, nunc actu factis atque unitis & potentibus agere iam. quapropter tñ Calx ipsa tum & aqua incallescunt et feruēt.

Sed rursus difficultatem non minorem habet, cur fiat ut tangente aqua ære foramiuibus abscedat, nunquid ipse per se abire an propulsatur ab alio, & si propulsatur, quomodo & a quo propulsatur? Sunt qui dicant propulsari ærem, quod densetur ab aqua, atque in angustius cogatur, cuius loco ipsa mox succedat. Sed quomodo fit hoc, quum densari non possit aer nisi a frigido, imbibatur autem aqua in porosa, non solum quæ frigida est, sed & quæ calida, imo hæc magis & citius. Condensatio præterea certum terminum habet, ultra quem non procedit, at motus eius aeris, qui abscedit, terminum nullum habet, donec abscesserit totus.

Alij putant propelli ærem ab aqua ob pondus aquæ. quoniam spongiosum ipsum in quo est aer, in aqua aliquatenus immergitur, et partes aliquas aquæ habet, quæ aliquibus aeris superstant. descendentes ergo ijs quæ superstant, ærem inde propelli accedit. Sed & hoc non plane satisfacit. et si enim quantum superstat aquæ descendere possit, et ærem qui subidet propulsare, quum tamen uentum est ad lineam illam, per quam non amplius superstat aqua, quid erit mox quod rursus propellere ærem possit? neque. n. dicendum est ærem primo propulsatum alium pellere, et hunc alium, et ita successiue, quoniā, quum totus aer ille conclusus a primo parte post partem tantum abscessit, quantum est locus, quem aqua occupauit, tum non

Fracti.

C ij

ultra impulsio fit partium aeris, sed cessat. oportet ergo aliud assignare quod pellat continenter aerem donec abscedat totus. Vtrum igitur aqua non densatione non pondere propellat aerem, sed per species contrarias, ut supra dictum est, contraria & dissimilia sese mutuo pellere. dissimilis autem & extraneæ naturæ est aqua & quæ aquea sunt, cum aere, quare tangens, uicinas sibi propulsat partes, quod uel facillime fit propter tenuitatem aeris, qui promptissime impulsus omnem recipit. succedente igitur aqua ac permanente semper dissimilitudine eadem, continua fit propulsatio & continua successio aquæ, ac demum fuga totius aeris in foraminibus clausi. atque hoc quidē si quis dicat, inconueniens (ut arbitror) nullū astruet.

Audiendi tamen & illi sunt, qui non propulsationem perse ullam aeris fieri dicunt, sed attractionem magis humidi, quo attracto necesse est cedere qui in poris continetur aer, attrahere autem porosa humidum non quatenus porosa (licet uicæ requirantur) sed quatenus exsiccata & priuata naturali humido. Duo enim siccorum genera statuenda sunt, alia nauque perse & per naturam sicca sunt. ac talia quidem attrahere humidum non possunt, sed propellere magis habent, quoniam attractio omnis a simili fit. alia uero sunt quæ perse quidem & uatura humida sunt, per accidens autem sunt exsiccata, remanet tamen in ijs forma sua & natura cum uirtutibus omnibus, quas a principio sortita est, inter quas est, & spiritalis species, quæ attrahere nata est quod simile est, simile dico non quatenus tale per accidens actus est illud, cuius est species, sed quatenus per naturam & perse tale est. quæ igitur porosa sunt, maxima pars exsiccata per accidens sunt, perse autem in humore constituta. propter quod & porosa sunt facta extracto humido, cuius appetentiam semper habent, & facultatem attrahendi, quod in siti manifestum est. tangente igitur aqua nihil mirum, si a poroso exsiccato & carente naturali humido, trahitur ad partes omnes quod contangit humidum, ac talia sunt, calx spougiæ, lixnea & terrarum genera. Adianton autem & penne & id genus, non solum quæ angustos poros habeant, sed fortasse quæ sicca perse sint, aquam non admittunt. Nontacebimus postremo & causam aliam, quæ adduci potest ad hoc problema: dicentes rationem eius rei non esse propulsationem ullam, non esse attractionem quæ a sicco fiat, sed esse motū aeris illius, qui in foraminibus clauditur, qui sese naturaliter mouet a loco, ubi præter naturam tenebatur, ut cum toto suo uniatur ac coextendatur secundum naturam. quippe Elementorum partes nunquam naturaliter locantur, nisi toti spheræ aeris ita coextendantur, ut nulla earum exerta sit, & abscedat a toto,

toto, sed omnes æqualiter in eo consistant. quæ e causa sit ut aer qui in foraminibus siccorum conditur, tam & si toti continetur per unum extremum, non tamen illic secundum naturam consistat, sed uiolenter. ut si aeris totius superficies sit. a. b. c. porus uero in quo aeris pars concluditur. b. f. aqua tangens ubi. f. uiolenter qui dem tenetur aer in. b. f. cuius signum est, q. si dirumpatur porus, aer quidem qui in eo erat ad superficiem totius. a. b. c. ferretur coextendeturq. illi, atque ita unietur, ut æqualiter secundum partes omnes in eo locetur, & totum unum faciat æquale undiq. Indicat hoc non contineri secundum naturam partes aeris in poris clausi. Permanent tamen in illis nec abeunt dum porosum est in regione & sphaera aeris. Si enim inde dimoueretur, necessario aliquid aliud succedere oporteret, quod certe aer esset. cur igitur succedat hic, ille abeat, quum nulla ratio magis huius sit quam illius, præsertim q. si hic succederet, & ipse quidem pari ratione uiolenter detineretur in poris, si igitur & ille discedat, aliud succedere necesse est, qui pariter si discedat, aliud succedat oportet, & ita in infinitum. necesse igitur est primum aerem quem casus ab initio illic conclusit, illic etiam per manere, dum porosum in sphaera aeris continetur, at ubi fiat ut porosum non iam undiq. in sphaera aeris sit, sed aut in aqua totum ponatur, aut aqua saltem per aliquod extremum tangat, tum qui in foraminibus est aer, extra statim fertur & mouetur ad locum totius, cui succedit aqua. quæ quidem uiolentiam aliquam & ipsa patitur, propter eandem causam quod & ipsa a toto suo abscedit, uerum minus uiolenter tenetur illa in eo poroso q. aer, propter conuenientiam naturæ: quæ in utroque grauis est & quandam habet analogiam, est autem & alia ratio, cur aqua succedere debeat, & sursum trahi, quoniam id quod trahit & mouet, est aer totus qui in poris conclusus recessum querit, quod uero mouetur, est pars aquæ minima quæ in poros paruos trahitur, & parum resistit propter paruitatem, cui idem accidit quod trocleis per helices fabrefactis, quum per illas pondus uel maximum eleuamus, q. sensim & in latus eleuatio illa fiat. Signum autem quod aqua consimiliter attracta facile sequatur, illud est, quod si porus sit ualde latus qualis est fistula, non succedit aqua, nec aer qui in ea est fistula, abscedit, in paruis autem & obliquis poris abscedit. aut igitur hæc est causa ingressus aquæ in ea quæ porosa sunt, aut & aliæ concurrunt, ut propulsatio, quæ per species fit, & attractio humidi, quæ a poroso accidit, de quo satis iam dictum sit.



Est præterea rerum consensus & dissensus alius in agendo aut simpliciter aut pro certo fine . neque enim omnia in omnia agunt , sed certa solum in certa . quorum ratio querenda quidem est , sed in uniuersum . ergo in omni actione tria præcipue requiruntur , præsertim si certi cuiusdam gratia futura sit . Sunt autem facultas agentis , aptitudo materiae , et applicatio conueniens . dico autem applicationem contactum , situm , moram , & in quibusdam organa . hæc igitur quum consentiunt omnia , tum actio sperata sit , & obtinetur finis . & quæ eiusmodi sunt Analogæ dicuntur . si uero aut omnia , aut plura , aut & unum horum deficiat , actio quidem frustratur , aut simpliciter , aut pro fine , & hæc non analogæ uocantur . Accidit autem sæpiissime aliquod unum , aut plura ex his deficere : interdum enim agentis potentia minor est quàm oporteat , interdum maior . quare sæpe priusquam intentam inducat formam , subiectum aut absomit , aut liquat , aut in uaporem uertit . quæ de causa magna flamma nutriri in parua candela non potest . Colliquat enim statim pabulum totum , quod sensim in fumum & inde in flammam uerti debebat . quandoque materia ipsa inepta est . neque enim ex terra aut aqua flamma unquam consurget , sed uapor , qui abibit . at neque ex luto neque ex lapide , nisi hæc forte in alia multa prius conuersa fuerint . quod si flamma futura sit , ex misto fiat oportet , neque ex omni , sed ex sicco aut unctioso , propinquo naturæ ignis . ita nec homo nutritur ex quolibet , uel etiam tennero . neque enim ex gramine uti equus . quoniam aliena est ea natura a natura hominis . aliena autem sunt in uniuersum , alia ob qualitates contrarias , quæ longe distant , alia ob spirituales , quæ contrariorum sunt & res fugere animam faciunt . aut & quædam etiam repellunt . alia ob substantiæ modum , quæ est aut duricies , aut mollicies , aut crassicies , aut lentior et eiusmodi : ob quæ , aut non trahitur quod oportet , aut non pellitur quod oportet , aut non miscetur quale oportet . sæpe autem conuenientia erunt , & agens , & materia , sed applicationis modus non conueniet , aut euim nou plane fiet applicatio , aut uon consentit propter figuram uel uias & foramina , quæ aut laxa plus æquo sunt , aut angusta : interdum contactum prohibet spiritalis species : interdum nimis arcta & astricta quædam tenet aut species , aut uacuum . Interdum contactus fit , sed mora aut longior fit quàm deberet , unde exurit materia , aut breuior fit , quàm oportuisset . sæpe actioni obstat partium situs , miro enim modo mistæ

composita sunt. alijs uilli per longitudinem protenduntur, alijs per latitudinem, alijs in orbem, alijs aliter. qui modi pene infiniti sunt. propter quæ alia per longum bene solubilia sunt, alia per latum, alia aliter. quæ res in alterationibus quoque actionem non parum euariat. quedam postremo certa instrumenta requirunt. propter hæc igitur causas non omnia in omnia agunt, sed certa in certa solum. Fulmen aurum & uina colligat nihil leso loculo & uase. in aurum enim & uina penetraret tangit, & moram trahit, & propter acrimoniam caliditatis eliquat. ad loculum autem & uas debita applicatio non fit, aut propter laxitatem foraminum, aut propter paruum moram. aurum non imbibit oleum & uinum, aut propter angustiam foraminum, aut propter contrarietatem qualitatum spiritualium, quæ seiuncta ea tenet. argentum autem uinum uel auidissime ebibit, & statim penetret in foramina, et attrahatur propter similitudinem et sympathiam. oleum aquæ misceri non uult, uino autem miscetur melius, optime autem cum uino aqua. liquidorum enim alia bene miscibilia inuicem sunt, alia non bene. bene quidem quæ aut unam et eandem substantiam habent, aut saltem diuidi mutuo ad minima possunt. aqua igitur cum aqua, & uinum cum uino optime commiscetur, quoniam unum sunt, & unum continuum constant. uinum autem cum aqua bene et ipsum miscetur, quoniam si forte unum non est cum aqua, nec continuum facit, sed contiguum solum, & forma differat & terminus, diuidi tamen cum illa faciliter potest in particulas minimas. diuiduntur autem ad minimas partes, quoniam natura tum elementorum, tum liquidorum est, ut eorum partes meliorem situm habeant quo possibile sit. melior autem situs est ille, quo partes minus distant inter se quo possunt: & si quidem datur, continue fiunt inter se, si uero non datur, quia forme non unum sunt, propinquiores tamen et unite magis quo possunt, partes esse uolunt et querunt. propinquissimus autem situs est, quo distant solum per interpositionem unius minimi, quod ultra diuidi non potest. Si enim distaret per interpositionem trium uel quattuor minimorum, maiorem procul dubio uolentiam sustinerent, quare mutuo sese ad minimas particulas diuidunt, sic enim melius locantur. quæ uero liquidorum, neque unam substantiam habent, neque inuicem diuisibilia sunt ad partes minimas, illa bene miscibilia non sunt. talia autem sunt, quæ & naturas ualde diuersas habent, et alterum illorum fortis et compactæ mixtionis est, quale oleum, quod cum aqua plurimum distat natura æreum & igneum existens, & pingue et fortiter mixtum. propter diuersam igitur naturam cum aqua neque continuum fieri cum illa potest, neque plane contiguum.

tum q̄ particula quælibet illius non bene diuiditur pinguis existens tum quod altera ad alteram attrahitur (ut est uidere) propter aerem, qui pluri-
mus est in oleo. quare non admiscetur illi, sed superstat. dupliciter. n. bene
locantur liquida, aut quum ad minima diuiduntur, aut quum alterum sub-
fidet, alterum superstat. Superstant autem quæ leuiora sunt & cum aere
consentiunt magis quale oleum: ad minima uero miscentur, quæ aquea ma-
gis sunt. Vinum igitur quod aqueum magis sit, sed tamen & aeris atque
ignis plurimum habet, & si neque ipsum optime miscetur oleo, melius ta-
men miscetur quàm aqua. mira res est argentum uiuum, quod liquidorum
nulli admiscetur, sed durioribus solum, & ijs non omnibus, sed auro & ar-
gento & stanno, et plumbo, in quæ ita imbibitur, ut mollia ea reddat. liqui-
dis autem alijs non admiscetur: quod propter pondus subsidat omnibus, &
q̄ diuerse multum naturæ sit, & fortis mixtionis, neq; igitur unum conti-
nuum cum alijs facere potest, neq; ad minima cum ijs diuidi. est autem for-
tis mixtio, alia quidem in duricie consistens, alia quæ diu & fortiter agita-
ta est, & miscibilia habet ad quam minimas partes redacta, sic enim
separari inuicem non facile possunt, tum quod propter propinquitatem si-
milium similibus sese adstricta tenent, quare quum dissimilia dissimilibus mi-
nutissime commista sint. similia in sua consimilia ualde possunt, propter
propinquitatem, tum forte & propter uacuum, quod propter eam partium
uicinitatem plurimum obstat, ne separatio particularum componentium
fiat. est autem mira ea mixtio et compositio in argento uiuo. Constat enim
e calidissimis simul & frigidissimis partibus, uerum redactis ad tam mi-
nimam quantitatem, & ita ordinatis ut pene sese omnia tangant, & simi-
lia iuxta similia, & iuxta dissimilia sint, quod plurimum facit ad conti-
nendam mixtionem. propter hæc igitur alijs liquidis non miscetur: durio-
ribus uero quibusdam miscetur ut auro argento stanno et plumbo propter
sympathiam naturæ (ut dictum est). attrahitur enim in eorum uocatos po-
ros ad particulas omnes. propter quod & ea mollescit: non secus ac alia
liquida, ut aqua, solent duriora porosa ut ligna & eiusmodi, mollia red-
dere. ipsum quoq; duriciem quandam & consistentiam recipit, si prædicto-
rum scobes cum eo misceantur: attrahit enim & ex ea commixtione consi-
stentiam acquirit. quod plerumq; fallit putantes per eam uiam posse argen-
tum constare, nescientes non ueram mixtionem fieri, sed apparentem, p iux-
ta positionem quorundam constitutam, quæ facillime solui possint et separari.
Simile quiddam pati & Adamantem censendum est, si modo uerum est
bircino sanguine solo mollescere. penetrat enim & ipse in adamantis fo-
ramina

ramina usq; ad minimas partes propter analogiam, quæ est uel in principio communi, uel foraminum ratione, propter quod & mollescit. quæ autem analogia particulatim ea sit, Deo et naturæ notum est. habere autem sympathiam ad quædam Adamantem, et commune attrahendi principium, illud monstrat, q. & paleas & surculos trahit. quare nihil prohibet & ad hircinum sanguinem consimilem quoq; habere rationem. idem et citrijs accidere, inperso in eorū cumulum pane, putandum est. attracta enim in panem humiditate eorum, atque illic ceu alieno in loco putrescente, principium reliquodatur, ut computrescat, qua de causâ flaccescunt ea mala.

Unisonum autem aliud unisonum cōmotat, quoniam quæ similiter tense sunt cordæ, consimiles aeris undationes & facere & recipere natæ sunt. quæ uero dissimiliter sunt tense, non eisdem circulationibus aptæ sunt moueri, sed una circulatio aliam impedit. ictus enim cordæ, motus est compositus e duobus motibus, uno quidem quo corda pellitur ante, hoc est uersus aeris circulationes, alius uero qui retro fit, corda reducens sese ad situm proprium. si igitur mota una corda debet & alia moueri, oportet ut in secunda talis proportio sit, quod undationes et circulationes aeris, quæ impellunt & faciunt motum ante, non impendant motum qui retro fit a corda. quam proportionem solum eæ corda habent, quæ etiam consimilem tensionem habent. quæ uero dissimilem sortitæ sunt tensionem, non sese commovent, quoniam dum secundus fit motus, id est reditus cordæ retro circulatio secunda illi obuiat & sese impediunt: unde nec motus fit ullus præter primam impulsationem, quæ intensibilis est. uidi ipse in ecclesia quadam ubi statuæ multæ cereæ circa sacellum loco alto dispositæ stabant, pulsante tintinabulo quodam, unam illarum tremere, reliquis immotis permanentibus, quod quum quibusdam qui prope aderant, indicassem, admiratio multa eos cepit. causa non alia erat, nisi quæ et in unisonis accidit, plures quoque quum pondus aliquod ferunt, eadem proportionem indigent, ut quum alius pedem sistit, alius moueat: sic enim sine labore ferunt. q. si sese impendant quietes & motus, fatigatio fit multa et ferre tandem non possunt. Idem accidit & ijs qui panem pinsum, quum duo aut tres lignum illud longum ac graue, modo eleuant, modo deprimunt. Si enim non ea ratione id agant ut pariter omnes tollant, ac pariter deprimant, sed quum alius tollit, alius præmere incipiat, motus impeditur & labor accidit. In cordis autem propter celeritatem circulationum non percipitur.

Alia uero ratio ea est, qua Lupina Tympana ea dissoluunt quæ ex agni no corio sunt conflata, in his enim non solum aeris motus ad impulsione

Frascst. D

facit, sed & spiritualis species: dictum est enim contrariorum species contraria pelleret. Lupo uero & agno contrarias esse naturas constat, species igitur contrarij unius delata per aerem ad aliud, pelleret maxime & dissolvere etiam potest, nō solum perse sed adiutā aere, partim quod den flor illesit facilius, partim quod per circulationes & ipse impellit in pemitissimos poros ingressus. propter eandem contrarietatem dicuntur & aquilularum pennae pennas alias dissolvere.

Quae uero brassicae et rutae inimicitia est, praeter inimiciā specierum, inde fortasse putandum est accidere, quod utraq; calida est, & crasserum radicum, quare quum multum humidiquelibet ad sese trahat, sit tandem ut iuxta fate pra humoris inopia arescant.

De octimestri autem partu plura fortasse oporteret dicere. nūc tantum dicatur, q; quemadmodum in genere tritici est quoddam semen, quod tribumensibus generat, unde et trimestre uocant, alij fetanium appellant, quoddam uero quod mensibus nouem, ita et in genere humani seminis quoddam est quod septem mensibus parit, quoddam quod nouem, partus igitur qui editur octauo mense, esse quidem non potest ex eo semine quod septem mensibus gignit. quare ex eo erit quod nouem mensibus solet maturum producere. igitur quum ante nouum mensem editus sit, indicat immaturum esse, & uel aliquaeiectum, talis autem ut pote immaturus & praecox moriturus enatus est. cuius signum est, q; certis regionibus ut in Aegypto octimestres partus etiam uiuere ferunt, quod bonitate regionis defectui immaturitatis satis fiat. cur autem duo tantum sint humani seminis genera, & alterum septem, alterum nouem mensibus partum edat eandem habet quaestionem cur & in genere tritici duo similiter seminis genera sint. causa in uniuersum est analogia talis agentis ad talem materiam, nam quis quaerat cur tanta flamma tantum roboris absumat in hora una, ac de sympathijs tum elementorum tum et mixtorum quatenus mixta sunt haecenus traditum per transcursum sit.

De animae Sympathijs et antipathijs.

Cap. 12.

NVNC ad animam transeamus cuius consensus et dissensus non minorem etiamnum admirationem praebent. praesertim eius quae cognitrix est, nam quae uegetat solum & in plantis praecipue spectatur, cōsē uidetur consensus cum ijs habere, quae simpliciter mixta sunt, tametsi propter miram compositionem quae organica

est, existiment aliqui habere plantas peculiaret quasdam actiones, quatenus organice sunt, unde et Plato sensu quodam participare eas dixit, quod et confirmare etiam Galenus uidetur. Verum operationum quæ organa insecutur, alia ab anima fiunt, ut simpliciter mista est, alia ab ea uti cognoscitur, quare et attractiones aliquæ simplices sunt, alia organice. organicas autem quæ per species ut supra dictum est, uidentur igitur plantæ simplices quidem attractiones et expulsionones habere, quemadmodum et alia mista, organicas autem non. neque enim ad eas obeundas constrictione sui et dilatatione utitur, sed solum simpliciter trahunt familiaria, fugant autem contraria. deit tamen natura illis organa quædam, quo melius possent hæc opera rimari, enim ordine ea procedit, trahunt, siquidem et Elementa et mista non organica, ac demum et organica. uerum elementa simplicissimam exercent attractionem, mista uero non organica non ita simplicem possunt attractionem facere, sed poris saltem indigent, et uia qua possint et similia ad omnes partes trahere, et dissimilia undequaque propellere. at plantæ maiori etiam organo indigere, per quod certa solum attraherent, et certo tempore continerent, et digererint unde tandem nutriri possent. animalia porro præter hæc organa etiam mouent, et constringunt, et laxant prout bene est. Plantis igitur et si necessarium est organum quoddam ad attractionem, non tamen proprie organicam faciunt attractionem, quare nec sentiunt nec cognoscunt, nisi per transumptionem quandam, quæ miro quodam quasi ingenio discernant, quæ sibi cõuenientia sunt, et quæ contraria, ac per artificiose cõpositas uias trahant et pellant. atque hoc esse arbitror quod Plato uoluit significare, quare nec simpliciter dixit sensum habere plantas, sed sensum quendam. Si enim sensum proprie haberent, sic utique et constringi possent precepto malo, et laxari precepto bono, ut paulo post ostendemus. querat autem fortasse aliquis, quomodo in plantis et uniuersaliter in iis quæ aluntur, et uegetare dicuntur, attractio alimenti fiat. siquidem attractio eatenus fit quatenus aliquid simile est, at alimentum quum trahitur dissimile est, quippe quod alterari et transmutari indigeat, si postremo assimilari membro debet. oportet igitur eorum meminisse quæ supra dicta sunt, qui sese trahunt, per principium utrisque comune trahi, quod sæpe in mistis latet. quæ aliud actus sunt, aliud potentia, multa enim actus et per accidens priuata eo sunt, quod per se per naturam habent, remanente tamen natura propria et forma cum uiribus et potentijs proprijs, inter quas est et attractio. attrahitur igitur alimentum a forma non qua actus, et per accidens talis est, aut ipsa aut alimentum, sed qua per se.

Fracast.

D ij

talia sunt, ac sic quidem est similitudo principium eius attractionis, altera
tio tamen quædam mox fit, ut id abijciatur per quod actu dissimila sunt.
quo abiecto demum exquisita fit similitudo & unio. illud autem per quod
actu & per accidens dissimile est, quandoque quidem est forma trahens
priuata aliquo sibi per naturam debito, interdum est id quod trahitur ut
alimentum, quod per accidens super abundat aliquo contrario et abijcien-
do, per se autem simile est, quare quatenus simile attrahitur, quatenus
contrarium alteratur.

De sympathijs animæ cognitricis.

Cap. 13.

Maiores autem & magis admirandos consensus & dissensus
ea habet anima, quæ cognitrix est. primum autem recipia-
mus cognitionem omnem tum sensuum, tum phantasie, & in-
tellectus, per eas species fieri quæ spirituales uocantur. por-
rò species hæc representare non solum res, quarum sunt species, sed &
rerum modos. dico autem modos, figuram situm magnitudinem locum
motum quietem & relationes multas, ut simile dissimile dextrum sin-
istrum & id genus. inter quos modos præcipui & maxime intrinseci sunt
conuenientia & disconuenientia eius, quod offertur cum anima. omnis
enim oblata res recipitur quidem ab anima uel uti amica & conueniens,
uel uti ingrata & disconueniens. atque hi primi quidem sunt, & simpli-
cissimi consensus, & dissensus rerum cum anima. a quibus duo etiam esse-
tus primi & simplicissimi ab anima fiunt, constrictio & dilatatio. quip-
pe recepta ingrati & disconuenientis specie, constrictio animæ & mem-
bri fit, recepta uero grati et conuenientis laxatio & dilatatio. qui motus
quomodo ab anima fiant, non paruam habet dubitationem. quoniam con-
traria sunt dilatatio & constrictio, contraria autem per se ab uno non pos-
sunt fieri, nisi forte ad unum certum fuerint, condensantur quippe elemen-
ta, rarefacta quum fuerint, et rarefaciunt se condensata, sed hoc ad unum
certum est, quo ueniant ad eum situm & terminum, qui illis pro natura
debetur. aer quoque si loco ignis ponatur, descendit, si in loco aquæ, ascen-
dit. sed hæc fiunt non ut contraria, sed ut ad unum tendant. at constrictio,
& dilatatio membrorum non ad unum est, sed modo magis, modo minus
utrunq; faciunt, quin imo et ab eo etiā termino saepe recedunt raritatis et
densitatis, qui formæ mixti debetur, quatenus mixtum est. quod per naturam
fieri posse non uidetur. si igitur anima per naturā facere contrarios illos
motus

motus non potest. quid per deos erit quod ipsos faciat? Sunt qui in his ad instinctus naturæ recurrant, dicentes habere animalis naturam iustitius quosdam, per quos mouet, prout bene est & magis expedit. sed certe hoc non aliud est, quam eandem questionem repetere. si enim instinctus ille est principium per se eorum motuum, oportet naturam esse. natura autem omnis una est & unius factiua, aut plurium quidem ad unum. hi autem motus neque unum sunt, neque ad unum, imo non solum inter se contrarij, sed formæ misti contrarij.

Fortasse igitur dicendum est sicuti elementum plures habitudines & plures motus habere potest, unum, scilicet ad loca propria, aliū partium in toto, ita & anima, quæ forma membri est, potest plures habere habitudines & motus: unum quidem ad motum elementi prædominantis, aliū partium in toto. & hunc duplicem, alterum quatenus simpliciter mistum quoddam est, alterum quatenus est forma cognoscens. utroque enim modo partes in toto moueri possunt. nam quatenus totum illud simpliciter mistum est, se se partes in eo & condensant et rarefaciunt, quo ueniant ad certum illum terminum, qui toti conuenit. at uero & quatenus totum illud cognoscens est, sic possunt in eo moueri partes ut bene est. si enim non cognoscencia possunt per naturam simplicem debitam coexistentiam sibi parare, cur & cognoscencia & sentientia bonum & malum non itidem possint? est igitur anima quodammodo una natura, quodammodo non una. una quidem quatenus membrum simpliciter mistum est, cuius est forma: ac talis quidem unius factiua est, aut plurium ad unum. non una autem est quatenus cognoscens. sic enim quum a diuersis mouetur, diuersa etiam fit, aut saltem non eodem modo se habens. quare & ut talis plura & contraria potest efficere, quoniam non ut simplex, & una natura agit, nec inconuenit partes in toto moueri una habitudine, quæ toti contraria est secundum aliam habitudinem. nam & in alijs mistis partes interdum rotundantur in toto, et non descendunt, interdum descendunt & non rotundantur, tum & se rarefaciunt ac condensant, hunc ascendentes contra totius naturam, nunc descendentes. quare nec inconuenit constringi & laxari membrum, quatenus cognoscens ultra eum terminum rarefactionis, qui sibi debet, quatenus mistum est. neque enim repugnat eundem motum eidem esse uiolentum sub una ratione, conueniens autem sub alia. igitur recepta specie ingrati et disconuenientis nihil repugnat membrum constringi, sic enim partes melius esse et situm habent, quoniam tactus fit secundum minimum quo potest, et retrahit a nocente. contra uero si boni & grati species recipiatur ab anima,

dilatatio fit, quoniam penitissime partes omnes id bonū recipiunt, alioqui totum non bene haberet, nisi secundum partes omnes frueretur eo bono. primi igitur & simplicissimi consensus & disensus animæ hi sunt, et primi motus animalis constrictio & laxatio, ex quibus paruis principiis mox ad magnos et admirandos sensim peruenire animal potuit, primum autem de sympathijs sensuum & antipathijs prosequamur.

De sensuum sympathia & antipathia.

Cap. 14.

Mira profecto ea concordia est, quæ inter sensus & eorum obiecta uersatur, si temperata sint. alioqui si excedant non solum non consentiant cum sensorijs, sed ea perturbent et corrumpant. Soni igitur (ut ab ijs ordiamur) si ualde magni sint, si nimis acuti, si nimis graues, si asperi, si multi confusi, si prorsus insoliti & ignoti, si uniformes ac demum si immusici sint, omnes per molestiam recipiuntur. causa autem occultæ admodum sunt, communis uero omnium ratio est, ingratos eos offerri sonos in quibus anima incommodam cognitionem facit, quoniam. n. finis eius & perfectio, est ipsa cognitio, ad hoc autem requiruntur & bonus organæ status, & uirtus potens & applicatio conueniens, ac modus receptionis idoneus, tum quidem p. difficultiam animæ recipit, quā aut uirtus laborat, aut organū uim patitur, aut applicatio impeditur, aut incommode recipit. qui igitur imbecilles sunt, aut circa auditum dolent, sonos pene omnes ferre non possunt. uerum causa non accidit ex ipsis sonis. at si sonus ingens ipse sit commotat organum propter circulationes aeris, tū et uirtutē dissoluit, et applicationē tollit, unde et cōsumdi animā accidit et terreri. similiter et si acutus ualde sit sonus, et stridulus applicatio uim patitur, quasi in angustio facta. tum et membrana auditus quasi icta offenditur, unde et contrahitur repente, ac cum ea simul et neruuli quidam usq; ad radices dentium, in quem locum subito incidens nouus aer horrorem quendam circa dentes facit. grauis quoq; plus æquo si sonus inferatur, plus aeris mouet q̄ sensorium ferat, tum et applicationē ualde amplam exponit. asper uero est, qui fertur per inæqualem superficiem, quare circulationes aeris confundit, et speciem quasi fractam ad sensum defert, unde & sensatio simul uaria fit & confusa, ad quam nec applicatio conueniens adhibetur. Vniuersalis autem iccirco molestus redditur q̄, nihil addiscit anima, Coacta nihilominus intentionem frustra adhibere. Cur autem ignoti & ualde insueti soni timorem incutiant, mox dicemus, quum

de timore agemus. qua uero de causa fiat, ut qui immusici sunt, molesti audiuntur, musici uero & certis constantes numeris, suauis gratiꝫ recipiantur, difficultatem non paruam habet. quando nec numeri, nec in unum quantitas ulla perse potest esse principium ullius actionis. per accedens autem & ut modi eius quod perse est, quomodo concurrant numeri, non satis patet. Vtrum igitur ut quidam dicunt, quod anima maxime musica ipsa sit (ut Timæus tradit) musicis etiam sonis gaudeat, an rhetoricum magis est hoc. & Timæi generatio animæ poeticum quiddam est, nihil aliud significare uolens, quam q. anima ex maximis rerum perfectionibus constet. ad numeros autem qui in sonis sunt equidem non uideo quam cognationem habeat. Fortasse igitur dicendum est sicut in uumeris quidam integri sunt, quidam fracti, ita et in sonis quidam integri, quidam fracti dicuntur. Integri sunt omnes perse soni, qui uocem unam faciunt, una autem uox quæ tota simul mouet, fracti uero qui uel unam uocem non simul totam reddunt, sed per partes, uel uocem unam & insuper partem eius includant. Si igitur integer sonus ad aurem ueniat, siue unus fuerit, siue plures, collati inuicem suauiores accedunt, quam si fracti ueniant. unus quidem, quia si uocem non unam facit, sed per partes ad unam ascendit uocem, asper quodammodo est, & inæqualis atque indistinctus, Si uero uocem unam totam reddat, et ut dicitur rotundam, distinctus est atque iccirco gratus. Similiter & si plures sint, fracti autem, aut omnes aut aliqui molesti sunt, siue uoces non reddant unas, siue unam & insuper partem includant. in omnibus enim inæqualitas quædam est & indistinctio. at si uoces rotundæ omnes ueniant, tum et ordo quidam in illis est et distinctio. omne autem ordinatū et distinctum delectat. quod et Aristoteles significare uoluit circa problemmata. Numeri igitur quatenus numeri nihil perse faciunt ad suauitatem, et molestiam in sonis, sed solum quatenus per ipsos modi sonorum notantur, qui aut distincti, aut confusi & asperi ad animam pertingunt. quamquam de his plura fortasse oporteret dicere, nunc autem tantum dictum sit, quantum attinet ad propositum.

Eadem & circa uisum contingunt, & propter easdem causas. Lumen enim si ingens sit, ab anima ferri non potest, quoniam et ipsum uirtutem et applicationem dissipat, quod & colores quoq. faciunt, qui nimium lucis habent, ut albi & rubri si & fulgidi sint, medij uero q. temperatiores sint grati omnes recipiuntur, & inter ipsos uiridis qui temperatissimus est. tum qui illi sup. proximi ut puniceus & flauus. niger uero quod priuatio quædam sit lucis, minus delectat, pariorum quoque conspectus ingratus

pariter est, q. applicatione multa indiget & indistinctus est. In saporibus quoq; qui valde acuti sunt, ut Euphorbij Clematidis & similium molesti omnes sunt. fortasse autem & sensum tactus feriunt. quoniam calidissimi sunt. calidi quoq; sunt salsus amarus et dulcis, sed salsus acuitatem habet haud ingratam, quoniam diluti subtilis nō nihil habet. propter quod asper nō est, sed æqualiter sensum tangit. at amarus contra inæqualiter tangit, q. ex terreo adusto constet, et in crassa substantia sit. quare aspera est illius applicatio & confusa. dulcis uero suauissimus omnium recipitur, quoniam excessum in mixture nullius habet, sed omnium convenientem miscellam ex aereo multo & aqueo, cum quibus quæ terrea & ignea sunt, minutissime sunt conmixta & rotunde commista. propter quod æqualissime sensum attingit & ut unum, quam ob causam e rotundis constare Pythagorici aiebant. e frigidis autem ponticus acutis oppositus est. qui e multo terreo constat non plane digesto, hoc est non exacte commisto, sed in rudi & crassa substantia constituto, propter quod & ille asper est et inamabilis. si uero in eodem terreo plus aquei humidi ad sit, acerbus fit sapor. quæ et ipse asper est & ingratus, minus tamen q. ponticus propter dilutionem. q. si minus adhuc terre plus autē subtilis aquei bene commisti affuerit, acidus uocatur sapor, minus adhuc ingratus. si uero terreum subadustum fuerit, subtile autem, multo autem aqueo bene commistum, acetosus fit sapor. in uniuersum autem terra ingratum uidetur saporem facere, q. inæqualis sit ac sicca & frigida, humiditas uero gravior uidetur, quoniam æqualis est et leuis. q. si cum caliditate coniuncta sit, omnium suauissima habetur. quoniam & calor gratissimus est animæ, propter quod aer maxime ad suauitatem saporum facit, aqua uero propter frigiditatem minus. Ignis porro & ipse, nisi acrimonia officiat, propter caliditatem ad suauitatem conducit. multum prætereare fert utrum mixtio ex minutissimis conflata sit, & ijs quæ unum facere apta sunt, an aliter. quas ob causas diuersæ saporum mixture fiunt. quarum aliæ grate, aliæ ingratae animæ sunt. ingratiissima omnium illa est, quæ non aliam habet appellationem, nisi q. abominabilis dicitur, ut luti stercoreum & quorundam medicamentorum. horum autem digestio nulla est, nec mixtio quæ ad unum sit, sed plurium confusio, quorum alia amara sunt, alia acris, alia insipida, alia aliter se habentia, ad quæ nec applicatio conueniens esse potest, nec distinctio, nec ordo, nec demum familiaritas ulla cum anima. proportionaliter autem se habent, & odores quorum ingratiissimus est, qui foetidus appellatur, quiq; abominabili in saporibus correspondet, nam & hic ex ijs pariter resultat, quæ nullam

nullam habent digestionem nec rationem mitionis, sed confusionem e multis ac diuersis, qualis fere sunt putrescentia. In quibus dissoluta mitione euaporatio diuersorum contingit. Oportet præterea & illud non ignorare quod contrariarum mitionum contrariæ quoque formæ sunt, & contrariarum formarum contrariæ quoque sunt spirituales species in representando, propter quod in saporibus & odoribus illud præcipue accidit, ut quorum contrariæ sunt mitiones, illorum quoque & saporis et odores contrarij sint. quare nec qui uni animali est gratus sapor aut odor, etiam alteri est gratus. Sicuti nec eisdem omnia nutriuntur, & diuersæ sint diuersorum mitiones & diuersis gaudentes, quod & inter homines quoque est uidere: quorum alij uinum, alij acetum, alij carnes, alij alia fastidiunt, uel natura uel morbo. Porro & circa tactum eadem quoque spectantur. suauissimus & maxime conueniens est illi calor si temperatus sit, tum & humiditas, quoniam lenis est & equalem tactum facit non asperum. mitionis quoque illa uoluptuosissima est, quæ dulci saporum proportionem respondet, in qua decoctio est optima, et miscella rotunde confecta, temperata autem qualitatibus, quale est semen. propter quod suauissima omnium est uoluptas, quæ in seminis emissionem sentitur in ea parte, quæ pariter omnium titillantissima est. Ingrata uero tactui perse est frigiditas, maxime quæ eum sicco coniuncta est, propter quod terra, & ea in quibus dominatur, ingratisima sunt. Figura porro & partium situs, quæ tangunt, non parum faciunt ad uoluptatem & molestiam illius sensus. unde quæ aspera sunt & quasi hamatæ superfici ei ingrata animæ sunt. Ingratus præterea, & dolorosus est et sensus ille, qui fit separatæ partis a parte, nullus enim conuenientiior est situs partium membri, quæ continuatio illarum, quæ re separatæ parte quicquid aliud subingreditur et tangit, inimicissimum aduenit: sub ingreditur autem ut plurimum aer. sunt tamen qui dicant separationem ipsam sentiri, unde & dolor insurgat, & uiolentissima res sit separatio. quod certe dici non potest, si quis bene aduertat quid sit pfe separatio, non enim aliud est quæ localis motus, aut partes illæ duæ separatæ. motus autem perse non sentitur, nec numerus ille, nisi quid aliud subsit, quod pfe sensum moueat.

De primis effectibus qui fiunt ex consensu et dissensu sensuum. Cap. 15

Sentiunt autem partes & membra animalis quandoque quidem perse sola, animali ipso non sentiente nec iudicante se sentire. Interdum a animali simul sentiente partis sensationem & iudicante. nam motus

Fracast.

E

quidem quo Intestina & uenae succum trahunt & deponunt, & torquentur ad emittenda excrementa, tum uenarum & cordis dilatio & constrictio & id genus per se quidem a membris fiunt, animali ipso nihil sentiente. Urinae autem emissio & secum, & tusis, et sternutatio & ira, et timor & progressio non sine phantasia fiunt, & iudicio animalis. Quaedam etiam impetrante uoluntate proueniunt. Simpliciores autem et natura priores uidentur motus, qui sine phantasia fiunt. Fieri autem illos per sensum quandam membrorum credendum est, constrictiones enim & dilataciones non nisi per boni & mali receptionem quandam fieri possunt, ut dictum est. propter quod natura quae ab imperfectissimis per gradus ad perfectissima progreditur, animalia quaedam fecit, quae uegetant solli et sentiunt, sine totius phantasia, sed membris solum per tactum boni et malum comprehendentibus, quales spongiae sunt. quapropter de membrorum motibus, qui sine phantasia sunt primo breuiter agamus, mox & de phantasiae sympathijs agemus.

Reassumamus igitur quae supra uniuersaliter dicta sunt, specie omnem quae ab anima recipitur, recipi quidem uel uti bonam et conuenientem, uel uti malam & dissidentem. ad haec autem primos & simplicissimos animae motus esse constrictionem et dilatationem, hanc quidem recepta boni specie, illam, mali. ab his ergo & alij deinceps fiunt & quidem admirandi interdum in eodem membro, interdum & in annexis. quippe recepta nocentis specie et facta constrictione, saepe paulo post et dilatio fit, quod alioqui mirum uidetur. fit autem saepe tam uehemens & subita dilatio illa ut excutiat nocens. uerum motus illi non secundum idem & secundum eandem rationem fiunt. Si quidem constrictio fit, ut tangatur nocens secundum minimum quo potest, dilatio uero mox fit, quoniam minimum illud quod tangit, diu ferre non potest illum contactum, tum quia ut mistum uim patitur nimis astrictum, tum quia ut sentiens, eo in situ persistere non potest, quibus de causis repentina laxatio fit, et saepe tanta ut excutiatur nocens. quod si excuti non detur sed necessario insitet et insistet, tunc alternatim fit nunc constrictio nunc dilatio, sic. n. membrum quietem quandam & pausam doloris inuenit, ut accedit in ijs quos phalangia pupugere. Interdum fit et motus tremulus, qui & ipse compositus est et dilatatione et constrictione. uerum differt a priori: in illo enim utrunque motum faciebat anima, in hoc laxatio fit a pondere membri propter debilitatem, constrictio uero a uirtute & ab anima, quae ubi paulisper cessit ponderi, quasi reassumptis uiribus constringit membrum ac sustinet, quem motum alternatim facit, quoniam sustinere semper si uellet anima, de ficeret, quare melius quod potest, facit. Inter-

dum recepta specie mali non constringitur membrum, sed dilatur, quod maxime fit quum intrinsecum est nocens: constrictio enim ipsum auget, dilatatio minuit, quoniam sic refugit anima. quo pacto cor fortasse & uenæ dilatationes suas facit. introrsum enim quum caliditas magna sit, si inflammari ipsum accidat, tum sese laxat ac dilatur, sic enim minus tangit: porro facta dilatatione rursus constrictio fit, qui motus est naturalis, membro redeunte ad situm proprium. utriq; autem motus sui consequuntur beneficia, naturæ cognita, nam ad priorem dilatationem sequitur attractio noui aeris, a quo refrigeratur cor, ad cōstrictionē uero sequitur expulso eiusdem aeris calefacti, et simul fuliginum multarū circa existentium, quæ quidem beneficia cognita Deo et naturæ sunt, non autem ipsi cordi. quare quodammodo perse fiunt a corde, quodammodo per accidens, perse quidem si consideretur cor ut pars totius naturæ, quæ res ordinat et fines nescit, per accidens autem quatenus cor est natura quædam una p se, quæ quidem non aliud agit nisi quod perse & p naturam potest, ad quod si & finis sequatur a natura totali intentus, per accidens fit quantum ex se est, non n. sese dilatur cor primo et perse ut aerem nouum trahat a quo refrigeretur, sed ut minus tangat internum nocens, nec constringitur ut expellat fuligines, sed ut redeat ad situm proprium, quia tñ uicissitudine temperiem acquirat, sine qua uiuere non posset. Sæpe et quiddam aliud maius molitur membrum recepta nocentis specie, nam constringendo sese in una parte, deponit nocens in aliam partem, quæ rursus constricta, deponitur idem nocens in aliam, & ex hac rursus in aliam, quo pacto tandem in totum ledens abijcitur, sic intestina feces & excrementa, uesica urinam deponunt. res quædem mira, q. unum membrum nunc has uic illas partes contrahat, et modo hos uillos, modo illos, quasi ratione quadam utatur, non est autem ratio alia, nisi partium motus in toto, in quo quælibet ita locatur ut melius expedit, tantus est consensus earum inter se & in toto, propter quod sæpe non uno modo moventur omnes, & uilli omnes, sed modo hi, modo illi reliquis quiescentibus, & ita cunctis ac toto melius se habentibus quo possibile sit. Sicut autem in receptione mali diuersi contingunt motus, ita & in boni receptione uarij effectus fiunt. si enim per totum membrum receptum fuerit bonum, tum dilatatio & laxatio totius fit, quo partes omnes profunde bono simul frui possint (ut dictum est). Si uero non secundum totum receptum sit bonum sed in parte solum, tunc non dilatatio totius fit, sed aut constrictio magis totius, aut partis saltem, quæ bono caret ad eam partem quæ habet, non sunt autem consensus isti, & dissensus tantum

in simplicibus membris et eorum partibus, sed et inter cōposita n̄ sunt, & ea quę non continua sunt, sed contigua, altero alteri famulante & consentiente. uno enim affecto & alia consimiliter afficiuntur. propter quod diuinum dicebat Hippocrates esse consensum inter membra. Laborante matrice, & aut sursum, aut in latus retracta, ita & reliqua coafficiuntur membra unum post aliud, ut eorum nullum audeat motum conari, omnia quietem agunt, palpebrę clauduntur, respiratio uix sit, & cuncta demum, ita immota manent, ut ne pes quidem aut digitus dimoueri queat sine molestia. Causam Galenus putat q̄ a matrice frigiditas quędam stupefactiua non aliter eleuetur ad mēbra reliqua, ac in Torpedine pisce effundit accidit. quod quidem ut admittatur, potest nihilominus sine eo stupore ad simplicem membrorum consensum referri (ut mihi uidetur). præsertim quod stupefactum nullum apparet membrum. sed & audit uulnus et calet ac rubet. non mouetur autem ullum membrorum ut consentiant primo affecto, quem consensum in multis alijs est uidere. dolente ore uentriculi incarnatur corpus totum. in calculo situs quosdam natura docet, sub quibus melius nos habemus, quā omni alio modo. et in dolore capitis sepe oculos ita claudi accidit, ut si aperiri cogas molestissime facias, & dolorem augēas. ita ergo & affecta matrice nerui & ligamenta quę ad illam pertinent, contrahuntur, aut simul tenti tenentur, mox successiue & crurum nerui & dorsi, & diaphragmatis, & pectoris, & alicrum idem faciunt: ac demum totum immotum perstat. qui situs & status uti magis conueniens a natura eligitur, nec partes melius in toto locari & consistere possunt, ita affecto primo membro. cuius signum est quod si dimouēas membrum aliquod, uulnus torquetur, et molestiam pati indicat. tantus est consensus inter membra, quę quamquam diuersa sint qualitātibus & natura, animam tamen unam sortita sunt. quærat autem fortasse aliquis utrum affecta una prima parte species eius affectus una ad alia membra mittatur, an plures sint species, quot & membra & affectus. nihil autem prohibet nec plures esse species, nec primam mitti ad alia membra. sed satis est aliquod primū esse affectum per quod anima quę una in omnibus est, potest partes omnes in toto mouere ut melius est, et locare. sicut. n. in uno mēbro simplici recepta boni uel mali specie non secundū totum sed in parte solū, totum tñ sitū querit quo pōt, meliorem, ita & in toto animali q̄q̄ non utiq; sit spēs boni et mali, sed in aliqua parte tm̄, potest tñ totum ipsum et partes i eo meliori modo locari, quo possibile sit. de quo & nō nulla mox dicemus. ac de sympathy et antipathy sensu et simplicium mēbrorum p̄transcursum dictū sit.

Maiores multo & magis admirandi sunt consensus illi & dissensus, qui fiunt specie boni & mali ad phantasiam delata: per quam non iam sensus aliquis iudicat, sed animal ipsum. uidetur enim eas facultates quasi toti deputata, uti ministra et cognitrix eorum, quae ad totum pertinent. Habet autem phantasia consensum quidem cum toto, sed cum corde maximum ac precipuum, statim enim & cor eisdem speciebus afficitur, quibus & phantasia, siue boni fuerint species, siue mali. porro & cor cum uocatis spiritibus supra quod credi possit, consentit, atque ipsi uidentur uti famulantibus. quam ob rem de utroque non parua dubitatio est. ac primum de corde quomodo afficiatur a phantasia speciebus. si enim non cognoscit per illas, quomodo moueri potest, & constringi & dilatari, diximus enim fieri haec ab anima quatenus cognoscit inuicem, si uero cognoscit per illas, utrum ne sensu aliquo cognoscit solum, an & ipsum habet quandam aliam cognitionem maiorem quam sensus. si quidem per sensum cognoscit tantum, quomodo igitur afficitur & mouetur a speciebus omnium sensuum? oportebat enim solum ab uno moueri obiecto. ut si maiorem habet cognitionem quam sensus, habet ne & ipsum phantasiam aut consimilem aliam uim, quod certe non satis uidetur. porro de spiritibus uocatis difficultas quoque uel maxima est, quando constat moueri eos ad omnem partem & sursum & deorsum, & in latus. unum autem tantum unum posse uidetur facere. ipsi autem unum quid sunt, ac sepe et per se existentes in animali, quin imo ne etiam cognitionis participes. Ad priorem autem difficultatem possumus cum antiquioribus dicere cognitionem inesse cordi non solum sensu maiorem, sed et phantasia, tum quod non modo ea dignoscat quae & phantasia, sed etiam & motum sensationemque ipsius phantasiae, tum quod et intellectus quoque actionem ad cor pertingere manifestum est, atque eadem cor iudicare bona & mala, quae & intellectus cognouit, ut pote princeps membrum: cui, sicuti sensus & phantasia intellectus seruiunt & ministrant, ita & intellectus & aliae facultates in cor ueluti regem et ultimum ordinatae sunt. Signum cuius est eisdem afficiatur quae ultimo affici, ut pote finem, quod antiqui omnes opinati sunt. Verum tamen si cui uideatur non habere aliam cognitionem cor quam quae tactu fit, facta tamen phantasia quorundam nihil prohibet si dixerimus cor non eisdem speciebus cognoscere, posse tamen & constringi, & dilatari, & signa terroris, & irae & gaudij praeferre, quoniam anima (ut dictum est)

una est in toto animali. ad motum autem partium alicuius totius animati non est necessarium partes omnes, quæ mouentur perse cognoscere bonum & malum, sed sufficit esse aliquod primum cognoscens, per cuius cognitionem totum ipsum mouetur in suis partibus, ut bene est, modo omnibus, modo quibusdam. igitur recepta boni & mali specie in phantasia, totum animal mouetur in suis partibus, modo una modo alia, ut magis expedit. mouetur autem principaliter cor, quoniam inde origo est uirtutum omnium, & de ipso totum maxime sollicitum est. De spiritibus autem recte illud dici uideatur, quod et ad partes omnes mouetur sursum deorsum, et in latus, et separati etiam sunt a membris alijs. si enim continui forent cum illis, impelli quidem non possent hic & illuc sine membrorum offensa & distractione. quæ de causa separatos illos natura fecit, uerum non ita, ut quasi atomi quædam, perse consistant, hic & illic distincti, sed magis continuos inter se esse ceu nubem quandam putandum est. Vtrum autem animati sint, dubitatio apud omnes non parua est, nam animatos non esse indicium est, quod et in sanguine sunt & in semine, hæc autem nec sentiunt, nec nutriuntur, quoniam organis carent, anima autem sine organo esse non potest, at uero si animati non sunt, quomodo ad partes omnes moueri possunt. Dicendum fortasse animatos esse spiritus eos saltem, qui partes membrorum sunt. animatos autem esse non tanquam membra perse, sed tanquam partes membri, sunt autem partium alie quæ primæ dicuntur, ut elementa, quæ sicuti in misto sunt, ita sunt animata, quare quum potentia quodammodo sint in misto, ita et potentia sunt animata. alie autem sunt partes, quæ secundæ dicuntur, quæ quodammodo actus sunt, quodammodo potentia ut partes organici membri, actus enim sunt, quoniam esse suum habent et signari possunt, potentia uero, quoniam ex omnibus tertium quoddam fit, quod perse tale est. atque hoc modo et spiritus partes sunt carnis, nerui, & ossis, & aliorum. ex actione enim spirituum & temperie ab ijs data cum alijs ex quibus componitur caro et neruus, fit tertium illud quod caro appellatur & neruus & os. quorum præcipua pars sunt spiritus. igitur quod perse animatum est, caro est, & neruus, spiritus autem perse animati non sunt, sed solum ut partes. atque ita si sint, facile erit ostendere quomodo moueri ad omnes partes possint, nam & ipsi mouentur sicuti partes in toto ut bene est. cognoscente igitur phantasia quod mali & boni est, in hac uel illa parte nunquam bene se habet totum, nisi partes eum situm querant, quo totum bene habet. quare laborante corde ad ipsum mouentur spiritus, quasi opem laturi, qui finis in natura quidem animalis est & Deo cognitus & communi naturæ, non autem ipsis spiritibus. qui

tamen moti uti partes in toto finem præstant nature notum. nihil autem inconuenit partes in toto motus & sursum & deorsum, & in latus ferri (ut supra dictum est). inconueniens autem est esset, si spiritus tanquam unum quid ipse existens in diuersa agerentur. quo autem modo & illi moueantur, qui in sanguine sunt, si quis querat, dicendum fortasse moueri ipsos alio modo uel attractes ab ijs, qui primo ut partes animati mouentur, uel consequentes propter continuitatem quam cum ijs habent. e tanto igitur consensu quem phantasia cum corde habet et spiritibus, illi primo fiunt qui affectus animi dicuntur, gaudium amor spes risus admiratio ecstasis tristitia timor ira uerecundia commiseratio et si qui alij sunt. de quibus bene erit, si non omnia que ad ipsos attinent, at quedam tamen obiter & per transcursum dici.

De Gaudio & appetitu.

Cap. 17.

Quod igitur recepta boni specie gaudium fiat, nemini dubium est. uerum non proprie gaudium dici uidetur, quum sine phantasia simpliciter membrum aliquod per se bonum recipit. sed tum magis quum animal ipsum iudicat, quod per phantasiam fit, ut dictum est. uidetur enim gaudium totius animalis affectus quidem ob bonum apprehensum. apprehenditur autem bonum, et ab intellectu, uerum quia hoc commune non est animalibus omnibus, uidentur autem gaudere omnia, propter hoc, gaudium phantasie attribuitur magis, que omnibus animalibus est commune aut perfectioribus. Si igitur presens sit bonum & habeatur, tum simplex fit gaudium & fructio boni. si uero apprehendatur quidem per phantasiam, presens autem non sit & non habeatur aut non bene habeatur, tunc appetitus uocatus fit, hoc est motus anime ad prosequendum bonum non habitum, aut non bene habitum. nihil enim est aliud appetitus (ut et nomen sonat) quam motus anime ad prosequendum bonum oblatum, non autem habitum, propter quod appetitus ex gaudio & tristitia quadam compositus est. quatenus enim bonum percipitur, eatenus gaudium fit, tristitia uero quatenus non habetur, aut non commode habetur, quare propter mouetur anima ad consequendum. fit enim motus omnis ad id quod non habetur. primus autem et simplicissimus appetitus fit, quum bonum quidem recipit anima, nondum autem profunde & penitus habet. quare dilatatio fit cordis, quo secundum partes omnes fruatur bono, interdum anima secundum unam partem habet, secundum aliam non, unde & alius appetitus innascitur, ut secundum omnes partes fruatur, quare aut partem

quæ caret bono ad aliam mouet, aut utranque inuicem astringit, aut bonum illud successiue de una parte in aliam deponit. quo pacto ab infantibus admoto ad mammillam ore, primum astrictio oris fit unde quaque circa mammillam et succio lactis, deinde, ut et aliæ quoque partes fruantur, attractio fit lactis de parte in partem usque ad uentriculum. quæ quidem attractio non solum simplex est a specie facta, sed & organica, hoc est per constrictionem & dilatationem uillorum factam per modum dictum quo partes in toto mouentur, prout expedit specie boni percepta per phantasiam. non sunt autem hi motus & ordo inter membra absque fine naturæ cognito, quamquam particularia membra simpliciter agant. Interdum oblatum bonum nullo modo habetur, sed separatim est, appetitus nihilominus fit ad proseguendum, unde animal ipsum sese aut totum mouet ad bonum, aut partem aliquam ut manum, quo magis potiri potest. uerum actio hæc non statim fit nato animali, sed in quibusdam longe post, & non nisi iam phantasia habente experientiam multorum motuum ut lacertorum et aliorum ijs seruentium, quo pacto tandem progressio fit. quippe e paruis principijs & motibus ad maiores & demum ad maximos peruenitur. tantus est consensus partium & inter se & in toto. Porro specierum quæ ut bonæ recipiuntur, aliæ sunt cum abiectione contrarij, quod per successionem quandam fit, & in tempore ut sedatio sitis, & uniuersaliter primarum qualitatum receptio, aliæ momento, & sine motu perficiunt ut uisio. quæ igitur cum motu accidunt & in tempore fiunt, delectare magis uidentur, quia longior est uoluptas, & diutius producit. quæ uero momentoperficiunt, quasi simul fiant & factæ sint, delectant minus. atque hoc modo se habent quæ gaudium faciunt. quoniam autem & per phantasiam & per intellectum homo apprehendere & appetere bonum potest, reliqua uero animalia per phantasiam solum, appetitus quidem in homine, qui per intellectum fit uoluntas dicitur. qui uero tam in homine quam in alijs animalibus per phantasiam fit, appetitus simplex dicitur. est autem & uoluntas motus animæ ad consequendum bonum per intellectum oblatum non autem habitum. consultat quidem intellectus & ratiocinatur, & bonum ostendit & eligendum, quo oblato si non habetur, motus fit animæ ad consequendum, quæ uoluntas dicitur. Affectus porro alius, qui ex gaudioprofiscitur est amor uocatus. duo enim quæ ad gaudium concurrant, receptio, scilicet boni, & causa siue res, quæ bonum illud producit, si quidem consideretur anima quatenus bonum recipit et apprehendit sic quidem simpliciter gaudet, si uero consideretur ut & causam respicit quæ gaudium

dum illud facit in ipsam, sic quidem amor fit, hoc est desiderium quoddam quo & illi rei bene esse optatur, qui amor uocatur. q. enim amor eiusmodi fit, illud monstrat. q. res illæ si bene habent, letamur, si male, tristamur. quapropter amor perse causam respicit secundum se, quæ gaudium facit, quem affectum magis exprimit nomen beneuolentie. & simpliciter quidē non aliud est amor q̄ beneuolentia rei qua gaudemus: q. si rem illam in uoluptatem nostram uertamus, non amor est, sed libido: amor enim perse omnis purus est, & nihil aliud uult, nisi ut bene sit illi rei. quem amorem non solus homo sed & alia animalia habent, quibus phantasia & memoria inest, nam & filios ea tueri uidemus, & ijs escas parare. propter quod & diuina res est amor, & a natura propter finem diuinum datus.

Detrititia & odio.

Cap. 18.

Sicut igitur recepta boni & conuenientis specie leticia fit, ita recepta specie mali & discentientis, tristitia innascitur. quæ propriæ tristitia dicitur quum animal ipsum iudicat per phantasiam, quamquam etiam tristitia dicatur, & quum membrum aliquod perse mali speciem recipit: est autem & in tristitia appetitus suus, hoc est motus animæ, sed hic est ad euitandum malum, qui est primus & simplicissimus appetitus, qui in tristitia fit. Sunt autem plures modi quibus anima malum euitat, primus est refugere qua potest, propter quod constringitur membrum. sic enim secundum partes multas refugit, nisi intrinsecum sit malum. tunc enim dilatatur, ut dictum est. quum uero constringitur si diu ferre eum suum non potest, tum aut motum facit compositum modo dilatando se, modo constringendo, aut motu tremulo agitur, aut excussionem non centis tentat, membro sese repente, & impetu quodam laxante. quod quidem in simplicibus membris sine phantasia motis naturaliter fit, eo modo quo dictum est. in animali autem iudicante per phantasiam maiori quadam eruditione fit, edocta iam phantasia plurium motuum. quis monstrauit Aselelo rudissimo animali quum pungitur pellem primo constringere, mox repente quodam ac grandi conatu facto eandem laxare & distendere, ac per eum motum ledens excutere. nempe prius natura docuit constrictionem facere recepto nocente, mox & eadem dilatationem docuit. partibus quæ prius constrictæ fuerant, non potentibus diu eo sub situ stare, quorum motuum ubi semel edocta fuit phantasia, tum quasi facta arte quadam & memoria promptissime eum excussionis motum operatur. operatur autem

Fract.

F

modo hoc modo alio ingenio, modo pedes admoüendo, modo manus, modo alia membra per quæ nocens abijcitur. q. si nullo modo propellere, & amouere posse iudicet, animal ipsum fugit & amouet sese a nocente. Sicut autem in gaudio erat & gaudium simplex & amor, ita in tristitia est & simplex tristitia & odium. tristitia quidem, quatenus anima sub recepto malo male habet, odium uero, quatenus causam respicit, cui male uult. est enim odium desiderium quoddam quo male optamus cause, a qua tristimur. est autem & in animalibus omnibus aut perfectioribus sua maleuolentia, in quibusdam quidem conspicua, in quibusdam obtusior, in quibus imperfecta quædam est phantasia. Sunt enim animalium quæ solum resurgere a malo nouerunt, quædam uero quæ etiam repellere possunt. hominum autem alij natura tristes sunt, alij lætabundi magis. tristes sunt qui contrarijs resistere minus possunt, læta uero obire non sunt idonei, lætabundi autem, qui & ad læta aptissimi sunt, & tristibus maxime possunt resistere. qui igitur pauci caloris sunt & exangues ac debiles ut senes & ægri & conualescentes parum resistere contrarijs possunt, quare ut plurimum tristes sunt. porro & hi, & qui melancholici natura sunt, & amarioris sanguinis ad læta minus idonei sunt, quare nec ea uti læta recipiunt, ut spectacula ueneres commestationes conuentus lusus, & id genus. ægri quidem & pauci caloris quia non possunt & dispositionem non habent, melancholici uero quia ad contraria dispositi sunt. iracundi uero & ipsi non letantur, quia ira non sine tristitia quædam est. qui uero optime sani sunt, & multo abundant sanguine, & eo quidem dulci & leni non acri & bilioso & melancholico, ij quidem quod & maxime resistunt contrarijs, & quod optime dispositi sunt, omnia fere aut uti læta recipiunt, aut uti minus tristia, quare & ad societates & cantus & spectacula, & lusus, & alia id genus maxime proni sunt. unde & iuuenes, & pueri maxime gaudentes sunt. alij præterea maxime amant, qui scilicet & læti natura sunt, multa enim recipiunt uti grata, talium autem est amor. alij parum amant, qui & tristes natura sunt, plurima enim odere propter contrariam causam, quod omnia fere uti ingrata recipiunt, in ijs autem odium uersatur. Sunt porro qui neminem fere amant, nam quem admodum inter animalia quædam sunt, quæ reliqua ferè omnia odere, & prosequuntur, ut serpentum genus, ita & inter homines quidam sunt, qui reliquos odio habent. quod & in gustu quoque accidit. in quo dispositiones quædam inneniuntur, quæ edulia fere omnia abominentur. Sicut igitur in his praua quædam constitutio est in lingua, & stomacho longe ab

ea quæ ordinario, & ut plurimum fieri natura solet, ita & inter an-
malium species, & inter homines ipsos censendum est, in quibusdam aliis
nisi iam ab eo quod ut plurimum est. Constitutionem esse humorum &
complexionis, per quas reliquos odio habent, aliæ bis opiniones sunt, alij
mores, alius color, alius affectus, sanguis eorum cænosus turbidus, et qua-
dam sordida melancholia redūdans, quibusdam quidem frigus, quibusdam
exustus. qui & insolentes sunt, & superbi, reliquos despectui haben-
tes, ad se ipsos omnia trahentes, inuidi præcipue ut pote maleuoli, atque
ita se habent tristitia & gaudium.

De timore.

Cap. 19.

QUOD autem & timor tristitia quædam sit, manifestum est, om-
nes enim ex malo aliquo timemus. si igitur malum præsens
iam sit, & ledat iam, tristitia simplex fit. Si uero præsens
non sit, se imminere ut affuturum, tum timor uocatus &
pavor fit. nihil enim aliud est timor, quam tristitia ex imminente malo.
primum autem quod in timore fit, est fuga caloris introrsum: eius qui-
dem qui extra cor est, uersus cor, eius autem qui in corde in penitissi-
ma cordis. propter quod timentes & pallent, & tremunt calore de-
ferente membra. fit autem in timore maxime concursus caloris ad cor
& fuga, quoniam & laborat maxime cor. In simplici nanque tristi-
tia præsentem malo in aliqua membro phantasia quidem fit euitandi ma-
lum in ea parte, aut per constrictionem, aut per motum tremulum,
aut per excussionem, aut aliter. ipsum autem cor perse non laborat.
at ubi species mali imminens ad phantasiam, & ad cor fertur, ipsum
quidem perse laborat. quare maxime ad ipsum fit caloris concursus.
fit quidem interdum, ut & in simplici tristitia laboret cor, ut in nun-
tio cæsi filij in prælio, aut fugati exercitus & eiusmodi. uerum dif-
fert & hoc a timore, quod in timore simul cum tristitia semper anima ui-
detur satagere & consilium querere, unde confunditur & tremit. in
nuntio autem fugati exercitus sola tristitia fit. cuius signum est, quod si
nuntietur fugatum esse exercitum, adhuc tamen incertum sit, tremor si-
mul & timor cum tristitia illa iungitur, eo quod anima satagit & consilij
confusa est, & nescit quid faciat. propter quod minus timent, qui consi-
lium capiunt aduersus imminens malum. unde & quum de improviso im-
minet malum, timemus magis,

Eorum autem quæ timorem incutere solent, multiplex est natura, uniuersaliter autem quorum mixtiones & naturæ contrariæ sunt, & multum dissimiles, sicuti per inimiciciam quandam & disconuenientiam recipiuntur ab anima, ita et si sub modo aliquo quo nocere possint recipiantur, timorem inferunt. miluo quidem & pullo gallinaceo inimica natura est: non timet autem miluus uiso pullo, quod nihil ab ipso ledi potest, pullus autem contra uiso miluo expauescit, quod naturam eius uti inimicam & nocere potentem recipit. elephantis autem & equi natura cum pullo non est contraria. uidetur autem natura non frustra hunc timorem insinuassee animabus quo possent, & fugere, & se tueri. quin imo, & propter hanc causam non solum uoluit formas contrarias formidabiles esse, sed et certas figuras et motus: sub quibus delata species timorem apportet, propter quod non solum uerus miluus, sed & fictus similitudinem habens gallinaceo pullo pauorem infert.

Est autem animalium inimicicia interdum cum tota specie, interdum non cum tota specie propter certa quædam, quæ de causa cum Psillis & Maribus non ea serpentum inimicicia est, quæ cum reliquo genere, siue sit mistio ipsi non omnino contraria, siue odor, siue aliud, per quod species minus ingrata accidat. quæ amicicia & inimicicia naturæ inter homines quoque uersatur. propter quod alios sine causa odimus, alios amamus, propter modos cum quibus species rerum ad animam ueniunt, qui sunt conuenientia & disconuenientia. Formidolosa quoque ea sunt, quæ uti prorsus ignota pertingunt ad phantasmam, dico autem ignota non quantum ad uniuersale illud, quod cognitionem facit, ut color sonus & id genus: sed quantum ad coniuncta, quæ sub ipso uniuersali latent. quum enim nescimus quæ sint, & an bona, an mala, tum ignotum illud peritimescit anima, quod phantasia fiat de sub latente, atque imminente malo. propter quod & noctis, & solitudinis, & maris, et præcipitiorum imago et belli formidabilis est. omnium enim horum phantasia sit, coniuncti cuiuspiam quod nocere possit, cuius signum est, quod assuesciti nihil præterea timemus, quasi securi. hæc de causa sæpe expauescimus ex paruo lapilli casu si impræuisus accidat, & superueniente nobis aliquo, uel etiam amico si de improviso superueniat, timor fit, quod nondum parata anima sit & non cognoscat. re autem cognita statim cessat timor. eadem de causa in Ephialte quem alij incubum uocant, formido fit. quoniam per somnum obstrictis neruis illis, qui ad pedes eleuantur ueniunt, et prohibita dilatatione illius, memoria subit eorum quæ solent eam dilatationem prohibere, inter quæ occurrit pondus aliquod.

aliquod nos oppriment: quare phantasia fit ponderis nos opprimentis. hoc autem quum uti ignotum offeratur timor fit, factio autem timore rursus memoria fit terrefacientium, inter quæ nobis occurrit aut Dæmon, aut quid simile, antiquis autem Epibialtes gigas. semper enim in somno ea primo occurrunt, quæ maxima sunt in uno quoque genere. quare tandem phantasia fit dæmonis alicuius, aut alterius similis nos opprimentis, unde excutimur præ timore. Sunt porro magis et minus timorosa ea ad quæ magis et minus sumus potentes, alij scalas timent ascendere quodd minus agiles sint, alij nihil timent, quodd agiles sint, et alij ponti angusto committi expauescunt, alij non. Timidi uero natura sunt, qui frigidi magis sunt, quales mulieres eunuchi senes et melancolicorum genus, contra uero audaces magis, qui natura sunt calidi et multi sanguinis et spirituum. ea enim est optima animæ dispositio per quam ipsa maxime potest, et operatur et resistit. operatur autem et potest per calorem. quare quibus is est plurimus, et minus confundantur in periculis, et semper consilium capiunt, et si pars sanguinis et spirituum introrsum fugit, pars tamen multa relinquitur, quare nec tremunt, nec pallent sicuti alij, et se tuentur. timidiore quoque sunt ceteris paribus, qui paucorum habent experientiam, multa enim ijs uti ignota offeruntur. propter quod pueris maxime infertur timor, experti uero et securi et potentes distinguere coniuncta cum rebus, pauciora expauescunt. Sunt tamen nonnulli qui quæ experti non sunt, quæ subsunt rebus, multa non timent, nondum enim nouere pericula quæ coniungi consueuere. propter quod et qui plura considerant, et plura experti sunt, interdum magis timent, quam qui ad pauca aduertunt, ut ebrij et qui natura similes ebrij sunt.

De admiratione, et Ecstasi, et risu.

Cap. 20.

SI uero nouum aliquid uti ignotum offeratur, non tamen phantasiam faciens imminentis mali, tunc non timor fit, sed admiratio sola. nihil enim aliud est admiratio, quam suspensio animæ seu fixio et amplificatio intentio. nam et tenduntur nerui et calor ac uis omnis animæ ad id affigitur, unde et intentio uocatur. si igitur ignotum illud ut simpliciter ignotum offeratur, tunc inquisitio sola fit, id est applicatio animæ ad eam rem, et ad coniuncta illi illa, ad quæ mouetur de uno in aliud. quod quomodo fiat difficultatē non paruam habet. diximus autem de eo in ijs quæ a nobis de intellectu alia scripta sunt. Si uero quod offertur uti ignotum

disunt omnia subitam & repentinam admirationem ac repentinam etiam delectationem faciunt, admirationem quidem quia ut noua offeruntur, repentinam uero quia subito oblata, delectationem uero tum quia cognoscuntur facillime. delectat enim omnis cognitio ut pote animæ finis et perfectio, tum quia appositam ad aliud concinnitatem habent, quæ de causa & translatio delectare solet. delectatio autem omnis ut pote res læta expansionem cordis facit, hæc autem motum oris, qui risus dicitur. quod autem appositam quandam concinnitatem habeant, quæ risum mouent, mostrant & facetiæ, & mimi, & personati. facetiæ enim omnis arguta est, unde & sales dicti sunt, mimi uero propter aptam imitationem maxime delectant. personati uero & ipsi imitantur, non omnes autem risum mouent, sed qui per noua quædam & extranea, quæ quatenus talia, admirationem primo subitam faciunt, mox delectant, si apta sit nouitas. est autem et in eo qui cadit et inopinate labitur sua concinnitas, quæ delectat, aptissime enim uidetur fieri, ut qui intente in rem suam pergit, repente labatur, nullus, n. (ut dici solet) poterat illi accidere pulchrior casus, quis non rideat, qui uideat duos monachos super equo aliquo qui calcitret, & deicere illos patres nolit, nimirum appositissima res est, & facetis simus casus. quod si periculum aliquod graue ijs imminet, iam non risus fiet, sed timor & pietas, quoniam res seria fit, non amplius iocosa & ludicra.

Est autem risus, compositus ex admiratione & letitia motus, propter quod et quædam contranitentia in risu est, admiratio. n. suspensionem quandam in anima facit, letitia uero expansionem, quæ re fit ut quum produci tur risus, non sine molestia fiat. quæ et alia quoque causa coniungatur, quæ non debite perflatur cor in illa quasi continua expansione existens. Assimilatur autem risui et is qui ex titillatione contingit, compressis capitibus lacertorum quorundam & neruorum, ut coxarum et plantæ pedis, et subalarum. non est autem proprie risus, sed assimilatur. quoniam & ille mistus est motus ex suspensione et dilatatione cordis repente factis. quod accidit non quomodo docuimus, compressis, et tactis lacertis, et neruis illis, sed leuiter tantum & per summa, ac subito pressis et subito etiam dimissis, atque ita alternatim dimotis. ex primo enim contactu & leui pressione quidam ueluti horror repentinus accidit, qui ad diaphragma et cor pertingens, repentinam contractionem et suspensionem animæ facit. mox subito etiam dimissis neruis illis, subito etiam cessat horripilatio, & cor ad propriam naturam redit. quod cum delectatione & gaudio fit & dilatatione. est autem tam subitus uterque motus ut simul pene sint suspensio animæ et dilatatio, quod et in risu quoque contingit.

propter quod & hic quoque proportionale quiddam risui contingit non sine molestia quadam. nemo autem sese ipsum titillat. quoniam subita quaedam horripilatio est, quod titillare dicimus. Subita autem fit titillatio & repentina quum anima imparata, & non aduertente contactus sit. at sese tangente aliquo semper parata & aduertens anima est, alio uero tangente etiam si aduerrere uelimus, horror nihilominus fit, quia tam continua non est animaduersio illa, ut tamen non tangatur tanquam de improviso. cuius signum est, quod si intentissime, et obstinate aduertamus aut titillationem non sentimus, aut minorem. idem accidit et si quis capillum alteri uel licet non aduertenti, subito enim horrescit, quod nemo patitur sibi ipsi capillum uellicans. Sunt autem alij ad risum promptissimi, alij duriores, duo enim in risu sunt, admiratio subita rei nouae & ludicra, & delectatio. qui igitur facillime admirantur, ij ex causa hac aptiores sunt ad ridendum. propter quod pueri maxime & mulierculae, & plebs facillime ridere solent. grauiiores autem & seueriores ut uiri, & ij quidem philosophi, minus in risum ducuntur. porro qui lati naturae sunt, aut ex accidenti aliquo facilius in risum mouentur, facillime enim letis afficiuntur propter dispositionem. quare per naturam iuuenes, & optime sani, & qui sanguinem plurimum habent, & eum dulcem non biliosum, non melancolicum maxime, ridere solent. ex accidentibus uero dispositi quoque ad risum sunt, qui in letitia quasi sunt constituti, ut ebrii, & quibus multa adsunt eorum, quae leta dicuntur si noua sint. quare & qui in conuiujs sunt inter familiares & amicos, quam plurimum ridere consueuerunt, imo saepe adeo efuse ridet ut continere non possint risum & incontinentiae notentur. causa est (ut Aristoteles ait) quod ipsa letitia quasi risus quidam est, & ij quodammodo in motu sunt semper. res autem in motu posita adeo prompte impellitur ut contineri non possit. Contra autem qui aut natura, aut ex accidenti aliquo tristes sunt, ut melancolici, & quibus amarior est sanguis & egri & iracundi non facile ridere solent, quoniam delectari non possunt, unde & aliqui uisi sunt qui nunquam risere, ut de Philippi imperatoris filio legitur. qui ob id agelasti appellantur. nunc de ira dicamus.

De Ira.

Cap. 21.

Q

Uod igitur quicumque irascitur, ex offensa aliqua irascatur, manifestum est. Cognoscitur autem offensa, & per intellectum, & per phantasiam. irasci autem commune est animalibus

animalibus omnibus, aut perfectioribus, quare & ijs per phantasiam acci-
dit, quatenus commune est, irasci, non est autem ira quum non iudicante
animali ipso, membrum aliquod recepto nocente, aut constringitur, aut
etiam nocens expellit, Sed tum solum quum animal ipsum iudicat. porro
nec si animal recepta mali specie phantasiam faciat, aut se contrahendi,
aut aliter cauendi a nocente, aut etiam propulsandi, quatenus sese a malo
defendat, irasci ipsum dicimus. neque enim aut in tuſſi, aut sternutamēto ira
moueri animal dicimus, nisi cōmuni quadam appellatione. quare tum solū
iram uocamus, quum & odium fit in rem, quæ offēdit. nec solum odium,
sed & appetitus nocendi illi, & quodammodo ulciscendi iniuriam. quod
quum per membra exteriora fiat, ut per manus aut pedes, aut cornua, aut
dentes, et id genus alia, quibus natura animalia armauit, necessarium ani-
mæ est uires colligere, ac mox demandare ad ea membra, quæ agere de-
bent. primum igitur quod fit in ira, appetitu nocendi oborto, est collectio
caloris circa cor, ubi sedes animæ & uis est. propter quod recte aiunt esse
iram sanguinis ebullitiouem. hoc enim primo fit, mox nisi quid impedi-
at, transmissio etiam caloris collecti fit ad partes, quæ nocere paratæ sunt.
prohibent autem quædam eam sepe transmissionem, ut aut timor maioris
pericali, aut iudicium, quod frustra id fiat, aut ratio & eiusmodi alia. Sed
hæc accidunt. quare ira per se est appetitus nocendi causæ nos offēdenti,
ex quo collectio caloris fit circa cor, & transmissio eiusdem per se ad par-
tes, quæ nocere habent. nocent autē animalia nunc per hæc, nunc per illas
partes, ut cuique promptius est. at homo quum non aliter nocere potest, lin-
gua iram conceptam monstrat, aut iurgijs, aut imprecatione mali, aut &
blasphemijs in deum. quem causam esse omnium, quæ fiunt, in opinione ho-
minum est. Sunt autem alij promptissimi quidem ad irascendum, tardi au-
tem ad prosequendam uindictam. alij uero tardiores quidem ad irascendū,
promptiores uero ad sumendam uindictam, alij ad utrumque promptissimi,
alij ad utrumque tardissimi. qui igitur tristes natura sunt, et omnia ferè per
displicentiam recipiunt, ut egri & male affecti, & ex alijs causis irati, et
quibus biliosior est sanguis, & melancolici, omnes quidem hi q. ex omni
causa facillime offēduntur, facillime iram cōcipiunt. tardius autem exe-
quuntur quicunque ex his timidiore sunt, et pauci sanguinis & frigidioris
tum uero & prudentiores, et rationi parentes magis. Contra uero qui be-
ne ualent & multi sanguinis sunt, & leniores, ferius quidem irascuntur
& non facile, quia omnia fere uel uti leta recipiunt, uel uti minus tristia,
at ubi de offensa iudicium fecere, tum promptissime iram effundunt, &

Fract.

G

Quosdam præterea consensus habet phantasia quum a memoria quorundam mouetur, aut ualde intenta est. quippe alio oscitante, & nos pariter oscitamus, si uon aduerterimus, quod sit excitata memoria alterius ab oscitatione, tū & facto repente & inuadenter appetitu eiusdem quod alias anima uti bonum agnouit, unde et nos simul oscitamus, nihil enim refert ad faciendū eum motū an uapores aliqui pigri super musculis sint, unde appetitus fiat excutiendi, an alio modo, & ex memoria innascatur idem appetitus. idem enim omnino fit. innascitur autē non aduertētibz nobis facta memoria. aduertentibus autem non innascitur phantasia rectum iudicante. similiter et edente alio acerba quædam, memoria fit & appetitus consilium. omnis autem appetitus animā mouet, & calorem. anima autem, quæ in membro est, quod appetit, quasi sibi deficiat aliquid in eo, suggerit proportionale quiddam aut saluam, aut quod melius indicat. sicut & in ueneris phantasia appetitu facto intenditur uirga suggerente anima plurimum spiritus, & dolente membro calor & sanguis concurrat, ad quæ si recte respiciamus, impossibile non existimabimus, quod de pregnantibus dicitur, remanere, scilicet in fœtu signa quorundam, quæ ipse auditiſſime appetiuere. siquidem facta ingenti quadam phantasia et appetitu quorūdam, anima ex ijs, quæ in corpore sunt, proportionale aliquid mouet præcipue in sanguine. ex quo quum nutriatur fœtus nihil prohibet signa quædam eius alimentis ita affecti in eo remanere præsertim coloris. propter quod ea signa rubentia ferè omnia sunt, & exustionē aliquam in sanguine factam ostendentia. Fortasse autem & figura cupitæ rei ostenditur, quod in eo proportionali anima etiam figuram mentiatur. Eadem porro phantasia intenta potest, & fascinum inferre, non quidem ab uno quoque hominum, sed a certis solum, quorum humores & spiritus adeo remoti sunt a natura aliorum, ut pene uenena sint. ij igitur concepto in infantem odio intentissime intuentes, spiritus quosdam ex oculis, & tota e facie eiulantur, qui ad teneros infantis spiritus appliciti eos uti uenena sensim absumunt. ex oculis autem & toto e corpore euaporare insensibilia corpuscula monstrant, specula in quæ mensibus laborantes mulieres inspectant, spurca enim et squalore quodā ac situ obsita redduntur. legimus et familias quasdā fuisse in Creta, qui laudando fascinum inferebant. quod certe uti possibile recipiendū est. existente. n. natura quorundā (ut dictū est) perinde ac uenenosæ, et eiaculatis

ex oculis eorum spiritibus perniciosis, nihil prohibet nō infante solum sed & grandiores fascino affici, laudando autem maxime. quoniam laus propria leticiam parit, leticia autē ut diximus dilatationem tum cordis, tum & spirituum facit, tum & totius faciei, et præcipue oculorum, unde aditus quodammodo aperitur ueneno, quod a fascinatore ei aculatur, quæ e re forte enatum est illud, quod præsumitur quum aliquos lauare uolumus, bene enim prius ominantes, uerba nostra dicimus tibi non noceant. quin & aliqui sunt, qui dum laudantur, faciem auertunt, non tantum ut indicent molestam sibi esse laudationem, sed ut a fascino caueant. iam enim in opinione est per laudationes fascinum fieri. Vtrum autem & numeri quidam & figure, & imagines sympathias quasdam, & antipathias habeant ad amores & odia & fascino, & utrum uerba & cantationes, & id genus ligent & soluant, alterius quidem est, & temporis & contemplationis. De ingenio autem eorum animalium quæ intellectu carent, & quomodo nidos ad alendos fœtus & telas ad capiendas escas tam artificiose fabricentur, et alia eiusmodi, non nulla quidem diximus in ijs quæ de intellectu ne a nobis scripta sunt, nondum autem emissæ, neque plane exculæ & digestæ, quod faciemus si uita & otium suppetet nobis. atque hæc de sympathia & antipathia rerum, quantum attinet ad contagiones pro tempore dicta sint.

De quibusdam dubijs a Rhannusio scriptis Cap. ultimum.

HAec quum iam impressa essent, ac uisa a Ioanne baptista Rhannusio Illustris. Vene. Domini Secretario utriusque linguae peritissimo, & eorum quæ ad bonas litteras & disciplinas attinent, multa perdocto, gratulatus ille pro uetere amicitia nobis, simul & nonnulla dubia ad nos perscripsit, & nouas quandam sympathias proposuit. quarum rationem scotum mihi foret, exposculabat. digna quidem omnia, de quibus consideratio haberetur diligentissima. nam quum ego causam, quod in nauigatoria pyxide perpendiculum semper in polum spectet, retulissem in montes ferri & Magnetis, qui sub polo sunt, dubitationem ille non negligendam attulit. primum quidem quod qui de subiectis polopartibus scribunt, nulli dicunt montes ferri, et Magnetis sub polo esse, deinde quod et si dentur ij montes, causa tamen ad eos referenda non uidetur in nostro mari: quando constat in illa insula iuxta Populoniam Italie esse Magnetis montes. inde enim erui omnem magnetem quo hic utimur, nec tamen nauium illac prætereuntium perpendicula ad eos montes uerti. oportere

oportere autem ita fieri, si magnetis species perpendiculum mouet, propinquissimis existentibus insula illius montibus: cur enim non magis moueant, quam qui remotissimi sunt sub polo?

Ad hæc autem & miras quasdam proposuit antipathias, quarum una erat, qui fiat ut imposito oleo in charta, ita aptata ut contineat, subiectus ignis oleum quidem calefaciat, chartam autem non. alia erat consimilem habens rationem, cur et circa pomum circumuoluto tenui lintheo, pomum ab igne calefieri cernamus, lintheum nec quicquam ledi. Addebat autem & q. a fulmine nauium malos sapissime uidemus tangi, carinas autem nunquam. Tum & illud quoque quærebat, quæ ratio efficiat, ut feruente, & exundante in ahenis saccaro si butyrum quous modicum imponatur, statim subsidat feruor. quo ingenio utuntur artifices ad prohibendum ne erumpat saccarum. utuntur et alio ingenio ad idem purificandum, quod pariter uideri mirum potest. ubi enim coagulari saccarum incipit, proijciunt in uocatæ campanas, tum cretam tenuem cicotriconizant, ac super imponunt, qua campanæ ostium patet crassitudine digiti. atq; ita saccarum purgant, furculis omnibus & feculentia omni ad cretam attracta. Hæc sunt quæ ille nobis examinanda proposuit. quod quidem faciemus a supra scripto instructo nostro non recedentes, ut non proprias et propinquissimas causas assignare nitamur, sed medias et proprijs proximiores, quo possibile nobis sit.

Primum igitur utrum sub Polo sint Magnetis montes, nec ne, sub ambiguo relinquamus. scimus enim esse qui scribant planas magis esse eas regiones, de quo & doctissimus, atq; eloquentissimus Episcopus Iouius circa eam Sarmatiæ partem, quæ Mosconia nunc dicitur, diligentem inquisitionem ab incolis fecit. qui ne eos etiam inueniri montes retulere, qui Rhyphæi ab antiquis dicti sunt. meminimus tamen nos quasdam chartas uidisse earum, quas mundi mappas appellant, in quibus sub polo montes notati erant (qui Magnetis mōtes inscripti fuerant). siue igitur sint, siue nō sint hi montes, nihil ad nos in presentiarum attinet, quando per montes polo subiectos, cathenam illam mōtium intelligimus, qui ad septentrionē spectant. tanti & tam uasti, ac ferri & magnetis feraces. qui & si magis distant a nostro mari, quam illæ insulæ montes, potentiores tamen sunt ad mouendum perpendiculum propter abundantiam & copiam ferri, & magnetis. Fortasse autem et qui in illa est magnes, non multæ actionis est in ea minera. multi enim dum in minera sunt, minus ualent, quam extracti, quod spirituales species sua habeant impedimenta, signum autem parum ualere in sua minera illæ insulæ magnetem. q. tam propinquus quam sit nauigijs

illac praetereuntibus, perpendiculum tamen non ad se conuertit. Incallescere autem & feruere in charta oleum, chartam non accendi communem habet rationem cum lebate, In quo aqua quidem feruet, lebetis fundus friget, & pomo, quod & ipsum calefit linteo illeso. Horum autem omnium causa est antiparistasis. frigida enim sunt aqua oleum pomum, propter quod prohibent intermedium calefieri. Sed quomodo calefiunt ipsa, si medium non calefit? actio enim omnis contactu fit, ignis autem non tangit aquam, oleum, pomum, nisi per intermedia, lebetem, chartam, et linteum, haec autem nisi calefiant, ac tantum calefiant quantum aqua, & oleum, & pomum, non uidetur quomodo calefieri possint, quod si calefiant, quo pacto igitur per antiparistatim & frigiditatem prohibent, ne intermedia incallescant. Dicendum porosis existentibus lebate charta & linteo, citissime calorem contrahere aerem, qui in poris includitur, ac per ipsam incallescere aquam. porro quicquid aquae calefactam est tolli statim, & ascendere, ac loco eius subsidere aquae partem nihil calefactam, quae lebetem infrigidat, quae pori non sunt, atque ita continenter fieri, ut aquae pars cedat, & tollatur, pars succedat, & refrigeret, ita & oleum facit, nam & ipsum actu frigidum est, ita & pomum, quoniam humidum est, & frigidum, et semper pars eius aliqua frigida tangit intermedium, ac calefieri prohibet per certum tempus.

Cur uero fulmen nauium malos tangat, carinas autem et spondas, quae iuxta aquam sunt, non dubitationem maiorem habet, si modo uerum est, quod fertur. nam & de Lauro traditur non feriri ipsam a fulmine, quod non satis certum est, eo autem recepto, quod res ita se habeat, promptior quidem potest esse ratio in Naui quam in Lauro: nam antennas feriri a fulmine facile est, quod alta sunt, alta autem a fulminibus peti in prouerbio etiam est. causa autem est, quod fulmen uapor est quidam missionis fortis, qui in altis gignitur, & extrusus e nube in latus acquirit impetum, quare alta maxime ferit. Interdum tamen impetus in ima inclinatur, uerum ubi antiparistatim inuenit aut frangitur, aut & repellitur, dictum est enim supra contrariorum species fugare contraria. Igitur iuxta aquas quum descendit uapor, partim quidem frangitur partim repellitur, quoniam aer aquis uicinus plenus est uaporibus frigidis ex aqua eleuatis, qui tum materiali antipathia, tum spiritali frangunt, ac repellunt fulmen. quare carinas & proximas spondas, aut non tangit fulmen, aut frictum non immutat. in Lauro autem utrum talis antipathia sit, incertum est, illud magis in causa putarim, quod laurus rotunda admodum est, & corticis

densi ac levis, a quibus omnibus fit, ut incidens uap̄r non inhereat. propter quam rationem nec columnas a fulminibus tangi uidemus, quod rotundæ tersæq; sint.

Butyrum autem iniectum compescere feruorem saccari, dignam habet inquisitionem. Idem uero & oleum facere uidemus in pulmenta, si qua corpulentiora sunt, ut in fabæ & ciceris lomenta, feruorem enim et exundantiam eorum compescit. horum autem causa est, quod duo præcipue concurrunt, quum feruor exundans sit, alterum est excessus caloris, & uaporum copia breui facta, alterum est obsistentia feruentis rei, si corpulentior sit. multum enim extenditur & in magnas ampullas, priusquam scindatur. propter quod & dupliciter etiam compescitur exundantia illa. uno modo si calorem & uapores frangas qui extenduntur, quod fit iniectis frigidis ut aqua, alio modo si ipsum obsistens, ita præpares, ut extendi in magnas ampullas non possit. quod faciunt unctuosae iniecta, diuiduntur. n. ipsa ad minimas, & non ultra diuisibiles partes, quæ intermixtae partibus corpulentibus humidi, prohibent extensionem amplam fieri. extensio enim rarefactio quædam est. rare fieri autem non admodum possunt minima unctuosius, tum q. minima sunt, tum q. tenacis mixtionis, quare quæ undiq; interposita intermixtaq; sint obsistenti, faciunt ut nec ipsum obsistens recipere extensionem possit, nisi paruâ, et per paruas ampullas factam, quare exundantia compescitur, & feruor fit per ampullas crebras & paruas. unctuosae autem sunt præcipue oleum & butyrum, & bene diuisibilia in minimas particulas, at butyrum cum saccaro probe conuenit propter dulcedinis, & pinguitudinis sympathiam, quare & si modicum, sit sufficit tamen ad compescendam exundantiam saccari, quoniâ bene miscibile est, & modicum omne in multa partibile. Creta uero imponitur supra campæ panis ostium, non quod ipsa attrahat fœculenta, sicuti magnes ferrum. Sed quod prohibendo exhalationem inclusi ignis & uaporum fit, ut penitus uapores permeent per saccarum, qui mox ascendentes secum ferunt agglutinatæ omnes sordicies, & sursum impellunt, quæ herentes cretæ propter tenacitatem sic reddunt purum & sincerum saccarum.

Si igitur per hæc & doctissimo Rhamnusio, & alijs factum est satis tibi præsertim Cardinalis amplissime, mihi quidem & gaudeo & gratulor, sin autem & alia desiderantur, excusabit me horum consensuum & dissensuum natura, quæ adeo in abdito est. Si qui uero laborem nostrum commendabunt, adiung. & uiam per nos apertam his rebus fatebuntur, id omne debebunt tibi.

DE CONTAGIONE

LIBER PRIMVS.

Quid sit Contagio. Cap. I.



NUNC autem de Contagione prosequamur, cuius gratia tot de sympathia et antipathia rerum quæ sita sunt, ab ijs incipientes, quæ uniuersalia magis uidentur, & aliorum principia. quod igitur contagio sit quædam ab uno in aliud transiens infectio, uel ipsum nomen ostendit. in duobus enim semper contagio uersatur, siue illa duo diuersa sint, siue duæ continuæ unius partes. uerum quæ inter diuersa sit, simpliciter & proprie contagio dicitur, quæ uero inter duas unius partes non proprie, sed quodammodo. uidetur autem & consimilis esse in utroq; infectio, & cui Contagio sit, & a quo. tum enim cõtationem factam dicimus, quum simile quoddã uitium utrunq; tetigit. quam ob rem qui hausto ueneno pereunt, infectos quidem fortasse dicimus, contagionem autem accepisse, minime. & in aere quæ simpliciter putrescunt Lac, & Carnes, & reliqua, corrupta quidem uocamus, non autem contagionem passã, nisi & aer ipse corruptus consimiliter fuerit. de hoc autem diligentius in sequentibus inquiremus. uidetur autem actio omnis & passio aut circa rerum substantiam fieri, aut circa accidentia, contagionem autem accepisse quempiam non appellamus, quod calefactus ab alio fuerit, aut factus uitiosus, nisi per transumptionem. quapropter uidetur contagio, consimilis quædam infectio secundum substantiam, utrum igitur quum domus incendio uicina ardet, contagionem uocemus & at certe neq; hæc contagio est dicenda, nec uniuersum quum totum ipsum corrumpitur, primo secundum quod totum est, sed tum magis, quum in partibus minimis & insensibilibus quædam infectio sit, et ab illis incipit, quod & uomen infectionis ostendit. infectum enim uocamus non corruptum quia totum est, sed quodammodo, et circa insensibilia, totum autem uoco, ipsum compositum, particulas uero minimas & insensibiles uoco eas ex quibus compositio sit & mistio. exustio igitur circa totum ipsum fieri uidetur, contagio autem circa particulas componentes, quamquam & ab ijs mox corrumpatur & totum ipsum. propter quod & mistorum passio quædam uidetur contagio, quoniam autem dupliciter corrumpuntur & intereunt mista, uno modo per aduentum contrarij, sub quo consistere non potest contingit,

rum forma alio modo per dissolutionem, mixtionis. ut in putrefactis contingit, dubitationem sortasse habet utro modo contagio fiat, infectione in particulis minimis illatis, ad hæc autem & qualis nam sit hæc infectio, utrum corruptio earum particularum, an alteratio sola, & quid demum patiantur. quare & illud potest dubitari, utrum contagio omnis sit putrefactio quædam, quæ omnia manifestiora quidem fient, si contagionum differentias primas & earum causas in primis perquisiverimus. nunc si licet aliquo modo contagionis rationem subfigurare, dicemus contagionem esse consimilem quandam mixti secundum substantiam corruptionem de uno in aliud transeuntem, infectione in particulis insensibilibus primo facta.

De prima contagionum differentia. Cap. 2.

TRiplex autem uidetur esse prima contagionum omnium differentia. alia enim contactu solo afficiunt, alia præter hoc & fomitem quoque relinquunt, et per ipsum contagiosa sunt, ut scabies phthisis areæ elephantiasis & id genus: fomitem appello uestes ligna & eiusmodi, quæ incorrupta quidem ipsa existentia conservare nihilominus apta sunt contagionis seminaria prima, & per ipsa afficere. nonnulla porro sunt, quæ non contactu solo, non solo fomite, sed & ad distans etiam transferunt contagionem, ut pestilentes febres & phthisis, & leprosinæ quædam, & exanthemata illa, quæ variolæ vocantur, & similia. uidentur autem ordine quodam se habere hæc, nam quæ ad distans faciunt contagionem, ea & fomite et contactu afficere consuevere. quæ uero fomite contagiosa sunt, eadem & contactu contagiosa sunt, ad distans autem non omnia, at contactu omnia, quapropter & simplicissima est, & natura prior ea contagio, quæ solo contactu afficit, quare & de ea primo agemus inquirentes, quomodo fiat, & per quod principium, mox & de alijs, ut uideamus an omnium sit commune quoddam principium, an diuersum in singulis, & quid proprium habeat unaquæque.

De contagione, quæ solo contactu afficit. Cap. 3.

Videtur autem quæ inter fructus contagio uersatur, maxime eiusmodi esse, quæ solo contactu afficiat. ut uis ad uiam & pomi ad pomum. quare querendum est, quodnam eius infectio- nis principium sit. quod enim tangentia sese inter hæc afficiantur

Fracti. H

DE CONTAGIONE

marcescente aliquo illorum primo, manifestum est, quo autem principio, non manifestum. quoniam autem primum, unde omnis infectio in alia transit, putrefactum fuit, censendum est, & secundum quoque consimiliter putrefactionem concepisse, si quidem contagio consimilis erat in utroque infectio. est autem putrefactio dissolutio quædam mistionis calido innato euaporante, atq; humido. eius uero euaporationis principium semper est aliena caliditas, siue ea in aere sit, siue in circumfuso humido. igitur quod in utroque est principium putrefactionis, idem & contagionis principium erit, caliditas scilicet extranea. sed ea in primum aut ex aere accessit, aut ex alio, & contagio nondum dicitur, in secundum autem accessit ex ijs particulis insensibilibus, quæ euaporant e primo, & iam contagio est, quoniam similis est in utroque infectio. potest autem euaporans e primo calidum in secundum facere quod aer in primum, et similiter putrefacere, imo magis propter analogiam.

Quoniam autem quæ euaporant e primo particule, aliæ quidem sunt calidæ et siccæ, uel perse uel ex cõmissione, aliæ sunt calidæ et humidæ similiter uel perse, uel ex commistione, uidentur quæ calidæ sunt & siccæ, apte quidem exurere magis, putrefacere autem minus, quæ uero calidæ & humidæ sunt, e cõtrario putrefacere aptæ magis, exurere uero minus. humidum enim partes eius, quod tangit, e mollior, ac laxat, beneq; separabiles reddit, calidum autem sursum tollit ac separat, unde dissolutio mistionis fit euaporante calido & humido innato, quæ putrefactio erat. quapropter existimandum est calidas, & humidas particulas aut perse, aut ex commistione humidas, quæ euaporant e primo, esse principium & seminarium eius putrefactionis, quæ in secundo fit, dico autem humidas ex commistione, quoniam in euaporationibus quæ contingunt in putrescentibus, misceri ut plurimum accidunt particulas minimas, ac sic principia fieri tum generationum quarundam, tum & corruptionum nouarum. aptissima autem est ad putrefactiones & contagiones inferendas ea commistio, quæ e calidis fit cum humidis. in fructibus igitur, quæ contagio accidit per hæc principia fieri putandum est. at uero & in alijs quodque omnibus, quæ putrescentia sese tangunt, si analogæ sint, idem euenire, & per idem principium existimare par est. principium autem sunt particule illæ insensibiles, quæ euaporant, calidæ quidem, & acres sed humidæ commistione, quæ deinceps seminaria contagionum dicantur.

Vtrum autem & ea quæ per fomitem contagionem afferunt per hunc modum & per idem principium fiant, dubitationem habet, quoniam principium quod est in fomite alterius naturæ uidetur esse, siquidem ubi in fomite secepit a primo infecto illic diutissime perdurare seruariq; incorruptum potest. ut admirationem non parua præbeant, quæ et phthisici et pestilentes tetigere, leetuli, uestes, ligna, et id genus. sæpissime. n. uidimus uirus illud per duos et tres annos seruatum. at particule quæ e putrescentibus euaporant nullæ tam diu durare posse uidentur, sed profecto propter hanc causam nemoputare debet, non idem esse principium, quod in fomite est cum ijs, quæ solo contactu efficiunt. quoniam particule quæ euaporant e primo, eadem et in fomite pariter reseruari possunt, atq; ita seruare idem facere, quod & tum fecissent, quum euaporarunt e primo. quod autem tam diu perdurare seruariq; possint in fomite, si quis persuaderi uult, & minus admirari, debet se in consimilibus exercere. non ne uidemus alienum odorem in ligno, & uestibus & alijs per multum temporis afferuari, nec nuda quidem illic qualitate et sine subiecto existente, sed corpusculis magis cum ea minimis, atq; effugientibus usum. quid de fuligine et fumo dicemus in parietibus obductos? non ne et hæc ex minimarum particularum admistione tinctura fit? quæ diutissime durare incorrupta consuevit, ac talia certe infinita alia sunt. quorum omnium rationem si quis forte requirat, e duobus dicimus maxime dependere. quorum alterum est subtilitas, alterum est fortitudo & constantia mistionis. propter subtilitatem igitur penetrant, & in foraminibus quorundam couduntur, unde neque aeri subiecta sunt, neque multis extrinsecarum alterationum, propter ualidam autem mistionem durare possunt aduersus multa. est autem ualida & fortis mistio duplex, altera in duricie consistens, ut ferri lapidum, & eiusmodi, quorum insensibilia minima annos per multos uiuunt, altera in lentore quodam, & multa elaborataque mistione constituta. dura igitur, & si non sunt seminaria contagionum, at lenta elaborataque esse possunt. est autem elaborata mistio, quæ e ualde minimis fit bene inuicem agitata (ut in ijs quæ de sympathia diximus). accedit autem talem mistionem fieri in euaporationibus illis, quæ conclusæ sunt, ubi non dispergitur, quod euaporat, sed ualde agitatum minutissime commiscetur. quod si lentorem quoque accipiat, & ualida mistio fit, & apta seruari in fomite. cuius signum est, quod quæcumq; per fomitem efficiunt, omnia lenta glutinosaq; con-

DE CONTAGIONE

spiciuntur, et propter hoc sola ea, quæ talia sunt, fomitem habere possunt, quæ autē lenta non sunt, sed aut in sicco perse consistunt, aut multo aqueo abundant, aut apta citissime alterari, ea quidem putrescentia contagiosa esse possunt, ad id quod tangunt, fomitem autem non relinquunt. quod uel non adherescant et glutinentur, uel cito alterentur. propter quod marcescentes fructus contactu quidem afficiunt, fomite aut non. plurimo enim aqueo abundant, et quod euaporat lentum non est. lenta uero agglutinantur quidem, et resident in ijs, quæ tangunt, et propter fortem mixturem non facile alterantur. q. si analogæ sint cum eo, quod tangunt, statim contagionem inferunt, si uero non analogæ fuerint, et quod tangitur non aptum quidem est affici ipsum, sed seruire tamen seminaria, tum fomes sit, et natum mox aliquid quod analogum cum primo sit, non aliter incipit, ac et primum fecisset. nihil enim refert, siue aliquid statim tangat, siue mediante alio. non sunt autem apta omnia, ut fomes fiant, sed solum quæ foraminulenta sunt et calida, aut parum frigida. in ijs enim et condi possunt seminaria contagionum propter foramina, et non alterari neq. ab ipso fomite, neque ab extrinsecis, nisi ea plurimum excedant. propter quod aduersum ignem non defenduntur. igitur neq. ferrum, neq. lapides, et eiusmodi frigida et non foraminulenta, idonea sunt, ut fomites fiant. lana uero et panni, et lignorum multa, idonea magis sunt. quod igitur et quæ fomite afficiunt commune principium habeant, et communem inficiendi modum cum ijs, quæ contactu solo, ex his manifestum esse potest. differunt autem mixture, quod his quidem fortis et lenta sit, in illis debilis, et non lenta, et propter hoc alia fomitem relinquunt, alia non.

De contagione quæ ad distans fit.

Cap. 5.

Maiorem autem tum admirationem, tum dubitationem præbent, ea quæ non contactu solo, non solo fomite, sed et ad distans etiam contagione faciunt. Lippitudinis genus est, quo qui laborat omnes solet inficere, qui in ipsum spectant. notissima sunt et pestifera febres, et phthisis et alia multa, quorum labe cohabitantes, quamquam ne etiam tangant, coafficiuntur. horum igitur, quæ natura sit, et quo pacto id uitium propagetur, dubitatio non parua est. quapropter accuratissime de hoc est inquirendum, quoniam maxima pars hæc est eorum quæ inuestigamus. Videtur autem contagio hæc et alterius naturæ esse, et per aliud principium fieri. primum quidem quia pestiferarum

stifer,rum febrium non nullæ sunt, quæ horis decem, aut duodecim perdunt, ægro nihil caliditatis, nihil frigiditatis sentiente. præterea si lippus alium lippum reddit, alterius quidæ naturæ uidetur affectus iste. quoniam uisio non per caliditatem, aut frigiditatem fit, sed per uocatas species & simulacra rerum. Porro subita & penè momentanea penetratio harum contagionum idem prorsus ostendit, statim enim & lètu (ut dicitur) oculi penetrant per totum animal, & necant, quod nulla alia qualitatum notarum, tam prompte facere potest, quòd contrarium habeant. adde quòd si a notis qualitatibus fieret hæc contagio, ad debilius quidem, & minus resistens semper propagaretur, quod certe fieri tum uidemus, quando sepe id quod debilius est, aut nihil, aut minus patitur. ut oculos quidem phthisis non carpit teneriores delicatioresq; existentes, pulmones autem corripit. postremo quum hæc contagio undiq; & ad omnem partem feratur, imitari quidem uidetur spiritualium motum, qui in orbem fit. corpora uero quæ notis qualitatibus constant unum tantum motum habent sursum aut deorsum. quare alius impetus, alia uis esse uidetur harum contagionum, et uenenis aut Catablephæ animali assimilari, non autem reliquarum contagionum modum & naturam sequi.

Quòd causa contagionum, quæ ad distans sunt, reducenda non sit ad proprietates occultas. Cap. 6.

Qui igitur occultas proprietates inducunt paruo negotio ab his sese difficultatibus extricant, per pauca rationem omnem earum contagionum ad hæc proprietates referentes, quod & in alijs multis omni sollicitudine liberi & securi fastidant. bene igitur erit de his proprietatibus breui, quædam percurrere. simul enim & illud aperietur, quod nam esse possit harum contagionum principium. Supponendum autem est nobis, quum decem sint rerum omnium genera, actiua tamen principia esse tantum substantiam & qualitatem. constat enim neque quantitatem, neque ad aliquid, neque ubi, neque alia (ut summam dicamus) effectiua esse, nisi per accidens. porro substantiam per se nihil aliud facere, nisi locales motus sursum, deorsum, refractionem, & condensationem, & circularem. hi enim a forma rerum fiunt. reliquæ uero actiones a qualitatibus proueniunt. qualitatium uero aliæ materiales dicuntur, calidum, frigidum, humidum, siccum, lux, odor, sapor, & sonus, aliæ spirituales uocantur, quæ species sunt, & simulacra

materialium siue sint cum ijs uniuoce, siue non. ut lucis lumen, saporis uero & odoris, & soni species nomen non habent, nisi saporimen & odorimen, & sonimen uelimus effingere, sicut a luce lumen. Similiter & caliditatis & frigiditatis, & aliarum species nomen non habent, constat autem eas esse tum ex sensibus, tum ex intellectu. quod igitur materiales qualitates multa possint efficere manifestum est, nam primæ quidem uocatæ omnia generant & alterant, secundæ uero appellatæ lux odor, sapor & sonus, nihil quidem inter se agunt, quoniam contrariæ non sunt, sensus tamen mouent, sed & hoc ijs mediantibus, quæ spirituales uocantur. Harum uero spiritualium quæ actio multa sit, et uis in uatura similiter est manifestum (ut in ijs diximus quæ de rerum sympathia & antipathia scripta sunt) nam & sensus & intellectum mouent, & principia sunt motionum in animalibus, deinde & motus locales uidentur facere attractionem & fugam. nonnullæ etiam & primas qualitates producere, ut lumen quod calorem gignit. Hæc igitur quum ita sint, querimus quidem ab ijs, qui occultas proprietates inducunt, quando actio omnis, uel a substantia fit, uel a qualitate materiali, aut spiritali, quo nam principio dicant actionem hanc fieri, qua contagiones produci uidemus. ac certe si a substantia & forma fieri afferant, quid oportebat occultam proprietatem uocare. sed uocent ut lubet, nihil tamen ea forma facere poterit, nisi locales motus, sursum, deorsum, rarefactionem, & condensationem, contagionem autem non, quæ perse localis motus non est, sed magis quorundam corruptio & quorundam generatio. si uero qualitate aliqua fieri dicant, si quidem materiali, nihil ignotum assignabunt, nisi forte ignotum quiddam qualitatum genus effingant, quod nec caliditas, nec humiditas, nec siccitas sit. quod certe effingi non potest. si autem spiritualement aliquam qualitatem in causa ponant, poterant quidem notiori saltem uocabulo uti, & statim dicere spirituale aliquod contagiones hæc producere. sed certe neque hoc adducere pro causa possunt. primum quia spiritualia hæc tam diu solum durare consueuerunt, quandiu presens est illud, a quo efluxerunt, nisi forte fuerint in intellectu, at quæ ad distans faciunt contagionem, absente etiam primo perdurant nihilominus, & in fomite, & in aere, quin imo de loco ad locum feruntur trans etiam maria, quod signum est corpus esse, quod & defertur & perdurat, longe a primo se habens. quod si dicant corpus utique esse hoc, quod de loco ad locum fertur, agere tamen per spiritualement qualitatem, profecto & ad non necessaria recurrunt, & inconueniens assignant, si enim recte de finita contagio est, oportet tale in secundo fieri.

ri, quale in primo fuit, & idem esse in utroque principium, idemq; & in quarto & quinto, & in alijs, quæ contagionem recipiunt. tale autem non potest facere ullum spirituum per se, per accidens quidem nihil prohibet spiritualia enecare & dissolvere etiam mitionem aliquam fugando quædam contraria, quod & fitor facere potest, & Cathablephæ animalis aspectus (ut dictum in sympathijs fuit). generare autem tale in secundo, quale in primo fuit non possunt spiritualia. generatio enim omnis per primas fit qualitates. oportet autem in hisce contagionibus non putrefactionem solum fieri, sed a primis seminarijs, & alia quoque gigni & propagari, quæ ipsis similia natura sint, & mitione. non aliter quàm spiritus in animali & sanguine solent alios sibi consimiles generare, quod spirituum nullum efficere per se potest. quæ ob causam & in contagionibus quæ ad distans fiunt idem esse commune principium, & eundem efficiendi modum per qualitates notas censendum est, quod & Aristotelem & Galenum existimasse sine dubio uidere possumus. differunt autem harum contagionum semina, & ab ijs, quæ solo contactu afficiunt & ab ijs, quæ sonite solo, sed primū dicamus, quo pacto ad distans ferri possint, & quo modo in orbem moueri uideantur, & qua ratione uim tantam fortita sint, & tam cito penetrent, & quales sint earum analogiæ, tum demum quam differentiam habeant ad alia semina, diffiniemus.

Quomodo semina contagionum ad distans ferantur & in orbem.

Cap. 7.

ERgo illud in primis inquiramus, quo motu agantur semina illa contagionum, quando longe & ad eos, qui distant ea ferri manifestum est, quod multi adeo mirantur. est autem inter prima respiciendum ad consimilia, quo minus admirari possumus. quis putaret & cepe & alio lachrymas nobis, uel e longinquo elici, & pipere iride pibarmica sternutamentum, & crocosolano stricno somnum conciliari, & tractatione metallicorum apoplecticū hominem fieri & exhalant nimirum ex omnibus his ac circumquaq; feruntur insensibilia corpora, quorum diuersæ actiones sunt, & facultates. manifestissimum aut hoc apparet in ijs quæ corrumpuntur et putrent. principium aut motus eorū corpusculorum ad oēs partes, partim quidem per se est, partim ab alio datur. per se igitur euaporatio omnis sursum fertur, quod & in fumo & alijs multis spectari potest, si quis nesciat euaporationem omnem calidam esse. ab alio autem ad

DE CONTAGIONE

cedit, & in latus, & deorsum postremo pelli, quod præcipue duabus de
 causis euenit, altera est obstitentia aut aeris, aut tabulatorum & eiusmodi,
 in quæ incidunt, quæ primum exhalant partes: ubi igitur ultra ferri
 non possunt, pelluntur quidem & in latera ab ijs, quæ succedunt, & hæc
 ab alijs, donec accidat repleti totum. altera causa est aer ipse, qui euapo-
 rationem omnem si tenuis sit, & bene solubilis diuidit, usque etiam ad mi-
 nimas & non ultra diuisibiles partes. ea enim est elementorum & liqui-
 dorum omnium natura, ut situm conuenienter quærant, quantum possibile
 est. Conuenientissimus autem situs est, quum partes continuæ inter se sunt,
 aut si continuæ esse non possunt, minus tamen inter se distent, quo possibile
 sit. sic enim minorem uolentiam sustinent, ut in ijs diximus, quæ de sym-
 pathia tradita sunt. quæ de causa aer continenter eam euaporationem di-
 uidit magis, & magis donec ad eas ueniat partes, quæ non ultra diuidi
 & separari possunt. Facta igitur innumerabili illa diuisione multum aeris
 repleti accidit, & circumquaq; misceri, quod et in fumo manifestissimum
 est uidere. propter has igitur causas, & quæ circa contagiones contin-
 gunt euaporationes, circumquaq; feruntur, & aeris multum occupant,
 quoniam exhalatio omnis multum diffunditur, magis autem sursum &
 primo, sed tamen mox & ad latera, & postremo deorsum accidit ferri. ac
 sic & cohabitantes possunt inficere seminaria hæc, & non solum in fomi-
 te, sed & in aere per certum tempus seruari, diutius autem in fomite. quo
 autem modo fiat, ut tam paruæ quantitatis existentia non alterentur sal-
 tem medio in aere exposita, priorem habet dubitationem, nam quæ tam for-
 tis esse mixtio potest in tam parua particula, ut in aere diu consistere ua-
 leant præsertim, quæ in duritie non consistunt. sed certe quæ lenta sunt,
 & glutinosa quamquam paruissima sint, possunt quidem si non omnino
 tantum quantum, dura uiuere, at paulo minus possunt. dura quidem pro-
 pter tria resistunt alterationibus maxime, & quod in pauca quantitate
 plus habent materie, & q. propter terram plus habent frigiditatis, & q.
 partes non bene subtiliari et rarefieri possunt propter densitatem. quod
 fieri oportet, si caliditas induci debet. priora igitur duo & si lenta non ha-
 bent, æquæ ac dura, at tamen in parte habent & ipsa. tertium uero habent
 non minus, quam dura hoc est difficultatem subtiliationis propter partium
 tenacitatem, & quod mixtio e ualde minimis constat. tenacitas enim facit,
 ut pars non facile secedat a parte. mixtio uero e quàm minimis facta bene
 unitis aduersus alterationes omnes ualet, quoniam si rarefieri oporteat,
 statim præsto sunt partes terræ, quæ prohibeant, iuxta quodlibet mini-

mum

num sit. si uero densari necesse sit, præsto sunt ignis partes propter propinquitatem, quæ similiter obstant. quæ de causa non solum dura sed & lenta sese defendunt ab alterationibus multis si mediocres sint, magnas autem non ferunt. propter quod & ab igne absumentur seminaria omnium contagionum, & ab aqua etiam frigidissima franguntur. quod si curiosior quispiam illud quærat, cur intrinsece saltem non alterentur hæc seminaria, quum e diuersis sint mista, sciat ille non esse hanc solis seminarijs propriam quæstionem, sed & alijs multis communem, ut piperi calci euphorbio pyrrbiti lapidi & metallicis, et alijs pluribus, quæ quum e diuersis sint mista, alterationem tamen nullam intrinsecus, aut nullius momenti patiuntur, sed annos multos immutata perseverant, ut mirum sit lapides annos mille & duo millia durare. causa omnium est, quod mistio quæ e diuersis fit, ad tam minimas particulas redacta est, quod propter paruitatem, excessum non habent particule inter se illum, qui requiritur ad agendum. quæ de causa dum mistio illa eo pacto perstat, dum igneæ partes separate sunt & disperse, sepultæq; in alijs, alteratio nulla introrsum fit, quare & piper, & euphorbium, & reliqua tractata manibus frigida sentiuntur. at ubi casu aliquo mistio illa soluitur & mutatur, & partes quæ eiusdem rationis sunt, in unum coeunt, et maiorem quantitatem, & potentiam ad agendum acquirunt, tum actu fiunt, & agunt iam, unde & calx, & piper, & euphorbium iam calida percipiuntur, quum prius potentia solum calida essent, actu uero aliter se habentia. propter eandem causam nec seminaria intrinsecus sese alterant, quamquam e diuersis consistunt, ut pote mista. quod autem in tam pauca quantitate uis multa inesse possit, declarat fulgur, quod non aliud est quam uapor. declarant & euphorbij & piperis, & similibus particule minime & efugientes uisum. quibus tanta uis a natura tributa est, adeo refert ignem in materia densa contineri, quamquam parua sit, talia quoque sunt seminaria contagionum. omnia enim acris perse sunt, quamquam in lentore constituta, quæ et ipsa actu fiunt a calore animalis subtiliante eam mitionem & uniente partes consimiles. talia autem ad humores & spiritus non paruam potentiam habent. quare & perdere etiã possunt paucis horis, si ad spiritus analogæ sint, de quo mox largius dicemus. eadem & ex oculis lippientibus eiaculari possunt in alterius oculum & consimilem infectionem inferre, quæ uisio quidem non est, sed uitium in oculo. Quod autem in animal penetrent & nonnulla citissime, nemo mirari debet, si modum quo ingrediuntur consideret. ingrediuntur autem e paruis poris & uenis, & arterijs in maiores, & ab his in alios

DE CONTAGIONE

sepe etiam usque ad cor. unus penetrationis modus est per propagationem & quasi sobolem. prima enim seminaria, quæ adhæserunt e vicinis humoribus ad quos habent analogiam, consimilia sibi alia generant & propagant, & hæc alia, donec tota humorum massa et moles afficiatur. alius modus est per attractionem, quæ intro fit, tum inspiratione per anhelitum, tum venarum dilatatione. simul enim cum aere qui attrahitur ingrediuntur commista contagionum seminaria, quæ ubi introducta sunt, non eadem facilitate regrediuntur per expirationem, quæ ingressa per inspirationem fuerunt. quoniam agglutinantur humoribus & membris, & nonnulla etiam spiritibus, qui contrarij speciem refugientes, secum et inimicum ad cor ferunt. non enim dicendum est (ut quidam aiunt) uenena & contagiones præcipue cor petere atque aggredi. uti inimicum, quasi cognitio & uoluntas ijs insint. tardius autem penetrant, quæ per se minus acria sunt, aut in lentore multo sepulta, & analogiam habentia ad crassiores humores, et quæ per uenas trahuntur. celerius autem quæ per anhelitum & quæ subtiliora sunt, & acrimoniæ maiori ad spiritus autem analogæ. Fortasse autem & alius est penetrationis modus. omnis enim euaporatio de angusto in amplum facillime diffunditur. quare quum minores & angustiores sint uenæ, quæ circa summa sunt, maiores uero continue quæ uersus cor itur, inde fit, ut & contagio quàm facillime ex angustis uenis in amplas diffundatur, ubi etiam maior est calor, atque ad cor etiam ferantur, nisi quid obstat. Quòd igitur & quæ ad distans fit contagioper idem commune principium fiat cum alijs, & per eundem modum, & quo motu feratur, & quomodo penetret, & tantam habeat uim, hætenus dictum sit. quomodo autem particulari & propria quadam natura ab alijs differat, nunc dicatur. ab ijs igitur quæ solo contactu efficiunt differre uidetur, quòd hæc in forti mixtione constituta uidetur & lentore quodam, illæ uero non. ab ijs uero quæ fomite solo & contactu inficiunt, differunt eæ quæ ad distans protenduntur, quòd ualidior adhuc mixtio ijs inesse uidetur, & subtilitas maior, propter quod & penetrant magis, & maiorem actionem habent. Fortasse autem & antipathia ad animal his est, non ea solum quæ materialis dicitur, sed & spiritalis etiam, quæ spiritus potest fugare et calorem qui humorum mixtionem continet, propter quod & maxime potest putrefactionem inferre, de quo etiam mox dicemus.

Contagionum autem analogia multiplices quidem sunt, & maxime admiranda. pestis quædam est arboribus aut satis, animalium nulli obest. contra quædam tangit animalia, satis & arboribus parcit, & inter animalia, hæc hominem carpit, illa boues, illa equos aut alia, sed & in eadem specie, quæ pueris & iuuenibus est contagio, senum neminem lædit, & e contrario nec quæ mares, semper etiam mulieres attingit. promiscue uero alij certæ pestes sensere, alij non, & alij inter pestilentes illesi uersantur, alij non. inter membra porro est, & sua analogia, lippitudo nulli membro nocet nisi oculis, phthisis uero non oculis, quamquam delicatioribus, sed pulmohi, Alopecie & Achores caput solum tentant. at uero & in humoribus, quædam uni est contagio alij non, quædam omnibus. aliæ spiritus præcipue perdunt, quorum omnium admiranda quædam ratio est. assimilantur autem & aliis multis, de quibus omnibus diximus in iis quæ de sympathia, ubi etiam communes causas perquisiuius, quæ uel ad rationem agentis referuntur, uel materie, uel applicationis. propter quæ non omnia agunt in omnia, sed certa in certa solum, quæ analogæ dicuntur. particulares autem, & proprias analogiæ nec institutum nostrum est dicere, nec prudentis inquirere. sat. n. in presenti sit, si non proprias & propinquissimas causas, at medias tamen sciamus, & ad proximas nitamur quantum pro subiecta materia dabitur.

Virum contagio omnis putrefactio quædam sit. Cap. 9.

Nunc illud inquiramus utrum omnis contagio putrefactio quædam sit, & an omnis putrefactio contagiosa. uidetur autem putrefactio omnis contagiosa aut simpliciter, aut saltem ad continentiam partem, ad aliud uero contagiosa non omnis est, quoniam ad agendum multa ut diximus requiruntur. omnem autem contagionem in putrefactione quædam consistere dubitationem fortasse habet, quoniam rabies contagio quædam uidetur, putrefactio autem non. similiter & uinum quum acescit ab alio contagionem quandampati uidetur, putrefactio nem autem non. nam quum putrescit, tum & fetet & ingustabile est, acetum uero suauis est, & putredinibus etiam resistit. sed certe & eæ putrefactiones quædam sunt existimandæ. uerum illud circa putrefactiones est intelligendū, quod interdum sola misti dissolutio fit, et sola euapora-

DE CONTAGIONE

ratio humidi atq; innati caloris, generatio autem noua nulla consequitur, atq; hæc simplex putrefactio dicitur. interdum in ipsa euaporatione simul et generatio aliqua prouenit, aut animalis, aut alterius quod formam unam et certam habet, & missionis rationem ac digestionem suam. in quibus igitur simplex fit putrefactio generatio autem nulla, & fetor fit & abominabilis sapor, propter causam quæ in sympathijs dicta est. ubi uero generatio aliqua intercidit, et digestio ordoq; partium pro certa forma, tum sepe neq; fetor fit, neq; abominabile quicquam. igitur & uinum quandoq; quidem simpliciter putrescit, & marcorem contrahit, et ingratum in gustabileq; est. Interdum non simpliciter putrescit, sed & simul generatio aliqua sequitur ut aceti. euaporante enim quod dulce atq; cereum est, relictio multo terreo subtili adusto cum plurimo aqueo, mistum illud fit, quod acetum uocamus. cuius & forma sua est, & digestio, & ordo partium, et sapor & odor. q. autem præcedat putrefactio aliqua prior, declarant, & lac, & pituita, quæ quum putrescere incipiunt statim acescunt. In rabie quoq; putrefactionem quandam accidere censendum est facta contagione ab alio, latet autem nos. quoniam quæ in uiuo animali putrefactione fiunt, non admodum manifestæ sunt. uerisimile est autem ita se habere, quoniam & canes quum rabiunt febre quadam corripi solent. si igitur in omnes contagiones inductio fiat, omnes quidem in putrefactione quadam consistere uidebuntur. quod & ratio quoq; persuadet, quoniam nulla alia euaporatio aptior esse uidetur ad contagiones inferendas, quàm quæ in putrefactionibus fit. quoniam autem diximus contagionem esse in insensibilibus particulis, primo quærat fortasse quis, utrum particule illæ corrumpantur quidem an alterentur solum, ad quos dicimus quantum quidem sufficit ad putrefactionem faciendam, non necesse esse corrumpi particulas ipsas, sed alterari solum, quatenus dissolui mistio possit, & euaporare calidum cum humido innato, nihil tamen prohibet & corrumpi etiam, sed nõ necesse est quatenus attinet ad faciendam putrefactionem. quoniam autem putrefactiones omnes ad continuam saltem partem consimilem putrefactionem inferre aptæ sunt. si omnis quidem contagio putrefactio est, uidebitur quidem contagio simpliciter & communiter dicta putrefactio quadam consimilis de uno in aliud transiens, siue continuum illud sit, siue diuersum. uerum hæc non est ea qua proprie contagio dicitur, sed illa quæ inter diuersa uersatur. quod & si etiam propriissime uelimus contagionem considerare, quæ in morbis spectatur & non solo contactu afficit, erit quidem contagio consimilis de uno in aliud transiens putrefactio, cuius seminaria

actionis

actionis multæ sunt, in forti ac lenta mistione constituta, ac antipathia. ad animal habentia non solum materialem, sed & spiritualementiam, ex qua definitione ratio omnium eorum manifesta est, quæ circa contagionem uidentur.

Cur morborum alij contagiosi sint, alij non, & contagiosi
cur lenes sint. Cap. 10.

IN primis igitur erit morborum alij contagiosi sint, alij non, & quomodo fiat, ut alij ardentiores quum sint, & grauiores nullam tamen inferunt contagionem, alij uero placidiores, mitioresq; existentes cōtagiosi plurimum sint, quod certe dubitationē quandam habet. si enim contagio uim et actionem sequitur, qui acutiores sunt morbi uidentur magis contagiosi, si uero adustionem sequitur contagio (ut multi medicorum putant) similiter uiderentur, qui ardentiores sunt contagiosi magis. q. si & putrefactionem multam sequitur contagio, in pluribus quidem multa putrefactio fit, contagio autem nulla. ergo morborum quicumq; absq; putrefactione fiunt, nulli quidem contagiosi sunt, quoniam ut dictum est, contagio non sine quadam putrefactione fit. In quibus uero putrefactio contingit, requiri quidem acumen dicimus, si contagio sequi debet, sed non sufficit acumen solum & potentia agendi, uerum & lentor quoq; requiritur, & fortis atq; elaborata mistio (ut dictum est) similiter neq; adustionem sequitur contagio, sed si qua in contagionibus adustio accidit, illa sequitur magis, quàm origo contagionis sit. nec similiter omnem putrefactionem sequitur contagio, quamquam larga sit, & multi humores, sed eam solum in qua seminaria fieri possint, quæ & mistionis sit fortis & in lentore constituta. febrium igitur multæ ardentissimæ sunt, ut quæ e colera, sed in sicco consistentes, e quibus quæ euaporāt particule, seminaria esse non possunt contagionis in alio, siue q. mistio earum debilis sit, siue q. non adheareant & agglutinentur propter siccitatem, at quæcunq; sordidam habent putrefactionem & conclusam, illæ seminaria gignunt ad inferendas contagiones idoneæ. sordidam autem dico putrefactionem, in qua nō fit superficialis putrefactio & euaporato ieuus, quod putrescit, sed profunda & ad totum. conclusam autem uoco in qua non abeunt & exhalant quæ euaporant particule, sed quodammodo conclusæ bene ac diu agitantur & mifcentur, lentorem autem habentes. sic enim & fortis sit mistio & glutinosa, lenes autem apparēt contagiosi morbi præcipue febres, quæcūq; con-

DE CONTAGIONE

tagiose sunt, propter id q. profunda sit putrefactio, in qua multum humidi euaporat, quod tum lentorem inducit, tum et acrimoniam hebetat. In quibus autem acumē & ardor multus sentitur, in ijs superficiales magis particule euaporant calide & sicce, propter quod nec contagiose sunt.

In quo conuenit cum uenenis contagio, & in quo differat.

Cap. 11.

Conueniunt autem et cognationem quandam cum uenenis habent nonnullæ contagiones, quoniam sicut illa inimicicia quadā fraudulente latentia perdunt animal et cor petunt, ita et cōtagiones quædam facere solent, propter quod uenenosus solemus quasdam febrium appellare. differunt autē inter se non parum, q. uenena nec proprie putrefacere possunt, nec tale in secundū gignere, quale in primo fuit principium & seminarium. cuius signum est, q. uenenati ad alios contagiosi nō sunt. causa uero iccirco est, q. uenenorum est duplex genus. alia. n. spiritali qualitate enecāt, qualis est serpentū maxima pars et Cathablephæ aspectus. alia uero materiali qualitate operantur. quæ igitur per spirituales species agunt, corrumpere quidem possunt, fugando calorem innatum, et tristitiam intolerabilē ingerendo. generare autē nihil simile possunt, qm̄ generatio oīs a primis qualitatibus fit. propter quod in uenenatis nihil tale unq̄ factum uidimus, quale est quod a Vipera et Basilisco emittitur. eorū uero quæ p̄ materialem qualitatem operantur, alia calida sunt, ut uocata caustica & urentia, alia frigida ut opium & hyosciamus & id genus. uerum quæ calida sunt urentia, omnia in sicco sunt cōsistentia, quare et exurere magis apta sunt, q̄ putrefacere & contagionem inducere. q. si quædam a medicis putrefactiua dicuntur, hoc tamen improprie dicitur, simpliter enim caustica sunt. appellant autē putrefactiua hæc, illa caustica, q. caustica crustam & uocatam escaram prius faciunt, uocata uero putrefactiua uescicam prius inducunt, quasi in his calor naturalis euaporet, sicut in ijs quæ putrescunt. uerum proprie caustica & illa sunt, ut Arseuicum Auripigmentum Pythiocampe et Cantarides quæ putrefactiua dicuntur. Ceterum non putrefaciunt, sed urunt. e quibus quod euaporat seminarium contagionis esse non potest, ut pote siccum. quæ igitur uenenorum calida & urentia sunt, propter hanc causam contagiosa non sunt, quæ uero frigida & stupefactiua sunt, putrefacere quoque nō solent, quare neq. hæc contagionem inferre, ita igitur differunt quæ contagiosa sunt a uenenis.

Superest nunc ut de differentijs alijs prosequamur ac earum causis. neque enim omnes uno modo contagiones se habent. aliæ in nobis primo fiunt, & generantur in aliquo, mox ab illo in alium transeunt, aliæ extrinsecus primo ueniunt, & factæ de uno in alium propagantur, & aliæ per summa errant, & uix cutim carpunt, aliæ solidiora occupant, aliæ & interna, & aliæ omnia tam interna, quàm externa. quædam porrò promptissime inhaerent, & afficiunt, quædam serius, & aliæ se statim manifestant, aliæ non nisi longe post. aliquæ ad hæc leuatales sunt, aliquæ sine ullo uitæ periculo. omnes autem in uiuo corpore nate infectionem disseminare, in mortuo non. & corporum alia suscipiunt facillime, alia aut nunquam, aut cum difficultate. unde & illud queri potest utrum pestilentijs assuescere possimus, sicuti uenenis.

In nobis igitur primo oriri seminaria contagionum manifestum est, non solum in scabie acchoribus phthisi, sed in febribus etiam, quæ pestifera dicuntur. causa est, quod in nobis & humoribus nostris putrefactiones fieri nihil prohibet, quæ & sordidæ sint, & conclusæ, a quibus seminaria illa fiant, quæ tum lenta, tum & fortis mixtionis sint. hæc autem contagiones inferre, dictum est supra, ac in aliquo primo ita fieri posse, nemo dubitat. illud fortasse dubium esse posset, utrum & in secundo qui afficitur, contingat similiter sordida & conclusa putrefactio, an non. si enim non contingit, quomodo in ea noua seminaria fiunt, quæ tertium aliquem inficere possint. at si contingit, a quo nam fit, quando causæ eadem in secundo non sunt, quæ in primo fuere, si quidem in primo causæ fuerunt obstructions, plenitudo & malitia humorum & similia. in secundo autem nihil horum adesse necesse est, quando uidemus temperato & probe sano existente aliquo concipere tamen ab alio contagionem, solis seminarijs sufficientibus inferre. Dicendum igitur & in secundo sordidam ac conclusam putrefactionem fieri, sordidam quidem, quoniam profunde corrumperitur, quod a seminarijs recipit putrefactionem, propter multam inflationem et actionem eorum atque analogiam. talis autem et conclusa est, propter multam euaporationem, quæ fit. quæ et si non talis perse esset, nihil tamen refert dum profunda accidat. omnino. n. tale in secundo fuit, quale in primo principium & seminarium est, quoniam dictum est eam seminarijs inesse uim, ut sibi simile propagare, & gignere possint, sicuti & spiritus faciunt. in primo igitur causæ fuerunt illæ, quæ passim solent putrefactiones in nobis facere

obstructiones plenitudines & humorum prauitates, a quibus facta putrefactio sordida & conclusa plurimum, accidit inde seminaria enasci, quæ apta sint in alium contagionem transferre, siue in eo fuerint causæ & dispositiones, quæ in primo fuisse, siue non, quare analogum humorem nasci in secundum & tertium & alios contagionem apportant. Quod uero et extrinsecus quoque in nos ueniant principia et seminaria contagionum, & in nobis non primo fiant, similiter, quoque manifestum est, quoniam sæpe uidemus populariter uagantes morbos, quas epidemias uocant, quorum alij communes quidem pluribus aut ciuitatibus, aut regionibus sunt, sed non contagiosi, qui cōmunes tantū dicuntur. alij uero etiā contagiosi, id est qui semel in uno concepti absque aeris dispositione illa communi, contagionem in alium transferunt, atque hi non communes tantum dicuntur, sed contagiosi simul, quales sunt pestilentie, uti ea quæ circum Græciam uagata est, de qua Thucydides scribit, & quales illæ, quæ nostris annis apparuerunt in Italia ab alijs lenticulæ, ab alijs puncticulæ appellatæ. referemus etiā insolitam anni. 1514. contagionem quæ in boues solum irrepserat uisa primo circa Foroiuliensem tractum, mox sensim & ad Euganeos delata atque inde in agrum nostrum. abstinēbat primo bos a cibo sine causa alia manifesta. spectantibus autem in ora eorum bubulcis, asperitas quedam & paruæ pustulæ percipiebantur in palato & ore toto, separare proteuius infestum oportebat a reliquo armento, alioqui totum inficiebatur. Paulatim labes illa descendebat in armos, & inde ad pedes, ac quibus ea permutatio fiebat, sanabantur ferè omnes. quibus autem non fiebat, plurima pars interibat. Harum ergo contagionum, quæ extrinsecus ueniūt, potissima causa est aer, quamquam ex aquis & paludibus, & alijs nihil prohibet euenire. aptissimus autem est aer, tum quod facillime & proprias & alienas infectiones concipit, tum quod necessario eo utimur ad uitam, sed illud maxime aduertendum est, quod aer interdū alterat solum calefaciendo, infrigidando, humectando, & exsiccando, interdum non solum alterat, sed & uapores extraneos in nos immittit, interdum non uapores simplices, sed & seminaria contagionum. differt autem seminarium contagionis a uapore simplici, quod uapor alterabile satis est corpus, missionem non habens fortem in lentore, quale est seminarium. cōcurrunt tamen uapores in nos importati multipliciter ad putrefactiones quæ fiunt. primo enim & obstruunt, deinde & locum habent alienæ caliditatis & humiditatis, tum & immisti humoribus inamabiles illos reddunt & ingratos membris, unde & respuuntur et relinquuntur a natura, ac sic putrescunt. seminaria uero non solum

lum hæc faciunt, sed maxime faciunt, ac simul & consimilia sibi alia ceu sobolem procreant, quæ ad alium delata contagionem inferunt. Si igitur vapores simplices in nos aer importet, non iam contagio est, nec ægritudo per se contagiosa, nisi profunda & conclusa putrefactio fiat, quæ nec similiter si ad aerem compareretur, contagio dicitur, quoniam non est consimilis in utroque infectio, sed si ad alium compareretur, qui secundus sit, & tertius, & quartus, iam contagio dicitur, & ægritudo contagiosa. si uero ab aere seminaria statim immittantur contagionis in aliquem primum, et contagio dicitur ab aere accepta, & ad alium apta est transire. idem enim uitium & aer passus est, quod & ille, cui illatum est. idem & de terra & aqua dicatur, nam & ipsa interdum vapores solos in nos transferunt, interdum & seminaria ipsa contagionum, quibus autem de causis tum aer, tum aqua & alia insciantur, & modo seminaria contagionum concipiant, modo uapores extraneos, & modo alterent solum, recipiendum est nobis uti notum. Illud fortasse magis desideraretur, utrum a cælo & syderibus contagiones ullæ per se dependeant, quando astrologi sæpe quosdam futuros morbos & Epidemias prædicant, quemadmodum Syphilidem siue Gallicum uocatum morbum prædixisse ipsos constat multo antequam apparuisset, sed certè quando nihil a cælo huc demitti potest, quod proxime tangat, nisi spirituale aliquod seu lumen, seu tale aliud, si ad ea respiciamus, quæ supra de actionibus spiritualium dicta sunt, uidebimus a cælo nullas contagiones per se fieri posse. per accidens autem nihil prohibet, quasdam ab ipso fieri, ac prædictæ etiam ab astrologis posse, qui scientes ea quæ a syderibus per se ut plurimum fiunt, possunt simul & illa præuidere quæ per accidens cum illis, ut plurimum conuunguntur: possunt autem per se sydera calefacere, ad calefactionem autem sequitur et uaporum plurima ex aquis et terris eleuatio, qui mox uarias et diuersas corruptiones efficiant, modo nouas, modo consuetas, modo magnas, prout & syderum constitutiones se habent. Igitur hæc considerantes astrologi ac docti, quæ apportare solent, prænuntiant effectus, qui quamquam per accidens a syderibus fiunt, ut plurimum tamen concomitantur ea, quæ per se fiunt, nihil enim prohibet quædam per accidens esse, & ut plurimum esse. aptissime autem sunt ad magna & noua producenda illæ syderum constitutiones, in quibus plures Planetarum in unum coeunt, præsertim sub insignibus aliquibus earum stellarum, quæ fixæ dicuntur. raro enim fit, ut quum eiusmodi conuentus fiunt, notabilem aliquem partum & portentum non edant, sed de his plura fortasse oporteret dicere.

Per summa autē errant scabies, porrigō, papula, lepra & circa caput acbores areæ ophiassī & id genus. horum autem omnium seminaria crassiora & minus acra; q̄ quæ intima petunt, hæc enim subtiliora sunt, & acra magis, & ad spiritualia magis analogā. eorum autē quæ in summo insident, alia summam cutim tentant, alia profundius immerguntur, quæ in densiori materia sunt, quales sphaçeli & estioni & carbunculi, et elephantia, & syphilis morbus, & id genus. Cito autem afficiunt, quæcunq; seminariarum in acrimonia multa consistunt, et subtilia sunt, præsertim p. anbelitum cor petentia, quorum analogia est ad spiritus. aut ad subtiliores humorum. at quorum materia densior est, & analoga ad humores crassiores, et tarde serpunt, ut syphilis & rabies. mortuū autem animal contagē eam nō seruat, qua tenebatur uiuens, quoniam seminaria contagionis una cum calore innato extincta sunt. paratiora uero sunt ad contagiones corpora, ad eas quidem, quæ primo in nobis fiunt, immunda quidem & ualde humida et caruis ac foraminum conspicatorum. ad eas uero quæ extrinsecus ueniunt paratiora sunt, quæ foramina aperta & laxa habent, calida autem & humida. difficulter autem recipiant et serius, quibus frigida est, & sicca densaq; corporis constitutio. propter quod senes & anicula minus corripiuntur, q̄ iuuenes. attendendæ tamen sunt analogiæ contagionū. quæ unum magis q̄ aliud tentant. minus item recipiunt, qui per ocium uitam traducunt, q̄ negetes & negotiatores. quosdam porrō uidimus, qui in medijs pestilentijs uersantes securi esse consueuere, de quibus quedam suo loco dicemus, & utrum consuescere pestilentijs possimus.

De signis contagionum.

Cap. 13.

*S*unt autem et indicia contagionum sua, quorum alia prænuntia sunt futurarum, alia præsentis mostrant, ac eorum quæ prænuntia dicuntur, alia a cælo summuntur, alia ab aere, alia ab ijs, quæ circa terras & aquas sunt, quorum quedam ut plurimum ueracia sunt, alia sepe. quare nec per omnia prognosticari nisi probabiliter, licet. In cælo igitur quum eorum syderum, qui plauet & dicuntur, uides unam in partem plures conuenire, ut sepe accidit plures; aut septentrionales fieri, aut australes, nec non et coniungi etiam inuicem, tum scito in ea parte mutationes magnas circa terras futuras. ac primum quidem humiditates plurimas sublati uaporibus multis e terra & aquis, mox siccitates non paruas consecuturas, consumptis tandem uaporibus & exustione circa ter-

ram & aerem facta. hæc autem solent & putrefactiones apportare, quod si coniunctio syderum illorum sit plurium quidem sub maioribus earum, quæ fixæ dicuntur, tum & prædicere potes insignem aliquam portentosi contagionem. sunt porro & aspectus quidam planetarum, quibus astronomi hæc portenta tribuunt, qui nec omnino negligendi sunt, nec semper timendi. ex aere porro sua quoque indicia haberi solent, ac primum quum multæ crebræque incensiones illæ apparent, quæ in suprema regione e uocato hypocaumate fiunt, ut cadentia sydera cometae trabes æges & id genus, putrefactionem circa terram fieri ostendunt. omnia enim hæc e fomite unctuosus & lento fiunt. hoc autem monstrat uapores, qui a terra tolluntur, tales quoque existere, quod potissimum circa putrefactiones contingit. notare præterea oportet, & alias inferioris aeris constitutiones. ueque enim sine suspitione est, quum aut austri plurimi perflarint, & diu incubuerint, aut caliginos quasdam præter modum certam regionem uideris occupare, & si fuscus et ueluti puluerulentus aer solem diu tristem reddiderit. tum uero tibi maxime cauendum erit, quum uentos quosdam fueris confectus ex ea regione perferri, ubi pestilentia grassetur. non solam autem timendum tibi sit, sed fugiendum, quum ea quæ sub diu ponuntur, ut obsonia & lintea, et id genus, marcorem quandam et stum contrahunt. sed & aquæ quoque sua signa dant, quum inundant flumina & diu restagnant. quum loca paludosa & censaque relinquuntur: quum maria pisces emortuos plures in littoribus deponunt. Terra quoque ubi plurimum insectorum generationem profert, putrefactiones conceptas nuntiatur, quæ nisi tota in ea animalia consumptæ fuerint, contagiones subesse declarant. potissimum autem isthæc portentosa locustæ, quarum sæpe innumera bilis ac penè infinita generatio sit, hoc autem non solum monstrat magnam putrefactionem præcessisse, sed sæpe nouam facit. tolluntur enim quasi exercitus ingens, & incertas euolant regiones, quas ubi late depopulatæ sunt, illic sæpe commoriuntur, unde mox immensa corruptio sequitur. qualem in Africa contigisse legimus anno. 118. delatis ad littora locustis incredibili numero, atque ibi emortuis. similiter & in Gallia euenisse anno. 864. memoriæ mandatum est. In Italia uero anno. 1478. in agro Ferrariensi Mantuano Veronensi Brixienisq; & uicinis alijs quum ingens increuisset earum multitudo, paulo post miseraunda pestilentia secuta est. quod & annis superioribus etiam contigisset, nisi dei optimi clementia et mortalium cura prouidisset. quo tempore tantum eius generis animalium uidimus, quantum antea, nunquam uisum fuisse putandum est. quarum pars

multa in hulus superioris Italiae agris resedit, pars uersus Gallias elouit diebus septem non sufficientibus migrationi tanti exercitus. Idem saepe faciunt & cadauera caesum in praelijs, quin & cibi nonnulli sunt, quorum usus frequens nunc has, nunc illas infectiones produciunt, alij Elephantiam alij scabiem, alij carbunculos, alij alia. Interdum & animalia, quae sub terra degunt, solent nonnullas infectionum significare, quum multa eorum e latibulis & proprijs laribus in apertum exeunt.

Sape exiguus mus

Augurium tibi triste dabit, tellure sub ima

Quem non ullus amor tenuit, sed in aera apertum

Erupit scrobibus, uitaeq; atq; immemor usus,

Et paruos natos & dulcia tecta reliquit.

Ipsa etiam tellus ceu non ignara futuri

Quum tremat, atq; intus grauida suspirat ab aluo,

Signa dabit, tremuere urbes & uertice toto

Formidauit Aethos, timuitq; sub ignore Nereus.

Quippe crebri terrae motus & ipsi nuntiant contagiones futuras, quoniam exhalatio, quae intus concluditur, non solum noxium quiddam acquirit, sed etiam gignitur ex ipsis maxime putrefactionibus, quae sub terra fiunt. Adhuc et cum uides carbunculos multos & exanthemata et bubones enasci, timere quodammodo potes. Praesentes uero contagiones indicant, eas quidem, quae extrinsecus ueniunt, multitudo eiusdem morbi, tam & si non quando eundem multi eodem laborant morbo, contagiosa est aegritudo, esse autem contagiosam cognosces; & ex genere morbi, et ex ijs, quae sequuntur.

cas uero quae primo in nobis fiunt, contagiosae ne sint an

non, cognosces similiter & ex genere morbi, & ex

his quae sequuntur, sed iam de contagione quid sit,

& quo pacto fiat, & quibus principijs et

quae sint contagionum differentiae,

et cause, tum et quae sint earum

signa communia in

uniuersum di-

ctum habet

nus satis

sit.

DE MORBIS CONTAGIOSIS

LIBER SECVNDVS.

De febribus contagiosis. Cap. 1.



AD HAEC consequens esse uidetur, ut de singulis contagiosis morbis, qui nobis cogniti sunt, agamus, qui sint, & quibus de causis fiant, & quomodo differant inter se, ab iis incipientes, quorum cognitio necessaria magis uidetur. tales autem sunt febres, quae in contagione consistunt. de quibus tanto accuratius est agendum, quanto plures earum nouae inusitataeque annis nostris apparuerunt. in uniuersum autem de omnibus pauca quidem a maioribus nostris pro tanto negotio litteris mandata sunt. quid autem simpliciter sit febris & quomodo fiat in praesentiarum nobis est supponendum.

Contagiosae autem uocantur non quaecumque uicinum & conuicium humorum possunt inficere, sed illae solum quae in alium consimilem inferre infectionem ualent, & quae dicta seminaria contagionis perse includunt. Earum uero quae contagiosae dicuntur, aliae pestilentes uocantur, aliae non pestilentes, & pestilentum quaedam simpliciter pestilentes sunt, quaedam malignae tantum appellantur, quasi mediae inter pestilentes, & non pestilentes. quippe contagiosarum febrium, quaedam ut plurimum salubres sunt, quaedam ut plurimum perdentes, quaedam uero partim salubres partim perdentes, a quibus multi quidem euadunt, multi uero pereunt. in dubio qui plures sint, quales quae lenticulae dicuntur.

De uariolis & morbillis.

Cap. 2.

ERGO de iis contagiosis primo est agendum, quae tam & si contagiosae sunt, pestilentes tamen non appellantur, quae maiori ex parte salubres sint. tales autem uidentur illae quas qui arabum libros translulere Variolas & Morbillos uocant. per uariolas intelligentes eas quam & uulgus uarollas uocat ex similitudine arbitror pustularum, qui uari dicuntur. per morbillos autem, eas quas uulgus fersas nuncupat, a feruore fortasse dictas. De iis autem graeci non uidentur sub alio egisse nomine quam exanthematum, quod nomen & uarium etiam apud ipsos repe-

ritur. contingunt igitur eiusmodi febres præcipue pueris raro uiris rarissime senibus. uidentur autem & omnibus semel in uita aut accidere, aut apte esse, quæ accidunt, nisi præcox mors hominem tollat. nõ facile autem dignoscuntur adesse, priusquam pustulæ ipse malum prodant. signa tamen quædam præcedunt ex quibus suspicio esse potest, eiusmodi affuturam febrem, ac primum quum uides populariter quodammodo uagari genus id febrium, puer autem est, qui febricitum suspicari potes communi illo teneri morbo, necessarium tamen non est, quare & alia signa spectato, si conuersatus est cum alio affecto, si lucent oculi, si dorsum contractum sentitur, si facies rubet. febris autem continenter affligit, morosa quidem magis quam mordax. hæc enim primum iudicia apparent, tum interroga nuncquid aliae senserit eiusmodi febrem, quæ solet exanthemata illa apportare. raro enim fit, ut qui semel affectus fuit, denuo etiam patiatur, tum uide si quid a natura ad cutim pellitur, nam ut plurimum circa quartum diem, aut paulo post, apparere solent primum quidem sparse quædam ceu macule rubentes, mox manifestius in pustulas concrescunt, interdum humidiores & uariis similes, interdum sicciore & similes ijs exanthematibus, quæ ex calore solent pueris euenire, quæ uulgus sufferuras uocat. Vtræque mox tenui quadam pituita & sanie replentur, ac per ipsas soluitur ægritudo, facillime quidem pueris, difficilior autem grandioribus, propter quod matres optare solent febres hæc filijs aduenire quum tenera in ætate sunt. Contagiosæ igitur sunt, quoniam quod exhalat in putrefactione lentum admodum est, & seminarium contagionis in alterum, eo pacto quo in alijs fieri diximus. maiori autem ex parte salubres sunt, quoniam ebullitio hæc purificatio quædam sanguinis est. neque enim contemnendi sunt, qui dicunt infectionem a sanguine menstruo contractam in utero matris, secerni per eiusmodi ebullitionem & putrefactionem eius, ac sic defecari sanguinem per quandam quasi crislam a natura factam. propter quam causam omnes fere hunc affectum patimur, quoniã omnes eam infectionem menstrua lem deserimus a neutra matris. quã de causa non perdit, ut plurimum febris hæc per se, sed purgat magis. pueris uero benignior est, quàm adultis. quoniam si qui per ætatē teneram eam sanguinis infectionem non expurgant, signum est esse male idoneam separari. quare mox quum in grandiori ætate fit separatio illa, contingit quidem ui multa, et affligit magis, minus autem quum mollior est sanguis, & aptior ut separetur ab eolubris illa, ob id etiam quum semel accepit non reuertri præterea solet, quoniam secreta iam sit infectio, uisa tamen quandoque fuit bis accessisse, quibus scilicet

prius non exacte secreta fuisset. Si igitur sanguis pituito flor sit, pustulæ nariiformes fiunt albæ, rotundæ, mucore quodam plenæ. si uero biliosior extiterit, pustulæ sicciore erumpunt. analogia autem eius contagionis ad eam sanguinis superfluitatem est, quæ e menstruo sanguine contracta fuit. quare ad eos solum analogæ est hæc infectio, quibus purificatio sanguinis non est facta. propter quod nec omnes inficit, nec humores omnes, nec plura de his dicantur.

De pestilentibus febribus.

Cap. 3.

Nunc de pestilentibus uocatis prosequamur, quarum aliæ, ut plurimum perdunt uere pestilentes uocatæ, aliæ multos solum perdunt, malignæ appellatæ, communi autem uocabulo omnes pestilentes nuncupari solent. de quibus accuratissime perquirendum est. omnes enim peculiarem quandam rationem, et ouationem habere existimant. quæ autem peculiaris ratio sit nondum plane assignatum uideo. quidam breui sese ab hac difficultate explicantes ad occultas proprietates recurrunt. de quo multa in superioribus dicta sunt, quæ hic non aliter repetentur, tanquam nihil dicentibus et docentibus, qui difficultates propositas per ignota soluere student. Galenus uero interdum uidetur dicere pestilentes febres habere quandam uenenositatem, et per hoc differre ab alijs, interdum peculiare ijs inesse, ut putrefactio circa cor sit, quandoque quidem in substantia eius, quandoque in contentis. de quo rectum est rationem habere. nam quid sit uenenositas illa non declarat Galenus, et utrum ueram uenenositatem intelligat, an magis assimilationem quandam interficiendi. quæ si ueram uenenositatem intelligit oportebat dicere in quo consisteret. uenena. n. aut per materiales qualitates aut per spirituales necat. quod uero dicit peculiare esse his febribus, ut aut cordis substantiam putrefaciant, aut contenta, rursus dabitationem non paruam habet. qua de re MONTANVS ciuis noster primarius iam et nunquam satis laudatus in re medica, et in quem si pythagorice loqui licet, Galeni anima migrasse uidetur, subtiliter quidem multa differuit pro Galeni placitis, quantum quidem uidere potui ex scriptis quibusdam, quæ sub eo ordinariam medicine Fatauij legente ab auditoribus notata et litteris mandata fuere. quæ quum forte ad manus nostras tum peruenisset, quum et ipse de his febribus scriberem, suspensum me admodum reddidere, quum ego alia uia forte fortuna incedere, nam si inceptis nostris persistere uoluisset, non solum

timor oboriebatur, quomodo mihi ipse considerem deuianti ab eorum calle, sed & rem ualde arrogantem uidebar aggredi, qui & a primo Galeno & a Secundo dissentire auderem. quocirca quū quā si decreuissē retractare quaecūq; de ea materia scripsissē, rem tamen cum quibusdam amicis communicauī, qui ingenue consulentes persuaserunt, quā ego iam scripsissē, tamen si uiderentur nouo calle procedere, emittenda tamen esse non per assertionem aliquam, sed uti problemmata magis. quā igitur. MON. T A N V S noster ex Galeni placitis tradit, hæc ferē sunt.

Febres quæ pestiferæ uocantur differre ab alijs, quæ in putrefactione consistunt, q; pestilentū putrefactio uel in substantia cordis sit, uel in contentis. in alijs uero iam nec putrefacta esse cordis substantiā, nec cōtenta. transmitti quidem ad cor uapores putridos, atq; accendere tū cor, tum cōtenta. putrefacere aut non. q; si eo ueniant, ut putrefaciant, iam febrem pestilentem esse. porrò pestilentem omnem febrem hecticam etiam esse, si quidem facta putrefactione in corde aut contentis, fieri non posse, ut iam confirmata non sit, atq; hinc illa contingere, quæ in pestiferis apparent febribus, nō sentire scilicet ægrum se febrile, pulsus non magnos, non citatos percipi, maximā mortalium partem perire. cōuenire autem pestilentes febres partim cum putridis partim cum hecticis, cum putridis quidem, quia omnino febres hæc a putredine pendent, cum hecticis uero, quia iam confirmata sit febris, uerum neq; simpliciter hecticas dici debere, nec simpliciter putridas, sed pestilentes hecticas & putridas. Venenositatem autem earū non aliud esse, quā gradum putrefactionis largioris circa cor.

Atq; hæc ferē sunt, quæ ego scripta uidi. quæ si bene cōsiderentur nō paruas hñt difficultates, ac primū q; progressus hic nō declarat cur pestilētes febres contagiosæ sint, quod peculiare quiddam et proprium uidetur eum ipsis iungi. præterea si queratur cur in ijs putrefactio est in corde aut contentis, dicere quidem uidentur causam esse, quod ingens et larga quædam sit putrefactio, per quam accidit & cor aut contenta infici. si uero rursum queratur cur fiat ingens illa putrefactio, contingere dicunt ex præparatione hoc est nimia humiditate, quæ uel intrinseca est, uel extrinsecus accedit. quod certe non minorem habet difficultatem. nam primo mirum uidetur in decem millibus hominum, qui in pestilentia pereunt, eam esse præparationem in omnibus, præsertim q; uidemus innumeros exactissime sanos existentes, & nullo uitio humorum deprauatos, concipere tamen contagem illam ex sola conuersatione cum pestilentia affecto, aut ex illius uerbis, quid nan igitur in hoc fecit illam ingentem putrefactionem? quum

nec obstructions fecerint, nec humiditas aut propria, aut ab aere acquisita, quare aliquod aliud principium assignari necesse est, quod in causa sit. oportebat præterea declarari qualis nam esset ea ingens putrefactio, num quantitate ingens & mole, an gradu actionis. nam si actione ingens, cur ardentissimæ & caufones & furentes non tamen pestilentes sunt: quin imo nec illæ, quæ ex eruginosa colera sunt. si uero quantitate ingens est, quæ necessitas erat ponere cor ipsum putrefieri. poterat enim sufficere quantitas illa ingens putrefactionis. Ad hæc & illud dubium est, si adeo ingens est putrefactio, cur non sentit æger se febrire, quum aliæ alioquin minoris putrefactionis inflammationem inducant, nec recurri ad hecticam posse uideatur, quando multo ante quàm hectica fiat, putrefactio illa ingens sit, imo causa cur hectica fiat, est putrefactio circa cor, illam autem facit ingens putrefactio per corpus reliquum. cur ergo prius non sentitur, quàm hectica facta sit. postremo & mirum illud uidetur in his febribus putrefcere cor aut & contenta. statim enim uideretur animal perire, quoniam ne erysipelata tolerare potest delicatissimum membrum. non perire autem hominem statim manifestum est, sed maiorem partem peste affectorum ultra quartum & septimum uivere, quin imo & multos euadere, quod certe fieri posse non uidetur, si febris iam hectica confirmata est. Præterea cur & alia hectica non sunt pestilentes, quando febris confirmata est in corde, & si vapores putridi circa cor ad id uenerunt, ut possint facere hecticam & confirmatam caliditate in corde, uidentur etiam posse & putrefactionem facere, aut in ipso, aut in contentis saltem, quod si sit, necessario perire oportere pestilentes omnes uidetur. atq; hæc sunt, quæ dubitationem faciunt circa positionem hanc. quare non tacebo quæ ego prius conceperam, paratus opinionem mutare, si minus satisfacere uidebuntur. Inherendo igitur fundamentis illis, quæ circa contagionum naturam iacta sunt, dico pestilentes febres ab alijs putridis differre in multis. primum in principio agente, deinde & in materia seu modo putrefactionis, ac demum in accidentibus proprijs, quæ sequuntur. quippe in alijs putridis principia & cause putrefactionis sunt, aut obstructio, aut plenitudo, aut malitia humorum in quantitate uel qualitate. uoco autem principia hæc agendi, quia causa sunt cur a caliditate loci putrefactio fiat. in pestilentibus autem febribus, nullum horum per se causa est, & principium putrefactionis. possunt enim esse in aliquo mensurate humores, potest abesse omnis obstructio, omnis plenitudo, pestilentia tamen ab alio concipi. oportet igitur esse aliud principium per se eius contagis. nihil quidem pro-

Fracast.

L

hibet quandoq; & has dispositiones adesse, sed accidunt quidem quantum ad id quod perse agit. æque enim putrefactio fit, siue adsint, siue non, quin imo illud fieri potest, ut in aliquo præparatum sit, aut phlegma, aut coctura ut putrescant ex prædictis principijs, minus tamen corripiantur a contagione, quam humor alius, quod analogia non sit ad illos. quare nec omnes putrefactiones, quæ circa terras & aerem fiunt, etiam disponunt ad eam, quæ circa pestem uersatur, sed certæ solum. si igitur recte tradita sunt, quæ de contagione a nobis sunt dicta, principia quidem contagionum perse sunt seminaria ipsa, de quorum natura tanta narrata sunt, quæ quidem tametsi communi quodam principio cum uaporibus & loci caliditate conueniunt in ageudo, peculiarem tamen quandam sortita naturam sunt, & rationem putrefaciendi. in primis enim diximus habere ea uim & actionem multam, tum & missionem fortem & elaboratam, nec non et missionem in lentore constitutam, ac denum non materialem solum antipathiam ad calorem naturalem & ad animam ipsam, sed & spirituales. hæc igitur quum ita se habeant, longe diuersam putrefactionem ab alijs faciunt. si quidem in alijs superficialis quodammodo sit putrefactio, non profunda, et sordida, in his autem profundissima et ad partes uel penitissimas eius quod putrefit. quod quidē iccirco accidit, primo q; seminaria non parue actionis sunt, quemadmodum simplices uapores, sed longe maioris, propter fortem missionem, propter quam nec cito & facile alterantur, sed perstant & actionem continuant. propter lentorem autem agglutinantur ualde illi humori, ad quem habent analogiam. in quem incumbencia cito dissolunt, actiua multum quum sunt & humida, ad quod non parum adiuuat spiritalis antipathia, quæ naturalem calorem fugat et propellit, a quo constitutus humor cito contrahit putrefactionem profundam, fit etiam putrefactio illa non profunda solum, sed & ualde larga, hoc est multarum partium, quoniam seminaria hinc inde dispersa sunt, & hæc alia ceu sobolem generat, illa alia recte igitur dicebat Montanius in ignam putrefactionem in pestilentibus febribus fieri, sed rationem non dedit perse id facientem, assignans humiditatem contractam & præparantem. Differunt præterea hæc febres ab alijs putridis in accidentibus proprijs. ad has enim sequitur esse contagiosus ad alium. cuius causa assignari non aliter potest, q̃ per rationem seminariorum, quæ ad alium delata tale in secundo faciunt, quale in primo fuit. q; si pestilens aliqua febris primo in nobis fiat, nunq̃ tamen esse pestilentem dicimus, nisi tum quum seminaria contagionis iam facta sunt, quare æque est, factam esse febre ex seminarijs, et aptam esse ex ijs.

fieri; atq; ea p se includere; si igitur licet pestilentem febrem diffinire. dicemus esse febrem sordida & profunde putrefactionis includentē semina ria acutissimę cōtagionis p se. pp quod et letalis est, et ad aliū cōtagiosa. atq; hęc p se ratio est pestilentis febris, non aut q. uel cor, uel contenta in eo putrescant. nihil quidem prohibet, et ad illa putrefactionem deferri, p se fertim si analogia ad illa sit. sed siue, hoc sit, siue non, ratio non est hęc pēstis, sed forte ratio uehementioris pestis, & cuius interficientis. quod autem p se est et (ut aiunt) formale, est esse febrem p se includentem seminaria contagionis letalis. propter quam causam quę e uenenis sunt febres letales quidem sunt, sed non pestilentes, quoniam contagiose non sunt. carent enim eo quod formale est, & p se ratio pestilentie.

De differentijs pestilentum febrium, & accidentibus earum. Cap. 4.

Pestilentum uero febrium alie extrinsecus in nos ueniunt, alie in nobis primo fiunt, alie omnes perdunt, alie maiorem partem, alie multos solum. diuersa porro est earum analogia & admiranda. quędam ad sanguinem p secipue analogę sunt, quędam ad coleram, quędam & ad humores alios, alie promiscue ad omnes, & alie ad spiritus solos, aut ad ipsos maxime, & quędam citissime perdunt, quędam serius. extrinsecus ueniunt, quorum seminaria prius concepta sunt, aut in aere, aut terra & alijs. oportet autem & ea prius corrupta fuisse, si proprie contagio dicenda est. dico autem seminaria, non uapores simplices, multum enim differt (ut diximus) inter seminaria & uapores. In nobis autem primo fiunt, quę e communibus quadam causis cum alijs originem habent, ut plenitudine obstructionibus & humorum malitia. uerum putrefactio & sordida est, & conclusa, eiusmodi autem ut in ea seminaria fiant contagionis perniciose. nihil enim prohibet sepetalem in aliquo primo fieri, mox ab illo in alios importari. omnes autem perdunt, quę ad spiritus & spiritualia analogiam habent, maxime quę extrinsecus ueniunt per anhelitum attractę contagies. maiorem uero partem perimunt, quę ad acutos humores analogę sunt, p sefertim si & ipse extrinsecus apportentur. multos autem solum, quę ad crassiores humores rationem habent. quo autem modo & quibus de causis diuersę sint analogię earum, supra quidem demonstratum uniuersaliter fuit. quare nunc non aliter repetendum erit.

Sed iam de accidentibus earum dicatur, quatenus signa & noticia.

earum haberi possint. primum ergo quod per se has febres sequitur, est esse contagiosas, quod & maximum est earum signum. quod quoniam non semper datur uidere posse, alia signa attendenda sunt, commune autem est omnibus ferè, per initia omnia uideri ualde placida. ita ut uix febrile existimetur, qui nihilominus latentem pestem concepit. pulsus urinæq; id attestantur, sed ita tamen ut peritum non lateant. per processum porrò tamen si sua sunt augmenta tota, tamen p se febris placida uidetur & lenis, calor tactu mordax non est, introrsum uero morosus magis, quàm acris percipitur. quippe interrogati, qui ægrotant num febrant, non febrile se dicunt, sed tamen in angustia quadam uersari. decubitus supinus est, dorsum perinde ac uerberati, anhelitus solito longior, pulsus non citatus, non altus, sed præssus magis & uix audens se attollere. hæc ergo signa per primos morbi processus apparent, quæ quum uides, tum ad alios spectato, quos febres tenent, ac quum multos emori uides e consimili morbo, tunc time pestilentem esse febrem cui astas. in dies autem certiora se ostendent signa, nam uel maculæ in cute apparebunt, uel abscessus circa emunctoria uocant. oculi adhæc subrubent, & uacillant, anhelitus extraneo quodam fetore grauis est, quo solo signo periti, sæpe pestilentem febrem deprehendunt, uerba sæpe dicuntur multa, & interdum incompressa, caput graue scit, & modo uigilia, modo somnus nimis ægrum tenet, Hypochondria tenduntur. egestionis liquidæ sunt, corruptæ longinquæ a forma fecum & humorum, fetentes. urinæ aut subiugalium similes, aut quasi uinum granatorum, aut tenues crudæ, aut confusæ, rubræ. quandoq; & similes sanis sunt, lingua sordescit. uirtus omnis labat & fatiscit, mala autem signa sunt, delirium perseverans, urinæ detentio, fluxus sanguinis narium ad quem alienatio nulla consequitur, uentris deiection multa per initia oborta, uel e leui pharmaco facta, apparitio macularum & abscessuum, ac subita mox delitescencia.

Quod igitur per initia mites appareant hæc febres, nihil nimirum uideri debet, quum toto genere, & in toto processu lenes plurimum sint. causam aliquæ reddunt, quod nec nos tangentes ardorem febris sentiamus, nec æger ipse. nos quidem quia febris hæc extrorsum quiescit, introrsum turbans, æger uero neque ipse sentit, quoniam hecticam febrem patitur, de quo supra dictum satis fuit. Nos e nostris principiis causam inde esse arbitramur, quod profunda admodum sit putrefactio, in qua acrimonia omnis multum obtunditur et hebescit, humido multo simul euaporante, & lentore tanto facto. in febribus autem quæ in sicco consistunt, quales sunt colericæ

colericæ acrimonia & feruor sentitur, membra exuruntur, sitis uexat, ariditas linguae fit, quoniam igneum est, quod euaporat & siccum. propter quod nec contagionem facit, quoniam non agglutinetur, quamquam magnæ actionis sit. est fortasse & alia concausa cur peste laborantes febrem non sentiant, quod sensus illis magnopere obtusi sunt, obsepti tanta putredine, in qua uirtutes non solum dissoluuntur, sed nec transmittuntur ad sensitiua membra. quod uero pulsus parui sint, & rariores, rursus causam assignant alij, quod pestilentes bestici fiant, quare quum nec caliditatem nouam percipiant, pariter nec noua euentatione indigent; unde & pulsus non ualde diuersi sunt a seipsis sanis existentibus. Nos si licet, aliam causam assignamus, illud prænotantes, quod natura semper illud eligit, quod aut melius est, aut minus malum, ut in ijs diximus, quæ de sympathijs tractata sunt. sicut igitur oblato fetore aliquo a natura fit, ut uix anhelemus, uix halitum per nares trahamus, quasi sic minus aperiatur aditus fetori, ita lata ingenti, atq; abominabili putrefactione seu exhalatione ad cor, uix audet natura ipsum dilatare, uix uenas tollere, quo minus uia putredini aperiatur, quare tantum tollit, quantum uix satis est uitæ & euentationi cordis. propter quod pulsus paruus fit, & rarus, & anhelitus longior & angustior. constrictio uero seu expiratio uelocior, & dilatatio & inspiratio, quod et in pulsibus etiam uenenatorum contingit, ut sepe uidimus. Urinæ autem ut plurimum subiugalium similes sunt, propter multam & diuersorum ebullitionē, q. si humor crudior fuerit, albida sepe urina fit, & subtilis, si uero sanguinis excrementa coeundent, rubra exit, & confusa propter ebullitionem, quæ si subadusta et subtilia fuerint, aut tenui melancholiæ admixta, similem uino granatorum urinam faciunt, sed iam particulares febres prosequamur.

De ephimera pestilenti in Britannia.

Cap. 5.

IN Britannia insula, quæ nunc Anglia uocatur, genus est pestilētis febris & contagiosæ, quæ ad ephemeræ referenda uidetur, quod die una aut hominem perdit, aut liberat. est autem non contagiosa solum de uno in alium, sed & uagatur etiam de ciuitate in ciuitatē, non tantum per eam insulam, in qua ferè una uideri solet, sed sepe & ad uicinos Belgas deferri uisa est. quapropter & uitio aeris præcipue enasci censendum est. cur autem in ea insula præcipue oboriatur, uniuersalis quidem causa est analogia eius aeris. particulatim uero in quo ea consistat analo-

gia difficile certe est nosse. quamquam sunt, qui dicant id e soli ratione contingere, quod maxime gipseum est, unde et Albion olim appellatã fuisse uolunt. certis igitur constitutionibus humidis, uapores e solo illo accendit eleuari subtilissimos quidem, corruptos tamen, qui & subtilem etiam inferunt contagionem, cuius analogia est, uel ad spiritus, uel ad tenuem fsumam, quæ sanguini supernatat. quæcunq; autem causa sit, constat analogiam eius contagionis esse ad subtile sanguinis. propter quod die una aut finitur ægritudo, aut ager. ut plurimum autem finitur ægritudo per sudorem, unde & febrem etiam sudorem appellant incolæ. Nullis uero alijs medicamentis utuntur aduersus ipsam, quæ expectatione sudoris. nam qui bus aduenit, omnes fere euadunt, quibus autem retinetur maximam pars perit. quare cura omni & diligentia procurant ne impediatur sudor, quod uel facillime accidit, si tantum ager situm, atque accubitum mutet. qua de causa iubent medici, ut ager integra die una situm non mutet. quam molestiam qui ferre possunt, mercedem laboris recipiunt & euadunt. qui uero ferre non ualent, sed se iactant, decubitus mutant, nouum aerem aucupantur, impedito sudore sua causa pereunt.

De febre quam lenticulas uel puncticulas
uocant. Cap. 6.

Sunt alie febres quæ medicæ quodammodo sunt inter ueræ pestilentes & non pestilentes, quoniam ab ijs multi quidem pereunt, multi etiam euadunt. Contagiosæ autem sunt, & ideo naturam pestilentum sapiunt, appellari autem solent malignæ magis, quàm pestilentes, quales illæ fuere, quæ annis. 1505. & 1528. in Italia primum apparuere, etate nostra non prius notæ. certis uero regionibus familiares, ut Cypro & uicinis insulis, maioribus etiam nostris cognitæ, uulgus lenticulas aut puncticulas appellat, quod maculas proferant lenticulis, aut puncturæ pulicum similes, quidam mutatis litteris peticulas dicunt. de quibus diligenter agendum uidetur, quod & nunc quoque crebro uisuntur modo communes multis, modo quibusdam particulatim contingentes, uisi etiam sunt, qui ex Italia in alias regiones profecti, ubi nullæ essent eius modi febres, ex ijs tñ perierint, quasi secū infectionē detulerint. quod clarissimo et doctissimo ANDREAE NAVGERIO Oratori prouidissimo Venetorū Rep. apud regē Gallorū annis superioribus contigit, ex hac. n. labe interijt i ea prouincia, in qua ne nomine quidē nota erat,

ægritudo eiusmodi. uir eius doctrinæ et ingenij, ut nulla maior litterarum
 iactura sit facta iam multis annis, Contagiosa igitur est & hæc febris, sed
 non celeriter, nec fumite & ad distans, sed tantum per tractationem in-
 firmi. per initia autem quum febres omnes pestilentes placide sint, & mi-
 nutes, tum hæc adeo placide inuadit (ut uix admittere medicum ægri uelint)
 unde & medicorum multi plurimum decepti sunt, expectantes resolutionem
 morbi paulo post, nec quicquam contra parantes. mox uero signa ma-
 lignæ febris aperiebantur, nam quamquam calor mitis pro natura eius mo-
 di febrium sentiebatur, interne tamen perturbatio quædam percipiebatur,
 tum & fractio in toto corpore, lassitudoque more fatigati, decubitus erat
 supinus, caput grauescebat, sensus hebetes erant, & mens magna ex par-
 te post quartum aut septimum non constabat, oculi rubescabant, uerba
 multa dicebantur, urina primum exalbida, ut plurimum cernebantur plenæ
 tamen, mox rubentes & confusæ, aut similes uino granatorum, pul-
 sus rarus, & humilis qualem diximus, excrementa corrupta fetentia,
 circa quartum & septimum in brachijs dorso & pectore macule ruben-
 tes, sæpe & puniceæ erumpebant puncturis pulicem similes, sæpe maio-
 res imitate lenticulæ, unde & nomen inditum est. sitis autem aut nulla,
 aut parua aderat, sordescibat tamen lingua, somnolentia quibusdam ade-
 rat, quibusdam & uigilie, interdum in eodem utrumque per uices, status
 alijs ad septimum, alijs ad quartumdecimum, alijs & ultra, urina quibus-
 dam detinebatur, quod pessimum signum erat. ea febre mulieres paucae,
 senes paucissimi, Iudei serè nulli deperiere. iuuenes & pueri multi, & ij
 quidem nobiles contrario modo, ac pestilentes ueræ consueuere, quæ
 quum uulgum præcipue capiant, tum hæc febres maxime in nobiles gra-
 fari uisæ sunt, perituros sua signa præcedebant, sicuti & euasuros. ma-
 la erant, si sitarum æger uirtute defici se sensisset, si assumpto leui pharma-
 co ingens alui deiectio secuta fuisset, si facta crisi non accessisset alienia-
 tio, nam uidimus quibus libra tres sanguinis erupisset et naribus pau-
 lo post tamen obijisse, malum item si urina detinebatur, si len-
 ticulæ delitissent, si ægre erupissent, si liuidæ fuisset & ualde puniceæ, quod si aut omnia, aut
 plura ex his accessissent certissima se-
 quebatur mors, euasio uero si con-
 traria aut omnia, aut
 plura apparuisset
 sent,

HAec quidem inpropatulo erant & ante oculos. quibus autem de causis & quomodo euenissent, magna inter medicos discrepantia, magna altercatio erat, uarijs uaria existimantibus. alij aduersionem & acuitatem in causa ponebant, alij plenitudinem, alij intranspirationem corporum, alij occultam proprietatem, quare & quisq; pro existimatione sua auxilia afferebat, non sine artis ludibrio, & uulgares non lateret tanta dissensio. quoniam autem uagantes erant ea febres, & multis uno tempore communes, communem quoque causam, tum habuisse censendum est, praecipue autem contractam ab aere, quod satis rationabile apparet. quando anno. 1528. prece lente hieme austriua pluuiosa, uere quidem multa flumina inundauere, apud nos quidem Athesis et Padus, apud alios alia. fuere pariter et caligines quaedam, quibus arborum germina olearum praesertim, quam plurima aruere. quibus de causis & principium his febribus datum credendum est. quae uero sparsa nunc apparent, causam particularem in nobis habent. in quibus prime fiunt, et consimilem putrefactionem acquirunt, qualis illa fuit, quae primum communem multis originem ab aere traxit. quoniam autem contagio haec per comparationem ad uere pestilentes, satis mitis apparet, nec celeriter contracti solet, nec fomitem relinquit, nec ad distans protenditur, sed tarde & per tractationem solam (censendum est seminaria ipsius non esse admodum acria) nec fortem illam elaboratamque mixturem habere, sed magis apta esse, ut & alterentur facilius, & non agglutinentur quemadmodum alia solent, quae fomitem relinquunt. & in summa quae a natura uaporum non multum remota sint, acria tamen quantum sufficit eiusmodi contagionem inferre. Consimile ergo infectionem in aere primum fuisse censendum est, quae mox in nos ingesta tale febrium genus attulerit, quae tamen si pestilentes uere non sunt in limine tamen earum uidentur esse. Analogia uero eius contagionis ad sanguinem praecipue esse constat. quod & maculae illae quae expelli consueuere, demonstrant. omnes enim rubentes sunt, principij colorem & rationem retinentes. quae de causa & magna etiam & late fusa est putrefactio, propter humiditatem & fluxibilitatem sanguinis, eadem de causa & lenior etiamnum est haec, quam pestilentes aliae. non potest tamen non morosa sentiri, facta magna interosum euaporatione praeputredinis. propter quod & lassitudo quoque sentitur, & mens non constat, & caput grauatur, & oculi rubent. quae euaporatio quoniam

niam lentis est, et tractabilis rarissime solet frenesim facere, quod multime dicorum tenere solent, uidentes delirium fieri. porro nec mirum est, si egestiones corrupte liquidęq; apparent, tam larga quum putrefactio fiat. unde & malum erat signum si assumpto leui pharmaco ingens deiectio secuta fuisset, praesertim primis diebus. signum enim erat ualde amplam esse corruptionem. Somnus autem ijs nullus obrepebat, quibus pituitosior erat sanguis, uigilia uero quibus biliosior. maculae autem apparebant in cute, natura foras pellente quam poterat partem infectionis, nam & modo per sanguinis fluxum e naribus, modo per sudorem, modo per alui deiectionem exonerabatur, sed salubrior erat, quae per eiusmodi maculas tentabatur expulsio, propter quod multi eorum euadebant, quibus large fiebat ea, multi uero peribant, quibus rarae & sparsae erumpabant maculae, aut ubi erupissent delitescabant. significabat. n. aut naturam non esse potentem, aut materiam male obedientem, quae aut expelli non posset, aut retrocederet, natura tentante aliam expulsionem: Sanguinis uero effluxio per nares nullos penę leuabat, quoniam magnum quidem stimulum arguebat, & naturam maxime cogi ad expellendum quae poterat contrarium quod in maioribus uenis inerat, sed ea uia non erat idonea ad expellenda semina contagionis, quae maxime in minoribus uenis sedem habebant, ut pote quae extrinsecus accessissent, similiter nec multum proderat uentris deiectio, quoniam corrupta quidem materia expurgabatur, semina autem non. quare ex omnibus conuenientior erat, quae per cutim expulsio fiebat. primum quidem per maculas facta, mox & per sudorem. propter quod & multi uisi sunt euasisse, quibus largus sudor superuenisset, per has enim uias magna pars seminariorum, una cum subtili parte sanguinis excernebatur, detinebatur autem interdum urina, siue quod absumeretur aquositas, siue quod alio uerteretur, ut in maculas uel sudorem, siue quod redundantia nimia humorum, aut crassities uias obstrueret, siue deficeret uirtus, propter quod pessimum erat signum: pueros autem et iuuenes carpit magis ea contagio, quod in ijs plus ad sit sanguinis & humidioris ad quem habet analogiam. tum uero & ij foramina magis aperta habent et calidiores sunt, unde attractio fit maior, tum per uenas, tum per anhelitum. propter quam causam et qui negotiabantur magis, magis etiam carpebantur: minus autem ociosi & frigidi & sicci natura, quale fere est senum & iudeorum genus. mulieres uero frigidae & ipsae sunt, & densioris carnis, porro nobiles magis, quam plebs hac tanguntur labe, contra uero pestilentia magis plebs quam nobiles, quoniam pestilentia potissimum

Fracast.

M

mum in contagione unius ad alium uersatur minus uitio aeris. hæc autem infectio magis aeris uitio, quàm transitu unius in alium, ab ea igitur contagione, quæ ab uno in alium transit, magis canere nobiles possunt, propter diuitias & commoditates alias, quibus plebs caret, ab ea uero quæ dependet ex aere minus defendi possunt nobiles, quàm plebs, quoniam ea quum communis omnibus sit, magis eos occupat, qui delicatiores sunt, & minus robusti, quiq; & plus habent sanguinis & humidiores sunt, quales sunt nobiles, propter luxum et uitæ quietem. plebs autem et robustior est, & siccior ut pote fatigata magis & uictus parcioris. ita igitur se habent lenticulares febres, et ex his causis fiunt, nunc de ueris pestiferis dicamus.

De uere pestiferis febribus.

Cap. 8.

QUæ uero pestiferæ proprie dicuntur febres, partim quidem cum his conueniunt, partim differunt. conueniunt quidem natura quadam communi, quòd contagiosæ omnes sunt, & per eundem modum afficiunt, differunt autem quòd pestilentum contagio longe promptior est, & celerrimæ susceptionis, tum uero & fomitem quoque relinquit, & ad distans sese etiam extendit, item & aut omnes, aut maiorem partem eorum perdit, ad quos pertingit. Seniores quoque sunt & reliqua accidentia, nam & uirtus uelocissime, & multa exoluitur, et perturbatio quæ interna est, longe maior sentitur. nonnullæ quoque sunt, quæ per initia ardentissimam febrem apportant, tametsi reliquæ, & illæ etiam mox lenes apparent pro natura totius generis. uigiliæ ut plurimum infectos tentant, quandoq; sopore commistæ. pulsus & in his quales in alijs percipiuntur rariores, et humiliores quàm ægritudo uideatur poscere. Urinæ conturbatæ aut albæ, aut etiam similes sanis. egestiones corruptæ, liquidæ, fetentes. In quibusdam bubones aut parotides, aut alij abscessus apparent. maculæ aut nullæ, aut rarius in ijs uisæ, quod alioquin mirum est, quum materia harum febrium sit longe subtilior. sunt & harum differentiæ inter se quædam. aliæ extrinsecus in nos accedunt præcipue ab aere. qui quum corruptus est, & seminaria statim in nos transfert, tunc nihil mortalibus miserabilius potest accidere. uerum rarissime contingit, ut ex aeris corruptione pestilentia contingat. aliæ ab ipso quidem priginem trahunt, sed non statim ab eo seminaria recipiunt; sed aut uapores, aut consimiles quosdam affectus & dispositiones, a quibus mox febris in nobis primo pestilens fit, & ab uno in alium transmittitur. aliæ

Et in nobis primo sunt non uitio aeris, sed aliorum ut ciborum, Et uniuersaliter uitio eorum, quæ prauas putrefactiones facere consueuerunt.

Quoniam igitur celerime suscipitur hæc contagio, existimandum est acutissima Et subtilissima esse earum febrium seminaria, Et analogiam præcipue habere, aut ad spiritus Et spiritualia, aut ad biliosos humores, quæ de causa nonnullæ interficiunt paucis horis, quæ scilicet ad spiritus et spiritualia analogæ sunt, Et antipathiam habent non solum materialem, sed Et spiritualement. nonnullæ serius necant, perdunt autem uel omnes, uel maiorem partem, omnes quidem quæ ad spiritus, Et ad cor habent antipathiam utranq, maxime autem ab aere pendent, et per anhelitum attrahuntur: maiorem partem, quæ in humoribus sedem habent biliosis aut sanguine exusto, aut etiam puro, propter quæ Et uigiliæ magis adsunt in his febribus, quàm in alijs, quæ tamen in sanguine fiunt. (Præsertim si pituita abundet) coniunctum uigilijs somnum afferunt. ceterum mites Et hæc uidentur, quamquam ingens sit ægritudo. Causa eadem quæ in alijs q, profunda est putrefactio et sordida, in qua acrimonia non plane percipitur, tū q, obtunditur a multo humido quod euaporat, cuius signum est lenta esse seminaria Et fomitem relinquere, tum q, sensus hebetes perse sunt: q, si nonnullæ ardentissimæ uidentur per initia, hoc ideo accidit q, nondum putrefactio profunda est, sed febres illæ in nobis primo incipiunt tales, quales aliæ quæ contagiose non sunt. colericæ autem ut plurimum, mox profunda fit putrefactio. Et contagiosa ac lenior incipit febris uideri. pulsus propter prædictam in alijs causam rariores Et humiliores uidentur, q, natura non audeat uenas tollere, ne aditum uel ueno aperiat. Quod autem urinae similes sanis appareant interdum, admirationem non paruam præbet, q, enim aut conturbatæ aut et albidæ uidentur, nemo itidem miratur. Causam aliqui dicunt ideo esse, quod similes sanis uidentur, q, corruptio et putrefactio circa spiritualia uersetur, quare nihil impedire ne et hepar et renes officijs proprijs fungantur, propter quod urinae concoctione quadam non carent, sed certe si febris est totius passio, mirum est spiritualia laborare, uirtutes omnes exolui, hepar tamen Et renes, quasi sana sint membra, concoctiones debitas facere. Fortasse igitur illud potius existimandum est, q, existente urina crassa Et plena sæpe accidit ut deficiente iam uirtute et non potente crassiores illas partes expellere, proleatur quodammodo urina, et ubi primum crassa admodum fuerat, incipiat iam crassa minus descendere, deinde et minus adhuc crassa, donec pueniat ad mediocrem quandam consistentiam, in qua nubeculæ quædam pendeant, propter quod sanis

assimilatur, non est autem uere sana, sed apparet: quod saepe non solum in pestiferis febribus, sed & in alijs uidetur, quum prope mors est, & uirtus iam non potest crassas urinae partes expellere. quae res inexpertos quosdam medicos saepe fecit, incipientes bene sperare ex ea urinae mutatione. siue autem abscessus magis quam maculae in hac febre, quoniam furens magis, ac turgens materia illius est, furiant autem introrsum magis et circa principalia membra hepar cor et cerebrum. omnis autem furens humor irritat plurimum & cogit expelli. quare a partibus, quae introrsum sunt, motus fit praecipue ad emunctoria principalium membrorum. mouetur autem non solum materia furens, sed & quae illi commissa est, propter quod abscessus maxime fiunt, & non maculae. contingit tamen & illae quandoque simul fieri, expulsa tenui materia quadam, circa cutem. praesertim ubi in sanguine infectio sit. ita igitur se habent, quae contagiosae uocantur febres. nunc ad alios morbos pertranseamus, qui & ipsi in contagione consistunt.

De phthisi contagiosa.

Cap. 9.

QUide phthisi hactenus tractauere, uidentur quidem de ea egisse magis, quatenus primo in nobis fit, & originem habet, aut ex defluxionibus, quae ad pulmones feruntur, aut ex fracturis quarundam uenarum, aut sanie derelicta, uel e pleuretide, uel peripneumonia & similibus. de ea uero quae ex contagione concipitur, nulla quidem aut quam paucissima tradidere. nos uero eam quae in nobis primo fit non negligentes, ac supponentes magis, nunc maxime de ea agemus, quae in contagione uersatur, quod institutum est nostrum. constat enim & contagione concipi, & propriam quandam animaduersionem exposcere demonstrabimus, nostri tabem uocant. quod uocabulum, sicut et apud graecos phthisis, interdum communius est, pro consumptione corporis quaecumque sit, interdum proprie magis, quum pulmonis uitio per se contingit. quod rursus dupliciter solet euenire, quandoque quidem ex ulcere in pulmone habito, unde sanies uera emanat, quandoque non ex uero ulcere, nec uera sanie, sed magis in saniem quandam conuersis pituitis, quae illuc descendere...

Verum et illam quoque possumus phthisim facti proprie appellare, quae corruptis putrefactisque pituitis, ita pulmonem afficit, ut si non ulceratus est, at flaccidus tamen et putidus iam redditur. quippe factis dissectionibus quorundam uidimus, interdum partem pulmonis fingeream & nullatenus uitiatam,

uitiatam, partem nondum exacte putridam, nondumq; ulceratam, sed tamen flaccidam mollemq; atq; in marcorem tendentem, quan loq; & totum pulmonem talem vidimus: quare quum iam marcor ille in pulmonem serpit, phtibiscum appellare merito hominem possumus; quum uero simpliciter corrumpuntur pituitæ circa pulmonem, nondum autem affectus ipse est, tum non uocari phtibiscus homo debet, sed aut dyspnoicus aut quid tale. quæ igitur sint phtibisis illius causæ, quæ in nobis primo fit, satis esse notum medicis arbitror. quarum nullam necesse est, in ea præcedere, quæ e contagione concipitur. potest enim esse ut quis nec destillationibus detentus sit, nec uenam fractam gerat, neq; ullo ulcere circa pectus affectus fuerit, nec pleuretidem passus, nec demum ullo uitio tactus, sed optime sanus existens, ex consuetudine tamen & coniuncta cum phtibisco, aut ex fomite, labem illam contraxerit. nam mirum profecto est, quanta tenacitate, quanto tempore seruetur uirus illud in fomite. ita ut uestes quas phtibisci gestauere, sepe uisæ sint post biennium attulisse contagionem. quin imitales etiamnum fiunt, & camerae, & lectuli, & tabulata ubi phtibisci perire. in fomite igitur illo non aliud putandum est relinqui, quam semina varia contagionis ex ea putrefactione euaporantia, quæ in phtibisi fit. quorum mira quædam est analogia, quando ea non ad oculos, non ad palatum, non ad aliud membrum contagiosa sunt, quàm ad pulmonem. causam in uniuersum supra monstrauimus. neque enim omnia in omnia agunt. sed solum quæ & agentis, & materie, & applicationis rationem certam habent, atq; ob id analogæ dicuntur. signa autem iam tabescentis pulmonis sepe oculis patent, sæpe enim fructula etiam ipsius per sputum reiecta apparent. Tabescentis et flaccidi iam, non ita manifesta sunt signa, sed tamen quum prolongari morbum uides, sputa horribilia aspectu apparere, fetere, ac saniem representare, quum & generosæ fiunt, tum certo scire potes tabescere iam pulmonem, præsertim si e contagione concepta fuerit phtibisis. conceptæ autem per contagionem indicia habere poteris, si causas diligenter inuestigaueris. similes autem contagiosæ & illæ sunt, quæ hereditariæ a parentibus contrahuntur. mirum enim est quasdam familias usque in quintam & sextam generationem omnes eadem tabis conditione perire, & quosdam eadem ætate.

Non minorem admirationem præbet rabies, de qua sequitur ut agamus, ea per se teneri animal nullum præter canes Galenus scribit, atque ita certe conspicitur. quæ uero animalium rabidi canes momorderint, rabire omnia, præter hominem, Aristoteles tradit. quæ autem hac in contagione spectantur, hæc ferè sunt. imprimis constat non concipi eam contactu omni, non somite, non ad distans, sed tum solum quum e morsu canis ita dilaceratur cutis ut sanguis eliciatur, quasi in sanguine ipso contagio fiat, per contactum dentis & spumæ animalis rabientis. Serpit præterea tam segniter & per moras ut rarissime ante uigessimam diem prodatur infectio, maiori ex parte post trigessimam, multis non nisi post quattuor aut sex menses, quibusdam etiam post annum aliqui & post quinquenium manifestari tradidere. uidi ipse puerum, qui octo post menses ex quo demorsus fuerat, contagionem ostendit, ex qua mox periit. Interea nec febris ulla sentitur, nec ullum aliud malum, ne sciente agro quanta perniciēs lateat, quam mox tum ferè percipit, quum ea ad cor pertingit. quo ubi peruenit incredibili cruciatu hominem affligit. Cor & præcordia uellicantur, æger nec stare, nec quiescere potest, sed more furentis huc illuc agitur, manibus corpus dilacerat, sitit immensè, sed illud maximum incommodum accedit, quod & aquam & liquida omnia adeo reformidat æger, ut potius emori eligat quàm bibere, aut ad aquam deduci. tum uerò et alios ipsi mordent, spumat, os, oculi torui aspectu sunt, ac demum fatigati uiam miserabiliter æstant, ferunt & si quis sub cornu arbore iacuerit, qui alias demorsus a cane rabido fuerit, rursus in rabiem uerti. de his igitur querendum est, quibus e causis fiant, uerum, non per eas rationes, quas demonstrationes appellant, sed si rationabiliter & ex communibus locuti fuerimus satis fecisse existimari debemus. Quoniam igitur somite non concipitur hæc contagio, nec in cute fit per contactum simplicem, sed dilaceratione cutis indiget, existimandum est semina illius, non admodum lenta esse, atque ea crassiora fortasse quàm in foraminibus condi possint, quare non nisi sanguini agglutinari, spuma in qua seminaria latent illi commissa: porro & quoniam tarde serpit, patet habere analogiam eius esse uel ad solidas partes, quales sunt nerui & eiusmodi, uel ad crassum aliquem humorem, at constat solidorum nullum hac in labe corrumpi, quare ad crassos humores analogam esse contagionem, tales autem sunt phlegma & me-

lancolia . uidetur autem ad melancoliam magis eam esse analogiam, quia uidemus rabiosos demum etiam furentes fieri, quemadmodum & melancolicos . deinde quia & canis a quo primum contagio oritur; ualde melancolicum animal est & siccum . porro phlegma in humano corpore multum est comparatione melancolice, quod & aptissimum est, ut putrescat . quare si in ipso foret contagio hæc, non tam diu latret, ut post annum manifestaretur . at melancolia, quoniam & paucior est, & frigida, & sicca, & minus apta putrescere, diutius seruare latentia seminaria potest . febrem autem non excitat hæc contagio nisi ad postremum, quoniam sensim fit, & quoddam euisporat, non statim ad cor fertur, sed longe post, aut etiam expellitur . propagatur tamen per partem post partem ad interna, ac demum ad præcordia, quo ubi peruenerit, & febrem suscitatur, & septum transuersum, & cor ipsum conuellit, ac postremo furorem & mortem affert . maxime autem tanguntur ea canes, quoniam ut diximus maxime sicci sunt, & adusti sanguinis . primum igitur ij more melancolicorum tristes fiunt, & solitarij, mox paulatim incalcescente sanguine, ad omnia indignabundi fiunt, cuncta incipiunt odisse, ac iam & præ iracundia mordent, oculi rubent, os spumat ac tandem in furorem aguntur . animalium uero quæ momorderint omnia rabiunt & moriuntur, præter hominem, quod idcirco fit, quia alia animalia propter feritatem in qua cum cane conueniunt, concepta contagio necessario rabiunt, propter analogiam . hominis autem natura longe aliena est ab ea feritate & conuenientia, propter quod nec analogiam promptam habet ad suscipiendum . unde fit ut non omnis qui demorsus sit etiam rabiatur, sed multi beneficio temperaturæ ex se, aut non contrahunt contagem aut superant . atque hoc ego illud esse existimo, quod Aristoteles uoluit, quamquam scio esse qui in eo textu ubi hæc de re agitur non legendum esse (præter hominem) sed prius quam homo, uolunt, quasi græca lectio non $\pi\lambda\iota\nu$ sed $\pi\rho\iota\nu$ audiendi debeat, quod nullam habet necessitatem . Cur autem adeo reæ formident liquida, & canes ipsi, & qui a cane demorsus sunt, unde & hidrophoui appellantur, difficultatem habet, & abditissimam rationem, neque enim illud credendum est, quod multi dicunt, & Aetius etiam existimare uidetur, iccirco ita timeri aquam quod ipsi appareat sese catulos quosdam in aqua cernere, quando quidem nonnulli eorum qui iam aquam ceperant formidare interrogati, uim quid tale appareret, ut uiderent, nihil tale uidere responderunt .

Vtrum igitur quemadmodum & in quibusdam alijs morbis abominatio
 quorundam fit, propter in dispositionē stomachi aut linguae, ita et in rabie
 detentis accidat an magis defectus & indispositio non est in stomacho &
 lingua, nam & sitiunt, & quantum lingua est, humida etiam expetunt,
 sed defectus potius in phantasia est, cuius signum est, q. nec uidere, nolunt,
 nec tangere, quamquam uti potum, appetant humida. Fortasse igitur (ut
 diximus in ijs quae de sympathia) phantasia quorundam memoriam exci-
 tat, quae paucem solent incutere, quod & in rabie potest contingere. quo-
 niam enim & spuma circa os eorum obuersatur, & corde praecipue lique-
 scunt, ex his phantasia fit, quaedam liquidi eos extinguentis, unde firmido
 fit, quotiens aut uident, aut tangunt, aut & audiunt offerri liquida sibi.
 In egris autem phantasia fit horribilium ex paruis occasionibus, ut saepe
 ex aspectu paruorum figurarum in parietibus uidemus egros, & lupos,
 & canes subimaginari ac clamare & iubere, ut inde auferantur. An
 quemadmodum diximus in sympathijs quae exsiccata sunt, humida possunt
 appetere & trahere, quum forma secundum naturā perse remanet, quamq.
 actu & per accidens aliter sit. at uero quum siccitas eo usq. processit, ut
 iam forma naturam non seruet amplius, sed iam ab ea ceciderit, tum sicca
 illa non solum non appetunt humida, sed uti contraria abhorrent, & a se
 abdicant, quemadmodum accidit, & in ijs qui prope mortem sunt. omnem
 enim & cibum & potum ita abhorrent, q. nihil molestius et horribilius ijs
 offertur, q. cibus & potus, quoniam membra iam priuata natura sua sint.
 ita igitur in rabie facta exsiccatione tanta, quod iam natura propria col-
 lapsa est, & quae prius uti conuenientia & bona recipiebat, nunc uti con-
 traria & horribilia recipit, non solum potus liquidorum omnium, sed &
 phantasia abominationem parit, ex siccare autem rabie affectus maufe-
 stum est, quum etiam & in conuulsiones ex siccitate incidunt. Cur ue-
 ro & qui sub corno arbore iacent, rursus in rabiem uertantur, si alias ra-
 bi di fuere, consimilem habet latentem causam si modo uerum est, quod sa-
 ma quadam circumfertur. nihil autem prohibet uapores, qui ex ea arbore
 continenter exhalant, stiptici quidem, & si licet dicere melanco-
 lici, ad hominem delatos, et intus calefactos idem facere pos-
 se, quod & seminata rabiei, magis autem in eo, qui,
 rursus rabidus, propter derelictam disposi-
 tionem, atque haec de rabie pro-
 babiliter dicta

NVNC ad eas contagiones pertranscamus, quæ extrinseca magis tentant, incipientes a Syphilide morbo. quippe nouum & diu nostro orbe incognitum morbum inter alia admiranda nostra tēpestas uidit, qui Europam ferè omnem, A siæ uero atq; Affri eē partem non parua occupauit. In Italiam uero ijs ferè temporibus erupit, quibus Galli sub rege Carolo regnum Neapolitanum occupauere, annos circiter decem ante. 1500. a quibus nomen Morbo inditum fuit, Gallicus appellatus. Galli uero nominis iniuriam in nos retorquentes morbum italum uocant, Hispani Patur sam, Germani nunc Meuium, nunc Gallicū dicunt. nonnulli nouo imposto nomine pudenda gram appellauere, quòd a pudendis inciperet, sicuti & Mentagram q; a mento inciperet, nouum morbum apud antiquos appellatum fuisse Plinius est author. Nos syphiliden in nostris lusibus appellauimus. Hunc autem morbum nostro orbi adeo nouum, familiarissimum tamen certis regionibus ferunt, qui per hispanas nauigationes nouum mundum comperere. ubi uel plurimum abundet ea contagio, non secus illic domestica ac apud nos scabies. principio igitur quum is apud nos apparuisset, hæ ferè notæ conspiciebantur in eo morbo. oriebatur in quibusdam sine ulla ab alio concepta contagione. in quibusdam (quæ maxima pars erat) e contagio excipiebatur, uerum non ex omni contactu, neque prompte, sed tum solum, quum duo corpora contactu mutuo plurimum incaluisent, quod præcipue in coitu eueniebat, quo maxima mortalium pars infecta fuit. uisi tamen infantes non nulli fuisse, qui e succu lactis a matre aut nutrice infecta consimiliter affecti sint. fomitem autem non relinquebat ea contagio, aut non nisi maxima quadam occasione. neque ad distans etiam sese propagabat. sed neq; statim manifestabatur, uerum certo tempore delitescibat, interdum quidem per mensem, interdum per duos sepe & per quattuor menses. Interea tamen signa nonnulla aderant conceptæ labis, animum tristitia quædam detinebat. corpus lassitudo, pallor faciem. tandem, quod in maiori parte inerat, ulcuscula quædam circa pudenda oriebantur, ijs non dissimilia quæ solent ex fatigatione contingere, quam cariem uocant, sed natura longe impar, nam hæc & mori contumax erat, & uicta una parte alia regerminabat immortali propagine. post hæc crustosæ quædam pustule per cutem erumpebant. in quibusdam quidem a caluaria incipientes (quod ut plurimum erat) in quibusdam in alijs locis, parue primum eæ apparebant, mox augebantur paulatim ad magnitudinem

Fracast.

N

DE MOR. CONTAGIOSIS

cooperculi glandis et similitudinem etiam, ijs non ab similes, quæ in pueris Achores uocantur, differentia earum multæ uisebantur, quibusdam parua & sicciore, quibusdam maiores & pinguiore, nonnullis liuide, alijs exalbide leuiter pallentes, alijs duriores et subrubentes, omnes autē paucis post diebus aperiebantur, ac mucore quodam mucilagineo fetido manabant, nec dici potest quantus ille mucor perpetuo effluebat, quanta sordicies, exulcerata deinde exedebant more eorum ulcerum, quæ phagedenitæ appellantur, atq; interdum nō solas carnes, sed & ossa etiam ipsa inficiebāt. quibus autem circa superiora uigebat malum, ijs distillationes præne contingebant. quæ modo palatum, modo gargarionem, modo fauces et tonsillas erodebant. labia quibusdam consumpta sunt, quibusdam nasus, quibusdam oculi, alijs pudenda tota. ad hæc autem magna ex parte gummositates quædam per membra concredebant magna deformitate. nam sepe oui, sepe panis magnitudinem æquabant, quibus apertis mucor suberat albus mucilagineus. tenax is callus maxime in brachijs & cruribus accidebat. quæ interdum ulcerabatur, interdum integer usq; ad mortem perseuerabat. Præter prædicta omnia, quasi parua illa forent, ingentes lacertorum dolores accedebant, sepe cum ipsis pustulis, interdum ante, nonnunq; post, & ipsi quidem diurni, quibus nihil crudelius aderat. affligebant præcipue noctu. dolor aut non proprie in iuncturis inerat, sed circa lacertos ipsos et nervos. Verum quibusdam nihilominus sine dolore ullo oriebatur pustulæ, quibusdam sine pustulis dolores, maior pars utrisq; affligebatur. Interea languebant membra omnia, macies corpus detinebat, nullum aderat desiderium cibi, nullus somnus, sed mæror & iracundia assidua & amor decubitus, facies & crura turgabant. quandoq; & febricula quædam concomitabatur, sed raro. dolebat quibusdam caput, dolor is erat diurnus & nullis medicaminibus parens. sanguis si hauriebatur in sincerus mucosusq; spectabatur, urina crassior pinguis diuulsa & subrubens. quo solo signo, quæ non adefset febris, multos prænouimus eo teneri morbo, ægestionem egrediebantur, et illæ mucosæ siccæ. His ergo notis tenebantur, qui tum eo morbo laborabant. Loquimur autem de his, quasi de præteritis. qm̄ tamen nunc quoq; ea contagio uiget, post tñ illa primæ tēpora immutata uidetur. ab inde enim annis ferè uiginti ceperunt pauciores uideri pustule, gummositates uero plures, quum e contrario primis annis fuisset. Factæ item fuere pustule (si quæ apparebant) sicciore, ac dolores (si qui accedebant) cuius sunt acerbiores. porro & annis labentibus, annis iam ferè sex, in quibus nunc sumus, magna rursus mutatio facta est eius morbi. quip̄

pe quum in ualde paucis pustulae iam uisuntur, & dolores ferè nulli, aut multo leuiore, quam mositates uero multae. & quod mirum omnibus uisum est, capillorum & reliquorum pilorum casus homines ferè ridiculos facit, alijs sine barba, alijs sine supercilijs, alijs glabro capite in conspectum uenientibus. quod infortunium prius putabatur ex medicaminibus euenire, praesertim ex argento uiuo. mox certiores facti omnes, sciunt ex ipso morbo immutato procedere, quinimmo (& quod peius est) iam nunc multis uidentur labefactari dentes, quibusdam etiam cadere.

De causis.

Cap. 12.

Igitur quamprimum tam nouus apparuisset morbus, magna statim inter medicos oborta controuersia fuit. alijs contententibus nullam ab antiquis factam de eo mentionem fuisse, alijs contra fuisse factam, his quidem Elephantiam existimantibus, illis uocatum ab arabibus *fafati*, alijs *lichenas*. primus Nicolaus Leonicensis uis doctissimus & grauis eam difficultatem sustulit, aperte monstrans nullum horum esse, sed prorsus apud antiquos innotatum fuisse morbum. quamquam posteriores quidam obstinate quidem magis, quam rationabiliter tanto uiro non plane assensere, Elephantiasim omnino asserentes esse. de quo mox pauca quaedam & nos dicemus. Ceterum quicumque haecenus de eo morbo scripserunt, alij quidem quid non esset, magis dixisse uidentur, quam quid esset. alij eam rationem quae si uisus magis, quae circa formam uersatur, quae esset egritudo partim in compositione partim in complexione & unitate & id genus. materiam uero et principia quae magis fuerant perquirenda reliquerunt. alij materiam quidem attigere, principia uero & rationem eam quae e contagione dependet, non ut pareretur, sunt prosecuti. Nos uero in ijs lusi- bus quos ad PETRVM BEMBVM nunc cardinalē scripsimus, quo forte tempore a pestilentia rursus multi otij nati essemus, de his cibis quaedam certe attigimus. uerum quantum Poetica concedere potuit, quae quae non admittat omnia, multa quidem praetermitti a nobis necesse fuit pro toto negotio, quae si nunc prosequamur operae pretij facturos esse nos existimamus. quod igitur ad primam morbi originem attinet, arbitrati sunt aliqui contagionem hanc e nouo illo mundo delatam ad nos fuisse, quem Hispani nauigationes ad inuenire, ubi ea labes quae plurimum uiget, cuius signum id asserunt, quod tu & morbus hic apud nos primū apparuit, quum et nauigatio illa facta fuit, & commercia habita illius gentis. propter quod & primum

apud Hispanos uisum primum fuit. quare totam labem hanc consistere putant in contagione unius ad alium. sed profecto tamen si maxima mortalium pars e contagione morbum hunc contraxit, obseruatum est tamen innumeros alios siue ulla contagione perse infectionem eam perpeffos fuisse: Impossibile præterea fuisset tam paruo tempore contagionem, quæ perse segnis est, nec concipitur facile, tantū terrarum peragrassè ab una classe ad Hispanos primum delatam. quando constat aut eodem tempore, aut ferè eodem, & in Hispania & Gallia, & Italia, et Germania, et tota ferè Scythia uisam fuisse. adde q. prædixisse illam astronomos certis ante annis non paruum indicium est, aliud subesse illi principium, quàm simplicem contagionem. primum igitur illud mirum uideri non debet nouos atq. insolitos morbos certis temporibus apparere, non quidem delatos ab una regione ad aliam, sed suis causis exortos, anuo. 1482. pleurentidis genus quoddam erupit, quod totam fere Italiam affecit. nostris uero temporibus illæ prius non uisæ in italia febres apparere, quas lenticulas uocant, de quibus supra egimus. uidimus & annis superioribus lippitudinem contagiosam quasdam ciuitates inuasisse. uidimus & pestem illam solis bobus communem. de qua supra meminimus. quam ob rem nec mirum esse debet, si & gallicus morbus non prius cognitus in nostra orbe per multa secula, nunc primum eruperit. uenient & ægitudines aliæ nouæ inusitatæq. quum tempus fecerit. sicuti & mentagra apud antiquos, quæ postea amplius nunquam uisa est. hic idem morbus interibit & extinguetur, mox etiam & nepotibus nostris rursus uidendus renascetur, quemadmodum & præteritis ætatibus uisum a maioribus nostris fuisse credendum est. de quo non pauca inditia etiam nunc sunt. Tonsor quidam amicus noster libellum habebat experimentorum quorundam antiquum satis, inter quæ unum, inter alia scriptum erat, cui titulus erat ad scabiem crassam, quæ cum doloribus iuncturarum accidit. is ergo quum primum recentissimus esset morbus, memor medicaminis cōsuluit medicos quosdam, num uti eo medicamento deberet in noua illa contagione, quam per scabiem crassam significari existimabat. medici autem inspecto medicamine acriter prohibuere, q. ex argento uiuo constaret & sulphure. felix nisi medicos illos consuluisset incredibili quæstu diues futurus. paruit autē nec ausus est experiri medicamen. quod demum expertus, atq. optimum agnoscēs ualde indoluit, quod sero usus eo fuisset, quæstu iam per alios sibi arrepto. ex quo uidere profecto possumus alijs etiam ætatibus uisum eum morbum fuisse. Sunt qui putent, & Anicennam illū significasse capite de olibano, quum dixit Thus ualere domi
lori

tori composito illitum ex aceto & oleo, & est dolor inquit, cum quo proueniunt in corpore sicut uerrucæ cum deambulatione sicut formicæ. sed certe hoc nihil est, quoniam Auicenna illic transfert, quod Dioscorides scribit de Thure, quum dicit. Formicantes uerrucas inter initia impetiginisq; ex aceto & pice illitū tollit, per quæ Mirmecia intelligit. ut ergo ad propositum reuertamur, inter novos morbos & eos, qui raro in lucem ueniunt, collocandus est morbus gallicus. quare et causas illius ac principia oportet ex ijs esse, quæ raro & ipsa contingant. esse autem talia ut communia sint non solum multis mortalium, sed et regionibus multis. quod certe in nullam aliam causam referri potest, quam in aeris constitutione. qualis autem ea fuerit, et ex quibus principijs exorta, nunc est inquirendum. Quoniam igitur analogia suæ sunt in contagiosis, & principia oportet esse analoga (ut dictum est) ad ea quæ affectum recipiunt, manifestum est, principia huius contagionis ad phlegma crassum & sordidum analogiam habuisse. si enim ad pustulas respiciamus, quæ eo in morbo apparuerunt, si ad gummositates, si ad lacertorum dolores, ubiq; quidem uidebimus non nisi mucorem & sordiciem, & demum phlegma lentum, mucilagineum, crassum, quare & seminaria a quibus contagio per se omnis dependet, talia quoq; suo modo fuisse censendum est. quocirca & aerem, unde origo fuit morbi, dispositionem eiusmodi contraxisse, cuius seminaria lenta quoq; & phlegmati consimilia analoga essent, & in eo aliorum rursus seminariorum productiua talium, qualia & prima fuere. quoniam autem & erodit, atque exest contagio hæc, oportet & seminaria illius acria esse, quamquam in lentore multo obsepta sepultaq;. Talia igitur principia habuisse infectionem hanc putandum est, atq; in aere sordidam quandam obrepissam putrefactionem, quæ mox ad crassum & sordidum phlegma in nobis habuisset analogiam. quo autem pacto, & quibus de causis in aere eiusmodi dispositio facta fuerit, difficile quidem est certo scire. si quid tamen rationabiliter conijci potest, hoc certe erit. quæcunq; enim causa & principium id fecerit, oportet illud ex ijs esse, quæ raro eueniunt. siquidem & dispositio illa in aere, quæ raro uisam contagem hanc peperit, ex ijs est quæ raro contingunt. quoniam igitur (ut supra diximus) quæ hic sunt, maxime a superioribus cælo, scilicet & syderibus alterantur, & uarijs afficiuntur modis, nihil aliud esse posse uidetur, quod in tot regiones per tantum spatij potuerit aerem tam male afficere, nisi cæli & syderum constitutiones, & eas quidem, quæ & raro accidunt, & magna quum accidunt, possint efficere. Supra autem monstratum est, tum magna & portentosa posse huc

sydera inducere, quum plura eorum in unū coeunt. ac talem certe coitum et conuentum syderum uidit tempestas nostra, trium superiorum. Saturni Iouis & Martis. qui conuentus & raro accidere solet, & quum accidit, magna semper apportare consuevit. tum q. ea Sydera potentissima sunt, tum q. unio illa diu perdurat, propter motus tarditatem praesertim Saturni & Iouis. quam coniuuctionē uidentes Astrologi, nouas magnasq. aggritudines portendi praedixere. Si quid igitur probabiliter dici potest de principio tantae contagionis, ita certe existimandum est. Ergo factō eo syderū cōuentu ingentē uaporū tractionem fuisse factam credendū est. qui cōmisti aeri diuersimodeq. agitati tandem sordidam putrefactionem intulerunt, a qua seminaria illa in nos importata fuere, quae ad sordidos & mucosos humores, quale est pblegma crassum et mucosum, haberāt analogiā, unde tandem contagio illa enata est, quae mox tot mortalium, tot regionū male affecit, partim quidē aere ipsoprincipia & seminaria immittēte, partim de uno in aliū contagione pertranseunte, ac de origine morbi et principijs eius ita traditum sit. q. uero & materia eius ad quam ea principia habuerunt analogiam, sit pblegma sordidum et crassum (ut diximus manifestissimum esse potest) si. n. pustulas inspiciamus, illae oēs pingues mucore incredibili manantes fuere. si uero gummositates, et illae concreto pblegmate constabant, q. si et ad dolores ipsos lacertorū, et illi quidē idē ostendunt. erant. n. diurni extensiuī, noctu affligentes, factis item dissectionibus lentor quidam p. nervos & lacertos coextentus cernebatur. quare nemi dubium esse debet materiam eius contagionis esse mucosum pblegma & sordidū. uidentur autē pustulae ex minus crassa materia originē habuisse, gummositates ex crassissima, dolores uero ex media quadam. quippe serpente contage p. massam sanguinis et pabulum sibi faciente in pblegmate, pars quidē quae minus crassa, minusq. segnis erat, extra pellebatur ad cutim, atq. illic sensim concrefcebat in pustulas. quae uero crassior aliq̃to fuerat & minus apta usq. ad cutim expelli, residebat circa nervos & lacertos, ubi coextēta dolores acerbissimos excitabat. Crassissima uero, circa partes quasdā coagulabatur et in gummositates concrefcebat. nō erat autē prompta contagēs ut exciperetur, pp. lentorē in quo sepulta erat seminaria, sed idigebat cōcalesfactione quadā corporū. sic. n. quodā mō actu sic hāc seminaria, et alteri agglutinata poterāt, et se se ex analogo sibi pabulo propagare, qd non calefacta facere quidem nō poterant, quasi coagulato. pp. eandē causam et diu latebat contagēs intra corpus anteq̃ sese manifeste oñderet, qm̃ segniter serperet, pp. frigiditatem et crassitiē materiae. mox.

tamen exedebat & solida etiam carpebat, propter acuitatem seminariorū in densa materia, quā actu fiebant, & putrefactio procedebat: apparebant aut̄ primum ulcuscula circa pudenda, quā inde prima origo contagionis initium capiebat in maiori parte ex coitu. erant aut̄ et male morigerata ea ulcera, tum q̄ locus ille per se satis putidus est, tum quia seminarijs hinc inde dispersis iam fiebat ut parte una sanescente pp̄ remedia, alia regerminaret. at pustula ut plurimum a caluaria occipiebant partim quidem, quia pars illa pp̄ sordiciem & crassitiem humoris, ex quo nutritur quodāmodo analoga est ad contagem. partim q̄ o. a euaporatio sursum fertur. in omni autem putrefactione euaporatio plurima fit: quibus aut̄ pustula aderant multæ nimis dolorum accedebat, q̄ materia multa excerneretur, ac simul signum id esset materiam esse subtiliorem. Contra uero quibus crassior erat, dolores quidē multi insurgebant. ac pustula pauciores. materia uero quæ dolores dabat, nō erat in iuncturis ipsis infixa, q̄ crassior esset, q̄ penetrare in iuncturas posset, quare sup̄ nervis & lacertis maxime residebat. affligebat autem noctu magis et sole cōdente se, quā interdiu calor naturalis solet exteriora petere, ad quæ moueri solēt membra, demādata a natura ad nigilī op̄a exercēda, nec non a lumine solis excitus, quam ob rē fouebat quodāmodo ea mēbra et uētositates exoluebat, quæ lacertos et nervos extendebant et uellicabant. ac simul et materiā concoquebat, noctu uero introrsū recurrere calor solet, et mēbra ea deferere, ad quæ p̄ diē demādatur a natura, quæ de cā dolores tū excitabantur et distēctiones maiores accrescebāt, destituta mā a calore fouēte et dissolvente uētositates. Annis uero labētibus mutatio quēdā eius morbi facta est. quā dispositio prima quæ in aere fuerat, iam cessauerat. nec morbus aliam sui propagationē habebat q̄ e contagione unius ad alterum, pp̄ quod perseuerabat. oīs autem contagio q̄to magis abest a principio & prima origine, tanto stecior sit et terrestrior, pp̄ adustionem, quæ continenter coniungitur. quæ de causa primi temporis contagiones, quasi ortui & principio propinquæ, sordidiores pinguiorēsq̄ uiscebātur, et pustularū plurium, minorū uero dolorū, quæ uero annis post sequentibus cōtigere, ut potē adustæ et crassæ magis, pauciores quidē pustulas, maiores aut̄ dolores dehere. nam et a principio ubi plus erat pustularū, illic minus erat dolorum, ubi minus pustularū plus dolorum cernebatur. porrō & annis hisce ultimis, quasi in senio exīte contagē materia facta crassissima, maior adhuc mutatio facta est, nam gūmositates multæ apparent, pustula aut̄ paucissime, et illæ steciores, dolores aut̄ ferē nulli, aut longe minores. q̄ materia pp̄ crassiciem facillime concreascit in

gummositates, extra autō non facilliter propellatur ad cutim, uel resideat circa lacertos. quōd si quid tamen ad cutim peruenit, id tenne quoddam plegma est, quod falsedinem quandam acquisiuit ex adustione, quare ad radices pilorum latum pabulum eorum absumit, unde & ipsi mox cadunt, sicuti in porrigine Alopecia & acboribus siccis accidit. Fortasse autem & idem fit in hoc morbo nunc, quod & in Alpibz accidit, in quibus decidunt pili, materia quadam alba mucilaginosa coextenta ad radices eorum. nam uidimus quosdam quibus barba deciderat consimilem quandam sub cute coextentum humorem habuisse. quod facillimē potest, nunc euenire in euaporatione & secretionē quā fit ab ea materia iam pene uitrea, coagulatis uaporibus ubi ad pilorum radices peruenere. quocumque igitur modo id fiat, existimandum est senium iam huius morbi incēpisse, nec longe post futurum, ut ne per contagem quidē se propaget. quoniam materia in dies frigidior fit, & terrestrior, in qua et seminaria tum pauciora, tum & debiliora in dies gignuntur. propter quod nec iam facile concipitur nunc ea contagio, uti prius solebat, quare & tandem fiet, ut nec sese possit propagare, sed defluat, reuersura mox, quum eadem principia, & eadem cause reuertentur. est autem certis regionibus familiaris contagēs, ut in Hispana uocata in insula & uicinis alijs, quoniam (ut diximus) ea dispositio quam ad nos temporis longitudo attulit, illic connaturalis uiget huic morbo gignendo, quemadmodum Elephantia Aegyptus Iudaeq; familiaritatem quandam habent. quae igitur principia & cause fuerint nouae huius contagionis, & quo consistat, & quam habeat analogiam, & quae sint eius accidentia & notae, per haec haecenus determinatum sit.

De Elephantia.

Cap. 13.

Non esse autem Gallicum uocatum morbum eum, qui Elephantia uel Elephantiasis interdum & Elephas a graecis appellatur, sufficere quidem ad ostendendum ea possent, quae Leoniceus uir tantus scripserat. Veruū tamen si & nunc quoque pauca quaedam eadem de re adiiciantur, non inutile fuerit (ut promissimus). quando posteriorum quidam plus aequo obstinati scriptis mandauere eundē esse morbum Elephantiam & morbum Gallicum, atque eisdem etiam remedijs curari oportere: quod autem eos praecipue decepit, id fuit, q. uidentes ipsi antiquos seorsum de Lepra scribere, & seorsum de Elephantia, tum existimantes per lepra nomen ab ijs intelligi, illud quod uulgo lepra uocamus,

mus, ne sciuerunt quid nam esset Elephantia, nisi morbus hic, qui mox Gallicus est appellatus. sed certe hæc monstrant antiquorum scripta parum fuisse considerata ab obstinioribus hisce hominibus. neque enim ita est uti ipsi putant, per lepram a grecis eum morbum intelligi, qui uulgo lepra dicitur, sed aliam quandam longe leuiorem dispositionem, de qua simul cum psora hoc est scabie agunt. quæ uia quædam est ad Elephantiam, quæ proprie passio illa est, quam non solum uulgo, sed et recentiores medici tum Latini, tum Arabes lepram uocant. Paulus de lepra agens una cum psora, horum inquit morborum uterque summæ cutis asperitas est, cum pruritu et corporis attenuatione, ex melancholico humore ortum habens. Galenus in libello de tumoribus. sunt autem psora et lepra melancholicæ passionis solius cutis, quæ si in uenis et carne inualescant, cancer nominatur et Elephantias. item quosdam dicit ex Elephantiosis factos fuisse leprosos, ægritudine in melius conuersa. manifestum igitur esse potest leuiorem multo esse lepram apud antiquos, quam Elephantiam. quod autem et Elephantia ea proprie sit, quæ uulgo lepra dicitur, ex his manifestum simul fiet. nam ut primum a nostris incipiamus, Plinius libro. 26. nouos quosdam ponit morbos Elephantiasm et Lichenas, quos sine dolore ullo, sine uitæ periculo contigisse scribit. diximus inquit. Elephantiasm ante Pompei Magni ætatem non accidisse in Italia, et ipsam a facie sepius incipientem in nare prima uelut lentacula, mox inualescente per totum corpus maculosa et uarijs coloribus, et inæquali cute, alibi crassa, alibi tenui, dura ceu scabie aspera, ad postremum uero augescere intumescensque digitis in pedibus manibusque. Aegypto peculiare hoc malum, et quum in reges incidisset, populis funebre. quippe in balneis solia sanguine temperabant, ad medicandum eam. quis non uidet per hæc non Gallicum morbum significari, qui dolores uel ingentes asserat, sed uocatam uulgo lepram, quæ sine dolore accidit, quæ a nare incipit, ut et Paulus, et Auicenna, et alij recentiores tradunt. quam Aegypto familiarem omnes dicunt, et ipse præsertim Galenus, quam demum unam humano leniri sanguine consueuisse libri omnes pleni sunt. Arabes uero per Elephantiam non plane id intelligunt, quod greci et latini, sed tumorem quandam pedum ex humore melancholico, ceu uarietate genere, quasi speciem eam lepræ intelligant, in qua pedes more Elephantum tument, per lepram autem id accipiunt, quod et uulgo lepra dicitur, a grecis Elephantia. notæ autem Elephantia et accidentia hæc sunt, oritur primo sine dolore ullo, sine febre, ac delitet ipsa quoque certo tempore priusquam se prodat. mox prima ut plurimum indicia dat a nare oborta

Fracast. O

parua ueluti lenticula subnigra. cutis deinde uaria fit colore, duritia, asperitate, attenuatione, quippe alibi liuida fit, alibi alba, alibi in atro ruffa, durabie, illic lenior, alicubi aspera et squamosa, alicubi crassa, & ueluti corium igne induratum. pustula simul per totum corpus enascuntur duræ, & ut plurimum purpurascens, quæ tractu temporis exulcerantur, & pus emittunt, uerum non multum ac siccius, quàm in syphilide. circumtumescent uicina membra, & alia contrahuntur, alia extenduntur. propter quod multis excauat nasus, os utrinque contrahitur uersus aures, oculi rotundantur, & similes satyris (qui pinguntur) fiunt. unde & satyriasis etiam is morbus appellari consuevit. quamquam sunt, qui satyriasmum dictum putent, propter tentiginem nimiam ueneris, quæ eo in morbo contingit. Tument deinde digiti in pedibus ac manibus, ac pedes similes fiunt Elephantum pedibus, unde quidam uolunt esse Elephantiasim appellatum. quamquam Archigenes a magnitudine morbi, ita uocatum dicat. Ad hæc autem et uenulae, quæ sub lingua sunt, seu uaricosæ fiunt, pruritus adest, & cum eo tentigo ueneris uehemens. fœtent mox & tolerari iam non possunt, et multis alba per totum fit cutis, quæ insanabilis habetur. Contagiosus porro est morbus non contactu solo, sed & fomite, et anhelitu etiam, quamquam tarde irreat & sese propaget. in uiros autem crassatur magis, quàm in mulieres. quin & eunuchi paucissimi uisi sunt eo malo correpti. propter quod & nonnullos legimus sese castrauisse ne eo tentarentur. Nationum uero alie familiarem habent, ut Aegyptus & Iudæa, alie uix nouere. simpliciter autem extremæ calidæ & frigidæ regiones eam labem sentiunt magis quàm mediæ, ut Aetius autoritate Archigenis refert. propter quod Germani et Scythæ, et Aegyptij, et Arabes maxime illi obnoxij sunt. quamquam Galenus contradicere uidetur Archigeni, qui Germanos, & Scythas carere hoc morbo dicit. Itali uero et Græci minus. et certe semper apud nos uisus raro fuit is morbus, quàm per ciuitates domus, quæ hospit alia uocantur, et suppellectiles sumptibus publicis paratæ structæque uideantur Elephantiacis suscipiendis. Verum quos ego hætenus uidi, nemo quidem, aut paucissimi suscepti Elephantiaci mihi uisi sunt, sed leprosi solum, aut impetigine quadam fœra detenti. atque hæc fœra signa sunt, quæ in Elephantia uideri solent. ex quibus unusquisque uidere potest, longe alium esse morbum, qui Galicus appellatur, qui non in melancholico humore sedem habet, sed in phlegmate sordido, qui non fomite afficit, non anhelitu, in quo tentigo in Venærem omnis abest, dolores autem uel acerbissimi ad sunt. quoniam autem & hic contagiosus est morbus, manifestum est includere ipsum seminaria con-

tagionis, sicuti et alios. eorum uero analogia non ad mucosam et sordidam pituitam est, quemadmodum uocati Gallici, sed ad humorem melancholicum magis. quod pustule ipsae maxime monstrant, duræ, siccae, purpureæ. tum & cutis duricies, & inequalitas, quod & omnes quoque quicquid de morbo scripsere, attestantur, ut dictum est. Elephantiosos inquit Galenus eodem modo curabis, sicuti & cancrum. ex eadem enim materia sunt. in libello de Tumoribus passio est Elephas propriam habens generationem in melancholico sanguine, tractu uero temporis nigra colera fit. ea de causa pustule sicciores sunt, ulcera uero minus mucosa, habent tamen sordiciem suam, quoniam putrefactio omnis per se sordida est, uiros autem magis quam mulieres tangit hæc contagio, quod melancholici sanguinis plus habent uiri. sed cur frigida regiones & Germani, et Scythæ magis ea tenentur quam Itali & Græci, humidiores existentes, causa est (ut mihi uidetur) quod illi sanguine multo abundant, & eo quidem pingui & unctuosius, quare multa in eo exhalatio fit, quæ cum ad cutim peruenit, ob densitatem eius, & frigiditatem regionis, non euaporat tota, sed solum quod tenuius est, crassius uero sub cute coit, atque illic exurit. quod facile fit, propter unctuositatem, unde non transpirans putrescit & labem hanc gignit, cuius seminaria analogiam habent ad partes sanguinis crassiores & melancholicas unctuosas. propter quod & porcorum carnes maxime aptæ sunt ad Elephantias inducendas. ex ijs enim multus fit sanguis exuri idoneus, quod uero Galenus scribit non est, quod regiones comparat nisi in uictu. Cuius causa Aegyptus familiarem habet eam labem. Germani uero & Scythæ minus ex hac causa, Scythæ autem minime, propter lactis usum, qui uero in calidis regionibus degunt, crassum quidem & ipsi sanguinem habent & densam cutem, sed alia de causa, quare & ipsis maxime exurit sub cute sanguis, & putrescit. medijs autem in regionibus temperatior est sanguis & bene transpirabilis caro. Mulieres uero & Eunuchi qui mulieribus similes sunt, propter frigiditatem sanguinis et aquositatem, minus eo tenentur morbo. Dolores uero non excitat Elephantia nec conuulsiones, uti in Gullico morbo spectantur, quoniam in sicco magis consistit, & materia si qua est, non residet circa neruos & laceras, sed circa summa consistit magis, propter quod nec febrem facit, quærat autem fortasse quis cur furorem non facit hæc passio, nec amentiam, quum in melancholia exusta consistat. causam inde esse censendum est, quod in furore & amentia exustio præcipue circa cor & cerebrum uersatur, in Elephantia autem circa cutim magis, quod si sanguis forte

Et introrsum uratur, non ita tamen exurit, ut furorem faciat natura semper ad summa pellente quod uitiatur. tument autem membra, quoniam materia multa sub cute collecta calescit non transpirans & coextenditur. porro & nutrimentum in ijs locis non plane concoctum, sed uitiosum in tumorem concrevit. pruritus uero fit, propter acrimoniam adustionis. propter pruritum autem tentigo circa genitalia, ad quod non parum facit natura melancholicæ, quæ spiritiuosa maxime est, ut Aristoteles docet: a facie uero id malum incipit, quoniam exhalatio omnis facillime sursum fertur, præsertim ad faciem, ad quam uenulæ multæ terminantur, quæ & spongiosæ sunt, unde et aliæ multæ infectiones faciæ præcipue tentant, ut Ionthi & id genus. tarda uero est ea contagio, quoniam in humore crasso consistit. cur autem fomitem ipsa relinquit, Gallicus autem morbus non, quum lentore maiori abundet, dubitationem habet. dicendum seminaria in Gallico morbo, propter lentorem & frigiditatem statim coagulari, & aut non agglutinari in fomite, aut si agglutinantur, non inficere alium, frigida & coagulata existentia, nisi ualde calescant. propter quod uisi quidam sunt, qui e linteis, ubi dormierant gallico morbo sordidissime exulcerato affecti, conceperint infectionem. Caterum fomitem non relinquit, ut plurimum ea contages. quæ autem in Elephantia sunt seminaria, calidiora multo existunt, ut pote in adustione quadam constituta. propter quod non coagulantur, lentorem autem habent tantum quantum sufficit, ut in fomite agglutinetur. fit porro Elephantiasis aliquando quidem perse in aliquibus, & primo in quibus melancholicus est sanguis, & multus, et unctuosus, & cutis densior, quandoq; ab alio concipitur, in quibus non necesse est sanguinem esse perse male affectum, sed male afficitur a seminarijs contagionis, corrumpentibus crassam & siccam sanguinis partem, ad quam habent analogiam. atq; ita se habet Elephantiasis passio, quæ uulgo lepra dicitur.

De lepra proprie dicta & scabie.

Cap. 14.

Lepa uero ita ab antiquis uocata in duobus præcipue differt ab Elephantia loco et materia. quippe profundius agitur Elephantia, quamq; & ipsa circa summa uersatur. lepra uero in superficie magis est. materia porro Elephantia crassior esse uidetur, & exusta etiam num magis. propter quod profundatur magis, utraq; tamen ex melancholico humore fit. nihil autem prohibet, & in utraq; interdum coniungi aliquid falsæ pituitæ, unde fit, ut nec Elephantia, nec lepra uno semper

per uisuntur modo. quod si diuturnior fiat lepra, & tractu temporis malignior, tum in Elephantiam transt. sunt autem in lepra suae pustulae atque interdum crebrae, ceterum sterciores, quam in Elephantia & squamman-tes magis, quam exedentes. pruritus quoque plurimum infestat, macies corpus tenet, & ut uerbo dicatur, delicatior quam Elephantiasis lepra est. oritur autem ut plurimum primo in nobis uitio humorum & complexionis & regimini. nihil autem prohibet & contagione ab alio concipi. contrahitur autem & a natiuitate, sicuti & Elephantia. pfora autem quam nostri scabiem uocant, leuior adhuc dispositio est, quam lepra transiens et ipsa in lepram, sicuti lepra in Elephantiam, quum grauior utraq; sit. uidentur autem graeci per pfora nomen tantum eam scabiei speciem significare, quae stercior est, & melancholice nonnihil sapit, quare contra-ctius pforam capiunt, quam nos scabiem.

De distinctione infectionum cutanearum.

Cap. 15.

Quoniam autem infectionum, quae cutim carpit, multae sunt species & multa nomina sed confusa satis, bene erit de ijs cursim pauca quaedam notasse, ut cognoscamus quomodo inter se differant, & quae contagiose sint, & quae non.

Ergo si colera sit quae ad cutim propellitur, uel illic aliter clauditur, si quidem non putrescat, tum Erysipelas uocatum facit, pustulam scilicet unam aut plures cum rubore, caloreque multo, nonnunquam & cum febre, interdum quidem in facie facta, interdum & in alijs partibus. grauior autem multo est, quae faciem carpit. nam sepe e parua pustula accidit circums-tes partes, & faciem totam adeo inflammari, ut & oculi aperiri non possint, & labia praetumore deformia reddantur, quod fit communicata acrimonia ad circumadiacentes partes. moderni guttam rubeam appellant. si ergo colera imputrescens inflammata & accensa sit, Erysipelas hoc serum facit, si uero inflammata non fuerit alia Erysipelata edit, quae e pura si sint colera, simpliciter dicuntur Erysipelata, si uero non e pura sint colera, sed commista, non simpliciter dicuntur, sed cum adiectione commisti humoris uel ab abscessu ab humore appellati. si quidem enim sanguini sit admista, Erysipelas purpureum uocatur, si pituitae, Erysipelas albidum, si melancholice purpureum, si praedominante semper colera, uerum in hoc Syrrhodie si inflammata & accensa sit colera pustulam illam facit, quae Erysipelas uocatur, quod saepissime noctu enascatur, Atabes esse appela-

la n t. ita ergo se habet colera, quæ non putrescit. quòd si putrescat iam & sub cute pustulas faciat, tum uocatos *ἰππῶας*, hoc est serpentes pustulas gignit. quippe stabile est Erysipelas et urit magis ac squammas & crustulas inducit. serpit autem berpes uocatus modo sede priori relicta ad alias partes transferentibus sese pustulis, modo & in priori loco manentibus, & uicina pabulantibus. cuius serpiginis quum rationem multum considerassem, non in aliam certe causam reducere potui, quàm in putrefactionem subtilem humoris. nã q. non alia sit differentia berpetis ab Erysipelate, quàm subtilitas materiæ, durum quidem uidetur, qñ et Herpes ille qui *ἰδαμνός* dicitur crasse satis materiæ est, cuius causa etiam exest, & ille etiam qui *κρυπία* uocatur. quid præterea probibeat ne colera, quæ Erysipelas facit in latus exeat et pabuletur, si serpigo acuitatem sequitur, quando colera illa acutissima est. quare uerisimilius uidetur in putrefactione quadã consistere, quæ Herpetes facit colera, signum cuius est q. sordidiores uideantur semper Herpetes quàm Erysipelata. item & siccioribus indigent ad curationem, quum Erysipelas indigeat humidioribus. porro quæ in putrefactione sunt, promptissime in uicinum infectionem consimilem transferunt. præsertim q. cutem non exurente herpete in latus magis pabulantur. sepe igitur in parte prius infecta exhalat materia, quæ putrefit infectione ad uicinum communicata, sepe utraq. pars pabulo quodam inficitur. Ergo si putrescat colera, sit autem in superficiei, tum simplex, herpes fit, qui serpit tantum, non autem exest, at si profundior fuerit, non serpit solum, sed etiam exest, unde non simplex fit herpes, sed. *ἰππῶας ἰδαμνός*, hoc est depascens uocatus, atq. hic a crassiori colera fit, ille a tenuiori. porro si hic q. æsthiomenus dicitur, a colera accensa & inflammata fiat, herpes ille fit, qui uulgo ignis syluaticus appellatur. si uero non accensa sit colera, æsthiomeni simplices fiunt. atq. hi quidẽ berpetes a colera fiunt puri, q. si nō puri sit, sed mixta tenui pituita, putrescat autẽ, berpetem illum gignit, qui *κρυπία* hoc est miliaris appellatur, q. pustule similes sint granis milij. atq. ita se habent Herpetes, quos Celsus p. ignem sacrum intelligit, non enim ut quidam uolunt per ignem sacrum intelligitur ab eo Erysipelas, siquidem de igne sacro seorsum, & de Erysipelate agit.

Si uero sanguis fuerit, qui in cutem influit, interdum quidem pustulosos abscessus facit, inter dũ maiores etiam quàm Erysipelas sit, quos phlegmonas uocant, rubent ij. cū calore & dolore ac fbre, etiam, ut plurimum, sicut aut sanguis, qñ q. purus est, quandoq. mixtus, quod plurimum fit, ita & phlegmon alius simpliciter dicitur, alius cum adiectione nominis admisti humon

vis, si n. illi colera admisceatur pblegmon fit. Erysipelatodes, si uero non
pituita, pblegmō dicitur & dematodes, si melancolia. pblegmon scyrrbodes
domināte semp sanguine. species aut pblegmonis sunt δύο φῆμα πυγδαλον,
Dotienem nos furunculum uocamus abscessum in acutum tendentem cum
inflammatione rubore et dolore, cui nō nihil colere admittū est. phyma uē
ro furunculo simile pene est, sed planius est, et rotundius, uulgu sū proprie
carbonem uocat, multū differens ab eo, qui proprie carbunculus dicitur. fit
aut phyma e sanguine subadusto crasīore q̄ qui furunculum facit. pbige-
lon uero est quod nostri panem uocant ob similitudinem, alij et bubonē. q̄ q̄
sunt, qui bubonē appellant qui in carnibus laxis fit. pbigeblon uero qui in
neruosioribus. fit aut hic uel e puro sanguine uel misto tenui pituita. si xe-
ro simul inflāmus sit sanguis ac putrescat, tum bubones pestilentes facit.
quos Auicenna althoin uocat. quod si subtilis admodum sanguis sit, influat
autem iu sūmam cutem, pustulosos abscessus facit. si igitur non inflāmatus
quidē sit, calefactus tñ ut quasi ferueat, tñ ex āthemata uocata facit quas
plinius eruptiōes papularū uocat, uulgu sū sūssersuras a feruore ut arbitror
dictas. pustulæ sunt, uix cutim excedentes rubræ confertæ inuicem, pueris
precipue familiares quum supercalescunt. sunt autem duum generū, quæ
dam sicciore & rubicundiores quæ Auicenna plantam noctis appellat,
quædam uero in rubore albicantes tenui pituita commista sanguini, quæ
greci ἰδρωα uocant, nostri sudamina, Auicēna desudationes. quod si cras-
sior aliquantisper sit sanguis ac simul putrescat, non autem inflāmus,
tum si tenui colere commistus sit, uocatas morbillos facit, si tenui pituita
uariolas, quæ duo, ἱσχυδύματα etiamnum a grecis uocantur.

At si pituita fuerit, quæ in cute tumores facit, si quidem humidū suum
seruat, nec a calore fuit exsiccata, a frigore cōcreta, tñ molles facit tumo-
res, quæ ὀδύματα uocantur. quidam tumores simplr transferunt, simplici
nimis (ut mihi uidetur) uocabulo, Arabes undimiam uocant. quod si pitui-
ta, aut a calore, aut a frigore indurata fuit, uocatos Scyrrhos facit. e quib-
us sunt strume, quas χυράδας greci uocant, & nodi quos γαγγλῖα, &
id genus glandule & gummositates reliquæ. tum & uerruæ quæ por-
ra uulgo appellamus, quæ si basi latiore sint μυρμηκία uocantur, quasi
formicantes, quod punctiōes in ijs fiant, quasi formicarum, si uero sint
basi tenuiore, ac ueluti suspensæ ἀντοχρόδωντι nuncupantur. Auicen-
na uero Myrmecia confundit cum herpete, & in herpete curam po-
nit, quam Galenus Myrmecijs tradit, errore periculoso, nisi capitula
lis diuersis addita sint, uni quæ alterius sunt. Sunt præterea ex

hoc genere callositates quædam, quarum alij proprie calli a nobis dicuntur a græcis τῦλοι, tum & uocati clauī ἰλοι a græcis dicti, e pituita quoq; & alie pustule fiunt, quales ἰσῦλοι qui a latinis uari, uulgo coſi uocantur, qui præſertim oriuntur in facie, sunt & φλοιδῶραι, quas Anicenna nomine ueſicarum comprehendit, bullæ sunt non diſſimiles ijs, quas excitat aqua feruens, quibus tenuis ſubeſt pituita. proxima ijs sunt ἰσὺ πάχα uocata phlyctenæ paulo duriora, quibus cum pituita tenuis ſubeſt melancolia. phlyctenæ uero e ſimplicioriſunt pituita paululum inflammata, unde & in bullam ſurgit. porro e pituita ſalfa fiunt uocatæ a uulgo uolaticæ, Celfus papulas uocat, græci λυχνῆας, quanquam ſunt, qui Lychenas tranſferant impetiginem, quod non recte fieri arbitror. quod autem quas nos uolaticas dicimus, Celfo papulæ ſint, maniſeſtum eſt, ſi materiam ſi modum ſerpendi, qui ab ipſo traditur, reſpiciamus. ſunt autem duorum generum. alterum, quod paſſim nomine uolaticæ monſtratur. alterum cui parū melancolie adiungitur, & profundius aliquanto ſerpit. & non præciſe in orbē, quod ſæpe in impetiginem uertitur, nec me latet Lychenæ nomen a græcis interdum latius capi proſediori cutis habitu, unde et poeta ſordidos appellat Lychenas, & Plinius ipſe etiam nouum morbum Pompei ætate uifum Lychenas uocauit, ſicuti & mentagram. quæ omnia ex ſalfa pituita fiunt putreſcente, cui quiddam melancolie permixtum eſt, propter quod ſordida putreſcitiō ſit. Gignitur præterea & ſcabies e ſalfa pituita, cui nomen commune non proprie inuenio apud græcos, quando ἰσῦρα aut illam ſignificat apud ipſos, quæ apud nos impetigo dicitur melancolica paſſio & uia ad lepram, aut ſi ſcabiem notat, illam certe ſpeciem tantum importat, quæ ſicca dicitur ſcabies. quare de ſcabiē uidentur, aut non egiſſe græci communi nomine, aut de ea non egiſſe, niſi forte ſub pruritus capite comprehenderint. Sunt autem & aliæ quædam e pituita paſſiones ἀχῶρ et ἀλωρις ὤμα et εἰς ὤμα. Achōres autem nos uulgo appellamus Latume, Plinius ulcera capitis manātia tranſfert, Arabes Saphati appellant, cruſtoſi ſunt & ſordide inſeſtiones in capite puerorum præſertim natæ de quibus nec multa dicenda ſunt.

Si uero humor qui in cute tumorem facit melancholicus ſit, ſi quidem nec inflāmus fuerit, nec putreſcat, Scirrhus melancolicos facit, alios qui dē maiores, alios minores & puſtuloſos ſolum. ſi autem inflāmus ſit & accenſus, non autem putreſcat, cancer uocatū facit. ſi uero putreſcat qui dem, non autem inflammatus ſit, tum pſoram & lepram ggnit & Elea
phantiam

phantiam nondum feram, at si inflammatus simul sit, et putrescat Elephantiam feram facit, quum iam horribiles aspectu sunt, similiter & carbunculum quem Antracem uocant, generat. Impetiginem porro a nobis uocatam non aliam esse apud grecos uidetur mihi, quam psoriam et lepram, quæ secundum magis & minus illas quattuor species facit, quæ a Celso traduntur, ex quibus patet impetiginem non esse Lychenas, ut multi uertunt, sed eam magis quam supra uocauimus uolaticam Lychenas esse. hæc enim a pblegmate salso. Impetigo autem e melancholico humore magis fit, ac de cutis infectionibus, ita per transcursum determinatum a nobis sit. e quibus contagiose sunt bubo pestilens, & exanthemata illæ quas ferfas & uariolas uocamus, & strume quædam ulceratæ et Lychenes nonnulli et scabies & Elephantia, & Achores, & Alopecia, & Syphilis, & mentagra, & si quæ aliæ sunt, in quibus putrefactio sordida fiat.

DE CVRATIONE LIBER III.

Quod peculiaris curatio debeat contagiosis morbis.

Cap. I.



Actenus ergo de contagione quid esset, et quibus principijs & causis fieret, & quæ essent differentie eius omnes in uniuersum quidem libro primo percurrimus, mox de contagiosis morbis aut omnibus, aut maxime notis qui essent, & quibus e causis penderent, & quo modo inter se differrent libro secundo differuimus. superest iam ut de curatione omnium contagionum agamus, methodo primum (ut par est) generali & communi, mox & propria cuique morbo, de quo quidem in primis ambigat fortasse aliquis, utrum aliquam peculiarem & propriam curationem habeant contagiosi morbi ab alijs, & an tradita sit a maioribus nostris. mirum enim uideri potest, si aliqua in his erat peculiaris methodus, prætermittam ab illis fuisse. At certe si recte tradita sunt, quæ supra determinata fuere de contagione, propria quædam & determinata curatio debetur contagiosis morbis, quatenus contagiosi sunt, quando diximus eos, & principio longe differre ab alijs, & modo materie & putrefactionis, ac postremo & accidentibus ipsis. quibus omnibus sua animaduersio et sua curatio debetur. nam si quispiam re-

Fract.

P

Et se habens tum circa humores proprios, tum & circa complexionem
 & alia, phthisim tamen ab alio per contagionem concipiat, plurimum pro-
 fecto refert, si per initia aduocetis, & seminaria eius contagionis per ea
 extinguas, quæ dicemus. ijs enim interemptis nihil præterea procedet
 morbus. similiter & in rabie se habet, & in Syphilide & scabie, & alijs.
 quin imo & in processu quoque si ad communia remedia te conuertas, tam
 tarbhum in phthisi expurges, materiam concoquas, nihil tñ operabere, nisi
 perpetuo ad seminaria animam & curationem aduertas. porro & in feb-
 ribus quæ pestilentes dicuntur, cur non ijs remedijs utimur, quibus in
 alijs solemus? cur protinus omnes clamant putrefactioni resistendum esse?
 nec quidem obstructions aperiendo, non plenitudinem euacuando, sed
 propria quædam inquirendo, quæ obsistant putrefactioni. quippe certus
 in his est putredinis modus, qui propriam animaduersionem poscit.
 Videntur igitur maiores nostri curationes quarundam contagionum tra-
 didisse, quantum ad quædam remedia. uerum omnia illa non ad contagio-
 nem, quatenus contagio est, destinata fuisse, sed aut fortuna quadam in-
 uenta, aut ex similitudine ad alia, ut uenena & similia. quæ res certior
 fiet per ea, quæ circa unumquæq; morbum dicuntur. quod iam aggredia-
 mur ab uniuersali methedo & forma initium capientes.

Quoniam autem duplex est medendi ratio, altera quæ præseruat, altera
 quæ liberat, nos breuitatis gratia, de ea quæ liberat inquisitionem facie-
 mus, illud pollicentes, quod hac recte perspecta unusquisque uiam habere
 poterit quam facillimam ad eam quoque quæ præseruat. qui igitur conta-
 giones curare uolet, ad hæc aduertat necesse est. primum uideat, quæ nam
 contagio est, utrum earum, quæ extrinsecus ueniunt. & an ab aere, an ab
 alio sit concepta, an earum sit, quæ in nobis primo fiunt, et utrum contactu
 solo afficiat, an & fomite, uel et ad distans feratur: tum perpendat qualis
 sit, num acuta, an segnis, & quo in humore sedem habet et analogiam, nec
 non & quantum processit, si in principio est, an plurimum est pro-
 gressa, & quibus in locis præcipue sit, intra ne tota, an extra
 tota, an ubiq; & an solida occuparit, an per summa
 tantum erret, & utrum uelociter & large ser-
 pat, an tarde & anguste, & ut summa-
 tim dicamus, differentiæ omnes
 contagionum ante oculos
 habenda
 sunt.

De intentione quæ habetur ad principia.

Cap. 2.

His animaduersis tria principaliter esse scito, ad quæ intentio omnis dirigenda est. primum quidem principia, a quibus initium & originem putrefactio habet, secundum est materia, quæ in uia est, ut inficiatur & iam cœpit, tertium materia, quæ iam corrupta est, nec amplius restitui potest. ac principia quidē quandoq; (ut diximus) cōmunia sunt cum alijs morbis, qui in putrefactione consistunt, quandoq; propria contagio sis. communia quidem sunt plenitudo, obstructio, malitia humorum & alia id genus, propria uero sunt seminaria ipsa contagionum. nihil enim prohibet aliquo plane sano existente, & mensurate in humoribus & alijs se habente, contagionem tamen ex alio ipsum contrahere. ergo si communia adsint principia nihil aliud nobis dicendum agendum ue sit, nisi quæ medici iubent agenda, quum plenitudines obstructions & alia eiusmodi adsunt. ubi uero ea adsunt, quæ propria sunt contagionibus principia, tum magna cura & diligentia opus est. protinus enim si seminaria ipsa, aut enecare, aut educere possis, aut frangere, morbus præterea non ultra protenditur. quare maxime initia perpende si potes ijs adesse, quod si non possis, scito tamen per totum morbi processum continenter curam ad seminaria adhibendam esse. ad quæ multiplex ingenium est, & nunc uno modo ad illa, nunc alio agendum. possunt autem illa, aut extinguui, & ut dicitur enecari, aut educi, aut frangi & alterari, aut repelli. his autem uti non semper omnibus datur, nec conuenit, sed modo uno, modo alio, modo pluribus agere licet, ut & res, & occasio, & reliqua possunt. Ergo extinguunt & interimunt, & quæ calidissima sunt, & quæ frigidissima, maxime autem quæ urentia dicuntur, aut uicina urentibus, siue per ignem facere uelis, siue per ea, quæ caustica uocantur. extinguunt quidem ab ijs seminaria, ita ut ijs interemptis, & totus simul interimatur, qui imminet morbus. nihil enim remanet, quod præterea sobolem gignat. nam ignis quidem uis, tam & si locum exurit, ultra tamen non aliud nocumentum relinquit, quod uel ad priorem labem attineat, uel apportet nouam peiorem. quare ubi auxilium hoc adhiberi potest & debet, nullum præsentius est. porro extinguunt & frigidissima, ut frigida potus, de quo suo loco dicemus, & ablutiones etiam, quod maxime ualet ad ea seminaria, quæ in fomitibus continentur.

Sequens ad ea ingenium est euacuatio. quod certe difficulter admodum.

DE CVRATIONE

fieri potest, quoniam hinc inde dispersa sint seminaria hæc, & perse educi non satis commode possunt. nihil tamen prohibet cum humoribus quibus agglutinata sunt, simul & ipsa quoque educi. Verum non nisi ui multa sit. modi autem euacuandi præcipui sunt pharmaca quæ aluum mouent, et quæ sudorem cient & urinam, et alia de quibus circa particularia rursus dicemus, ut cucurbitula & phlebothomia & reliqua.

Quæ uero frangunt & alterant seminaria, ea sunt, quæ antipathiam habent materialem, hoc est per qualitates notas contraria sunt. quoniam enim diximus seminaria hæc acrimoniam quandam habere, tum & in lentore quodam consistere. acrimoniam quidem frigidis frangemus, lentorem uero siccis potentia. exsiccant autem alia per qualitatem ipsam, quæ est siccitas, quæ quidem parue actionis in tota natura est, alia per caliditatem, alia imbibitione ut pulueres & farina, & id genus, alia modis omnibus ut sal. quorum omnium interdum quidem unum, interdum aliud magis conueniens est. quare & abundare oportet, ut eligere possimus, quæ magis conducunt. Repellunt autem quæ proprie spiritualement antipathiam habent aduersus seminaria. diximus enim in natura diffensum hunc rerum esse, ut se se mutuo non nulla pellant. quare sicut & uenena & seminaria contagionum, antipathiam habent ad animam & naturalem calorem, ita & quædam alia sunt, quæ uti antidota quædam antipathiam quoque & ad uenena & ad seminaria ipsa habent, & ea repellunt. fortasse autem & eadem obtundunt alio modo. nam quoniam species tum ueneni, tum contagionis ad animam uti inamabilis & ingrata fertur, & tristitiam ingerit, ita species eorum, quæ antidota sunt, uti grata & leta recipitur. quæ e causa obtunditur passio prior a ueneno & contage illata, & uigoratur anima. quod in fectore omni fieri manifestum est, ubi per odorata recreari nos sentimus. quod igitur in contagionibus antipathia hæc uersetur, quæ recreet per odorem manifestum est, utrum autem & illa quoque adsit, quæ repellat, & si non ita manifestum est, rationabile est tamen, & in uenenis manifestissimum. constat enim assumptis quibusdam antidotis uim omnem ueneni subito tolli, quod non alia facultate fieri posse uidetur, quam per spiritualement speciem, quæ præcipue repellat uenenum, tam & si per materiales etiam qualitates operetur antidotum. Constat quoque rusticos quosdam, quum forte secarent herbas, demorsos fuisse a uipera ac repente inflatos, apposta autem Tormentilla uocata herba supra locum, statim liberatos fuisse. Nos quoque mirum quiddam uidimus in bolo armenio. nillicum enim quidam noster, quum a me forte profiscisceretur in forum inter

inter eundem sensit se in collo pungi, nesciens quare contigisset, statim autem facto tumore ingenti & strangulatione quadam ad me reuersus, nec quicquam loquens, sed solum digito locum commouens, prostravit sese super capsam, mugiens quasi moriturus. ego bestiam aliquam uenenosam ratus, qui neque carbunculi signa ulla uidissem, nec alterius eorum, quæ oriri in nobis solent, bolum armenium propinavi cum aceto, ut forte excellens apud me erat bolus, quo assumpto confestim & quodam quasi miraculo detumuit locus, ac surgens ille & loquens, hoc me inquit a morte liberauit, putare autem se araneum pupugisse, qui decidisset in collum. hæc ergo & similia a maiori quadam ui euenire, quam a notis qualitatibus censendum est. quod & circa malignas & uenenis similes contagiones contingere par est existimare, in quibus suæ quoque antipathie sint, ut de eodem bello armenio traditur, per quem in magna illa pestilentia, quæ adeo Athenas uexauit, tot præseruatos legimus. Scordium quoque cognitum fuerunt tam mire præseruare a putrefactione, quam cadauera, quæ super ipsa iacuerant, inuenta fuissent incorrupta. quantum porro & balsamum et myrrha, & aloë, & cedrus, & id genus a putrefactione conseruent, notissimum est in cadaueribus regum. quare & circa contagiones eiusmodi esse antipathiam nemo inficari debet. quæ autem illa sint, quibus data sit tanta facultas, statim dicemus. utrum autem antipathia hæc sit in ea qualitate, in qua et odor uersatur, an alia, incertum est homini. atque hæc quidem remedia sunt, quibus uti aduersus seminaria possumus.

De intentione ad materiam quæ iam infici cœpit. Cap. 3.

Adeam uero materiam quæ nondum corrupta est, in periculo autem iam agitur, una quidem generalis intentio est prohibere tum causas putrefactionis, tum iam inducti affectus principium, quod & alijs etiam morbis, qui in putrefactione consistunt, commune est. modus autem non est communis, sicuti nec causæ, nec ratio putrefactionis communis est his & alijs morbis. quippe in alijs præcipuæ causæ sunt plenitudo, obstructio, & humorum malitia, in his autem nullæ horum necessaria per se sunt, sed quodammodo accidunt, aut concausæ solum sunt, non autem per se principia. igitur si hæc concausæ contagionibus coniunctæ sunt, negligendæ quidem non sunt, sed prout conuenit, tractandæ, & tollendæ. quæ autem propria, & per se consideratio & intentio ad materiam periclitantem uertitur, illa est, ut omni ingenio obstitas putre-

factiōi quæ inducitur, ac quomodo seminarijs, a quibus pendet, reopponæ dictum est, quid autem circa materiam ipsam agas nunc dicendum.

Quoniam autem in putrefactione omni dissolutio quædam mixtionis fit euaporante innato calido & humido, euaporant autem hæc remollitis ab humiditate partibus, & sublatis ab extranea caliditate, manifestum est quæ ad hæc obistere necesse est, primum quidem remittendo eam, quæ inducitur extranea caliditas, deinde ex siccano, quæ remollit partes, humiditatem, ac demum prohibendo dissolutionem mixtionis. prohibent autem præcipue resinosa, non solum quod exsiccent, sed quod constare materiam faciunt glutino ipso. prohibent autem & intermixti pulueres quidam inter putrescibiles ipsi existentes, subtilissime igitur diuisi & interiecti inter partes materie partim alterantis actionem impediunt interpositi ipsi, partim materiam continent ne dissoluatur nexu quodam. Simili modo quod arena immista calci tenacem nexum operatur, & aque farina, penetrant enim humida minima in tenuissimos uocatos poros siccorum, unde separari non possunt propter uacuum, nullo existente alio, quod subingrediamtur, quod maxime ad fortitudinem mixtionis ualet. non negligenda autem est, nec parui facienda minimorum intermixtorum actio, quis putaret in multo lacte interposito pauco coagulo, aut tenui puluere plumæ floris cynaræ coagulari lac totum quis crederet in magno ahenoebuliente saccaro ac præferuore iam erumpente, sisti tamen & constare ac deponere eruptionem & tumorem omnem imposito paucissimo butyro? quod uero attinet ad putrefactionem non ne uidemus conseruari uina in magnis dolijs intermixto pauco alumine, quæ alioqui citissime putrescant, quare nec mirum esse debet, si & eas quæ in nobis sunt putrefactiones, per interpositos pulueres quosdam prohibeamus, atque hæc quidem ad materiam quæ iam periclitatur, idonea remedia sunt.

Ad eam uero materiam, quæ iam corrupta est, & restitui non potest, una intentio est remouendi eam e corpore, quod aut pharmacijs fit, quum scilicet materia introrsum est, aut incisionibus, uel dissolutiuis, quum est extrorsum. habet autem & hæc digestionem suam a medico præparandas. non eas quidem quæ ad benignum restitunt, sed eas, quæ euacuationem faciliorem reddunt. de quibus omnibus in particularibus morbis distinctius agemus. nunc enim generales magis percurramus. quoniam autem remedijs abundare oportet in contagionibus, & modo uno, modo alio uti necesse est, bene erit plura enumerare eorum, quæ in contagionibus ualeant, ut eligere possimus, quæ idonea magis sint.

Vrentia ergo sunt, viride aris, auripigmentum, calcitis, calcanthum, & quod sublimatum uocatur, & quod præcipitatum, et uocata raptoria, & id genus. Nicina uero urentibus, sunt sal gemma, nitrum & sal et aceti fex uista, & alumen, et cinis fucus, & stercus columbinum, et uatrachium & clematis, & thapsia, & euphorbium & pyretrum et calx, et hermodactyli, & unguentum ægyptiacum, & trochisci Andronis, et diacalcitis et eiusmodi. Resinæ uero quæ et abstergunt, et exsiccant, & materiam constantem faciunt, sunt, Terebinthina, Laricina, abietina, cædria, Thus, mastix, galbanum, myrrha, styrax utraque gummi, laser, & reliquæ.

Quæ uero tum in pulueres redigi possunt, tum decoqui, calida quidem & sicca sunt, asphaltus, cupressus, iuniperus, cedrus, xilobalsamum, citrus, cedrus, agnus castus, Guaiacum, agalobum, scordium, chamædrys, dictamnium nostrum, tum creticum pentaphyllum heptaphyllum, et pabu, et uerbena, & Tblaspi, & uocata scabiosa, & cardo benedictus quem Theophrastus alteram speciem Cnici agrestis facit, tum & Gentiana, & aristolochia et Smyrnium.

Item aromatica casia, cinnamomum, calamus aromaticus, luncus odoratus, Macer, nux muscata, Zedoaria, doricium, galanga, iris frigida uero & sicca sunt margaritæ, coralli, succinum, sapbir, biamcynthi, & in magno pretio habitus smaragdus, tum terra lemnia, & bolus armenius, & samia, & sandali, & uocata historta forte bulapathon, & lapathi genera omnia præcipue oxalis, & Trifolium omne, maxime quod odoratum dicitur, & consimilis herba, quæ uulgo gallica appellatur forte onobrychis, nec non & cicorium, & cicerbita, & nymphæa, & tamarindi, & cornu cerui, & os cordis eius, & cornu monocerotis, & rose, & earum semina, & citria, & e liquidis acetum, & omphacinum, & uinum oxyacanthinum. ex antidotis uero sunt Theriaca & mitridatum, & trochisci de uiperis, & diamuscum, & diambra, & cyphi, & saccarum rosaceum & eiusmodi.

Quæ uero spirituales antipathiam habeant, satis facile est iudicare, quoniam eadem habent & eam antipathiam, quæ inter materiales qualitates uersatur. quoniam tamen nonnulla maiorem quandam præferunt quàm materialium qualitatum (ut supra diximus) existimandum est talia maxime esse terram lemniam & bolum armenium, & scordium, & heptaphyllum, & cornu monocerotis, & prædictas gemmas præcipue Smaragdum, & Theriacam, & Mitridatum, et si quid aliud in experientiam uenit.

DE CURATIONE

Vrentibus autem uti tum solum licet quum contagio extra est, & ea quidem maligna ac in principio. si enim introrsum sit contagio, adhibere quidem non potes urentia sine maiori periculo, extra uero si sit apponere quidem potes & debes si maligna sit contagio. uerum in principio solum iuuabis. si enim iam radices egit, & introrsum sese insinuauit, nihil quidem proficies, si extra urentia appones, licet tamen quandoq; uicina urentibus applicare, quibus admiscenda erunt pingua quaedam, quae ea introscerant, at si extra quidem sit contagio, non aut maligna, nec sic quidem urentia sunt applicanda. quando per alias facultates leuiore, et per abstergentia sola leuare morbum datur, ut in scabie et similibus. de his autem in particularibus rursus dicitur, & quando & quomodo conueniant.

Calidis uero & siccis uti tum debes, quum materia non ualde acuta est, sed frigidiore, siccis uero & frigidiore quum calidior est. quoniam autem horum multa & stiptica sunt, & substantia crassioris inferius quidem examinabimus, quomodo liceat ea adhibere, & non adhibere. porro per decocta conuenienter ages quum introrsum contagio est, ut in febribus. per pulueres nero quum maxime & multiplici facultate obsistere putrefactioni uoles. atq; haec quidem satis sint quantum ad uniuersalem curandirationem pertinet, nunc particularia prosequamur, a febribus incipientes.

De curatione febrium uariolarum, & morbillorum.

Cap. 4.

INter febres quae in contagione uersantur, illae prius percursae fuerunt, quae uocantur uariolae & morbilli emittunt, ut potest minus ferre. de quibus quidem agemus, quatenus nondum pestilentes sunt. nam et ipsae in pestilentibus sepe uisuntur, simpliciter autem pestilentes non sunt. quoniam igitur diximus expulsionem illam uariolarum morbillorumq; quodammodo crismam quandam esse, & sequestrationem menstruae infectionis a sanguine, nulla tibi esse alia intentio debet, quam ut non impediat expellentem naturam, sed iuuat potius, si opus est. quippe eam impediunt nonnulli interdum phlebotomijs, interdum purgatorijs pharmaceijs. quare quum tu uideris febrem esse eiusmodi, quae eas expulsiones aut faciat, aut factura sit, tum abstine a medicamentis omnibus, sed naturam sine persequere agere, nisi forte a principio magnam plenitudinem fueris confectus. tum enim licet uti purgante pharmaco, sed non acro & molesto, & si iuuanda natura sit, locum prius procura ut calidus decenter existat, ut ages

ut eger pannis conuenienter tegatur, & ijs rubentibus, ut leui utatur cibo, uino abstinere. tum uide quæ causæ prohibent expulsionem, num carnis densitas sit, aut crassities materie. tunc enim inuanda est natura cum ijs quæ foramina cutis aperiunt, & materiam attenuant. quales sunt caricæ & feniculus, & carui, & apium, & similia, ex quibus commode decocta fient. sunt qui addant lentes abiecta prima aqua decoctas, aliqui qui & tragacantham, quod quidem forte miretur aliquis. quando in lentibus & tragacantha contraria magis uidetur intentio inesse, quum & ingrossent & iussissent sanguinem, & cutim obstruant. Verum ita res accipienda est, quæ ebullitio sanguinis interdum temperata est, interdum non temperata, sed aut maior quàm oportet, aut tenuior quàm oportet, si igitur temperata est, crafior autem humor qui seruet, tum neq; lentes, neque tragacantha adiungi debet, sed sat erunt, quæ subtiliaut, at ubi intemperata est, et maior quàm oportet, aut quod excernitur nimis subtile uisum fuerit, tum si prædictis addantur lentes & tragacantha, recte facies, quoniam ita ebullitionem temperabis, quod & in sputo sepe fieri oportet, quum plus æquo tenue est, nec plura de his febribus dicantur.

De cura febrium pestilentium communi. Cap. 5.

Nunc uero ad eas pertranseamus, quæ pestilentes uocantur febres, quod uel partem maiorem perdant, uel multos saltem. quarum quæ maiorem partem perdunt, ueræ pestilentes dicuntur, quæ uero multos solum, malignæ magis dici solent. quoniam autem gradibus solum differunt, & communem quandam naturam habent, communes primum earum curationes & intentiones trademus, mox & proprias prosequemur. Ergo ijs primum consideratis, quæ diximus esse circa contagiones consideranda, analogia scilicet loco, tempore et ante alia morbi origine, extrinseca ne sit an intrinseca. Scito & in his illa tria præcipue esse attendenda, ad quæ prius diximus esse omnem intentionem dirigendam: seminaria scilicet, materiam periclitantem, & eam quæ periclitata iam & prorsus corrupta est, ac quoniam supra dictum est, seminaria posse uniuersaliter uel extingui, uel frangi, uel educi, uel per antipathias repelli, uindendum est, quæ nam ex his in pestilentibus febribus conuenire possint. ac primum quidem extingui seminaria per urentia non datur, quoniam febris iam introrsum facta est, nec satis tutum est, introrsum assumere quæ urunt, extra uero si apponas aut nihil operaberis, aut contagè exagitabis

Fracast.

Q

uehementius, quare p̄ alia ingenia age. utrum aut̄ extingui per frigida possint, ut p̄ aqua potum, dubitationem habet, qm̄ et si aqua quatenus frigida inuare possit, at tñ quatenus humida obesse non parum uidebitur, q̄ augeat putrefactionē, non solum igitur, pp̄ hanc causam nocere potius aquę potest; sed et ob illud etiam, q̄ materiam cruditiorem reddit, et obstructionem adauget; quapp̄ in maiori parte harum febrium abstinere ab eo potu melius est, nihil tñ prohibet certis casibus etiam conuenire, quū febris ardens est, & colera quodammodo furit, si et reliqua consentiant. tum. n. magis prodesse frigiditas q̄ obesse humiditas potest. Igitur quū extingui nō nisi rarissime possint seminaria febriū contagionem pestilentē habentium, uidendum est utrū saltem educi possint, sed certe et hoc difficulter admodū fit. per se. n. seminaria ualde dispersa sunt, et si educi detur, educuntur quidē per educationem materię, cui sunt hęrentia. quomodo tamen fiat, & quibus modis melius, quibus difficiliter, paulo post ostendemus quum de materię euacuatione tractabimus. superesse igitur uidetur, ut maxime procuremus ea frangere, & per antipathias repellere. eorum autem quę frangunt, omnia quidem potentia secca sunt. sed alia calida quidem sunt, alia frigida, & rursus alia secca tantum sunt, alia etiam stiptica, & crasse substantię. quare & dubium est utrum calidis, utliceat in his febribus, et utrum stipticis. nam calida uidentur, & febrem augere, & acrimoniam seminariariorum. stiptica uero uidentur obstruere, & transpirationem intercludere, & materiam crassiores facere. ad quę dicendum est diuersitates & analogias contagionum considerandas esse. alie enim ad crassiores & pinguiore humores habent analogiam, alie ad subtiliores & acres magis, & alie ad spiritus etiam. porro in quibusdam obstructiones multe sunt, in quibusdam pauciores. ubi igitur analogia est contagio ad crassos & frigidiore humores, precipue si & obstructiones non pauca sint, bene erit siccis uti, quę etiam calida sint. frigida autem minus conuenient, maxime si & stiptica fuerint crasse substantię. at ubi analogia ad subtiliores & acriore humores sit, uel ad spiritus ipsos, obstructiones autem pauca fuerint, tum decet per secca illa agere, quę simul & frigida etiam sint. quę si etiam stiptica fuerint, nihil refert. frangunt enim hęc maxime et uirtutem cōtinent, ne dissoluatur, quod potissimū accidit in his febribus. porro si ea quę p̄ antipathias ualent, ulla in contagione conuenientia sunt, in hac certe conuenientissima & maxime presentanea sunt, in qua contagies uenenis quibusdam assimilatur. quare his maxime utendum, nec unq̄ deferenda, quę cum repellendo, tum et confortando iuant. atq; hęc quidē

intentiones ad seminaria habēda sunt, quæ si ab aere uel alio dependant, illud etiam principium extinguendum & frangendum tibi erit. Ad materiam ueroque in periculo est, primunt illud æquum est quærere, utrū euacuatio illa conueniat, et qualis. ac cōuenire quidem quum plenitudo adeſt humoris ad putrefactionem parati manifestum est. ubi uero plenitudo ea nō ad ſit, ſed corruptio tota contagione depēdeat (nihil. n. prohibet aliquo probe ſano exiſtente cōtagionem inferri) tum non eſt procuranda euacuatio materiæ periclitantis præſertim pblebotomijs aut pharmacis. quin imo de his dubitatio eſt, et cōtrouerſia inter medicos utrum ſint adhibenda in ea etiam materia, quæ cū plenitudine peſtem aſſert. quippe ſunt, qui in omni peſtilentia non ſemel ſolū, ſed & his ſanguinem hauriant, rationem aut facti addunt, q. hic morbus ſit magnus imo omnium maximus, q. ebullitio in ſanguine magna ſit, q. peccatum in ipſo ſanguine quaſi ſemper ſit, & corruptio, q. per pblebotomias bene euentetur corpus & tranſpiret, quod natura multum in his febris grauetur, quæ niſi ſubleuetur, morbum non ferat, non expellat, nō concoquat. propter quod multi uisi ſunt, quibus pblebotomia facta, ſtatim lenticulārū expulſio facta fuit, quum prius nulla appareret. Contra alij magnopere a pblebotomijs cauent, q. experientia conſtet partem maximam eorum, quibus detractus fuiſſet ſanguis paulo poſt aut obſiſſe, aut in deterius lapſos, ut annis. 1555. & 1528: manifeſte niſum fuit. qua in re mihi ita dicendum uidetur, q. aut contagio extrinſecus concepta eſt, aut intrinſecus primo in nobis facta, & hec rurſus uel in initio eſt, uel iam ualde ſparſa. ſi igitur extrinſecus uenit contagio ſine in initio ſit, ſiue non, nunq̃ ſanguis eſt per pblebotomiam mouendus. ea de cauſa qd contagies introrſum trahitur, et uerſus cor, tam ea quæ circa ſumma eſt, q̃ ea quæ i uenis pulmonis, niſi adeo magna plenitudo uideatur ut ferri non poſſit, tum enim licet pblebotomia uti, ſed & hoc circa initia: pp quod ſuperioribus annis, in quibus contagies extrinſecus in nos uenerat, maior pars eorū quibus ſecta fuit uena periit. Si uero contagies i nobis primo aborta fuerit, ſecurius quidē poſſumus detrahere ſanguinem, ſed et tunc ab initijs, et quum plenitudo uidetur. in uniuerſum. n. hoc conſtare debet, quum iam ſparſa contagio eſt, et ſeminaria late iam diffunduntur, nihil uenæ incisionem iuuare, quin imo longe nocere magis. quoniam omnis agitatio, quæ in ſanguine ſit, putrefactionem ualde adauget, q. ſeminaria magis miſceri accidat, & ſinceras partes cū infectis. non aliter q̃ ſi in craterem aquę ſulis aut fellis modico inieſto, ſiquieſcat aqua, et non agitetur minus falſa & amara permixta, ſi uero agitetur ſtatim tota conta-

minatur permittis minimis inuicem, quare non solum superioribus annis, sed semper & in alijs quoq; pestilentijs uisum est magnam phlebotomatorum partem rem male egisse, q. in angusto sit tempus, in quo uenæ sectio conuenit, in amplo autem in quo non cōuenit, quare bene perpendere opus est, quando & quomodo seces. q. si secanda sit uena, satius etiamnum eximio secandam esse eam, quæ in talis est, aut hæmorrhoidas aperiendas. hæc enim & si non omnes uenas, quæ ad corp possunt deferre contagem, diuertunt, at quarundam tamen cursum ab eo reuocant, & contagem amouent. sed certe conuenientius agunt, qui per cucurbitulas multas comminuere sanguinem uolunt. nihil ergo te moueat ad secandam uenam, q. morbus sit magnus. maior enim fiet si secueris, maior quoq; et ebullitio, & corruptio in sanguine, transpiratio autem minor. q. autem expulsio lenticularum in quibusdam uisa fuerit facta phlebotomia, non potentiam maiorem uirtuti additam monstrat, sed symptoma maius. sicut enim cōmota aqua calida, euaporatio fit maior, ita & hic commoto & agitato sanguine euaporatio excitatur maior, quæ ualde stimulans uirtutem; expulsionem irregularem facit, nō qualem natura perse quasi crisim faciens deligere solet. cuius signum est, q. statim delitere consueuere expulsionem illæ, quæ symptomatice uocant. quare nec ijs apparentibus multa spes nos tenere debet. De ea uero euacuatione, quæ p. medicamenta purgatoria fit, similiter nec plane conuenit inter medicos, quibusdam parcentibus medicamentis, q. uideant ijs assumptis, egros quasi a summo ad imum concidere, alijs uero uel crebro exhibentibus, et alijs placidiora quidem, alijs acerbiora propinantibus. de quo rursus penè idem dicendum quod de phlebotomia, nam & pharmaça introrsum trabunt contagem, et sanguinem maxime agitant, et permiscunt, propter quod multi uisi sunt, quasi de omni uirtute decidisse. Igitur nisi magna appareat plenitudo, bonum est pharmaçis abstinere. q. si affuerit, apta autem ut euacuari possit, maxime circa initia, (multæ enim materiæ non sunt crude etiam per initia) tum solutiuis uti potes. placidiora uero ipse amem magis, q. acrida, q. si non sufficiant ea crassiores humores educere, danda quidem & acrida suadeo, sed quantitatis minoris. porro nec displiceat euacuatio illa, quæ per urinam fit, et quæ per sudorem. Auxilia præterea illa, quæ supra dicta sunt ualere ad materiam, quæ corrumpi incipit, prætermittenda non sunt, ac imprimis quæ exsiccant, quorum quæ simul calida sunt, tum exhibeantur, quum crassiores, & segniores humores sunt, quæ uero frigida, ubi tenuiores & acriores sunt, tum nec displiceant, quæ imputrescibilia ipsa existentia, intermixta prohibent putrefactionem.

factionem, quorum multa etiam spiritaleni antipathiam habent, et partim repellunt, partim confortant, ut odorata.

Materiam uero quæ iam corrupta est, non intra debes relinquere, sed fecernere, & extra pellere quantum potes. facit id quidem sepe natura modo per maculas quasdam, modo per pustulas, modo per abscessus alios, ut plurimum autem per alui deiectionem. Verum quum segnis natura est, tu eius officium assume, & euacua interdum clisteribus, interdum lenientibus, interdum purgatorijs pharmacijs, uerum caue ne stimulum multum adhibeas, quoniam quæ corrupta sunt, nō poscunt irritamentum magnum, lubrica ipsa existentia, atq; etiam ualde irritantia. Sunt qui per aloem aut diebus singulis, aut alternis leuiter purgent, alij per alia, cuius rei certa methodus esse non potest, sed discretio medico opus est.

De curatione febrium quæ lenticulæ uocantur. Cap. 6.

Nunc de particularibus magis agamus, ac primum de curatione earum febrium pertractemus, quæ quæ non uerè pestilentes sunt, malignæ tantum dicuntur, quales illæ fuere, quæ annis. 1505. & 1528. tam large apparuerunt, quas alij lenticulas, alij puncticula uel peticulas appellauerunt. de quibus diligentissime agendum uidetur, quoniam sæpe per epidemias reuertuntur, sæpe sine ijs enascuntur, ac nunc etiam per Italiam uisuntur, certis autem regionibus maxime familiares. referemus autem in primis quo pacto medici eas curabant, quum primum in eas perinde ac ignotas incidere, inter quos tanta discordia orta fuit, ut penè ludibrio haberentur. nam ut a uictu ordiamur, alij liberaliter et large nutrire ægros iubeant, q. dicerent uirtutem plurimū dissolui, ita præcipere Hippocratem, ita principem Auicennam, alij tenuissimum uictum dabant, existimantes aegritudinem a plenitudine multa dependere. alij extremorum dubij, mediocritatem tenebant uti securam magis. meracum nonnulli propinabant, nonnulli aquam aut simplicem, aut uino granatorum permixtam. sed nec minus circa phlebotomias controuersia oriebatur, alijs protinus & large sanguinem haurientibus, alijs nunq̃ uolentibus secare. uenam, q. uidissent maiorem partem eorum, quibus secta fuisset, uitam finire, inter quos alij putantes media quadam uia incedere hæmorrhoidas aperiebant, porrò & circa euacuationes eadem dissensio agebatur. alij enim acribus medicamentis utebantur, alij aut nullis, aut leuioribus, nec deerat qui dicerent eam febrem sudoribus esse finiendam, qua in re et empirici quoq̃.

Chemista suas partes habuere. qui sublimatis quibusdam liquoribus ad eam rem efficaciter uterentur, a quibus plurimi mortui sunt, multi ad orci portas deducti, quidam omnino saluati. maior medicorum pars more empiricorum a uenenis similitudinem accipientes, ijs utebantur, quæ ad uenena solent apponi, quare & per bolum armenium, & terram lemmiam, et eius modi medicabantur. contra alij isthæc negabant esse adhibenda, q. obstruerent uenas & foramina, q. expulsionem impedirent, sed communibus digestibus agebant. nonnulli existimantes morbum in adustione consistere ea dabant, quæ adustioni aduersantur. inter quas cōtrouersias magna mortalium pars, et nobilitas urbium periit. Nos quæ partim longa experientia, partim ratione comprobauimus, in medium adducemus, si tanta in re præstari mortalibus aliquod beneficium possit. quod certe fiet, si quæ circa cōtagiones contēplati fuimus, nō aspernabuntur. in primis igitur ante oculos ea sunt habenda, quæ supra de analogia eius febris, et causis dicta sunt. Quoniam ergo eius analogiam diximus, nec ad spiritus perse esse, neq. ad acres humores, sed ad mediam quandam materiam, qualis est sanguis, in qua dissoluatur quidem uirtus, sed non uehementer, & cito. incipientes quidem a uictu melius egisse illos existimamus, qui mediocri uictu utebantur. sic enim & aeger non grauabatur, & conseruabatur uirtus. quare & nos hac dicta egros semper nutrimus, interdum quidem subtrahentes magis, interdū & apponentes. neq. enim hæc febres semper in eodem sunt, sed aliæ ad acutas magis accedunt, aliæ ad tardiores: prout & sanguis modobiliosior est, modo pituitosior. potius autem si fieri potest non e uino detur, quoniam euaporatio multa in his febribus accedit, & delirium facillime consequitur, quod pessima res est, non solum quod circa nobilissimum membrum uersetur malum, sed ob id quod parere nollunt ægri. sit ergo aqua uel simplex decocta, uel acetomista, quæ potus ante alios mibi idoneus uidetur, q. si stomachus forte non ferat, nihil prohibet cinnamomi paululum admisceri. sunt qui miscent syrupum acetosum, aliqui qui citricam. sunt etiam qui magis ament aquas, quæ sublimatæ uocantur, uel cicorij, uel oxalidis, uel cicerbitæ, uel boraginis & id genus. quod si uinum concedendum sit, eligatur quod pauciferum uocatur. a græcis τρυόπορος, sapore acerbum.

Aer uero si quid uitii continere uidebitur tibi, aut permutetur, aut bene perfletur, aut per irrorationes & suffitus emendetur, tum reliquum dieticum regimen recte dispensetur, ut par est.

Quod uero ad medicinam attinet, querendum in primis de phlegma

tomia uidetur utrum conueniat in his febribus, an non, & quando, et quibus uenis, quoniam ita certe res cecidit annis superioribus, ut maior pars phlebotomatorum perierit, causam ego arbitror inde fuisse, q. febres illę tum maxime ex aere contigere (ut dictum est) quare extrinsecus quum uenisset contagio, circa summa in corporibus precipue uigebat, et in uenis remotioribus. facta igitur phlebotomia introrsum statim trahabatur in spiritualia, adde & illud q. febribus his lenibus et placidis apparentibus, non fiebat uenę sectio circa initia, sed tum maxime quum seminaria iā dispersa erant, et radices undiq; egerant, quare secta uenę, sanguis plurimū quidem agitabatur & cōmiscebatur, parum autē de seminariis et de corrupta materia secū educebatur, unde in discrimen ponebatur magis ager q̄ iuuaretur, si igitur & nunc quoq; aut futuris temporibus extrinsecus uideris accessisse contagionem, nō affueris autem circa principia, præsertim si nec adesse magnam plenitudinem animaduertis, tum satius erit uenę parcere, at uero si corruptio ī aliquo primo enata fuerit, si uocatus fueris ad principia, tum secure uenam incide & sanguinem multum extrabe, si reliqua consentiunt, q. si post tertium diē aut quartum solum accesseris, tū maturius consule, si tū hominem sanguinis multi, præcipue et fibrosi præmanibus tibi fors dederit, etiā aude sanguinē haurire, nisi natura tentauerit expulsionē aliquā, ceterum quū ualde sparsa contagio est sectioni parce, sed cucurbitulas appone, nisi ualde magna sit plenitudo, ea. n. quę est, melius aut ppharmaca tolletur, aut p apertionem hæmorrhoidum, aut incisionem saphenę. De pharmack uero purgatorijs eadem animaduersio habenda est, nā et ipsa a circūferentia introrsum trahunt, et sanguinē ualde exagitant, et non multum de seminarijs educunt, si tū plenitudo humorum uisa fuerit, nisi ex ijs fuerint, qui contumaces sunt, euacuationibus, si potes a principijs euacua. alioqui aut nihil moue, autem solum quantum sufficiat educere, quę iam corrupta est materia, sint autem solutius, aut aloę, aut cassia siliqua, aut manna, aut syrupus rosatus solutiuus, expertum autem est pharvacum illud multum ualere, quod per agaricum fit, et syrupum rosatum solutiuum, uehementiora uero mihi non placeant.

Quod uero ad sudorem attinet, non paruo teneri errore illos existimo, qui indiscrete uolunt finire has febres per sudorem, nam si obstructio forte ad sit, si plenitudo, si cruditas, nō solum nihil proderis per inducentia sudorem, sed magnopere lades, multum præterea refert, quibus sudorē pronoces, sublimatorum enim multa præsertim chymistica calidissima sunt, et febres ardentissimam reddunt, ac uirtutes exolunt, tum autem nō dam-

DE CVRATIONE

neminuitandum esse sudorem quum maculae apparent quidem, sed egre natura expellit, reliquis consentientibus. quare nec male uidentur facere qui decocto feniculi, & lace, & caricarum utuntur. utilius autem fiet si ea addantur, quae simul & contagioni obsistunt, qualis est scordium herba et trifolium odoratum, & quae luvula uocatur, forte quae & oxys apud Plinium, & uocata gallica, & similia, placent quoque & quae per urinam multam materiam educunt, nam multas ex his febribus uidimus per eiusmodi crism finitas. His ergo consideratis, scito reliquam curationem in eo consistere, quod putrefactioni & contagioni omnibus ingeniis aduersatur, tam per ea, quae communia & aliis febribus remedia sunt, quam per propria contagiosis. quoniam autem quae propria sunt, omnia quidem potentia sunt secca, & seccorum alia calida, alia frigida, & rursum alia etiam stiptica, et crasse substantiae, quae rat fortasse aliquis utrum calida conueniant in his febribus, similiter & utrum stiptica, & quae sunt crasse substantiae (quae de re Alexander Mondella medicus Brixienfis uir doctus & diligens nonnulla ad nos scripsit, ac praecipue super smaragdo, quem aliqui medici ueluti arcanum quoddam & uenerandum antidotum habent. bene igitur erit de hisce dubiis (ut promissimus) nonnulla dicere, quod maxime ad hoc febris genus pertinere uidetur, primum igitur quantum ad calida attinet, quoniam multae harum febrium in sanguine pituitoso consistunt, & materia in eo genere crassiori, si quis per calida in iis agat, nihil (ut opinor) nocebit, aut si frigidis calida tamen permisceat praesertim aromatica, et quae excellenter aduersantur putrefactioni. Si uero biliosior fuerit sanguis conuenientiora erunt frigida, siue pulueres fuerint, siue decocta, siue alia, atque in his si etiam stiptica adhibeat, nihil officies, nisi ualde multa obstruatio fuerit uisa, quod rarius in eo sanguine accidit. quare nec dubita per haec naturam et macularum expulsionem impedire, si sanguis subtilis sit, nam potius ebullitionem temperabis (ut in uariolas dictum est), ab his uero magis cauendum tibi sit, quum crassior est sanguis, & obstructionibus paratior. Ceterum illud notandum est, quod stipticorum quaedam crassissime substantiae sunt, & summe astringentia, ut pontica & austera uocata, quales immaturi fructus & sorba, & corna, atque haec quidem magis cauenda sunt, propter quod nec uinum laudem quod ex oxyacantha fit, nec quod e cornis alia uero simpliciter acerba sunt, qualis est aqua uino granatorum admixta, aut aceto, aut syrupo acetoso, uel succo citrii & aurantii mali, & limonis, & similium, atque haec secure concedi possunt, nihil enim quum nocere possunt, tum uel maxime iuuabunt, quae & sicca potentia sunt.

sint, & frigida quantum uero ad pulueres spectat, in uniuersum dicatur, q. eorum quæ teruntur alia propter duriciem & siccitatem semper adeo ita constant, ut quamq̃ multa opera ea teras, nunq̃ tamen apta sint in farinam minui, hoc est in tam tenues partes, quin semper actu talia non percipiantur, qualia sunt ferri & æris segmenta, & marmoris, & uitri, & multorum lapidum alia uero sunt, quæ q̃ optime in farinam uertuntur, ut Margaritæ, & coralia, & gemmarum multæ, similiter & sphragis, & bolus armenius, & plures aliæ terræ. Rursus quædam tritorum cum liquidis nunq̃ ita misceri possunt, ut in unum coeant. quædam uero ita coeunt & coalescunt, ut actu esse perse nunq̃ sensu ullo discernantur qui igitur pulueres in farinam teri non possunt, nec bene cum liquidis coalescere, hi adhiberi in hac febre non debent, quoniam aut in stomacho, aut in intestinis residebunt, aut quo oportebat, non distribuentur. quare indigesti uocantur non parum. qui uero in farinam bene conteri possunt, & bene cum liquidis coalescere, hi non modo cauendi non sunt, sed maxime affectandi, quoniam antipathiam tum materialem, tum spiritualement aduersus contagiones habent. tum uero & intermixti humoribus alia etiamnum ratione prohibent putrefactionem illorum. propter subtilitatem aut & tenuitatem ad quam redacti sunt, neq̃ obstruere possunt, neq̃ expulsionem ullam impedire. eiusmodi autem sunt, & phragis lemnia, & bolus armenius, & Margaritæ, & coralia, & hyacinthi, & saphiri, & tormentilla, & bistorta uocata, & cornu cerui, & monocerotis, & scordium, & id genus multæ.

De smaragdo autem specialiter dicendo, ego quidem ab antiquis nullam talem attributam illi prerogatiuam inuenio, qualem recentiores quidam medici attribuuunt. quoniam autem de rerum uirtutibus loqui possumus, aut per experientiam factam, aut per rationem, ego quidem super hac re experientiam sufficientem fieri satis difficile arbitror, nam & si aliqui assumpto smaragdo ter & quater uisi sint euasisse, infida tamen est ad uniuersale si illatio fiat, quoniam incertum est, per accidens ne contigerit, an per se, nisi ratio ad communem naturam fiat. potest autem ratio certe fieri q. smaragdus ualere ad eiusmodi febres debeat, q. frigidus sit & siccus, quemadmodum & de alijs dictum est. habere autem prerogatiuam super alijs tanquam sacrum quoddam antidotum ratio nulla asserri potest. quoniam an agat & per spiritualement antipathiam, nec ratione, nec experientia cognitum est. regium tamen sit medicamentum, q. magno prætio uenit, quærat autem quis et de Guaiaco ligno, et de radice Cinarum, de qua in Gallico morbo dicemus, utrum conueniant in hac febre. quoniam utrunque &

Fract.

R

DE CVRATIONE

exsiccat ualde & sudorem mouet, & putrefactioni resistit. ad quod dicimus nullam nos habere de ijs circa has febres experientiam, uerum quantum per rationem possumus existimare, credendum est utrunq; ualere ea in re plurimum. et guaiacū quidem quia ex subtilissimis partibus constat calidis ac siccis, propter quas, et ualde exsiccat, et sudorem ciet. est etiam & resinosa ea arbor, quare mire & ad contagiones ualet, decoqui autem in aqua debet permisto etiam aceto, ne febrem augeat, qua de causa cōuenientior etiam erit, ubi pituitosior sit sanguis. Radix uero Cinarum siccissima quidem est, resinosa autem non est, nec calida quantum sensu percipi potest. quare et dubium est quomodo sudoris adeo promociua sit. Fortasse igitur eorum est, quæ potentia talia quidem sunt, sed remote, hoc est quorum calidæ partes tarde actu fiunt, propter quod & ipsa sudorem mouet, quæ separata mistione actu tandem fiunt igneæ et subtilissima partes, uel forte, & si particula ex quibus constat perse calidæ non sunt, propter siccitatem tamen & tenuitatem accenduntur a calore nostro, & ita sudorem mouent. & ipsa igitur conuenire his febribus potest, quoniam et ualde exsiccat, & sudorem faciat, & foramina cutis aperiat.

Ex syrups aut ualent acetosus, & oximel, et de fumo terre, de epitimo, de cūro, de acetosa, de lupulis, de cicorea, de pimpinella, quæ ad cenantbes genus referri potest, & appellari cenantilla. tum & qui de bizantijs dicitur, & de eupatorio, de thymo et eiusmodi, aque uero sunt boraginis, melisse, cicorij, cicerbitæ scabiosæ, cardi benedicti, calendula, lūiulæ, trifolij, Gallicæ acetosæ cap. v. lupulorum, eupatorij, camedryos, pētaphylli, lapathi, maioranæ, calamanti, pullegij. Decoctio optima quæ habet Agrimonie, cicoreæ, cicerbitæ cap. v. recentium Trichomanis, scordij, dictamnifretici. añ. M. i. tormentillæ bistortæ, añ. unc. 5. ligni aloes, casie lingnæ, squinanti, calami, gummi añ. drach. ij. radicū cānarum drach. iij. infundantur omnia per diem in aque puræ lib. x. mox fiat decoctio ad sufficientiam, cuius decocti colati unc. v. cum syrupo de citro unc. i. exhibe in aurora. puluis optimus, terre lemnie, boli armenij, tormentillæ, scordij, cornu monocerotis, uel ceruifañ. de quo drach. i. accipiat cum aqua rosacea unc. ij. aceti unc. i. Expertum quoque est, succi lūiulæ unc. iij. aliud uilius quidem sed non minus ualens Tormentillæ bistortæ, añ. drach. 5. detur cum aqua cardi benedicti.

Interea uide si quid natura mouet, & per quam uiam. si quidem enim erit sanguis, qui erumpat e naribus siue multus, siue paucus, neque iuuato, neque retineto, nisi uirtus cadat, si uero multa & corrupta per

aliud materia exiuerit, neque hanc comprimito, nisi uirtus collabens poscat. at uero si lenticulae expellantur, eas quidem iuuare oportet, si natura pigra est, cum ijs quae ad cutim mouent, & contagioni simul contraria sunt, quale est dictamnium et costum, et radix perfonatiae, & cantharum radix, & eiusmodi. Solent & accidentia quaedam conuolui hae febres, inter quae est delirium, quod tam et si rarissime frenesim sequitur, diuertendum est tamen propter dictam causam. atque haec quidem satis iam sunt de puncticularibus febribus. nunc ad uere pestilentes pertranseamus.

De curatione uere pestilentum febrium. Cap. 7.

Longe maior sollicitudo et cura esse debet tum publica, tum priuata circa eas febres, quae proprie pestilentes dicuntur, si medici & alij ad eas secure adire auderent. quia de causa multi egrorum miserabiliter pereunt ab omnibus destituti. quoniam igitur contagio haec saepe ab aere originem trahit, saepe ab uno ad alium transit, saepe concipitur fomite, nonnunquam & in nobis primo oritur, in primis non praetermittenda uidetur ea curatio, quae praeseruat. procurandum enim in primis est ab ea non capi, quando ubi quis captus est, ut plurimum etiam perit. Ergo si aeris uicio pestilentia contigerit, quod raro quidem fit, tum nullum est salutarium remedium, quam ut in prouerbio est fuga, & inquisitio salubrioris aeris, quod si fieri non potest, neque enim semper & urbes, & supellectiles, et domus, & chari relinqui possunt. ut saltem aerem tempera per ea quae dicta sunt.

Proderit & latos stipularum incendere campos,

Et nemora intacta, & sanctos exurere lucos.

Illud quoque peruide, nunc ex alia regione defratur ad tuam cōtagio, cui contra fenestras occlude, & partes domus auersas habita. tum fomes oīs tibi cauendus erit, ligna, uestes, & oīa quae pestilentes tractauere. quae de causa sapientissime agunt ille Respubl. quae consuetudine et legibus prouident, ut supellex omnis domus affectae comburatur, haeredibus e publico satis fiat. uidimus anno. 1511. quum per Germanos Verona teneretur, exorta peste qua hominum ferè .x. millia periere, ex una ueste pellicea non pauciores, quam quinque & uiginti Teutones obiisse, uno defuncto alius induerat eam uestem, & hoc alius, & alius, donec monesfacti e tot defunctis uestem combussere. nec minus cauendum est, ab aere in quo aeger degit. quare ad aperta sint hostia, & fenestrae, praecipue

DE CVRATIONE

quæ in boream spectant. circa agrum sint flores & fructus odorati, & frigidi, rosa, ligustrum, nymphaea, viola, citria, limones, poma apia, uolema, cydonia, persica. fiant & suffitus ex aqua rosata, campbora, & cariofilis. melius autem est, si potes, agrum nullum uisere, conuentus hominum fugere, domi manere, quæ munda sit, quæ probe perstet, tum non incaleras multum, ne cutis foramina ad hauriendam contagem aperias. quo uero & qui inspiratur aer, sincerior ingrediatur. tu quidem semper ore uersato aut iuniperi grana, aut gentianæ radicem uel galangæ, uel cassiam ligneam, uel macerem, aut semen citri. Nares quoque tangito spongiola aceto & aqua rosata infusa. Indumenta mundissima uestito, & non e lana si potes, sed e serico, quæ etiam sæpius mutato, nec laudem qui inedia quæ-runt siccum corpus facere, quoniam uenas inaniunt, & auidas attrahendi reddunt, neque tamen crapulam uolo, sed uictum, qui parcus sit non alienus a consuetudo. omnes enim mutationes insolitæ cum in omnibus, tum maxime in hoc morbo dānari ab Hippocrate consueuere. Nec displicet, ut aut Theriaca, aut Mitridato, aut terra lemnia, uel bolo armenio cum aceto utaris. Vtile quoque est, & iam expertum Diascordiom antidotum, quod composuimus non solum conseruationis, sed & curationis gratia. Laudo etiam ut pilula illæ quæ communes uocantur, duæ aut tres ante cenam singulis tribus diebus capiantur. per hæc igitur procurandum est, ne æger fias. q. si quis iam factus est æger, et contagem concepit, hoc pacto regendus erit, in primis si febris ex ijs est, quæ paucis horis perdere hominem solent, qualis et ea est, quæ in Britānia sudor appellatur, nullus uictus exhibeatur. medicamentum autem ullum utrum sit asserendum habet dubitationem, & an in Britānia recte faciant nullum aliud auxilium adhibendo, nisi situm & decubitus per quem sudent. Verum meo quidem iudicio & in Britānia, & alijs locis, ubi quæ acutissime pestis concepta fuerit, bene agatur, si statim ad ea recurratur, quæ per utranque antipathiam diximus ob-sistere contagionibus feris. quale est sphragidis drach. i. cornu monocrothi scrup. i. aceti unc. 5. aquæ rosatæ unc. i. porro in Britānia si sudor forte detineatur, aut quia æger non assuetus sit sudare, ut pote dense carnis, aut alia de causa impeditus, mihi non displiceat illa adhibere, quæ diximus sudorem mouere consueuisse, & simul ob-sistere contagioni. In alijs uero febribus, quæ eam a ciuitatem nō habent, acutæ tamen respectu earum, quæ malignæ tantum dicuntur, hæc adhibeatur curatio, uictus in primis sit liberalior, quæ in puncticulis uocatis, quo uirtus custodiatur, quæ in uere pestilentibus uehementer dissoluitur. & earum analogia uel ad spiritus est, uel

uel ad acutiores humores, & putrefactio cita & amplior. Vinum tamen
 non propinetur, tam & si aliqui sunt, qui præbent, etiam meracissimum.
 non recte autem, quoniam febrem in furorem uertunt. quum præsertim per
 alia refici uirtus sine eo periculo possit. bibant ergo uel oxycratum, uel
 aquam cum uino granatorum, aut cum succo lunonium permixtam. Carnes
 si assæ sint, et aqua rosata sæpius inter coquendum irroratæ, placeant mi-
 hi magis, nec non quæ a mulieribus gelatinæ uocantur. fercula uero sint e
 lactucis, & endiuia, & boragine, & cerasis acerbis, & oriza, & pau-
 co cum pauco aceto, aut ompbacino. nec acetaria denegentur et cicorio, ei-
 cerbita, oxalide, boragine, melissophyllo, contrilla, ea quam crencanum
 rustici appellant, nec non e floribus citri, et buglosse, & boraginis, et elus
 modi. Pblebotomia mihi nulla sit in his febribus, quoniam rarissime in no-
 bis primo fiunt, sed extrinsecus ueniunt, aut e somite, aut etiam ex aere,
 aut ex uno in alium. uerum quocumq; modo accidat, seâio uene parum pro-
 desse potest, q; seminaria non possunt educi, multum autem obesse, q; &
 contagio introrsum trabatur, & sanguis non mediocriter agitetur. pro-
 pter quod non in lenticulis solum, sed & in ueræ pestilentibus febribus ex-
 perientia constat, maximam partem eorum, quibus secta fuit uena, periisse.
 satius ergo erit, & in his pcucurbitulas sanguinẽ imminuere. de pharma-
 cis quoq; quæ solutius dicuntur, eadem dicenda sunt, quæ supra diximus
 in lenticulis. nam & in his febribus controuersia est inter medicos, alijs
 per acerrima iubentibus esse euacuandum, alijs per placidissima. quod &
 nos ex nostris principijs rectius factum arbitramur, tum q; materia pauco
 indiget stimulo, ut pote plus nimio corrupta, tum q; per acria agitatio mul-
 ta in humoribus fiat, & euacuatio pauca seminariorum. quare ad materiã
 quæ in dies corrumpitur & euacuatione indiget, si uel per clysteres, uel
 per leue aliquod pharmacum corpus expurges, sat esse poterit tibi, quales
 sunt, uel communes uocatæ pilulæ, uel casta siliqua, uel etiam rhabarba-
 rum, uel syrupus rosatus solutiuus, quem ego in hac labe omnibus alijs præ-
 fero. quibus pro ætate & tempore, & morbo, & alijs uti poteris uel quom-
 tidie, uel tertia aut quarta quaq; die, ut expedientius tibi uidebitur. his
 ergo rite perspectis, extinctioni contagionis intende studium omne et cu-
 ram omnem conuerte, quare nec communia digerentia curato, sed syrupos
 (ut medici uocant) longos conficito, rgrum coge, ut inde die noctuq; bibat.
 non solum autem, quæ in lenticulis dicta sunt, remedia hic etiam adhiberi
 possunt, sed & si aliqua ualentiora sunt, eligenda erunt tibi. eapreæsertim
 quæ omni antipsethia iuuant. Aquæ igitur sint oxalidis, liniuæ, cicerbitæ,

est utendum. si igitur per hæc facta aliquantulū ægritudo videbitur spem aliquam polliceri, per eadem remedia repetita curationem absolue. sin autem contumax adhuc et nihil parens remedijs apparebit, ego (quod in medium afferam) non aliud maius remedium excogitare scio, q̄ hoc, quod habet, succi lujule unc. ij. succi citri unc. i. Diascordij nostri. drach. i. specierum cordialium e gemmis scrup. ij. aceti unc. i. omnia bene misceto. Et totum haurito, quod si nihil inuabit, scito morbum esse maiorem q̄ humana remedia. sunt qui in smaragdo maxime confidunt, qui in bolo armenio, qui in scordio, qui in dictamo nostra. Habet autem diascordiom nostrum, cinnamomi, castæ lignæ añ. unc. 5. scordij unc. i. dictami cretici, tormentille bistortæ añ. unc. 5. galbani, gūmi añ. unc. 5. opij drach. 1. 5. styracis drach. iiij. 5. acetosæ drach. i. 5. Gentianæ. unc. 5. boli armenij unc. 1. 5. terræ sigillatæ. unc. 5. piperis longi, xinziberis añ. drach. ij. mellis albi diffumati lib. ij. 5. uini aromatici lib. 5. zuccari rosati lib. i. m.

De curatione phthisis quatenus contagiosa est. Cap. 8.

NVnc de phthisi prosequamur non quatenus aut a catarrhō, aut ab alijs dependet causis, sed quatenus e contagione concepta est, Et ab ea perse pendet. multum enim interest utro modo sit facta. nā quæ in contagione perse consistit, eo qui accipit nihil male prius affecto sed sano cōcipi potest, quare et catarrhus Et alia si superueniant, accidentia quodammodo sunt, Et perse curationem primariam non possunt, ad quæ si communia remedia adhibeas, caput uras, sinapismis exsterces, sputum facile reddas, frustra omnia tentabis, nisi contagem quatenus contagio est, interimere studeas. Ergo in ea phthisi, quæ uel a conuersatione cum phthisico, uel a fomite aliquo contracta est, Et illa in primis consideranda sunt, quæ in uniuersum diximus esse in contagionibus animaduertenda, seminaria scilicet, materiam quæ in corruptionem tendit, et eam quæ iam corrupta est. si igitur circa initia curationem aggrediaris, tum ad sola seminaria attende, quæ si extingui quidem possent per urentia, nihil præsentaneū magis afferri remedium posset, uerum quum hoc locū non habeat sine maiori periculo, potes tamen per aliqua, quæ proxima sint urentibus curationem moliri. quod uideo Et antiquorum nonnullos ausos fuisse, iubentes sandaracæ nidorem per anhelitū in pulmones trahi. quum autem sandaracam dico. non eam intelligi uolo, quæ uernix uulgo uocatur, sed quæ auripigmentū nobis dicitur. porro nec per auripigmentum

nolim a se accipi priorem illam speciem, quæ citrina est, sed alteram quæ est rufa, & proprie sandaraca uocatur. huius ergo suffitu si utaris non parum proderis tantę contagi. proderit autem et Ari uel alterius dracunculi radix in eclegmate uel decocto aliquo oblata. similiter & iris, et scordium, & dictamum creticum iuuabunt, & diascordiom, & theriaca, & similia. q. si morbus ultra principia iam progressus uel catarrhū mouerit, uel aliter in loco materiam collegerit, tum simul & ad seminaria, & ad materiam potes animaduertere, ac catarrhum quidē ijs omnibus ingenijs regere, quæ medici docent, diuertendo, sistendo, exsiccando, euacuando. collecta uero materia si crassa, si uiscosa est, digeri, et præparari debet, ut per conuenientes regiones expelli possit. sed id semper ante oculos habe, ut contagionem & putrefactionem prohibeas, et seminarijs obstitas. quare hoc in casu resina maxime mihi placent, quæ oēs intentiones cōplectuntur, ante alias. Terebinthina, mox laricina et abietina, tum uero et myrrha & styrax, & reliqua. possunt autem uel perse administrari, uel admista alicui ex prædictis pulueribus, qualis est bolus armenius, & sphragis, & scordium. euitentur autem aspera & stiptica, quæ spuitionem impediunt. propter quod nec malum erit semper admiscere aliquod leniētium, ut mel uel saccharum. Decocta quoque ualde mihi laudentur, quoniam maxime penetrant. optimum ergo erit scordium, & aristolochia, et dictamum, & pullegium, & gummi, quæ cum saccharo ebulliant in aqua pura cum pauco aceto, de quo decocto sat erunt unc. v. sunt qui radice Cinarum utantur ad oēm phthisim, q. ualde exsiccet, & per sudorem euacuet, quod & nobis admodum placet. si uero materia acrimoniæ cuiusdam particeps sit, ea debes asferre, quæ exsiccent quidem, sed minus calefaciant, optimum & suauis est sacchari rosati unc. ij. boli armenij drach. i. syrupi de pomis. q. s. misce & utere omni hora. q. si materia iam corrupta apparebit, quod e spuito cognoscas, si flauescit, aut liuet, et fetet, expediens tunc erit euacuare, non solum per spuitionis, sed & per solutiuæ pharmaca, quæ pro re eligantur. si uero labes iam & in pulmōnem transiit, qui aut ulcus contraxerit, aut eo peruenierit, ut iam staccescat, tum scito egrum esse in magno discrimine, quod ubi apud domesticos præfatus fueris, hæc postremo remedia potes experiri. primum est decoctum hoc quod habet xiridis. cap. v. Tußilaginis dracunculi radicem, incisorum omnium manipulum. i. lapidis hamatitæ, sphragidos, boli armenij añ. uuc. 5. symphiti altea singulorum. unc. i. aluminis drach. ij. ligni gusiaci lib. 5. infundantur per diē omnia in libris. viij. aque pure, & fiat decoctum tertiā parte consumpta, de quo. unc. y. sumantur

in aurora cum iuleb uiolato. Aliud est antiquorum remedium, quod Plinius dicit ualere phtibiscis deploratis, foliorum & radicum consiliginis quantum sat est, fiat decoctio, & decocto utere bis uel ter in die unc. i. s. est autem Consiligo, quantum conijci potest, eadem, quam idem Plinius alio nomine herbam ignorans, eneaphyllon appellat, herbarij nostri caprarum, quidam & pulmonariam, non eam quidem quæ e genere buglofiflæ, sed aliam pulmonariam ita uocatam, quod pulmonum uitij ualeat præsertim suum & caprarum, quare nec ab re ab herbarijs capraria uocatur. Eneaphyllon autem etiam uocata fuit, q. folia nouem habeat, diuisa Hellebori modo, alia longiora, alia breuiora quales digiti sunt in manibus, sunt autem oblonga, per ambitum serrata, angustiora quàm hellebori, atre uirentia cum leuore, flores quales hellebori, e folijs albicantibus quattuor constâtes, ac ueluti calathum constantes. in quibus semina quattuor iuxta posita quasi racemus suspensa sunt, quare genus quoddam hellebori uideri potest. Hanc & Ruellius significare uidetur, quum describere uult pulmonariam a ueterinarijs uocatam. est autem urentis uirtutis, qua coniectura quum & folia nouem sortita sit, eandem esse putamus, quæ a Plinio eneaphyllon dicitur. Tertium remedium habet Axungia unc. iiii. butyri unc. ii. terebinthine unc. i. styracis liquide unc. s. Iridis thuris aristolochie enule singulorum drach. ii. argenti uiui unc. i. fiat unguentum, e quo brachia interna tota & dorsum inunge, seminaria contagionis absument, et materiam corruptam per sputum multam educet, uerum caue ne hectica febris adsit. hæc ergo ea sunt, quæ mihi notanda uisa sunt in phtibsi per contagionem accepta, quæ curatio etiam ad omnem phtibsim accomoda esse poterit, quæ ad id iam uenerit, ut contagionem inferre apta sit, quocumque modo contigerit ab initiis.

De curatione rabidorum,

Cap. 9.

MOrbi quidam sunt, quibus nisi illico (ubi apparuere) succursum fuerit, sera præterea sit medela omnis, quales carbunculi quos anthracas graeci uocant, et cancrena, & præcipue rabies de qua nunc agitur. qua de causa omnibus uulgo esse notos hos morbos oporteret, & nota quoque remedia ea, quæ statim sunt adhibenda, quod in rabie sacerdotes melius instituere quàm medici ad quos statim deducuntur, qui demorssi sunt, quos curant tum religione, tum medicorum officio & instrumentis utentes. urunt enim & ipsi locum. Ergo circa rabiem

Fracast. S

illud primo publicum sit, illico si fieri potest, locum demorſum urendū eſſe: rectius autem fiet, ſi prius ſcarificato uulnere ſuperponatur cucurbitula magna, quo extrahatur uirius, mox uratur ita profunde ut putare poſſis uſtionem ad ſeminaria ipſa pueniſſe, illa animaduerſione habita q̄ liberius fieri poteſt, ubi caro multa eſt, parcius ubi nerui multi & uene, ferro id candenti aut argento, aut auro fiat, q̄ ſi cui nimis impium uideatur, poteſt urentibus medicamentis conſicere: ubi locum inuſſeris curato uti decidat cruſta per braſicę folium butyro illitum. Interea tamen ſuperpone unguenta, quę ſimul euocent & exſiccent, ſi quid forte ſeminariorum circa locum relictum fuerit, hæc circa initia faciendū ſunt, uerum illud non ignorandum eſt, principia eius morbi ualde ambigua eſſe, & latentia, in quibusdam enim uſq; ad dies duos protenditur principium, in alijs quoq; ad quatuor, in nonnullis & amplius, prout et morbus in alijs magis, in alijs minus, acutus eſt, quare expedit morbum noſſe ne te principium fallat, & quantum protenditur, in ipſo enim ſi debita adhibeantur remedia, totius interſicietur morbus, ſi uero iam principium præteriſſe putes, & contagem iam altius radices egiſſe, urendus quidem non eſt locus, quoniam agitatibitur uenenum magis introrſum, conſulo tamen, ut ſcarifices, & ſupra ponas emplāſtra, quę euocent, & exſiccent, quin & ueſicas etiam inducant, quę eſt quod habet Galbani, ſerapini, opoponacis ſingulorum unc. ſ. euſoribij drach. i. iridis, xiridis, ariſtolochie, gentiane ſingulorum drach. i. niatri ſulſuris ſingulorum ſcrup. ij. cerę quod ſufficit. Quoniam autem ſeminaria omnia contagionum materiam ſibi analogam inſiciunt & corrumpunt, exiſtimandum eſt per proceſſus morbi, partem materię parari ad corruptionem, partem corruptam eſſe, quare et per ea, quę prohibent putrefactionem procedere neceſſe eſt, et per ea quę euacuant, quę uero omnium conuenientiſſima ſunt ad euacuandum, ſunt Hierę, tum Archigenis, tum quę diacolocymbidos uocatur. atq; item helleborus quo præſtantius nihil eſt in hac labe, ſi in ſero lactis exhibeatur, ualet & Epithimum, & in uerſum quę melancolicum humorem purgant. Contagem autem prohibet, quę probe exſiccant, inter quę antipathia quadam peculiari laudant omnes cinerem ſtomialium cancrorum uſtorum. laudant pariter & Gentiane radicem ſue per ſe ſumatur, ſue cum prædicto puluere in uino albo, quędam & Tibus admiſcent, quo medicamento utendum eſt omni tempore morbi. Commendant & Alyſſam herbam, quę nomen etiam ſortita eſt, q̄ ſine rabie hominem faciat. Arabes alguaſcen appellant, in qua non parua ambiguitas eſt inter medicos, primum quidem utrū eadem ſit Dioſcoridi &

Plinio Alyssum, deinde & quæ nam apud illos sit. Plinius siquidem folia Alyssum dicit in orbem esse circa caulem qualia in Rubia cernuntur. Dioscorides autem dicit rotunda esse. Aliqui Plinio Alyssum esse putant rubiæ genus syluestre quod medium est inter sativam rubiam, & Aparinem, quod certe nec folia rotunda habet, nec traditis a Dioscoride conuenit, qui de rubia agens utrunque genus prosequitur, mox de Alyssum seorsum tractat, propter quod alij eam pro Alyssum ostendunt, quæ Liliæ ab herbarijs uocatur, non quæ apud Ruellium est liliæ, sed aliam, cui flos est albus, uerum & huic folia rotunda non sunt, sed oblonga in acutum desinentia. sunt qui putent esse eam, quæ Asperula uocatur, minor paulo quam aparine, folijs in orbem positis, rotundioribus. porro difficultatem etiamnum auxere Paulus & Aetius, qui de Alyssum agentes concordēs uolunt Alyssum esse Syderitem Heracleam. Galenus quoque libro secundo de Antidotis eam describens non aliam significare uidetur, quæ Syderitem illam, quæ Heraclea uocatur a nobis uulgo Sclarea, in qua non parum fallitur in ditio nostro Ruellius putans sclaream nostram non esse Syderitem heracleam sed Horninum, de quo plura in alijs diximus. quare nomen Alyssi apud posteriores græcos aliter uidetur acceptum quam apud Dioscoridem, qui de heraclea seorsum, & de Alyssum peritratat. porro nec folia rotunda Syderitis habet nec semen in latitudinem se pandens, sed rotundum, nisi quis dicat Dioscoridem ueluisse quandam Heracleæ speciem significare. plures enim sunt eius Syderitis species. una horatensis odorata, quæ herba Sancti Ioannis apud nos dicitur, maior reliquis, caule & folijs, alia est pratensis, quæ proprie sclarea dicitur, folijs asperis oblongis ad satiuam accedentibus, caule quadrangulo, uerticillis in orbem per interualla circa caulem dispositis, in quibus flores purpurei sunt, subcerulizantes, falcati ad aquilini nostri effigiem, quales & in satiuæ spectantur. alia est nemoralis floribus exalbidis subpallentibus cæterum uerticillis, & folijs prædictis similis. est postremo & montana Syderitis in totum pratensi similis, nisi quod folia rotunda gerit, & uerticilla minora, in quibus flore abiecto semina sunt in involucro bina ceu scutula, mulieres hanc & in hortis ferunt, ac Betoniam eam falso nomine appellant. hanc ergo fortasse opinandum est Dioscoridi primum, mox Galeno & alijs fuisse Alyssum, quæ & Syderitis quedam est, non ea tamen, quæ simpliciter Heraclea intelligitur a Dioscoride, de qua præterea diximus. quicquid igitur de Alyssum sit, non errabunt iudicio nostro, & qui minorem Rubiam uel contusam, uel ex aceto

DE CVRATIONE

potam exhibebunt iu rabe, quando & contra serpentes ualeat. nec illi pateriter qui syderitem, quoniam & illa mire deficcet. Laudat Aetius exapertum senis cuiusdam oxylapatbum, quo tam introrsum quam extrorsum utebatur. non est autem oxylapaibum, quæ acetosa uocatur (oxalis enim ea est) sed illud quod & folia & semen acuta inter lapatha habet.

De curatione syphilidis seu Gallici morbi.

Cap. 10.

Nunc ad eas contagiones transeamus, quæ extrema magis occupant, incipientes a syphilide morbo nouo, in cuius curatione nec plane medici consensere, præsertim quum primum in lucem uenisset. nam sicuti in illius cognitione confusi plurimum extitere ac discordes, ita & in curatione non eadem arbitrati sunt. qui enim adustionem putabant illius causam, per ea etiam medicabantur, quæ aduersantur adustioni, non solum nihil iuuantes, sed mirum in modum malum augentes. qui uero existimabant esse idem cum Elephantia per uinum uiperatum & uiperæ carnes curandum præcipiebant. alii quietē iniungebant, alii et balnea frustra experti sunt. alii doloribus solis intenti reliquam curationem negligebant. donec empirici a similitudine quadam eius morbi cum scabie fera permoti, ausi sunt priniper caustica morbum curare. multi mox largius de tota curatione scripsere, inter quos & nos carminibus nonnulla primum lusimus, quum iuniores essemus, ac ciuitate pestilentia graui uexata rus secessissemus, ubi ad eam rem etii multum nobis dabatur.

Quoniam uero Poetica, ut supra diximus, nec omnia admittit, nec prosequitur, necessarium quæ nobis fuit plura tum relinquere, nunc quidem si rursus ea curatio pertractetur, & non poetice sed medicæ maius operæ pretium fiet, præsertim quod nec ea de re recte agi posse uidetur, nisi contagionum natura bene perfecta fuerit.

Qui igitur recte curare hanc morbi uolet, ad hæc in primis aduertat necesse est. primum quid ē utrū recens sit agritudo, an inueterata, & quousque processit, & ad quæ membra, si neruosa iam occupauit, si ossa corripit, tum & si benignior est, an fra, & si multæ materiæ est, an pauca, & an tenacis, an tractabilis magis, tota ne extrorsum sit, an & introrsum, & si ulcera multa sunt, & an plus dolorum quam pustularum, uel contra, similiter & gummositatum, et ut uno uerbo dicam omnes differentie eius morbi ante oculos habende sunt. maxime autem analogia, nam tam et si ad phlegma crassum et sordidum per se sit, non una tamen est phlegmatis eius ratio,

ratio, ut dictum est. præterea et alia uniuersalia considerata sunt, etates
 sexus, anni tempora, complexionēs, & id genus. neque enim omnibus om-
 nia conueniunt. His ergo bene perspectis, scito eam labem quam iam obi-
 bus insedit, extra speciem esse, nisi forte ea ossa uri possint. quare aut eam
 curationem rejice, aut malum reditūrum prænuuntia. ea etiamnum diffi-
 cilior est, quæ est inueterata, et quæ a multa et tenaci materia pendet. quæq;
 multas gummositates habet, & me lancolicum hominem tenet. quare dif-
 ficioribus difficiliora etiam remedia sunt adhibenda. particulatim autem
 prosequendo, aer primo ne impurus sit, non austerinus, uerum tamē ne au-
 strinum fugias. ualde borealem et frigidum eligito, ocia porrò omnia, om-
 nis ignauia & desidia tibi fugienda est, tibi omni studio, omni conatu exer-
 cendum, laborandum, sudandum, hoc dico, hoc hortor, hoc iubeo, curre, sal-
 ta, uenare, pilam, luctam, gladiatoriam exerce. per hæc materiam segnem
 liquefacies, attenuabis, & expelles, ac cum ea & seminaria contagionis.
 sed ita hæc facito, ne quum remittes, protinus frigeas, & ocium ducas.
 sed pulatim a fatigatione ad quietem te transferro, pannisq; obsepito, ca-
 lido in loco morator, quin & in ipso exercitio (si fieri potest) locum frigi-
 dum non desidero. Ad hæc consuetæ corporis expurgationes procurandæ,
 quæ per nares, quæ per cutim, quæ per palatium, quæ per aluum, & si quæ
 aliæ sunt, ut hæmorrhoides & menses, & reliquæ. nihil uero superfluum
 exeat, præsertim eorum, quæ per Venerem dissoluuntur, uigiliæ uti nimis
 esse nolunt, ita nec nimius sit somnus, non interdiu factus, non statim a ci-
 bo. curæ nullæ, nullæ sollicitudines adsint, nulla studia animum occupent,
 nulla demum assidua mentis intentio. Cibaria uero magna cura paranda
 sunt, atq; eligenda, atque in primis neque tenuem dietam, neque crapulam
 uolo. in uniuersum autem uitanda sunt putrescibilia, dura concoctu, quæ ui-
 scosa, quæ mali alimēti sunt, tum quæ exurunt quod in sanguine dulce est,
 quare & lac, & oua, & fructus, & leguminum omne genus, & pastina-
 ca omnia, & suille, & taurinæ carnes & pisces, & id genus omnia su-
 gienda. piscium tamen (quoniam sepe ijs uti necesse est) minus malicerunt,
 Gobij menæ, passerēs, scari, perçæ, merule, turdi, aselli, auratæ, phycidos,
 & fluuijs & lacubus uocati Temali & strigli, & lucij, & cauacini, &
 barbuli, & sardellæ, & carpij. e carnibus quadrupedum quidem postha-
 bitis pedibus, capitibus, locinoribus, & intestinis, conuenient hædi uituli,
 binuli, lepusculi, tum pulli gallinacæ, phasiani, perdicum genus utrumque
 hoc est, quæ quaternices uocantur uulgo a nobis, & quæ dicuntur perdi-
 ces. item & turdi, & merule, attagenes, hortolani, galericæ, fixæ dulcæ,

et auicula nemorales, et reliqua quæ nota esse possunt. Vinum ne generosum sit, sed tenue magis, album, quod et si aqua mulsauti quis uolet non male faciet.

Quoniam autem (ut diximus) analogia eius morbi ad phlegma sordidum et crassum per se est, ad hoc quidem præcipue dirigenda intentio est, in quo et seminaria contagionis continentur, et pars iam inficitur, pars infecta et corrupta est. quare et ad hæc tria sicut et in alijs, animaduertente neceße est. ac ad seminaria quidem expeditissima esse potest curatio, si ad prima morbi initia acceperis, quæ interdum cognosci possunt, interdum non, nam suspicio quidem multa, et iudicium uerisimile esse potest, quum quis se permittum nouit cum infecta, certissimum uero quum iam et caries quædam circa pudenda obrepit. confestim igitur ea pars lauanda est per aquam rosacea, mox rursus lauanda et fouenda decocta ex alumine et erugine aris, aut inungendum circa pubem totum unguentum, quod ad eum morbum confici solet, de quo post dicemus. tum et per os aliquid eorum sumendum est, quæ contagioni obsistunt, qualis est Theriaca aut Mitridatium. forte enim per hæc ita seminaria morbi absumes et interimes, quod non ultra procedet. si uero morbus iam non circa principia fuerit, sed alius radices egisse cognoscas, et iam aut dolores, aut pustulas, aut alia indicia adesse, tum non sola seminaria respicere debes, sed simul et materiam, quæ partim inficitur et periclitatur, partim corrupta est, seminaria tamē nunquam nolunt posthaberi, sed semper aut interimi (si potest) aut frangi, aut educi. materia quæ corrupta est educi uult, quæ uerò inficitur restitui, aut et educi si multa est. quoniam autem crassa est et sordida in multo lentore consistens, nec restitui, nec educi potest, nisi subtilietur et abstergetur, quinimo nisi colliquetur, ita ut ab ea sordicies omnis abstergi possit, et aut exsiccari, aut in sudorem abire. Verū quia permista sunt omnia, tum seminaria, tum materia pro lentore, amplius et simul sunt pustule, et dolores, et sepe gummositates, uidendum est si quod unum ingenium et remedium est, quod omnia exequatur, et omnibus ualeat. an plura requirantur, et quæ ea sint. nam sunt qui tentent per purgationes solas omnia absoluere, alij per inunctiones, alij per suffitus, alij per ea, quæ in sudore conuertunt materiam, alij per ea quæ obsistunt contagioni, alij uero modo uno, modo alio auxilio ad diuersa utuntur. quare de his omnibus diligenter querendum uidetur. primum autē ab euacuatione ordiamur. quā unam sufficere ad totam curationē aliqui opinati sunt. quod certe et nos in quibusdā feliciter cecidisse uidimus, in quibusdā autē non suffecisse. supponamus autē curam

in oibus tum maxime in hoc morbo prius digerendā preparandāq̃ esse materiā, quæ educenda mox est. oportere autē calida esse quæ huic malo cōueniant attēnuatiua, et ut dicunt incisoria, qm̃ materia lēta est, et sordida ac segnis. optima igitur erunt oxymel, et mel rosatū, et syrupus de prassio, de isopo, de betonica, de calamēto, de epibīmo, de lupulis, et consimiles quibus aque addantur iridis, enulæ, epibīmi, agrimonie cap. v. feniculi, apij, pullegij, origani, pimpinellæ, cardibndicti, cicerbitæ, chamædrios, aut fiat decoctū ex eisdem, et scordio, et dictamo cretico, et thymo, et betonica, et schinātho, et nerbena, et syderite heraclea, et anomo, et agalochō, et eius modi. potes eodē tpe digere et materiam p̃ inunctionē hanc uel cō similem, succi rutæ, succi inulæ añ. unc. i. theriacæ unc. ij. thuris. drach. ij. piperis drach. i. axungie, medulæ uituli, butyri recentis singulorū unc. i. olei chamæmelini, irini qd̃ sufficit. ex hoc inungatur dorsum, brachia, et crura, conuoquet materiam et dolores leniet. Ergo digesta materia euacuanda est. e simplicibus uero quæ præcipue ualeant, sunt colocyntibis, et hermodactylis, et helleborus, et agaricus, et aloë, quibus admiscēda sunt, quæ simul liquefaciant, et dissoluant, qualia serapinū et galbanū, et bletū, et opopansacū, et hammoniacum, et myrrba, et luser, et eiusmodi. ex compositis autē consuetis sunt aggregatiue pilule, et de hermodactylis, et artheeticæ, et inde et de lapide lazuli, et de benedicta et eiusmodi, tū et electuariū indum et samec et de benedicta, et theodericum, et hiera diacolocyncytibidos, et hiera a Scribonio descriptæ, et alia multa. Facta igitur prima euacuatione restet illi mihi uidentur facere, qui et rursus concoquant, ac rursus purgant. uidimus enim qui satis exacte purgationibus probe fuerint restituti, aliqui secundos syrupos faciunt, simul etiam solutiuos, addentes ipsi aut Senam, aut agaricum, aut hermodactylos, aut hellebori scobem uel diebus singulis, uel alternis, quod etiam laudem.

Si igitur una hæc curatio sufficere uideatur, reliquis parcemus. sin autem non sufficere, ut profecto per plurimum accidit, ubi aut inueteratus sit morbus, aut materia crassior et tenacior, tum alia tentare remedia oportet. quare et reliquæ examinemus. sunt qui statim ad inunctiones se illas transferunt, quæ e causticis fiunt. quod et primis tēporibus maxime factitabant, sed certe satius ego existimo illa prius experiri, quæ et minus acerbæ sunt et nullius periculi, qd̃ quidam felici satis successu sepe fecere, post purgationes aromatica quædā exhibentes, quæ tū exsiccat et abstergunt, tū subtiliat et cōfortant. talia sunt calamus aromaticus, macer, agalochū, cassa, zedoaria, zinziber, schināthum, iris, et alia quorum decoctum mire

DE CVRATIONE

uidetur conferre. aliqui solo ligno Iuniperi multos sanauere, alij cupresso, alij citro sola, quorum scobe non alio utuntur modo, quàm quo & Guaiaco. de quo iam dicendum quando inter alia maxime in usu est. Desertur ad nos ea arbor ex Hispana uocata insula noui orbis & adiacentibus, ubi & morbus maxime familiaris est. optimus autem, quæ ex ea insula, quæ Beata uocatur.

Delata differentie sunt multe non negligende, nam primis temporibus trunci magni crassiq; afferebantur & antiquissimi, quibus albi parum, nigri multum inerat, nunc rami fere portantur recenter cæsi, in quibus albi multum, nigri parum spectatur, hi amariores longe sunt, & stiptici magis, antiqui acuti magis, quàm amari uel stiptici, magis etiam resinosi, abijciebatur primis temporibus summus cortex, nunc maxime is assuitur, maiore etiam prætio quàm reliquum lignum.

Videtur autem hæc arbor omnia aptissime præstare posse, quæ in hoc expetuntur morbo. nam quoniam e subtilissimis constat partibus, & ijs calidis circa tertium gradum, & siccis, tum & resinosa est, potest quidem plurimum exsiccare modis omnibus, hoc est per caliditatem, per siccitatem per se, et per imbibitionem, potest et sudorem prouocare, tum & subtiliare, & liquare materiam, & abstergere, ac demum, quòd simul resinosus sit putrefactioni & contagioni non parum obistere. uidetur autem & uim quandam medicatam habere, propter quod & aluum mouere solet. ceterum illud notandum est, quòd antiquum lignum, quòd acutum magis sit, etiam dissoluit, eliquat, & subtiliat magis, quàm recens. quare ubi crassior sit materia, & gummositates multe, id magis est eligendum. recens uero exsiccatur quidem magis ea siccitate quæ per qualitatem siccam potest, minus uero per eam, quæ sit a caliditate. quare simpliciter exsiccatur minus, quoniam quæ a qualitate ipsa sicca sit actio, satis pauca est comparatione illius, quæ a caliditate fit. confortatur autem magis, propter stipticitatem. quare ubi delicatior esset complexio, & desideraretur confortatio membrorum, materia autem subtilior esset, eligendum quod recens uenit.

Cortice quoque indifcrete multi utuntur, putantes exsiccare magis, quoniam siccior uidetur, sed certe siccior & hic est ea siccitate, quæ a qualitate sicca fit, & ab imbibitione, non autem ea quæ a caliditate. quare & minus colliquat & subtiliat minus, & dissoluit, & sudorem minus mouet. quocirca & de ipso idem dicatur, quod de recenti dictum est. e ligno præterea antiquo decoctio fiebat multo limpidior & multo acutior, quòd propter densitatem eius ligni minus de scobe admisceretur. plus au-

tem acrimonia, quod calidius est. e recenti autem & e cortice plus administratur scobium, quare turbidior sit aqua & amara magis, minus autem acris, quod tale sit id lignum & cortex, minus etiam ex hoc de spuma colligitur, quam ex antiquo, quoniam in antiquo plus est de nigra substantia, ubi & plus resine inest. quare sepe miratus sum, cur tanta mutatio eius ligni sit facta, & quomodo cortex qui abijci solebat, nunc in tantum pretium uenerit, nisi quod natura medicorum est noua semper inducere, perque & plus auctoritatis & plus lucri acquiritur. eadem innouandi cupiditas aquam in quo coquebatur, mutauit in uinum, quod rursus indiscrete a multis non sine magno periculo usurpatur. uidimus enim multos e potu uini illius male affectos in insanabilem egritudinem decidisse. quare qui complexionibus calidas & siccas habent, habitudines extenuatas, materiam morbi adustiores, ij cauere ab eo potu debent, securius uero ij accipient qui crassi sunt, & humidi, & quibus materia morbi segnior est, & multi lentoris, & in locis remotis. in ijs enim non inutile erit addere quod exportet uirtute ligni, et quod subtiliet etiam, et amabile membris sit, quae de causa multi & mel addunt, multi uinum non in ipsa decoctione, sed post admiscunt, quoniam simul decoctum aueterissimum, & ingratiissimum facit potum.

Preparatur autem lignum hoc pacto. Lina oportet scobes ex eo facere, non contusione, non incisione, lib. i. pulueris in libris. 12. aque infunditur per horas. 24. in olla librarum. 16. capaci, dein coquitur lento igne, collecta diligenter spuma & seruata ad usus quos dicemus, donec ad dimidium consumetur. decoctum hoc primum colatur & seruatur, tum fit & secundarium decoctum relictis scobibus iniiciendo totidem aquae libras, sed hoc si decoquatur ad quartae consumptionem, saterit. uti eo oportet loco uini, priore autem utimur ut medicamine. sunt qui in primo decocto stamul aut Senam, aut hermodactylos, aut similia concoquant. alij non haec addunt, nisi singulis quinque, aut sex diebus. ergo primi decocti dantur in aurora unc. vii. aut. viij. egro in loco calido qui nec transpiret, constituto. qui e lectulo ante horas tres non exurgat expectans sudorem. horis ab hoc potu quinque prandium exhibeatur, a prandio horis. vi. rursus eiusdem decocti unc. v. dentur, si eger ferre potest, ac post horas. iiij. cenet. primis temporibus eger per mensem integrum nunquam cubiculo exibat, nunc data est licentia maior, eo etiam tempore tantum cibi exhibebatur, quo uix seruaretur uita, quod erat panis unc. iij. uel ad summum. iiij. carnis pullinae unc. ij. passularum unc. i. uino prorsus abstinebant, loco cuius

Fracast.

T

utebantur secundo decocto, aut simplici, aut cum melle facto, nunc omnia licentius aguntur. nam & domo exire sinunt, & largius alunt. uerum qui patientius cuncta ferunt, & securius, & incolumius curantur. aliqui panem biscoctum dari iubent, quo scilicet ut arbitror, exsiccent magis. sed certe exsiccatio hæc non ea uidetur mihi quam querimus. querimus enim non eam, quæ ex alimento fit, quatenus alimentum est, sed magis illam, quæ circa humores fit, ut a medicamento. biscoctus autem panis quatenus alimentum membra exsiccat, quod non querimus, quatenus autem medicamentum (quando & ipse siccus est) & qualitate & imbibitione potest certe exsiccare, sed ad humores non transit hæc exsiccatio, nisi prius exsicceetur sanguis ab alimento factus, quare & superstitiosum semper existimaui hunc uisum & affectatum, & parum utilem. Spuma uero, quam collegisti, illinenda sunt ulcera, si qua sunt, nec non & callositates omnes, & loca quæ dolent. porro satis esse solebant huic potui dies triginta, nunc plures requiruntur, siue quod materia crassior & terrestrior facta sit, quam primis temporibus, siue quod non utamur ligno antiquo, & licentia agrorum sit maior, quæ de causa in maiori parte non semel sed bis dari hunc potum necesse est.

Si uero in uino facere decoctum placet, prius bene consule & temperaturam ægri, & habitudinem bene spectato, item & ætatem & anni tempus. potest idem decoctum fieri in aquis sublimatis endiniae et cicoræ, & lupulorum, & borraginis, & similium, quod iuuantissimum nonnunquam uidimus. atque ita se habet, quæ per Guaiacum curatio fit. quo si careas, intere uel suprascriptis iunipero, citro, cupressu, uel & Theda, & terebinto, & cedro, & ebena, uel calamo aromatico cum radice gentianæ. Nunc ad eos ueniamus, qui per sudorem curant, uic eorum multiplices, alij per ea sublimata curant, quæ Elixir uocant. omnia acutissima et ignea, periculosa quidem & uitanda. alij per ea faciunt quæ simpliciter sudorifica dicuntur, quibus & aromatica admiscunt. sic enim & putrefactioni resistunt, & materiam liquant, & in sudorem uertunt. Præstantissimum inueniuntur est radix Cynarum. ea (ut perhibent) e regione Sinarum deferretur a negotioribus ijs, qui ad Calicut et Traprebanem, & ultra nauigant. qua incolæ utuntur ad ægritudines multas, præcipue autem ad morbum gallicum, sudorem plusquam credi possit prouocat & exsiccat, quare nec mirum est si huic morbo ualet. modus utendi hic est. Radices per transuersum incidantur in assulas tenues rotundas, atque harum unc. i. in lib. 12. aquæ ponuntur in uase testaceo capaci lib. 16. ac igne lento ad cōsumptionem.

Nem tertiae partis coquuntur, decocti lib. i. datur in aurora bibenda. reliquum seruetur loco uini potandum. eiusmodi decoctum diebus singulis fit, duas uel tres horas morari in lectulo oportet ac sudare, mox surgendum si uidebitur, uerum aperto aeri exponi non conuenit, nisi post dies septem. Dantur autem toti curationi dies quinque & uiginti fere, ita quod unius quinque et uiginti tota curatio expletur. Interea omnis uenus cauenda, acerbata omnia & concoctu difficilia uitanda. si uero careas ea radice, uti potes loco eius radice cannarum nostratum, cui calamum aromaticum addas. potes et radicem personatæ decoquere, quæ mire sudorem ciet, cui si irim adiungas, uel xirim, & acorum, et calamum aromaticum et scbinanthum uiliter facies. ac decocto utendum erit per dies plures. potest et aliud decoctum fieri quod intentiones omnes complebit. Gentianæ, radicem bulæ lapathi seu bistortæ, costi, aristolochiæ, iridis, casie lignæ, scor dij, dictamni cretici, quod sufficit de unoquoque infunde decoque ut prædicta. Hæc ergo sunt, quæ factis debitis purgationibus si non recedit morbus, experiri potes, uti blandiora & secura magis.

Nunc et acerbata prosequamur, quibus primis temporibus statim utebantur, ab empiricis primū inuenta. alterū fuit inunctio, alterū suffitus. quæ quauis empirice inuenta fuerint, et assimilitudine (ut diximus) ad scabiem, habent tamen idoneam rationem, nam ex ijs constans, quæ seminaria exurunt, & totam materiā exsiccant et abstergunt, et liquant, & in sudore uertunt. materia eorum et causticis potentia est, aut e propinquis causticis, quibus adduntur cōuenientissima quæque. quæ ergo in unctionem ueniūt, alia sunt. caustica potentia, non quidē quale chalcantimum & arsenicum uocatum et sublimatum, sed quale argentum uiuum, quæ materia fere est huius medicamenti, est autem potentia causticum quæ ex subtilissimis atque igneis partibus constat, quod sublimatum ostendit. ubi igitur particule illæ intra corpus actu factæ sunt, siue quod perse sint natæ plurimum calefacere simul ac unitæ sunt, & separatæ ab alijs, siue quod minima omnia argenti uiui sint apta plurimum incallescere a calore nostro, & ob densitatem materiæ mox etiam exurere, tum quidem & exiccatio et exustio circa seminaria contingit. adduntur et quæ introportēt uirtutes causticorum et, simul emolliant materiam, quo aptior sit liquari, ut pinguis. adduntur & quæ subtiliant & abstergunt, & liquant, ac postremo quæ contagionibus modis omnibus aduersantur. tale est quo sepe uti sumus quod habet Axunxiæ porcine lib. 5. butyri recentis unc. ij. Terebinthinæ, styracis liquidæ singulorum unc. ij. Thuris, myrrhæ, masticis singulorum unc. 5.

iridis, aristolochia, gentiana singulorum drach. iij. bellebori drach. ij. sula-
 furis unc. 5. nitri drach. i. succi inulae, succi apij singulorum unc. i. olei
 laurini, rosati. q. s. aceti unc. i. argenti uiui parsomnium octaua, misce &
 fiat unguentum in mortario ferreo. possunt & leniores compositiones fie-
 ri, & diuersae formari, prout & intentiones, & casus diuersi sunt. quare
 & illud notandum erit, quod ubi plus gummositatum uidebitur, plus pin-
 guedinum apponendum erit in unguento. ubi minus gummositatum plus
 autem pustularum & ulcerum, plus puluerum apponatur, in delicatiori-
 bus uero minus argenti addendum erit, ubi uero complexio calidior fuerit,
 imponenda, quae temperent, ut butyri plus & plus olei rosacei, minus ue-
 ro exsiccantium. prius autem quam Linias exactissime purgationes pro-
 curanda sunt, & phlebotomia etiam si expedit. qui uero inungendus erit
 loco calido ponatur, inungaturq; totus praeter caput, pectus, & sub ali-
 tum stappa multa calida fasciandus. sunt qui & sacculos ex ordeo calefa-
 ctos inter coxas & sub alis, ac pedibus ponant, quo penetret unguentum
 magis & sudent melius. aliquibus in die inungunt, quod graue nimium
 est, satis erit si semel inungas. quidam & statim a prandio ungunt, quod
 & si ad sudorem eliciendum accommodatum uidetur, ad totam tamen nu-
 tricationem ineptum est. quare melius inungere per horas quinque ante
 prandium, eotempore nihil prohibet, & meracum etiam uinum concedi al-
 bum. possunt iunctioni dies. x. dari, a quibus exulcerari os incipiet, &
 sputum multum emitti, id compefcendum non est, sed sinendum, donec uia-
 deatur os male affici, tunc sive aut lacte, aut aqua ordei, & diamoro uel mel-
 le rosato. mox etiam ubi ulcerum sanatio quaerenda sit, & stipticis & alu-
 mine os ablue & gargarissa. dicendum autem et quae iuuamēta ex hoc lini-
 mento consequantur, & quae nocumenta. iuuamenta erunt, quod dolores
 miro quodam modo tollentur, gummositates dissoluentur, aut in ipsa uni-
 ctione, aut post, ulcera sanabuntur, & pustula omnes recedent. Verum
 non sine suis incommodis & malis. quorum primum est foeditas unguenti
 illius, mox grauius est, quod os & palatum exulcerantur, ac sordicies
 tanta per os concitatur per dies. 15. & amplius, ut nihil foedius, nihil in-
 tolerabilius uideatur. cibus nullus mansi potest, etiam nix sorberi datur,
 dentes luxantur, somnus adimitur, & breuiter per id tempus nihil gra-
 uius sentiri potest. mulei praeterea sublato morbo, tremuli remansere,
 multis reuixit labes. Inuenere idem Empirici & suffitum, agrum col-
 locant in matella, pannis optime circumtegunt, ut ne etiam os extet, tum
 Cynabarim cum Thuremistum urunt, quo suffitu incalescit aeger mirum
 in modum.

in modum ac sudat, acerbissimum vero est medicamentum, quo ego nunquam ausus sum uti ad corpus totum. ad certas autem partes ut crura et brachia quum uel sphaceli a sunt, uel feræ gummositates, uel dolores, uel ulcera male morigerata, etiam præstantissimum arbitror. ceterum ab eo abstinentium suadeo nec empiricis credendum, quibus nihil temerarium est magis, quando & per os etiam ausi sunt argentum uiuum, & quod præcipitatum uocant, confectis ex ijs pilulis exhibere. quasi eadem uis sit argenti uiui extra apposti, & deuorati. Utuntur autem Cynabari, quoniam & in ipso potentia est uiuum argentum.

Quærat autem fortasse aliquis utrum balnea conueniant huic morbo qualia Aponensia & Porretana aut etiam nostra, nam & exsiccare possunt, & abstergere, & subtiliare, & sudorem inducere. ad quod dicimus experientia constare nihil aut parum ea prodesse. causam ipse arbitror, quod debiliora sunt, quam ut possint materiam tam crassam, et tam lentam liquare. leuiiores quidem cutis infectiones qualis est scabies, & impetigo, & quæ ab hepatis adustione contingunt, & falso pblegmate uel nostra Calderiana tollere ualenter possunt, maiora uero non possunt. propter eandem causam & pulueres qui supra laudati sunt, contra contagiones frigidi existentes, ut bolus armenius, et sphragis, & Gemme, nihil ad hunc morbum ualent, sed solum qui calidi sunt, ut Thus & mastix, & myrrha, & seordium, & dictamum, & alij quocunque modo fuerint administrati. Sunt autem cum hoc morbo accidentia quedam coniuncta, ad quæ particulatim interdum oportet adhibere remedia, inter quæ est dolor capitis, interdum totum occupans, interdum partem, materia multa distenta & coacta supra caluariam sub pericraneo uocato, qui sepe nullis remedijs lenari solent. ad quos ego nihil inuanti inueni, quam inungere interna brachia præsertim qua uenæ cephalicæ protenduntur hoc linimento. succi inulæ, succi bionie, styracis liquidæ, Terebintbinæ singulorum unc. i. gummi eleni unc. 5. pinguedinis ursi anseris, butyri singulorum. unc. i. 5. Thuris, Iridis singulorum drach. iij. olei irini quod sufficit, argenti uiui octauam partem. Sunt sepe & gummositates tanti duricie, ut nec guaiaci spuma, nec alijs solitis linimentis auferri queant, quandoq; protenduntur per longitudinem tibie tanto dolore ut mors præferatur. quapropter ad ualentissima remedia recurrere oportet, quidam suffitus prædictos adhibent, alij accenso & caudente pyrrbite lapide spargunt decocto guaiaci, & aceti & locum fouent. Confert autem et hoc emplastrum radicis cum umeris agrestis radicis iridis singulorum quantum sat est, coque dum.

DE CVRATIONE

Tenere scant, tum libram harum accipito ammoniaci, serapini, galbani singulorum unc. ij. styracis liquide unc. i. §. pinguedinis ursti, butyri singulorum unc. i. argenti uiui quartam omnium partem misce, & pro arte emplastrum confice. interdum fauces & guttur ex prauis distillationibus eroduntur, quibus nisi succurratur, sepe garganeo absuntitur, sepe usque ad ossa transit corruptio. factis ergo purgationibus, & quas potes, diuersionibus, Gargarizzare oportet decoctum quod sit ex ligustro & plantagine & Cytinis, in quo mox alumen & sex aceti & nitrum dissoluantur cum bolo armenio.

Tangere item oportet locum, si hæc non conferunt, bombice infusa in aqua eruginis, æris, sandaracæ, et aluminis. fit & aqua ad id mirabilis, destillatur Theriaca in aqua uitæ, & acetoper elambicum, aqua exit limpidissima uirtutum multarum, præcipue autem ualens ubi profundius conducitur uis medicamenti debet. si ergo bolum armenicum aut sþragida in eo dissolueris, ac partes erosas tetigeris, et seminaria eius contagionis absumes & erosionem omnem sanabis. Nonnullis & pili cadunt, aut barba, aut superciliorum, aut & capitis, quod deformes, & ridiculos homines facit. continuo ergo e speciebus hieræ diacolocyntidos pilulas confice, & a cibo suscipe, tum Guaiacum cum mele & ladano in uino coque, & foue locum eo decocto calido. Valet & hoc odoriferum quod habet Pomatæ uocatæ unc. ij. ladani unc. §. musci gra. iij. aquæ rosatæ in qua bullierint gra. vi. sublimati unc. i. misce omnia & bene incorpora, & line. Valet et aqua prædicta & Theriaca distillata. Accidit quandoque ut adolescentuli sint, qui hoc laborant morbo uel è matre contracto, uel è nutrice, quibus prædicta auxilia præstari non possunt. his casibus ego consueui facere decoctionem Guaiaci quo pacto monstrauimus supra, mox decoctum id per elambicum in purissimam aquam destillari iubeo, ac puero bibendam do diebus singulis unc. iij. uel. iij. ea et ebibi non ingrata est, & non parum inuat. atque hæc demum sunt, quæ de syphilide morbo dicenda mihi uisa sunt.

ad quæ si quis recte respexerit compositiones multas

& uarias formare poterit, pro ætatibus &

sexu, & complexionibus, & ma-

teria, et reliquis quæ diuer-

sa quum sint, diuersa

etiam remedia

exposcunt.

QUide curatione Elephantie scripsere, sicuti materiam solam in qua consistit considerarunt, ita de ea feri sola, que in nobis primo fit, curationem tradidere. de ea uero, que per contagionem ab alio concepta est, atque ea quoque qua primo in nobis fit, quatenus contagionis rationem includit, nihil certe attingere, quod profecto par erat facere. nam in ea quidem, que contagione contracta est, sano alioquin homine existente, & melancolia non exuberante, quid per deos facies per initia? si materiam digeris, si euacues, cur & in ea, que in nobis fit, Archigenes psothris utebatur, & causticis, uel ijs que causticis propinquasunt, cur non ita in cancro operamur? quum ex eadem materia sint, certe non oportebat solum dicere, redundante in uenis melancolico humore, & non potente a splene trahi & digeri, expelli a natura ad cutim, atque illic eas pustulas facere, sed oportebat & illud enarrare, quod illic putrescit, nec solum hoc, sed quod putrescit sordida quadam & conclusa putrefactione, per quam & contagionis seminaria includit, atque in hoc a cancro differt. propter quod alijs cancer, alijs Elephantia indiget, quamquam remota in materia communicent. quapropter si alicubi audies Galenum dicere eodem modo curare oportere Elephantiam, quo & cancerum, quod ex eadem materia sint, intelligas oportet quantum ad antecedentem & remotam materiam spectat, duplicem igitur scopum in Elephantia esse scito, alterum ad materiam istam remotam, si qua est, que in corpore redundet, alterum ad materiam que circa cutim iam putrescit, & contagiosa fit. si igitur prior illa materia redundare tibi uidebitur, protinus secare non solum unam basilicam debes, sed & utranque, si expediens uidebitur, consentientibus ceteris. uerum per initia hec fiant, & quum in aliqua primo oborta est contagio, nam ubi aut ab alio accepta fuerit, aut in tantum procefferit, ut fera iam sit, tum si secabis uenam, contagem introrsum trahes, et hominem in maiori periculo statues, reliquam uero materiam digerere oportebit, & mox euacuare. digeremus autem per ea que incidunt, & subtiliant, & abstergunt, ea commiscentes que leniter humefcent. quare aptissimum erit serum caprinum, in quo decoquantur stoechas, & Thymum, & Epithimum, & saturia, & scor dium, et distillum creticum, & iris, & seris, & lichen, & stratiotis, & eiusmodi que usuranda erunt, prout & materia modo minus, modo magis exusta est.

DE CVRATIONE

syropi uero erunt, & oxymel, et quæ sit de epithymo, & de fumo terræ, et
 fabor, & de pomis, & eiusmodi euacuare autē oportebat per Hieras, qua-
 lis est diacolocynthis, & Ruffi Hiera, & Archigenis nec non, & per
 Helleborum & Epithimum, & Senā, & polypodium, & similia. Mate-
 ria uero quæ pustulas facit, & ipsa quidem digeri nult, hoc est parari ut
 absumi possit, faciunt autem hoc, quæ subtiliant & leniter molliunt. quon-
 iam uero & lentore quodam ac sorditie referta est ea materia, tum &
 seminaria contagionis includit, abstergentibus, & exsiccantibus indiget.
 exsiccantibus autem non mediocriter, sed ualidioribus et aut potentia cau-
 sticis, aut propinquis. medicamenta igitur, quæ huic contagioni ualent
 sunt, quale nitrum & sulfur, & helleborus. & cedria, & Thus, & iris,
 & argentum uiuum, & terebinthina, et styrax liquida, quibus addantur
 adipēs e quibus placeant Taurinus uulpinus, Vrsinus & Leoninus. dubi-
 tabit autem aliquis quomodo tam calida conueniant, quoniam tam mate-
 ria quam seminaria in adustione quadam consistunt, quare fieri uidetur,
 ut in utroq; adaugeatur adustio. Verum tamen uidemus & antiquos ex
 his medicamenta exhibuisse, qui & nitro, & alcyonio, & psilotris, &
 utroq; helleboro, & trochiscis Andronis utebantur. recte igitur fieri
 existimamus, ut per prædicta contagionem hanc extinguamus. sed conue-
 nientissime apponuntur aliqua quæ tum humedant, tum et aliquantulum re-
 frigerent. placet igitur ut & butyrum addatur, & mucilago, psyllij, &
 polygonati, & succus solatri hortensis & similia, ne plus æquo sangui-
 nem exuramus. præcipuum autem & in hoc uim habet argentum uiuum
 sicut & in Gallico morbo, Ad hæc autem ualet & uiperæ caro, & uipe-
 ratum uinum, & crocodillorum terrestrium & asellorum, qui sub urceis
 degunt, nec non & trifilium, asphaltite, & syderitis herba, & calamus
 aromaticus, & rasura eboris, placent & balnea tepida.

In quibus si more antiquorum inunctiones prædictæ fiant, non certe
 præter rationem fiet.

Sunt porro & alij in contagione constituti morbi ut lepra ita a grecis
 uocata, & scabies, & papule, & areæ, & ophiafes, et ophthalmie quæ-
 dam, & dysenterie etiam nonnullæ, quorum omnium curationi scribimus
 de parceremus, existimantes e prædictis uiam unicuique satis patere ad ea
 recte tractanda. quare & quantum ad institutum nostrum negotium at-
 tinet hæc dicta sint.

Ad eundem

AD EVNDEM ILLVSTRISS.
ET REVERENDISSIMVM
CARDINALEM
FARNESIUM

Hæc ego florentes sopsbie digressus in hortos
Italiæ decus o iuuenis Farnesfia proles
Condebam, lætāsque tibi de more sacrabam
Primitias, dum tu magni inter Cesaris arma
Gallorumque acies recti pacisque sequester
Res misere Europæ fractas componis, & omne
Robur, & arma dei Maumetben uertis in hostem,
Percutrisque omnem, ueluti sol aureus, orbem.

Fortunate nimis, quem cunctæ applausibus urbes
Excipiunt, pacisque uocant patremque, Deumque,
Inque caput, sacrosque sinus, humerosque, manusque
Et nigras uiolas, & candida lilia iactant.
Cui magna Italia, & terrarum maxima Roma
Assurgit, festosque dies, & sacra nepoti
Solennesque agitat pompas. densi undique circum
Stant populi, & studio ingenti & clamore secundo
Farnesium genus omne, alto de sanguine ductum
Aeneadam longa serie, super Aethera tollunt
Patres, atque duces, & partos mille Triumphos.
Assensu resonat Tybris, & Tyrrhena resulant
Littora, septeni responsant gaudia colles.

Oninium dilecta Deo, prælataque longe
Progenies, siue imperijs & Marte regende
Sint res Romanæ, seu religionis habenis.
Atque equidem e fracto imperio, Romaque cadente
Seruatam hanc stirpem, fato, statuentibus & Dijs
Crediderim, quo Romanum per secula nomen

Staret, & Ara Dei, quæ primum maxima magnis
Auspicijs fundata fuit, sit maxima semper.

Quo me Paule rapis, quo tuq; neposq; uocatis
Laudibus Heroum insuetum? tu maximus ille es
Vni cui regni triplicis capite alta tiara
Consurgit, cui summa uni terna illa potestas
Terrarum cæliq; data est uasq; profundi,
Illorumq; aperire fores & claudere posse.
Qui Petri Christi q; ratem turbante procella
Ventorum uaria, & remorian parte remulsa,
Tempestatem omnem, atq; aduersos discutis Euros.
Nec sanctam sine honore sinis, sine remige certo
Fluctibus in tantis agitari turbine cymbam.
Macte animo Romano, & macte ingentibus ausis.

At tibi quas inuenis fortunatissime dignas
Attribuam laudes, generis spes altera tanti
Inclyte Alexander? puerum quem plurima uirtus,
Canaq; consurgens teneris prudentia in annis,
Et spondens maiora astris felicibus æther.
Ad summos meritum ante annos euexit honores,
Et sacri gestare dedit decora alta galeri.
En quantum de te sacri sibi pastor ouilis
Spondet auus tuus ille, animo quæ gaudia uersat.
Forsean & proprio non tam gaudis honore,
Quàm spe sublatu tanti & uirtute nepotis,
Nescio quid maius presaga mente uoluit.
Scilicet & gnarus factorum, & prescius æui
Venturi, illa uidet falicia tempora, quum tu
Sede sua, solioq; Dei, dñs proximus ipsis
Confideas, quum pontifici tibi maximus orbis
Gratetur, supplexq; tuis ferat oscula plantis.

O mihi postreme tantum dent numina uitæ,
Ipse etiam ut tum te tremulus, confectus & annis
Aspiciam, sanctosq; pedes prostratus adorem.

O & si possim canere & tua dicere facta,
Et ventura nouo tecum secla aurea mundo.
Nam uideo sub te uictum longeque fugatum
Mauemetben se Caucaseis includere portis.
At pacem uiridi redimitam tempora oliua
Ire per Europam magnam, atque inuisere terras,
Quam pia religio, & iunctis concordia dextris
Et probitas, & Amor recti comitentur euntem.

Salue magne Tybri, salue & tu maxima rerum
Roma parens, saluete arces collesque Latini,
Aurea qui primi longo meministis ab æuo
Secula, quum nulli uariarent ingera sulci,
Sponte sua sed terra ferax daret omnia, & ipsa
Præberent dulci uictum de robore glandes,
Et nunc uenturis eadem speratis ab annis.



ERRATA ITA CORRIGENDA.

A

Car. 1. line. 12. inspero inperso

Car. 2. li. 22. extrema extimā

C. 3. cap. 4. l. 26. profecto, profecta

Et a tergo cap. 5. lin. 4. in ae=
rē, in aere

Car. 4. a tergo empedocles, De=
mocritus.

B

Car. 1. li. 15 moueri mouere

C

C. 2. line. 2. unum, mirum

et a tergo. l. ultima, sphaera aeris
ita, sphaera ita

D

C. 2. l. 18 digererint, digererēt,

Et l. 32. qui sese, quae

Car. 4. a tergo. l. 23 leuistenis.

E

C. 1 a tergo. l. 5. ipetrāte iperante

Car. 2. l. 7 motus sua, motui, Et

a tergo. l. 35 utiq; sit, ubiq;

Car. 3. l. 28 intellectus intellectui

Car. 4. lin. 2 motus motas

F

Car. 3. line. 15 confundatur, con=
funduntur

G

Car. 2. a tergo cap. ult. lin. 5. quan=
dam quasdam

Car. 3. a tergo. line. 14 calefa=
ctam, calefactum

Car. 4. a tergo. line. 22 uniuer=
sum, in uniuersum

H

C. 2. a tergo. li. 12 incipit, inficit.

Car. 3. li. 10. tum, non

Car. 4. li. 12 quā ob, quam

I

Car. 3. li. 4. sint quod, sint quera=
mus, quod, Et lin. 18 sit sunt,
Et a tergo. lin. 7 fraudulente
fraudenta

K

Car. 1. a tergo. li. 3. minus acris

q̄ acris sint q̄

Car. 4. cap. 3. l. 25 peruenisset,
peruenissent

L

Car. 3. lin. 23 coundent, redundēt

M

Car. 3. l. 12. coniuncta conuictu

Et a tergo. line. 22. sub cor=
no, sorbo.

Car. 4. lin. 25 omnisq; omnes,

Et a tergo sub corno, sorbo.

N

Car. 4. l. 9. o s, omnis Et li. 17

ad quē ad ea quae

O

Car. 4. li. 1. si uero non pituita,

l. si uero pituita, Et line. 27.

exsiccata a frigore, exsiccata,

nec a frigore.

Q

Car. 1. lin. 27 autem, aut

R

Car. 1. lin. 3 nunq; nunq̄

Car. 3. a tergo. l. 21 scilicet lini, feminis lini	Car. 4 linea. 21 samec, hamec, et a tergo, linea. 25 seccam, exsiccare.
Car. 4 a tergo. lin. 1 nolim a se, uelimate, et lin. 3. euacuet, euocet	T
S	Car. 1. a tergo. l. 12 ustum, usum
Car. 1. li. 3 at est, sat est	C. 2 a tergoli. 21 a quibus exul-
Car. 2 lin. 25 fatium, saluiam, et a tergo cap. 10. linea. 18. maius, magis	cerari, a quibus flexulcerari
Car. 3 a tergo. l. 13 decoctus, deco-	Car. 3 lin. 31 tanti, tante, et a
cto, et li. 14 totum totam	tergo. l. 5. gargaueo, gargareo
	Car. 4 a tergo. li. 23 precipuum precipuum

REGISTRVM

* A B C D E F G H I K L

M N O P Q R S T V

Omnes sunt duerni.

Venetijs apud heredes Luceantonij Iuntæ
Florentini. M D X L V I

Mense Aprili.



